

Suttantapiṭake Khuddakanikāye

Apadānapāliyā saṁvaṇṇanābhūtā

Porāṇikena kenaci therena viracitā

Visuddhajanavilāsinī nāma

APADĀNATṬHAKATHĀ

(Dutiyo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1959

© Buddhasāsana Society

Aṭṭhakathā Series 33

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ṭa	ဌ ṭha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သhya	ဠ pla	ဣ lla
ကွ kka	ဠ cca	ဏ န္ဓha	ဠ dhva	ဠ pba	လျ lya
ကျ kya	ဠ ccha	ဏ န္ဓha	ဠ nta	ဠ bbha	လှ lha
ကြ kri	ဠ jja	ဏ န္ဓha	ဠ ntva	ဠ bya	ဝှ vha
ကလ kla	ဠ jjha	တ္တ tta	ဠ ntha	ဠ bra	တ္တ sta
ကွ kva	ည ṅṅha	တ္တ ttha	ဠ nda	ဠ mpa	တ္တ strā
ချ khya	ည ṅṅha	တွ tva	ဠ ndra	ဠ mpha	သွ sna
ခွ khva	ည ṅṅca	ကျ tya	ဠ ndha	ဠ mba	သျ sya
ဂွ gga	ည ṅṅcha	တြ tra	ဠ nna	ဠ mbha	သသ ssa
ဠ ggha	ည ṅṅja	ဠ dda	ဠ nya	ဠ mma	သွ sma
ဂျ gya	ည ṅṅjha	ဠ ddha	ဠ nha	ဠ mya	သွ sva
ဂြ gra	ဠ ṭṭa	ဠ dya	ဠ ppa	ဠ mha	တွ hma
ကံ ṅka	ဠ ṭṭha	ဠ dra	ဠ ppha	လျ yya	တွ hva
ခံ ṅkha	ည ḍḍa	ဠ dva	ဠ pya	လျ yha	ဠ ḷha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Apadānaṭṭhakathā

Dutiyabhāga

Mātikā

Piṭṭhaka

Therāpadāna

2. Sīhāsaniyavagga

1. Sīhāsanadāyakaṭṭhara-apadānavañṇanā	1
2. Ekaṭṭhambhikaṭṭhara-apadānavañṇanā	3
3. Nandaṭṭhara-apadānavañṇanā	5
4. Cūḷapanṭhakaṭṭhara-apadānavañṇanā	8
5. Pilindavacchaṭṭhara-apadānavañṇanā	12
6. Rāhulaṭṭhara-apadānavañṇanā	15
7. Upasenaṅgantaṭṭhara-apadānavañṇanā	17
8. Raṭṭhapāḷaṭṭhara-apadānavañṇanā	19
9. Sopākaṭṭhara-apadānavañṇanā	25
10. Sumaṅgalaṭṭhara-apadānavañṇanā	28

3. Subhūtivagga

1. Subhūtiṭṭhara-apadānavañṇanā	31
2. Upavānaṭṭhara-apadānavañṇanā	38
3. Tisaraṅgamaṇiyatṭhara-apadānavañṇanā	39
4. Pañcaśīlasamādāṇiyatṭhara-apadānavañṇanā	40
5. Annasaṁsāvakaṭṭhara-apadānavañṇanā	41
6. Dhūpadāyakaṭṭhara-apadānavañṇanā	42
7. Pulinaṭṭhara-apadānavañṇanā	43
8. Uttiyaṭṭhara-apadānavañṇanā	44
9. Ekañjalaṭṭhara-apadānavañṇanā	45
10. Khomadāyakaṭṭhara-apadānavañṇanā	46

Mātikā

Piṭṭhaṅka

4. Kuṇḍadhānavagga

1. Kuṇḍadhānatthera-apadānavañṇanā	47
2. Sāgatatthera-apadānavañṇanā	52
3. Mahākaccānatthera-apadānavañṇanā	53
4. Kāḷudāyitthera-apadānavañṇanā	55
5. Mogharājatthera-apadānavañṇanā	60
6. Adhimuttatthera-apadānavañṇanā	61
7. Lasuṇadāyakatthera-apadānavañṇanā	62
8. Āyāgadāyakatthera-apadānavañṇanā	63
9. Dhammacakkikatthera-apadānavañṇanā	64
10. Kapparukkhiyatthera-apadānavañṇanā	65

5. Upālivagga

1. Bhāgineyyupāliṭṭhera-apadānavañṇanā	66
2. Soṇakoḷivisatthera-apadānavañṇanā	67
3. Kāḷigodhāputtabhaddiyatthera-apadānavañṇanā	68
4. Sanniṭṭhāpakatthera-apadānavañṇanā	70
5. Pañcahatthiyatthera-apadānavañṇanā	71
6. Padumacchadaniyatthera-apadānavañṇanā	71
7. Sayanadāyakatthera-apadānavañṇanā	72
8. Caṅkamanadāyakatthera-apadānavañṇanā	73
9. Subhaddatthera-apadānavañṇanā	73
10. Cundatthera-apadānavañṇanā	76

6. Bījanivagga

1. Vidhūpanadāyakatthera-apadānavañṇanā	77
2. Sataraṃsitthera-apadānavañṇanā	78
3. Sayanadāyakatthera-apadānavañṇanā	79
4. Gandhodakiyatthera-apadānavañṇanā	80

Mātikā	Piṭṭhaṅka
5. Opavayhatthera-apadānavañṇanā	81
6. Saparivārāsanatthera-apadānavañṇanā	82
7. Pañcadīpakatthera-apadānavañṇanā	83
8. Dhajadāyakatthera-apadānavañṇanā	84
9. Padumatthera-apadānavañṇanā	84
10. Asanabodhiyatthera-apadānavañṇanā	85

7. Sakacintaniyavagga

1. Sakacintaniyatthera-apadānavañṇanā	87
2. Avopupphiyatthera-apadānavañṇanā	88
3. Paccāgamaniyatthera-apadānavañṇanā	89
4. Parappasādakatthera-apadānavañṇanā	90
5. Bhisadāyakatthera-apadānavañṇanā	92
6. Sucintitatthera-apadānavañṇanā	93
7. Vatthadāyakatthera-apadānavañṇanā	94
8. Ambadāyakatthera-apadānavañṇanā	94
9. Sumanatthera-apadānavañṇanā	95
10. Pupphacaṅkoṭiyatthera-apadānavañṇanā	96

8. Nāgasamālavagga

1. Nāgasamālatthera-apadānavañṇanā	97
2. Padasaññakatthera-apadānavañṇanā	98
3. Buddhasaññakatthera-apadānavañṇanā	99
4. Bhisāluvadāyakatthera-apadānavañṇanā	100
5. Ekasaññakatthera-apadānavañṇanā	100
6. Tiṇsantharadāyakatthera-apadānavañṇanā	101
7. Sūcidāyakatthera-apadānavañṇanā	102
8. Pāṭalipupphiyatthera-apadānavañṇanā	102
9. Ṭhitañjaliyatthera-apadānavañṇanā	103
10. Tipadumiyatthera-apadānavañṇanā	104

Mātikā

Piṭṭhaṅka

9. Timiravagga

1. Timirapupphiyatthera-apadānavañṇanā	105
2. Gatasaññakatthera-apadānavañṇanā	106
3. Nipannañjalikatthera-apadānavañṇanā	107
4. Adhopupphiyatthera-apadānavañṇanā	108
5. Rāmsisaññakatthera-apadānavañṇanā	109
6. Dutiyaṃsisaññakatthera-apadānavañṇanā	110
7. Phaladāyakatthera-apadānavañṇanā	111
8. Saddasaññakatthera-apadānavañṇanā	111
9. Bodhisīṅcakatthera-apadānavañṇanā	112
10. Padumapupphiyatthera-apadānavañṇanā	113

10. Sudhāvagga

1. Sudhāpiṇḍiyatthera-apadānavañṇanā	114
2. Sucintikatthera-apadānavañṇanā	115
3. Aḍḍhaceḷakatthera-apadānavañṇanā	115
4. Sūcidāyakatthera-apadānavañṇanā	116
5. Gandhamāliyatthera-apadānavañṇanā	117
6. Tipupphiyatthera-apadānavañṇanā	117
7. Madhupiṇḍikatthera-apadānavañṇanā	118
8. Senāsanadāyakatthera-apadānavañṇanā	119
9. Veyyāvaccakaratthera-apadānavañṇanā	119
10. Buddhupaṭṭhakatthera-apadānavañṇanā	120

11. Bhikkhadāyivagga

1. Bhikkhadāyakatthera-apadānavañṇanā	120
2. Ñāṇasaññikatthera-apadānavañṇanā	121
3. Uppalahatthiyatthera-apadānavañṇanā	122
4. Padapūjakatthera-apadānavañṇanā	123

Mātikā	Piṭṭhaṅka
5. Muṭṭhipupphiyatthera-apadānavaṇṇanā ...	123
6. Udaḅapūjakatthera-apadānavaṇṇanā ...	124
7. Naḅamāliyatthera-apadānavaṇṇanā ...	125
8. Āsanupaṭṭhāhakatthera-apadānavaṇṇanā ...	126
9. Biḅālidāyakatthera-apadānavaṇṇanā ...	126
10. Reṅupūjakatthera-apadānavaṇṇanā ...	127

12. Mahāparivāravagga

1. Mahāparivārakatthera-apadānavaṇṇanā ...	128
2. Sumaṅgalatthera-apadānavaṇṇanā ...	129
3. Saraṅagamaniyatthera-apadānavaṇṇanā ...	130
4. Ekāsaniyatthera-apadānavaṇṇanā ...	131
5. Suvaṅṅapupphiyatthera-apadānavaṇṇanā ...	132
6. Citakaḅūjakatthera-apadānavaṇṇanā ...	132
7. Buddhasañṅakatthera-apadānavaṇṇanā ...	133
8. Maggasañṅakatthera-apadānavaṇṇanā ...	134
9. Paccupaṭṭhānasañṅakatthera-apadānavaṇṇanā ...	135
10. Jātipūjakatthera-apadānavaṇṇanā ...	136

13. Sereyyavagga

1. Sereyyakatthera-apadānavaṇṇanā ...	137
2. Pupphathūpiyatthera-apadānavaṇṇanā ...	138
3. Pāyasadāyakatthera-apadānavaṇṇanā ...	138
4. Gandhodakiyatthera-apadānavaṇṇanā ...	139
5. Sammukhāthavikatthera-apadānavaṇṇanā ...	140
6. Kusumāsaniyatthera-apadānavaṇṇanā ...	141
7. Phaladāyakatthera-apadānavaṇṇanā ...	142
8. Ñāṅasañṅikatthera-apadānavaṇṇanā ...	143
9. Gaṅṅhipupphiyatthera-apadānavaṇṇanā ...	144
10. Padumaḅūjakatthera-apadānavaṇṇanā ...	144

Mātikā

Piṭṭhaṅka

14. Sobhitavagga

1. Sobhitatthera-apadānavañṇanā	146
2. Sudassanatthera-apadānavañṇanā	146
3. Candanapūjanakatthera-apadānavañṇanā	147
4. Pupphacchadaniyatthera-apadānavañṇanā	148
5. Rahosaññakatthera-apadānavañṇanā	149
6. Campakapupphiyatthera-apadānavañṇanā	149
7. Atthasandassakatthera-apadānavañṇanā	150
8. Ekapasādaniyatthera-apadānavañṇanā	151
9. Sālapupphadāyakatthera-apadānavañṇanā	152
10. Piyālaphaladāyakatthera-apadānavañṇanā	152

15. Chattavagga

1. Atichattiyatthera-apadānavañṇanā	153
2. Thambhāropakatthera-apadānavañṇanā	154
3. Vedikārakatthera-apadānavañṇanā	155
4. Sapparivāriyatthera-apadānavañṇanā	156
5. Umāpupphiyatthera-apadānavañṇanā	157
6. Anulepadāyakatthera-apadānavañṇanā	158
7. Maggadāyakatthera-apadānavañṇanā	158
8. Phaladāyakatthera-apadānavañṇanā	159
9. Vaṭaṃsakiyatthera-apadānavañṇanā	160
10. Pallāṅkadāyakatthera-apadānavañṇanā	161

16. Bandhujīvakavagga

1. Bandhujīvakatthera-apadānavañṇanā	161
2. Tambapupphiyatthera-apadānavañṇanā	163
3. Vīthisammajjakatthera-apadānavañṇanā	163
4. Kakkārupupphapūjakatthera-apadānavañṇanā	164

Mātikā	Piṭṭhaṅka
5. Mandāravapupphapūjakatthera-apadānavañṇanā	... 165
6. Kadambapupphiyatthera-apadānavañṇanā	... 165
7. Tiṇasūlakatthera-apadānavañṇanā	... 166
8. Nāgapupphiyatthera-apadānavañṇanā	... 167
9. Punnāgapupphiyatthera-apadānavañṇanā	... 168
10. Kumudadāyakatthera-apadānavañṇanā	... 168

17. Supāricariyavagga

1. Supāricariyatthera-apadānavañṇanā	... 169
2. Kaṇaverapupphiyatthera-apadānavañṇanā	... 170
3. Khajjakadāyakatthera-apadānavañṇanā	... 170
4. Desapūjakatthera-apadānavañṇanā	... 171
5. Kaṇikārachattiyatthera-apadānavañṇanā	... 172
6. Sappidāyakatthera-apadānavañṇanā	... 173
7. Yūthikāpupphiyatthera-apadānavañṇanā	... 174
8. Dussadāyakatthera-apadānavañṇanā	... 175
9. Samādapakatthera-apadānavañṇanā	... 175
10. Pañcaṅguliyatthera-apadānavañṇanā	... 176

18. Kumudavagga

1. Kumudamāliyatthera-apadānavañṇanā	... 177
2. Nisseṇidāyakatthera-apadānavañṇanā	... 178
3. Rattipupphiyatthera-apadānavañṇanā	... 179
4. Udapānadāyakatthera-apadānavañṇanā	... 179
5. Sīhāsanadāyakatthera-apadānavañṇanā	... 180
6. Maggadattikatthera-apadānavañṇanā	... 181
7. Ekadīpiyatthera-apadānavañṇanā	... 182
8. Maṇipūjakatthera-apadānavañṇanā	... 182
9. Tikicchakatthera-apadānavañṇanā	... 183

Mātikā	Piṭṭhaṅka
10. Saṅghupaṭṭhākattthera-apadānavañṇanā ...	184
19. Kuṭajapupphiyavaggavañṇanā ...	185
20. Tamālapupphiyavaggavañṇanā ...	185
21-23. Kaṇikārapupphiyavaggādivañṇanā ...	186
24. Udakāsanaṅgavañṇanā ...	187
25. Tuvaradāyakavaggavañṇanā ...	188
26. Thomakavaggavañṇanā ...	189
27. Padumukkkhipavaggavañṇanā ...	191
28. Suvañṇabibbohanavaggavañṇanā ...	191
29. Pañṇadāyakavaggavañṇanā ...	193
30. Citakapūjakavaggavañṇanā ...	194
31. Padumakesaravaggavañṇanā ...	196
32. Ārakkhadāyakavaggavañṇanā ...	197
33. Umāpupphiyavaggavañṇanā ...	198
34. Gandhodakavaggādivañṇanā ...	199
9. Soṇakoṭivīsattthera-apadānavañṇanā ...	199
10. Pubbakammapiṭikabuddha-apadānavañṇanā ...	201

40. Pilindavacchavagga

1. Pilindavacchatthera-apadānavañṇanā ...	202
6. Bākulatthera-apadānavañṇanā ...	203
7. Girimānandatthera-apadānavañṇanā ...	204

41. Metteyyavagga

1. Tissametteyyatthera-apadānavañṇanā ...	205
2. Puñṇakatthera-apadānavañṇanā ...	206
42. Bhaddālivaggavañṇanā ...	208
43. Sakimsammajjakavaggādivañṇanā ...	208

Mātikā		Piṭṭhaṅka
49. Pamsukūlavaggavaṇṇanā	...	210
50. Kiṅkaṇipupphavaggādivaṇṇanā	...	212

54. Kaccāyanavagga

1. Mahākaccāyanatthera-apadānavaṇṇanā	...	212
2. Vakkalitthera-apadānavaṇṇanā	...	214
3. Mahākappinatthera-apadānavaṇṇanā	...	218
4. Dabbamallaputtatthera-apadānavaṇṇanā	...	227
5. Kumārakassapatthera-apadānavaṇṇanā	...	230
6. Bāhiyatthera-apadānavaṇṇanā	...	232
7. Mahākoṭṭhikatthera-apadānavaṇṇanā	...	239
8. Uruvelakassapatthera-apadānavaṇṇanā	...	241
9. Rādhatthera-apadānavaṇṇanā	...	243

55. Bhaddiyavagga

1. Lakunḍakabhaddiyatthera-apadānavaṇṇanā	...	243
2. Kaṅkhārevatatthera-apadānavaṇṇanā	...	245
3. Sīvalitthera-apadānavaṇṇanā	...	245
4. Vaṅḡisatthera-apadānavaṇṇanā	...	253
5. Nandakatthera-apadānavaṇṇanā	...	257
6. Kāḷudāyitthera-apadānavaṇṇanā	...	257
7. Abhayatthera-apadānavaṇṇanā	...	266
8. Lomasakaṅgiyatthera-apadānavaṇṇanā	...	267
9. Vanavacchatthera-apadānavaṇṇanā	...	268
10. Cūḷasugandhatthera-apadānavaṇṇanā	...	269

56. Yasavagga

1. Yasatthera-apadānavaṇṇanā	...	270
2. Nadikassapatthera-apadānavaṇṇanā	...	275
3. Gayākassapatthera-apadānavaṇṇanā	...	288

Mātikā			Piṭṭhaṅka
4. Kimilatthera-apadānavañṇanā	289
5. Vajjiputtatthera-apadānavañṇanā	290
6. Uttaratthera-apadānavañṇanā	291
7. Aparā-uttaratthera-apadānavañṇanā	294
8. Bhaddajitthera-apadānavañṇanā	294
9. Sivakatthera-apadānavañṇanā	297
10. Upavānatthera-apadānavañṇanā	297
11. Raṭṭhapālatthera-apadānavañṇanā	300
Nigamanakathā			303

Apadānaṭṭhakathāya dutiyabhāge mātikā niṭṭhitā.

Khuddakanikāya

Apadānaṭṭhakathā

(Dutiyo bhāgo)

Namo tassa Bhagavato Arahato Sammāsambuddhassa.

Therāpadāna

2. Sīhāsaniyavagga

1. Sīhāsanadāyakatthera-apadānavañṇanā

Nibbute Lokanāthamhīti-ādikaṃ āyasmato Sīhāsanadāyakattherassa apadānaṃ. Ayampi purimabuddhesu katādhikāro tattha tattha bhve puññāni upacinanto Siddhatthassa Bhagavato kāle vibhavasampanne saddhāsampanne ekasmiṃ kule nibbatto, dharamāne Bhagavati devaloke vasitvā nibbute Bhagavati uppannattā viññutaṃ patto Bhagavato sārīrikacetiyaṃ disvā “aho me alābhā, Bhagavato dharamāne kāle asampatto”ti cintetvā cetiye cittaṃ pasādetvā somanassajāto sabbaratanamayaṃ devatānimmitasadiṣaṃ dhammāsane sīhāsanāṃ kāretvā jīvamānakabuddhassa viya pūjesi. Tassupari gehampi dibbavimānamiva kāresi, pādaṭṭhapanapādapīṭhampi kāresi. Evaṃ yāvajīvaṃ dīpadhūpapupphagandhādīhi anekavidhaṃ pūjaṃ katvā tato cuto devaloke nibbatto cha kāmasagge aparāparaṃ dibbasampattiṃ anubhavitvā manussesu

9. **Catunnavute ito kappeti** ito kappato catunavute kappe yaṃ kammaṃ **akarim** akāsim, tadā tato paṭṭhāya puññabalena kañci duggatim nābhijānāmi, na anubhūtapubbā kāci duggatīti attho.

10. **Tesattatimhito kappeti** ito kappato tesattatikappe. **Indanāmā tayo janāti** Indanāmakā tayo cakkavattirājāno ekasmiṃ kappe tīsu jātīsu Indo nāma cakkavattī rājā ahosinti attho. **Dvesattatimhito kappeti** ito dvesattatikappe. Sumananāmakā tayo janā tikkhattuṃ cakkavattirājāno ahesuṃ.

11. **Samasattatito kappeti** ito kappato anūnādhike sattatime kappe **Varuṇanāmakā** Varuṇo cakkavattīti evaṃnāmakā tayo **cakkavattirājāno** cakkaratanasampannā catudīpamhi issarā ahesunti attho. Sesam suviññeyyamevāti.

Sihāsanadāyakatthera-apadānavañṇanā samattā.

2. Ekatthambhīkatthera-apadānavañṇanā

Siddhatthassa Bhagavatoti-ādikaṃ āyasmato

Ekatthambhadāyakatherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Siddhatthassa Bhagavato kāle vanakammiko hutvā ekasmiṃ vibhavasampanne kule nibbato. Tasmim samaye sabbe saddhā pasannā upāsakā ekacchandā “Bhagavato upaṭṭhānasālaṃ karomā”ti dabbasambhāratthāya vanaṃ pavisitvā taṃ upāsakaṃ disvā “amhākaṃ ekaṃ thambhaṃ dethā”ti yācimsu. So taṃ pavattim sutvā “tumhe mā cintayitthā”ti te sabbe uyyojetvā ekaṃ sāramayaṃ thambhaṃ gahetvā Satthu dassetvā tesameva adāsi. So teneva somanassajāto tadeva mūlaṃ katvā aññāni dānādīni puññāni katvā tato cuto devaloke nibbato aparāparaṃ chasu kāmāvacaresu dibbasampattiyo anubhavitvā manussesu ca aggacakkavattisampattim anekavāraṃ anubhavitvā asaṅkhyeyyaṃ padesarajjasampattiṅca anubhavitvā imasmim Buddhuppāde saddhāsampanne

ekasmiṃ kule nibbatto mātāpitūhi saddhiṃ Bhagavato santike dhammaṃ sutvā paṭiladdhasaddho pabbajitvā laddhūpasampado kammaṭṭhānam gahetvā manasikaronto na cirasseva arahā ahoṣi.

13. So evaṃ patta-arahatto attano pubbakammaṃ saritvā somanassajāto pubbacaritāpadānaṃ pakāsentō **Siddhatthassāti**-ādimāha. Tattha Siddhatthassa **Bhagavato** bhagyasampannassa Sammāsambuddhassa. **Mahāpūgagaṇoti** mahā-upāsakasamūho **ahu** ahoṣīti attho. **Saraṇaṃ gatā ca te Buddhanti** “Buddhaṃ saraṇaṃ”ti gatā bhajīmsu jānīmsu vā te upāsakā. **Tathāgataṃ saddahanti** Buddhagaṇaṃ attano cittasantāne ṭhapentīti attho.

14. **Sabbe saṅgama mantetvāti** sabbe samāgama sannipatitvā mantetvā aññamaññaṃ saññāpetvā ekacchanda hutvā **mālaṃ** upaṭṭhānasālaṃ Satthuno atthāya **kubbanti** karontīti attho. Dabbasambhāresu ekatthambhaṃ alabhantā **brahāvane** Mahāvane vicinantīti sambandho.

15. **Tehaṃ araññe disvānāti** ahaṃ te upāsake araññe disvāna **gaṇaṃ** samūhaṃ **upagamma** samīpaṃ gantvā **añjaliṃ paggahetvāna** dasaṅgulisamodhānaṃ añjaliṃ sirasi katvā ahaṃ **gaṇaṃ** upāsakasamūhaṃ “tumhe imaṃ vanaṃ kimatthaṃ āgatathā”ti **tadā** tasmim kāle paripucchinti sambandho.

16. **Te** sīlavanto upāsakā **me** mayā puṭṭhā “mālaṃ mayam kattukāmā hutvā ekatthambho amhāhi na labbhatī”ti **viyākamsu** visesena kathayīmsūti sambandho.

17. **Mamaṃ** mayhaṃ ekatthambhaṃ detha, ahaṃ taṃ dassāmi Satthuno santikaṃ ahaṃ thambhaṃ āharissāmi, **te** bhavanto thambhaharaṇe **apossukkā** ussāharahitā bhavantūti sambandho.

24. **Yaṃ yaṃ yonu’papajjāmīti** yaṃ yaṃ yonim devattaṃ atha mānusaṃ upagacchāmīti attho. Bhummatthe vā upayogavacanaṃ, yasmim yasmim devaloke vā manussaloke vāti attho. Sesam uttānatthamevāti.

Ekatthambhikatthera-apadānavaṇṇanā samattā.

3. Nandatthera-apadānavañṇanā

Padumuttarassa Bhagavatoti-ādikaṃ āyasmato Nandattherassa apadānaṃ. Ayampi purimabuddhesu katādhikāro tattha tattha bhave vivatṭūpanissayāni puñṇāni upacinanto Padumuttarassa Bhagavato kāle Haṃsavatīnagare ekasmiṃ kule nibbattitvā viññutaṃ patto Bhagavato santike dhammaṃ suṇanto Satthāraṃ ekaṃ bhikkhuṃ indriyesu guttadvārānaṃ aggaṭṭhāne ṭhapentaṃ disvā sayāṃ taṃ ṭhānantaraṃ patthento Bhagavato bhikkhusaṃghassa ca pūjāsakkārabahulaṃ mahādānaṃ pavattetvā “ahaṃ bhante anāgate tumhādisassa Buddhassa evarūpo sāvako bhaveyyan”ti paṇidhānaṃ akāsi.

So tato paṭṭhāya devamanussesu saṃsaranto Atthadassissa Bhagavato kāle Dhammatāya¹ nāma nadiyā mahanto kacchapo hutvā nibbatto ekadivasāṃ Satthāraṃ nadiṃ taritum tīre ṭhitaṃ disvā sayāṃ Bhagavantaṃ tāretukāmo Satthu pādāmūle nipajji. Satthā tassa ajjhāsayaṃ ñatvā piṭṭhiṃ abhiruhi. So haṭṭhatuṭṭho vegena sotaṃ chindanto sīghataraṃ paraṭīraṃ pāpesi. Bhagavā tassa anumodanaṃ vadanto bhāvinim sampattiṃ kathetvā pakkāmi.

So tena puñṇakammaena sugatīsuyeva saṃsaranto imasmiṃ Buddhuppāde Kapilavatthusmiṃ Suddhodanamahārājassa aggamahesiyā Mahāpajāpatigotamiyā kucchimhi nibbatto, tassa nāmaggaḥaḍdivase ñātisaṅghaṃ nandayanto jātoti “**Nando**”tveva nāmaṃ akaṃsu. Tassa vayappattakāle Bhagavā pavattitavaradhammacakko lokānuggahaṃ karonto anukkamena Kapilavatthuṃ gantvā ñātisaṃmāgame pokkharavassaṃ aṭṭhuppattiṃ katvā Vessantarajātakaṃ² kathetvā dutiyadivase piṇḍāya pavatṭho “uttiṭṭhe nappamajjeyyā”³ti³ gāthāya pitaraṃ sotāpattiphale patiṭṭhāpetvā nivesanaṃ gantvā “dhammañcare sucaritan”⁴ti⁴ gāthāya Mahāpajāpatiṃ sotāpattiphale rājānaṃ sakadāgāmiphale patiṭṭhāpetvā tatiyadivase Nandakumārassa abhisekagehapavesana-āvāhamaṅgalesu vattamānesu piṇḍāya pāvisi. Satthā Nandakumārassa hatthe pattāṃ datvā maṅgalaṃ vatvā tassa hatthato pattāṃ aggahetvāva vihāraṃ

1. Vinatāya (Theragāthā-Ṭṭha 1. 351 piṭṭhe.)

2. Khu 6. 312 piṭṭhe.

3. Khu 1. 38 piṭṭhe Dhammapade.

4. Khu 1. 39 piṭṭhe Dhammapade.

gato, taṃ pattahatthaṃ vihāraṃ āgataṃ anicchamānaṃyeva pabbājetvā tathāpabbājitattāyeva anabhiratiyā pīḷitaṃ ñatvā upāyena tassa taṃ anabhiratiṃ vinodesi. So yoniso paṭisaṅkhāya vipassanaṃ paṭṭhapetvā nacirasseva arahattaṃ pāpuṇi. Thero puna divase Bhagavantaṃ upasaṅkamtivā evamāha “yaṃ me bhante Bhagavā pāṭibhogo pañcannaṃ accharāsātānaṃ paṭilābhāya kakuṭapādānaṃ, muñcāmahaṃ bhante Bhagavantaṃ etasmā paṭissavā”ti. Bhagavāpi “yadeva te Nanda anupādāya āsavehi cittaṃ vimuttaṃ, tadāhaṃ mutto etasmā paṭissavā”ti āha. Athassa Bhagavā savisesaṃ indriyesu guttadvārataṃ ñatvā taṃ guṇaṃ vibhāvento “etadaggaṃ bhikkhave mama sāvakānaṃ bhikkhūnaṃ indriyesu guttadvārānaṃ yadidaṃ Nando”ti¹ indriyesu guttadvārabhāvena naṃ etadagge ṭhapesi. Thero hi “indriyāsāmvaram nissāya imaṃ vippakāraṃ patto, tamaṃ suṭṭhu niggaṇhissāmi”ti ussāhajāto balavahirottappo tattha ca katādhikārattā indriyasāmvare ukkaṃsapāramiṃ agamāsi.

27. Evaṃ so etadaggaṭṭhānaṃ patvā attano pubbakammaṃ saritvā somanassappatto pubbacaritāpadānaṃ pakāseto **Padumuttarassa Bhagavatoti**-ādimāha. **Vatthaṃ khomaṃ mayā dinnanti** Khomaraṭṭhe jātaṃ vatthaṃ Bhagavati cittappasādena gāravabahumānena mayā paramasukhamaṃ khomavatthaṃ dinnanti attho. **Sayambhussāti** sayameva bhūtassa jātassa ariyāya jātiyā nibbattassa. **Mahesinoti** mahante sīlasamādhipaṇṇāvimmuttivimuttiñāṇadassanakkhandhe esi gavesīti Mahesi, tassa Mahesino sayambhussa cīvaratthāya khomavatthaṃ mayā dinnanti sambandho.

28. **Taṃ me Buddho viyākāsīti** ettha tanti sāmyatthe upayogavacanaṃ, tassa vatthadāyakaṃ me dānaphalaṃ visesena akāsi kathesi Buddhoti attho. **Jalajuttamanāmakoti** Padumuttaranāmakoti. “Jalaruttamanāyako”tipi pāṭho, tassa Jalamānaṃ devabrahmānaṃ uttamanāyako padhānoti attho. **Iminā vatthadānenāti** iminā vatthadānassa nissandena tvaṃ anāgate **hemavaṇṇo suvaṇṇavaṇṇo** bhavissasi.

1. Am 1. 26 piṭṭhe.

29. **Dve sampattim anubhotvāti** dibbamanussasaṅkhātā dve sampattiyo anubhavivā. **Kusalamūlehi coditoti** kusalāvayavehi kusalakoṭṭhāsehi codito pesito, “tvaṃ iminā puññaena Satthu kulaṃ pasavāhī”¹ ti pesito viyāti attho. “Gotamassa Bhagavato kaniṭṭho tvaṃ bhavissasi”² ti byākāsīti sambandho.

30. **Rāgaratto sukhasīloti** kilesakāmehi ratto allīno kāyasukhacittasukhānubhavanasabhāvo. **Kāmesu gedhamāyutoti** vatthukāmesu gedhasaṅkhātāya taṇhāya āyuto yojitoti attho. **Buddhena codito santo, tadā tvanti** yasmā kāmesu gedhito, **tadā**² tasmā tvaṃ attano bhātukena Gotamabuddhena codito pabbajjāya uyyojito tassa santike pabbajjissasīti sambandho.

31. **Pabbajitvāna tvaṃ tatthāti** tasmim Gotamassa Bhagavato sāsane tvaṃ pabbajitvā **kusalamūlena** mūlabhūtena puññasambhārena **codito** bhāvanāyaṃ niyojito **sabbāsave** sakalāsave **pariññāya** jānitvā pajahitvā anāmayo niddukkho **nibbāyissasi** adassanaṃ pāpessasi, apaṇṇattikabhāvaṃ gamissasīti attho.

32. **Satakappasahassamhīti** ito kappato pubbe satakappādhike sahasame kappamhi Ceḷanāmakā cattāro cakkavattirājāno ahesunti attho. **Saṭṭhi kappasahassānīti** kappasahassāni saṭṭhi ca atikkamivā heṭṭhā ekasmim kappe cattāro janā Upaceḷā nāma cakkavattirājāno catūsu jātisu ahesunti attho.

33. **Pañcakappasahassamhīti** pañcakappādhike sahasame kappamhi Ceḷā nāma cattāro janā cakkavattirājāno sattahi ratanehi sampannā samaṅgibhūtā Jambudīpa-aparagoyāna-uttarakurupubbavidehadīpasāṅkhāte **catudīpamhi issarā** padhānā visuṃ ahesunti attho. Sesam vuttanayamevāti.

Nandatthera-apadānavañṇanā samattā.

1. Pabhavāhīti (I, Ka)

2. Tato (Sī, I)

4. Cūḷapanthakatthera-apadānavañṇanā

Padumuttaro nāma Jinoti-ādikaṃ āyasmato Cūḷapanthakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle yadettha aṭṭhuppattivasena vattabbaṃ, taṃ Aṭṭhakanipāte Mahāpanthakavatthusmiṃ¹ vuttameva. Ayaṃ pana viseso— Mahāpanthakatthero arahattaṃ patvā phalasaṃpattisukhena vītināmento cintesi “kathaṃ nu kho sakkā Cūḷapanthakampi imasmiṃ sukhe patiṭṭhāpetuṃ”ti. So attano ayyakaṃ dhanasetṭhiṃ upasaṅkamtivā āha “sace mahāsetṭhi anujānātha, ahaṃ Cūḷapanthakaṃ pabbājeyyaṃ”ti. Pabbājetha bhanteti. Thero taṃ pabbājesi. So dasasu sīlesu patiṭṭhito bhātu santike—

“Padumaṃ yathā kokanadaṃ sugandhaṃ,
Pāto siyā phullamavītagandhaṃ.
Aṅgīrasaṃ passa virocamaṇaṃ,
Tapantaṃādīcamivantalikkhe”ti²—

gāthaṃ uggaṇhanto catūhi māsehi uggahetuṃ nāsakkhi, gahitampi hadaye na tiṭṭhati. Atha naṃ Mahāpanthako “Cūḷapanthaka tvaṃ imasmiṃ sāsane abhabbo, catūhi māsehi ekaṃ gāthampi gahetuṃ na sakkosi, pabbajitakiccaṃ pana tvaṃ kathaṃ matthakaṃ pāpessasi, nikkhama ito”ti so therena paṇāmito dvāraakoṭṭhakaṃsāṃpe rodamaṇo aṭṭhāsi.

Tena ca samayena Satthā Jīvakaṃbavane viharati. Atha Jīvako purisaṃ pesesi “gaccha pañcahi bhikkhusatehi saddhiṃ Satthāraṃ nimantehi”ti. Tena ca samayena āyasmā Mahāpanthako bhattuddesako hoti. So “pañcannaṃ bhikkhusatānaṃ bhikkhaṃ paṭicchathā”ti vutto “Cūḷapanthakaṃ ṭhapetvā sesānaṃ paṭicchāmi”ti āha. Taṃ sutvā Cūḷapanthako bhīyoso mattāya domanassappatto ahosi. Satthā tassa cittakkhedaṃ ñatvā “Cūḷapanthako mayā katena upāyena bujjhissatī”ti tassa avidūraṭṭhāne attānaṃ dassetvā “kiṃ Panthaka rodasī”ti pucchi. “Bhātā maṃ bhante paṇāmetī”ti āha. “Panthaka mā cintayi, mama

1. Khu 2. 296 piṭṭhe Theragāthāyaṃ.

2. Saṃ 1. 81; Am 2. 209 piṭṭhesu.

sāsane tuyhaṃ pabbajjā, ehi imaṃ gahetvā ‘rajoharaṇaṃ, rajoharaṇaṃ’ti manasi karohī”ti iddhiyā¹ suddhaṃ coḷakkhaṇḍaṃ abhisankharitvā adāsi. So Satthārā dinnāṃ coḷakkhaṇḍaṃ “rajoharaṇaṃ, rajoharaṇaṃ”ti hatthena parimajjanto nisīdi. Tassa taṃ parimajjantassa kiliṭṭhadhātukaṃ jātaṃ, puna parimajjantassa ukkhaliparipuñchanasadisāṃ jātaṃ. So ñāṇaparipākattā evaṃ cintesi “idaṃ coḷakkhaṇḍaṃ pakatiyā parisuddhaṃ, imaṃ upādiṇṇakasarīraṃ nissāya kiliṭṭhaṃ aññathā jātaṃ, tasmā aniccaṃ yathāpetāṃ, evaṃ cittampi”ti khayavayaṃ paṭṭhapetvā tasmimyeva nimitte jhānāni nibbattetvā jhānapādaṃ katvā vipassanaṃ paṭṭhapetvā saha paṭisambhidāhi arahattaṃ pāpuṇi. Arahattapattassevassa Tepiṭakaṃ pañcābhiññā ca āgamimsu.

Satthā ekūnehi pañcabhikkhusatehi saddhiṃ gantvā Jīvakassa nivesane paññatte āsane nisīdi. Cūḷapanthako pana attano bhikkhāya appaṭicchitattā eva na gato. Jīvako yāguṃ dātuṃ ārabhi. Satthā hatthena pattaṃ pidahi. “Kasmā bhante na gaṇhathā”ti vutte vihāre eko bhikkhu atthi Jīvakāti. So purisaṃ pesesi “gaccha bhaṇe vihāre nisinnaṃ ayyaṃ gahetvā ehi”ti. Cūḷapanthakattheropi rūpeṇa kiriyāya ca ekampi ekena asadisāṃ bhikkhusahassaṃ nimminivā nisīdi. So puriso vihāre bhikkhūnaṃ bahubhāvaṃ disvā gantvā Jīvakassa kathesi “imasmā bhikkhusaṃghā vihāre bhikkhusaṃgho bahutaro, pakkosittabbaṃ ayyaṃ na jānāmī”ti. Jīvako Satthāraṃ pucchi “ko nāmo bhante vihāre nisinnaṃ bhikkhū”ti. Cūḷapanthako nāma Jīvakāti. Gaccha bhaṇe “Cūḷapanthako nāma kataro”ti pucchitvā taṃ ānehīti. So vihāraṃ gantvā “Cūḷapanthako nāma kataro bhante”ti pucchi. “Ahaṃ Cūḷapanthako, ahaṃ Cūḷapanthako”ti ekappahārena bhikkhusahassampi kathesi. So punāgantvā taṃ pavattim Jīvakassa ārocesi Jīvako paṭividdhasaccattā “iddhimā maññe ayyo”ti nayato ñatvā “gaccha bhaṇe paṭhamaṃ kathentaṃ ayyameva ‘tunhe Satthā pakkosati’ti vatvā cīvarakaṇṇe gaṇhāhi”ti āha. So vihāraṃ gantvā tathā akāsi. Tāvadeva nimmitabhikkhū antaradhāyimsu. So therāṃ gahetvā agamāsi.

1. Iddhimayaṃ (Ka)

Satthā tasmim̄ khaṇe yāguñca khajjakādibhedañca paṭiggaṇhi.
 Katabhattakicco Bhagavā āyasmantaṃ Cūḷapanthakaṃ āṇāpesi
 “anumodanaṃ karohī”ti. So pabhinnapaṭisambhido Sineruṃ gahetvā
 mahāsamuddaṃ manthento viya Tepiṭakaṃ Buddhavacanaṃ saṅkhobhento
 Satthu ajjhāsayaṃ gaṇhanto anumodanaṃ akāsi. Dasabale bhattakiccaṃ
 katvā vihāraṃ gate dhammasabhāyaṃ kathā udapādi ‘aho Buddhānaṃ
 ānubhāvo, yatra hi nāma cattāro māse ekagāthaṃ gahetuṃ asakkontampi
 lahukena khaṇeneva evaṃ mahiddhikaṃ akaṃsu’ti, tathā hi Jīvakassa
 nivesane nisinno Bhagavā ‘evaṃ Cūḷapanthakassa cittaṃ samāhitaṃ,
 vīthipaṭipannā vipassanā’ti ñatvā yathānisinnoyeva attānaṃ dassetvā
 ‘Panthaka nevāyaṃ pilotikā kiliṭṭhā rajānukiṇṇā, ito pana aññopi ariyassa
 vinaye saṅkilesa rajo’ti dassento—

‘Rāgo rajo na ca pana reṇu vuccati,
 Rāgassetāṃ adhivacanaṃ rajoti.
 Etaṃ rajaṃ vippajahitvā bhikkhavo,
 Viharanti te vigatarajassa sāsane.

Doso rajo -pa- vigatarajassa sāsane.

Moho rajo -pa- vigatarajassa sāsane’ti¹—

imā tisso gāthāyo abhāsi. Gāthāpariyosāne Cūḷapanthako
 sahaṭisambhidāhi arahattaṃ pāpuṇīti. Satthā tesāṃ bhikkhūnaṃ
 kathāsallāpaṃ sutvā āgantvā Buddhāsane nisīditvā “kim vadetha
 bhikkhave”ti pucchitvā “imaṃ nāma bhante”ti vutte “bhikkhave
 Cūḷapanthakena idāni mayhaṃ ovāde ṭhatvā lokuttaradāyajjaṃ laddhaṃ,
 pubbe pana lokiyadāyajjaṃ laddhaṃ”ti vatvā tehi yācito Cūḷasetṭhijātakaṃ²
 kathesi. Aparabhāge naṃ Satthā ariyagaṇaparivuto dhammāsane nisinno
 manomayaṃ kāyaṃ abhinimminantānaṃ bhikkhunaṃ
 cetovivaṭṭakusalānañca aggaṭṭhāne ṭhapesi.

35. Evaṃ so patta-etadaggaṭṭhāno attano pubbakammaṃ saritvā
 pītisomanassavasena pubbacaritāpadānaṃ pakāsento **Padumuttaro nāma
 Jinoti-ādīmāha**. Tattha purimapadadvayaṃ vuttatthameva. **Gaṇamhā**

1. Khu 7. 406; Khu 8. 154 piṭṭhesu.

2. Khu 5. 2 piṭṭhe.

vūpakaṭṭho so Padumuttaro nāma Satthā gaṇamhā mahatā¹
bhikkhusamūhato vūpakaṭṭho visum bhūto vivekaṃ upagato. **Tadā** mama
tāpasakāle **Himavante** Himālayapabbatasamīpe **vasi** vāsaṃ kappesi, catūhi
iriyāpathehi vihāsīti attho.

36. **Ahampi -pa- tadāti** yadā so Bhagavā Himavantam upagantvā vasi,
tadā ahampi Himavantamīpe kata-assame **ā** samantato
kāyacittapīḷasaṅkhātā parissayā samanti etthāti **assamoti** laddhanāme
araññāvāse vasāmīti sambandho. **Acirāgataṃ mahāvīranti** aciram āgataṃ
mahāvīriyantam **Lokanāyakam** padhānam tam Bhagavantam upesinti
sambandho, āgatakkhaṇeyeva upāgaminti attho.

37. **Pupphacchattam gahetvānāti** evam upagacchanto ca
padumuppalapupphādīhi chāditaṃ pupphamayam chattam gahetvā
Narāsabham narānam seṭṭham Bhagavantam chādento **upagacchim** samīpam
gatosmīti attho. **Samādhim samāpajjantanti** rūpāvacarasamādhijjhānam
samāpajjantam appetvā nisinnassa antarāyam aham akāsinti sambandho.

38. **Ubho hatthehi paggayhāti** tam susajjitam pupphacchattam dvīhi
hatthehi ukkhipitvā aham Bhagavato adāsinti sambandho. **Paṭiggahesīti** tam
mayā dinnam pupphacchattam Padumuttaro Bhagavā sampaṭicchi, sādaram²
sādiyīti attho.

41. **Satapattachattam paggayhāti** ekekasim padumapupphe
satasatattānam vasena satapattehi padumapupphehi chāditaṃ
pupphacchattam pakārena ādarena gahetvā tāpaso mama adāsīti attho.
Tamaham kittayissāmīti tam tāpasam aham kittayissāmi pākaṭam
karissāmīti attho. Mama **bhāsato** bhāsamānassa vacanam suṇoṭha manasi
karoṭha.

42. **Pañcavīsaticappānīti** iminā pupphacchattadānena pañcavīsativāre
Tāvatisabhavane Sakko hutvā devarajjam karissatīti sambandho.
Catuttimsatikkhattuñcāti catuttimsativāre manussaloke cakkavattī rājā
bhavissati.

1. Mahā... (Si, I)

2. Chādanam (Ka)

43. **Yaṃ yaṃ yoninti** manussayoni-ādīsu yaṃ yaṃ jātiṃ **saṃsarati** gacchati upapajjati. Tattha tattha yoniyāṃ **abbhokāse** suññatṭhāne **patiṭṭhantam** nisinnam ṭhitam vā padumam **dhārayissati** upari chādayissatīti attho.

45. **Pakāsite pāvacaneti** tena Bhagavatā sakalapiṭakattaye pakāsite dīpīte **manussattam** manussajātiṃ **labhissati** upapajjissati. **Manomayamhi kāyamhīti** manena jhānacittena nibbattoti manomayo, yathā cittam pavattati, tathā kāyam pavatteti cittagatikam karotīti attho. Tamhi manomaye kāyamhi so tāpaso Cūḷapanthako nāma hutvā uttamo aggo bhavissatīti attho. Sesam heṭṭhā vuttattā uttānattā ca suviññeyyameva.

52. **Sariṃ kokanadam ahanti** aham Bhagavato nimmitacoḷakam parimajjanto kokanadam padumam sarinti attho. **Tattha cittam vimucci meti** tasmim kokanade padume mayham cittam adhimucci allīno, tato aham arahattam pāpuṇinti sambandho.

53. Aham manomayesu cittagatikesu kāyesu **sabbattha** sabbesu **pāramim** pariyosānam **gato** pattoti sambandho. Sesam vuttanayamevāti.

Cūḷapanthakatthera-apadānavañṇanā samattā.

5. Pilindavacchatthera-apadānavañṇanā

Nibbute Lokanāthamhīti-ādikam āyasmato Pilindavacchattherassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle Hamṣavatīnagare mahābhogakule nibbatto heṭṭhā vuttanayena Satthu santike dhammam suṇanto Satthāram ekam bhikkhum devatānam piyamanāpabhāvena aggaṭṭhāne ṭhapentam disvā tam ṭhānantaram patthetvā yāvajīvam kusalam katvā tato cuto devamanussesu saṃsaranto Sumedhassa Bhagavato kāle kulagehe nibbatto. Parinibbute Bhagavati tassa thūpam pūjetvā saṃghassa mahādānam pavattetvā tato cavitvā devamanussesum

ubhayasampattiyo anubhavitvā anuppanne Buddhē cakkavattī rājā hutvā mahājanam pañcasīlesu paṭiṭṭhāpetvā saggaparāyanam akāsi. So anuppanneyeva amhākam Bhagavati Sāvattiyam brāhmaṇakule nibbatti, **Pilindotissa** nāmam akaṃsu. **Vacchoti** gottam. So aparabhāge **Pilindavacchoti** paññāyittha. Samsāre pana¹ samvegabahulatāya paribbājakapabbajjam pabbajitvā Cūḷagandhāram nāma vijjam sādhetvā tāya vijjāya akāsacārī paracittavidū ca hutvā Rājagahe lābhaggayasaggapatto paṭivasati.

Atha amhākam Bhagavā abhisambuddho hutvā anukkamena Rājagham upagato. Tato paṭṭhāya Buddhānubhāvena tassa sā vijjā na sampajjati, attano kiccam na sādheti. So cintesi “sutam kho panetam ācariyapācariyanam bhāsamanānam ‘yattha Mahāgandhāravijjā dharati, tattha Cūḷagandhāravijjā na sampajjati’ ti samaṇassa pana Gotamassa āgatakālato paṭṭhāya nāyam mama vijjā sampajjati, nissamsayam samaṇo Gotamo Mahāgandhāravijjam jānāti, yannūnāham tam payirupāsivā tassa santike tam vijjam pariyāpuṇeyyan” ti. So Bhagavantam upasaṅkamitvā etadavoca “aham mahāsamaṇa tava santike ekaṃ vijjam pariyāpuṇitukāmo, okāsam me karohī” ti. “Tena hi mama santike pabbajāhī” ti āha. So “vijjāya parikammaṃ pabbajjā” ti maññamāno pabbaji. Tassa Bhagavā dhammam kathetvā caritānukūlam kammaṭṭhānam adāsi. So upanissayasampannatāya nacirasseva vipassanam paṭṭhapetvā arahattam pāpuṇi.

55. Yā pana purimajātiyam tassovāde ṭhatvā sagge nibbattā devatā, tā kataññutam nissāya tasmim sañjātabahumānā sāyam pātam theram payirupāsivā gacchanti. Tasmā nam Bhagavā devatānam ativiya piyamanāpabhāvena aggabhāve ṭhapesi “etadaggam bhikkhave mama sāvakanam bhikkhūnam devatānam piyamanāpānam yadidam Pilindavaccho” ti². Evam so patta-aggatṭhāno attano pubbakammaṃ anussarivā pītisomanassavasena pubbacaritāpadānam pakāsento **nibbuta Lokanāthamhīti-ādimāha**.

1. Samsāraṇena (Sī, I)

2. Am 1. 25 piṭṭhe.

Tattha kāmarūpārūpalokassa Nātho padhānoti **Lokanātho**. Medhā vuccanti sabbaññutaññāṇa-anāvaraṇaññādayo, sundarā, pasaṭṭhā vā medhā yassa so **Sumedho**, aggo ca so puggalo cāti **aggapuggalo**, tasmim Sumedhe Lokanāyake aggapuggale khandhapariniḅbānena nibbute saṭṭi sambandho. **Pasannacitto sumanoti** saddhāya pasāditacitto somanassena sundaramano aham tassa Sumedhassa Bhagavato **thūpapūjam** cetiyapūjam akāsinti attho.

56. **Ye ca khīṇāsavā tatthāti** tasmim samāgame ye ca khīṇāsavā pahīnakilesā **chaḷabhiññā** chahi abhiññāhi samannāgatā **mahiddhikā** mahantehi iddhīhi samannāgatā santi, **te** sabbe khīṇāsave aham tattha **samānetvā** suṭṭhu ādarena ānetvā **saṅghabhattam** sakalasaṅghassa dātabbabhattam **akāsīm** tesam bhojesinti attho.

57. **Upaṭṭhāko tadā ahūti** tadā mama saṅghabhattadānakāle Sumedhassa Bhagavato nāmena Sumedho nāma upaṭṭhākasāvako ahu ahosīti attho. So sāvako mayham pūjāsakkāram **anumodittha** anumodito ānisaṃsam kathesīti attho.

58. **Tena cittappasādenāti** tena thūpapūjākaraṇavasena uppannaena cittappasādena devaloke dibbavimānam **upapajjam** upagato asmīti attho, tattha nibbattomhīti vuttam hoti. **Chaḷāsītisahassānīti** tasmim vimāne cha asītisahassāni devaccharāyo **me** mayham cittam **ramimsu** ramāpesunti sambandho.

59. **Mameva anuvattantīti tā** accharāyo **sabbakāmehi** dibbehi rūpādivatthukāmehi upaṭṭhahantiyo mamam eva anuvattanti mama vacanam anukaronti **sadā** niccakālanti attho. Sesam suviññeyyamevāti.

Pilindavacchatthera-apadānavañṇanā samattā.

6. Rāhulatthera-apadānavañṇanā

Padumuttarassa Bhagavatoti-ādikaṃ ayasmato Rāhulattherassa apadānaṃ. Ayampi āyasmā purimajinavaresu katādhikāro tattha tattha bhava vivaṭṭūpanissayāni puñṇāni upacinanto Padumuttarassa Bhagavato kāle kulagehe nibbato viññutaṃ patvā Satthu dhammadesanaṃ suṇanto Satthāraṃ ekaṃ bhikkhuṃ sikkhākāmānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento senāsanavisodhanavijjotanādikaṃ ulāraṃ puñṇaṃ katvā paṇidhānaṃ akāsi. So tato cavitvā devamanussesu saṃsaranto ubhayasampattiyo anubhavitvā imasmiṃ Buddhuppāde amhākaṃ bodhisattaṃ paṭicca Yasodharāya deviyā kucchimhi nibbattitvā **Rāhuloti** laddhanāmo mahatā khattiyaparivārena vaḍḍhi. Tassa pabbajjāvidhānaṃ Khandhake¹ āgatameva. So pabbajitvā Satthu santike anekehi suttapadehi suladdhovādo paripakkañāṇo vipassanaṃ ussukkāpetvā arahattaṃ pāpuṇi. Arahā pana hutvā attano paṭipattiṃ paccavekkhitvā aññaṃ byākaronto—

“Ubhayeneva sampanno, Rāhulabhaddoti maṃ vidū.
 Yañcamhi putto Buddhassa, yañca dhammesu cakkhumā.
 Yañca me āsavā khīṇā, yañca natthi punabbhavo.
 Arahā dakkhiṇeyyomhi, tevijjo amataddaso.
 Kāmandhā jālapacchannā², taṇhāchadanachādītā.
 Pamattabandhunā bandhā, macchāva kuminā mukhe.
 Taṃ kāmāṃ ahamujjhivā, chetvā mārassa bandhanaṃ.
 Samūlaṃ taṇhamabbuyha, sītibhūtosmi nibbuto”³.

Catasso gāthā abhāsi. Tattha **ubhayeneva sampannoti** jātisampadā paṭipattisampadāti ubhayasampattiyāpi sampanno samannāgato. **Rāhulabhaddoti maṃ vidū**ti “Rāhulabhaddo”ti maṃ sabrahmacārino sañjānanti. Tassa hi jātasāsanāṃ sutvā bodhisattena “rāhu jāto, bandhanaṃ jātan”ti vuttavacanaṃ upādāya Suddhodanamahārājā “Rāhulo”ti

1. Vi 3. 115 piṭṭhe.

2. Jālasañchannā (I) Khu 1. 172 piṭṭhepi.

3. Khu 2. 271. 2 piṭṭhe.

nāmaṃ gaṇhi. Tattha ādito pitarā vuttapariyāyameva gahetvā āha
 “Rāhulabhaddoti maṃ vidū”ti. **Bhaddoti** pasamsāvacanameva. Aparabhāge
 Satthā taṃ sikkhākāmabhāvena aggaṭṭhāne ṭhapesi “etadaggaṃ bhikkhave
 mama sāvakanāṃ bhikkhūnaṃ sikkhākāmānaṃ yadidaṃ Rāhulo”ti¹.

68. Evaṃ so patta-etadaggaṭṭhāno attano pubbakammaṃ saritvā
 somanassajāto pubbacaritāpadānaṃ pakāsentto **Padumuttarassa Bhagavatoti-**
 ādimāha. **Sattabhūmimhi pāsādeti** pasādaṃ somanassaṃ janetīti pāsādo.
 Uparūpari ṭhitā satta bhūmiyo yasmim pāsāde soyaṃ sattabhūmi, tasmim
 sattabhūmimhi pāsāde. **Ādāsaṃ santharim ahanti** ādāsatalaṃ nipphādetvā
 Lokajeṭṭhassa Bhagavato tādino ahaṃ santharaṃ adāsim, santharitā pūjesinti
 attho.

69. **Khīṇāsavasahassehīti** arahantasahassehī parikiṇṇo parivuto.
Dvipadindo dvipadānaṃ indo sāmi Narāsabho Mahāmuni Gandhakuṭim tehi
 saha **upāgami** pāvisīti attho.

70. **Virocento Gandhakuṭinti** taṃ Gandhakuṭim sobhayamāno devānaṃ
 devo **devadevo** narānaṃ āsabho **Narāsabho** jeṭṭho Satthā
 bhikkhusaṃghamajjhe nisīditvā imā byākaraṇagāthāyo **abhāsatha** kathesīti
 sambandho.

71. **Yenāyaṃ jotitā seyyāti** yena upāsakena ayaṃ pāsādasāṅkhātā seyyā
 jotitā pabhāsitā pajjalitā. **Ādāsova** kaṃsalohamayaṃ ādāsatalaṃ iva suṭṭhu
 samaṃ katvā santhatā. **Taṃ** upāsakaṃ **kittayissāmi** pākaṭaṃ karissāmīti
 attho. Sesāṃ suviññeyyameva.

81. **Aṭṭhānametaṃ yaṃ tādīti** yaṃ yena kāraṇena tādī iṭṭhāniṭṭhesu
 akampiyasabhāvattā tādī **agāre** gharāvāse **ratim** allīnabhāvaṃ **ajjhagā**
 pāpuṇi, **etaṃ** kāraṇaṃ aṭṭhānaṃ akāraṇanti attho.

1. Am 1. 24 piṭṭhe.

82. **Nikkhamitvā agārasmāti** gharāvāsato nikkhamitvā taṃ tiṇadalamiva pariccajitvā **subbato** susikkhito pabbajissati. **Rāhulo nāma nāmenāti** Suddhodanamahārājena pesitaṃ kumārassa jātasāsanam sutvā pitarā Siddhatthena “rāhu jāto, bandhanam jātan”ti vuttanāmattā Rāhulo nāmāti attho. “Yathā candasūriyānam vimānapabhāya kiliṭṭhakarāṇena rāhu asurindo upeti gacchati, evamevāyam mama abhinikkhamanapabbajjādīnam antarāyam karontoriva jāto”ti adhippāyena “rāhu jātoti āhā”ti daṭṭhabbam. **Arahā so bhavissatīti** so tādiso upanissayasampanno vipassanāyam yuttappayutto arahā khīṇāsavo bhavissatīti attho.

83. **Kikīva aṇḍam rakkheyyāti** aṇḍam bījam rakkhamānā kikī sakuṇī iva appamatto sīlam rakkheyya, **cāmarī viya vāladhinti** vālam rakkhamānā kaṇḍakesu vāle laggante bhindanabhayena¹ anākaddhitvā maramānā cāmarī viya jīvitampi pariccajitvā sīlam abhinditvā rakkheyya. **Nipako sīlasampannoti** nepakkaṃ vuccati paññā, tena nepakkena samannāgato nipako khaṇḍachiddādibhāvam apāpetvā rakkhaṇato sīlasampanno bhavissatīti evaṃ so Bhagavā byākaraṇamakāsi. So evaṃ patta-arahattaphalo ekadivasam vivekaṭṭhāne nisinno somanassavasena **evaṃ rakkhim Mahāmunīti**-ādimāha. Taṃ suviññeyyamevāti.

Rāhulatthera-apadānavañṇanā samattā.

7. Upasenavaṅgantaputtatthera-apadānavañṇanā

Padumuttaram Bhagavantanti-ādikaṃ āyasmato

Upasenavaṅgantaputtattherassa apadānam. Ayampi purimabuddhesu katādhikāro tattha tattha bhava vivaṭṭupanissayāni puññāni upacinanto Padumuttarassa Bhagavato kāle Hamsavatīnagare kulagehe nibbattitvā vayappatto Satthu santikaṃ gantvā dhammam suṇanto Satthāram ekaṃ bhikkhum samantapāsādikānam aggaṭṭhāne ṭhapentaṃ disvā Satthu adhikārakammaṃ katvā taṃ ṭhānantaram patthetvā yāvajīvam kusalam

1. Chindanabhayena (Sī, Ka)

katvā devamanussesu saṃsaranto imasmiṃ Buddhuppāde Nālakagāme Rūpasārī brāhmaṇiyā kucchimhi nibbatti, **Upasenotissa** nāmaṃ ahosi. So vayappatto tayo vede uggaṇhitvā Satthu santike dhammaṃ sutvā paṭiladdhasaddho pabbajitvā upasampadāya ekavassiko “ariyagabbhaṃ¹ vaḍḍhemī”ti ekaṃ kulaputtaṃ attano santike upasampādetvā tena saddhiṃ Satthu santitaṃ gato. Sathhārā cassa tassa avassikassa bhikkhuno saddhivihārikabhāvaṃ sutvā “atilahuṃ kho tvaṃ moghapurisa bāhullāya āvatto”ti² garahito “idānāhaṃ yadi parisāṃ nissāya Sathhārā garahito, parisāmyeva pana nissāya Satthu pasādaṃ karissāmi”ti vipassanāya kammaṃ karonto nacirasseva arahattaṃ pāpuṇi. Arahā pana hutvā sayampi sabbe dhutaṅgadhamme samādāya vattati, aññepi tadatthāya samādapesi, tena naṃ Bhagavā samantapāsādikānaṃ aggaṭṭhāne ṭhapesi. So aparena samayena Kosambiyāṃ kalahe uppanne bhikkhusaṅghe ca dvidhābhūte ekena bhikkhunā taṃ kalahaṃ parivajjitukāmena “etarahi kho kalaho uppanno, bhikkhusaṅgho ca dvidhābhūto, kathaṃ nu kho mayā paṭipajjitabban”ti puṭṭho vivekavāsato paṭṭhāya tassa paṭipattiṃ kathesi. Evaṃ thero tassa bhikkhuno ovādadānāpadesena attano tathā paṭipannabhāvaṃ dīpento aññaṃ byākāsi.

86. So evaṃ patta-etaḍaggaṭṭhāno attano pubbakammaṃ saritvā somanassavasena pubbacaritāpadānaṃ pakāsento **Padumuttaraṃ Bhagavantanti-ādimāha. Pabbhāraṃhi nisīdantanti** purato bhāraṃ namitaṃ onamitanti pabbhāraṃ vivekakāmaṃ vanamajjhe sayamjātapabbatapabbhāre nisinnaṃ **naruttamaṃ** Bhagavantaṃ ahaṃ **upagacchimi** samīpaṃ gatoti attho.

87. **Kaṇikārapuppha disvā**ti tathā upagacchanto tasmīṃ padese supupphitaṃ kaṇikāraṃ disvā. **Vaṇṭe chetvāna’haṃ tadāti** tasmīṃ Tathāgatassa diṭṭhakāle taṃ pupphaṃ vaṇṭe vaṇṭasmīṃ chetvāna chinditvāna. **Alaṅkaritvā chattamhī**ti tena pupphena chattaṃ chādetvā³. **Buddhassa abhiropayinti** pabbhāre nisinnassa buddhassa muddhani akāsinti attho.

1. Ācariyagabbhaṃ (Sī)

2. Vi 3. 74 piṭṭhe.

3. Sādhetaṃ (Sī)

88. **Piṇḍapātañca pādāsinti** tasmimyeva nisinnassa Bhagavato piṇḍapātāṃ pakārena adāsīm bhojesinti attho. **Paramannaṃ subhojananti** sundarabhojanasaṅkhātāṃ paramannaṃ uttamāhāraṃ. **Buddhena navame tatthāti** tasmim vivekaṭṭhāne Buddhena saha navame aṭṭha **samaṇe** samitapāpe khīṇāsavabhikkhū bhojesinti attho.

Yaṃ vadanti Sumedhoti yaṃ Gotamasammāsambuddhaṃ **bhūripaṇṇaṃ** pathavisamaṇaṃ paṇṇaṃ **Sumedhaṃ** sundaraṃ sabbaññūtādipaṇṇavantaṃ. Sumedho iti sundarapaṇṇo iti vadanti paṇḍitā ito kappato satasahassee kappe eso Gotamo Sammāsambuddho bhavissatīti sambandho. Sesāṃ suviññeyyamevāti.

Upasenavaṅgantaputtatthera-apadānavañṇanā samattā.

8. Raṭṭhapālatthera-apadānavañṇanā

Padumuttarassa Bhagavatoti-ādikaṃ āyasmato Raṭṭhapālattherassa apadānaṃ. Ayampāyasmā purimabuddhesu katādhikāro tattha tattha bhavē vivatṭūpanissayāni puñṇāni upacinanto Padumuttarassa Bhagavato uppattito puretaraṃeva Haṃsavatīnagare gahapatimahāsālakule nibbattitvā vayappatto pitu accayena gharāvāse patiṭṭhito ratanakoṭṭhāgārakammikena dassitaṃ aparimaṇaṃ vaṃsānugataṃ dhanāṃ disvā “imaṃ ettakaṃ dhanarāsīm mayhaṃ pitu-ayyakapayyakādayo attanā saddhiṃ gahetvā gantuṃ nāsakkhimsu, mayā pana gahetvā gantuṃ vaṭṭatī”ti cintetvā kapaṇaddhikādīnaṃ mahādānaṃ adāsi. So abhiññālābhīm ekaṃ tāpasāṃ upasaṅkamitvā tena devalokādhipacce niyojito yāvajīvaṃ puñṇāni katvā tato cuto devaloke nibbattitvā dibbasampattiṃ anubhavanto tattha yāvatāyukaṃ ṭhatvā tato cuto manussaloke bhinnaṃ raṭṭhaṃ sandhāretuṃ samatthassa kulassa ekaputtako hutvā nibbatti. Tena samayena Padumuttaro Bhagavā loke uppajjitvā pavattitavaradhammacakko veneyyasatte nibbānamahānagaraṃsaṅkhātāṃ khemantabhūmiṃ sampāpesi. Atha so kulaputto anukkamena viññutaṃ patto ekadivasaṃ upāsakehi saddhiṃ vihāraṃ gantvā Sathhāraṃ dhammaṃ desentaṃ disvā pasannacitto parisapariyante nisīdi.

Tena kho pana samayena Satthā ekaṃ bhikkhuṃ saddhāpabbajitānaṃ aggaṭṭhāne ṭhapesi. So taṃ disvā pasannamānaso sataśahassabhikkhuparivutassa¹ Bhagavato sattāhaṃ mahādānaṃ datvā taṃ ṭhānaṃ patthesi. Satthā anantarāyena samijjhanabhāvaṃ disvā “ayaṃ anāgate Gotamassa nāma Sammāsambuddhassa sāsane saddhāpabbajitānaṃ aggo bhavissati”ti byākāsi. So Satthāraṃ bhikkhusaṃghaṅca vanditvā uṭṭhāyāsanaṃ pakkāmi. So yāvatāyukaṃ puññāni katvā tato cavitvā devamanussesu saṃsaranto ito dvenavute kappe Phussassa Bhagavato kāle Satthu vemātikesu tīsu rājaputtesu Satthāraṃ upaṭṭhahantesu tesāṃ puññakiriyāsu sahāyakkiccaṃ akāsi. Evaṃ tattha tattha bhave bahuṃ kusalaṃ upacinitvā sugatīsuyeva saṃsaranto imasmiṃ Buddhuppāde Kururaṭṭhe Thullakoṭṭhikanigame Raṭṭhapālaseṭṭhino gehe nibbatti, tassa bhinnaṃ raṭṭhaṃ sandhāretuṃ samatthakule nibbattatā **Raṭṭhapāloti** vaṃsānugatameva nāmaṃ ahosi. So mahatā parivārena vaḍḍhanto anukkamena yobbanappatto mātāpitūhi patirūpena dārena saṃyojito mahante ca yase patiṭṭhāpito dibbasampattisadisasampattim paccanubhoti.

Atha Bhagavā Kururaṭṭhe janapadacārikaṃ caranto Thullakoṭṭhikaṃ anupāpuṇi. Taṃ sutvā Raṭṭhapālo kulaputto Satthāraṃ upasaṅkamitvā Satthu santike dhammaṃ sutvā paṭiladdhasaddho pabbajitukāmo sattāhaṃ bhattacchedaṃ katvā kicchena kasirena mātāpitaro anujānāpetvā Satthāraṃ upasaṅkamitvā pabbajjaṃ yācitvā Satthu āṇattiyā aññatarassa santike pabbajitvā yonisomanasikārena kammaṃ karonto vipassanaṃ vaḍḍhetvā arahattaṃ pāpuṇi. Arahattaṃ pana patvā Satthāraṃ anujānāpetvā mātāpitaro passituṃ Thullakoṭṭhikaṃ gantvā tattha sapadānaṃ piṇḍāya caranto pitu nivesane ābhidosikaṃ kummāsaṃ labhitvā taṃ amataṃ viya paribhuñjanto pitarā nimantito svātānāya adhivāsetvā dutiyadivase pitu nivesane piṇḍapātaṃ paribhuñjitvā alaṅkatapaṭiyatte itthāgārajane upagantvā “kīdisā nāma tā ayyaputta accharāyo, yāsaṃ tvaṃ hetu brahmacariyaṃ carasi”ti-ādīni² vatvā palobhanakammaṃ kātuṃ āradde tassādhippāyaṃ viparivattetvā aniccatādipaṭisaṃyuttaṃ dhammaṃ kathento—

1. Parivārassa (I, Ka)

2. Ma 2. 252 piṭṭhe.

“Passa cittakataṃ bimbaṃ, arukāyaṃ samussitaṃ.
Āturaṃ bahusaṅkappaṃ, yassa natthi dhuvaṃ ṭhiti.

Passa cittakataṃ rūpaṃ, maṇinā kuṇḍalena ca.
Aṭṭhim tacena onaddhaṃ, saha vatthehi sobhati.

Alattakakatā pādā, mukhaṃ cuṇṇakamakkhitaṃ.
Alaṃ bālassa mohāya, no ca pārāgavesino.

Aṭṭhāpadakatā kesā, nettā añjanamakkhita.
Alaṃ bālassa mohāya, no ca pārāgavesino.

Añjanīva navā¹ citta, pūtikāyo alaṅkato.
Alaṃ bālassa mohāya, no ca pārāgavesino.

Odahi migavo pāsāṃ, nāsadā vāguraṃ migo.
Bhutvā nivāpaṃ gacchāma, kandante migabandhake.

Chinno pāso migavassa, nāsadā vāguraṃ migo.
Bhutvā nivāpaṃ gacchāma, socante migaluddake”^{ti}².

Imā gāthāyo abhāsi. Imā gāthā vatvā vehāsaṃ abhuggantvā rañño Korabyassa Migājīnavanuyyāne³ maṅgalasilāpaṭṭhe nisīdi. Therassa kira pitā sattasu dvārakoṭṭhakesu aggaḷaṃ dāpetvā malle āṇāpesi “nikkhamituṃ mā detha, kāsāyāni apanetvā setakāni nivāsāpethā”^{ti}. Tasmā thero ākāsenā agamāsi. Atha rājā Korabyo therassa tattha nisinnabhāvaṃ sutvā taṃ upasaṅkamitvā sammodanīyaṃ kathaṃ sāraṇīyaṃ vītisāretvā “idha bho Raṭṭhapāla pabbajanto byādhipārijuṅṅhaṃ vā jarābhogañātipārijuṅṅhaṃ vā patto pabbajati, tvaṃ pana kiñcipi pārijuṅṅhaṃ anupagato eva kasmā pabbajasi”^{ti} pucchi. Athassa thero “upaniyyati loko addhuvo, atāṇo loko anabhissaro, asaraṇo loko sabbaṃ pahāya gamanīyaṃ, ūno loko atitto taṇhādāso”^{ti}⁴ imesaṃ catunnaṃ dhammuddesānaṃ attanā viditabhāvaṃ kathetvā tassā desanāya anugāti⁵ kathento—

1. Añjanīvaṇṇavā (Ma 2. 253 piṭṭhe.)

2. Ma 2. 253; Khu 2. 325 piṭṭhesu.

3. Migācīra... (Sī)

4. Ma 2. 256 piṭṭhe Raṭṭhapālasutte vitthāro.

5. Anuthutim (Ka)

“Passāmi loke sadhane manusse,
Laddhāna vittaṃ na dadanti mohā.
Luddhā dhanam sannicayam karonti,
Bhiyyova kāme abhipatthayanti.

Rājā pasayhappathaviṃ vijetvā,
Sasāgarantaṃ mahimāvasanto.
Oram samuddassa atittarūpo,
Pāram samuddassapi patthayetha.

Rājā ca aññe ca bahū manussā,
Avītataṅhā maraṇam upenti.
Ūnāva hutvāna jahanti deham,
Kāmehi lokamhi na ha'tthi titti.

Kandanti nam nātī pakiriya kese,
'Aho vatā no amarā'ti cāhu.
Vatthena nam pārutaṃ nīharitvā,
Citaṃ samodhāya tato ḍahanti.

So ḍayhati sūlehi tujjamāno,
Ekena vatthena pahāya bhoge.
Na mīyamānassa bhavanti tāṇā,
Ñātī ca mittā atha vā sahāyā.

Dāyādakā tassa dhanam haranti,
Satto pana gacchati yena kamman.
Na mīyamānam dhanamanveti kiñci,
Puttā ca dārā ca dhanañca raṭṭham.

Na dīghamāyuram labhate dhanena,
Na cāpi vittena jaram vihanti.
Appam hidam jīvitamāhu dhīrā,
Asassatam vippariṇāmadhammam.

Aḍḍhā daliddā ca phusanti phassaṃ,
 Bālo ca dhīro ca tatheva phuṭṭho.
 Bālo hi bālyā vadhitova seti,
 Dhīro ca no vedhati phassaphuṭṭho.

Tasmā hi paññāva dhanena seyyā,
 Yāya vosāna'midhā'dhigacchati.
 Abyositattā hi bhavābhavesu,
 Pāpāni kammāni karoti mohā.

Upeti gabbhañca parañca lokam,
 Saṃsāramāpajjaparamparāya.
 Tassa'ppapañño abhisaddahanto,
 Upeti gabbhañca parañca lokam.

Coro yathā sandhimukhe gahīto,
 Sakammunā haññati pāpadhammo.
 Evaṃ pajā pecca paramhi loke,
 Sakammunā haññati pāpadhammo.

Kāmā hi citrā madhurā manoramā,
 Virūparūpena mathenti cittam.
 Ādīnavam kāmagaṇesu disvā,
 Tasmā aham pabbajitomhi rāja.

Dumapphanīva patanti māṇavā,
 Daharā ca vuḍḍhā ca sarīrabhedā.
 Etampi disvāna pabbajitomhi rāja,
 Apaṇṇakam sāmāññameva seyyo.

Saddhāyāham pabbajito, upeto jinasāsane.
 Avañjhā mayham pabbajjā, anaṇo bhuñjāmi bhojanam.

Kāme ādittato disvā, jātarūpāni satthato.
 Gabbhāvokkantito dukkham, nirayesu mahabbhayam.

Etamādinavaṃ ñatvā, saṃvegaṃ alabhiṃ tadā.
 Sohaṃ viddho tadā santo, sampatto āsavakkhayaṃ.
 Pariciṇṇo mayā Satthā, kataṃ Buddhassa sāsanaṃ.
 Ohito garuko bhāro, bhavanetti samūhatā.
 Yassa 'tthāya pabbajito, agārasmā 'nagāriyaṃ.
 So me attho anuppatto, sabbasaṃyojanakkhayo"ti¹—

Imā gāthā avoca. Evaṃ thero rañño Korabyassa dhammaṃ desetvā Satthu santikameva gato. Satthā ca aparabhāge ariyagaṇamajjhe nisinno theram saddhāpabbajitānaṃ aggaṭṭhāne ṭhapesi.

97-8. Evaṃ so thero patta-etadaggaṭṭhāno pubbakammaṃ saritvā somanassajāto pubbacaritāpadānaṃ pakāsento **Padumuttarassa Bhagavatoti-** ādimāha. **Varanāgo mayā dinnoti** tassa Bhagavato rūpakāye pasīditvā varo uttamo seṭṭho **īsādanto** rathīsāsadisadanto urūḷhavā bhāravaho² rājāraho vā. **Setacchattopasobhitoti** hatthikkhandhe ussāpitasetacchattena upasevito sobhamāno. Punapi kiṃvisiṭṭho varanāgo? **Sakappano** hatthālānkārasahito. **Samghārāmaṃ** Buddhappamukhassa bhikkhusaṃghassa vasanatthāya ārāmaṃ vihāraṃ **akārayiṃ** kāresim.

99. **Catupaññāsasahassānīti** tasmim kārāpīte vihārabbhantare catupaññāsasahassāni pāsādāni ca ahaṃ akārayiṃ kāresinti attho. **Mahoghadānaṃ karitvānāti** sabbaparikkhārasahitaṃ mahoghasadisam mahādānaṃ sajjetvā **Mahesino** Munino niyyādesinti attho.

100. **Anumodi mahāvīroti** caturāsankhyeyyasatasahassesu kappesu abbochinna-ussāhasaṅkhātena vīriyena mahāvīro **sayambhū** sayameva bhūto jāto laddhasabbaññutaññāṇo aggo seṭṭho puggalo **anumodi** vihārānumodanaṃ akāsi. **Sabbe jane hāsayantoti** sakalānantāparimāṇe devamanusse hāsayanto

1. Khu 2. 325 piṭṭhādīsu.

2. Sāravaho (I)

santuṭṭhe **kurumāno** amatanibbānapaṭisaṃyuttaṃ catusaccadhammadesanaṃ **desesi** pakāsesi vivari vibhaji uttānī akāsīti attho.

101. **Taṃ me viyākāsīti** taṃ mayhaṃ katapuññaṃ balaṃ viśesena pākaṭaṃ akāsi. **Jalajuttamanāmakoti** jale jātaṃ jalajaṃ padumaṃ, Padumuttaranāmakoti attho. “Jalanuttamanāyako”tipi pāṭho. Tattha attano pabhāya jalantīti jalanā, candimasūriyadevabrahmāno, tesāṃ jalanānaṃ uttamoti jalanuttamo. Sabbasattānaṃ nāyako uttamoti nāyako, sambhāravante satte nibbānaṃ neti pāpetīti vā nāyako, jalanuttamo ca so nāyako cāti **Jalanuttamanāyako. Bhikkhusaṃghe nisīditvāti** bhikkhusaṃghassa majjhe nisinno **imā gāthā abhāsatha** pākaṭaṃ katvā kathesīti attho. Sesāṃ uttānatthamevāti.

Ratṭhapālatthera-apadānavañṇanā samattā.

9. Sopākatthera-apadānavañṇanā

Pabbhāraṃ sodhayantassāti-ādikaṃ āyasmato Sopākattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṃ upacinanto Siddhatthassa Bhagavato kāle aññatarassa kuṭambikassa putto hutvā nibbatti. Ekadivasāṃ Satthāraṃ disvā bījapūraphalāni Satthu upanesi, paribhuñji Bhagavā tassānukampaṃ upādāya. So bhikkhu Satthari saṃghe ca abhippasanno salākabhattaṃ paṭṭhapetvā saṃghuddesavasena tiṇṇaṃ bhikkhūnaṃ yāvatāyukaṃ khīrabhattaṃ adāsi. So tehi puññehi aparāparaṃ devamanussesu sampattiyo anubhavanto ekadā manussayoniyāṃ nibbatto ekassa Paccekabuddhassa khīrabhattaṃ adāsi.

Evam tattha tattha puññaṃ katvā sugatīsuyeva paribbhamanto imasmim Buddhappāde purimakammaṇissandena Sāvatthiyaṃ aññatarāya duggatitthiyā kucchimhi paṭisandhiṃ gaṇhi. Sā taṃ dasamāse kucchinā pariharitvā paripakke gabbhe vijāyanakāle vijāyitum asakkontī mucchaṃ āpajjitvā bahuvelaṃ matā viya nipajji. Nātakā “matā”ti saññāya susānaṃ netvā citakaṃ

āropetvā devatānubhāvena vātavuṭṭhiyā uṭṭhitāya aggiṃ adatvā pakkamiṃsu. Dārako pacchimabhavikattā devatānubhāvene va arogo hutvā mātukucchito nikkhami. Mātā pana kālamakāsi. Devatā manussarūpenupagamma taṃ gahetvā susānagopakassa gehe ṭhapetvā katipāhaṃ kālaṃ patirūpena āhārena posesi. Tato paraṃ susānagopako attano puttaṃ katvā vaḍḍhesi. So tathā vaḍḍhento tassa puttena Suppiyena nāma dārakena saddhiṃ kiḷanto vicari. Tassa susāne jātasaṃvaḍḍhabhāvato **Sopākoti** samaññā ahoṣi.

Athekadivasam̐ sattavassikaṃ taṃ Bhagavā paccūsavelāyaṃ nāṇajālaṃ pattharivā veneyyabandhave olokeno nāṇajālassa antogataṃ¹ disvā susānaṭṭhānaṃ agamaṣi. Dārako pubbahetunā codiyamāno pasannamānaso Satthāraṃ upasaṅkamtivā vanditvā aṭṭhāsi. Satthā tassa dhammaṃ kathesi. So dhammaṃ sutvā pabbajjaṃ yācitvā pitarā “anuññātosī”ti vutto pitarāṃ Satthu santikaṃ ānesi. Tassa pitā Satthāraṃ vanditvā “imaṃ dārakaṃ pabbājetha bhante”ti anujāni, taṃ pabbājetvā Bhagavā mettābhāvanāya niyojesi. So mettākammaṭṭhānaṃ gahetvā susāne viharanto nacirasseva mettājhānaṃ pādakaṃ katvā vipassanaṃ vaḍḍhetvā arahattaṃ sacchākāsi. Arahā hutvāpi aññesaṃ sosānikabhikkhūnaṃ mettābhāvanāvidhiṃ dassento “yathāpi ekaputtasmin”ti² gāthaṃ abhāsi. Idaṃ vuttaṃ hoti—yathā ekaputtake piye manāpe mātā pitā ca kusalī ekantahitesī bhaveyya, evaṃ puratthimādibhedāsu sabbāsu disāsu kāmabhavādibhedesu vā sabbesu bhavesu daharādibhedāsu sabbāsu avatthāsupi ṭhitesu sabbesu sattesu ekantahitesitāya kusalī bhaveyya “mitto, udāsino, paccatthiko”ti sīmaṃ akatvā sīmāya sambhedavasena sabbattha ekarasaṃ mettaṃ bhāveyyāti imaṃ pana gāthaṃ vatvā “sace tumhe āyasmanto evaṃ mettaṃ bhāveyyātha, ye te Bhagavatā ‘sukhaṃ supatī’ti-ādinā³ ekādasa mettānisamsā ca vuttā, ekaṃsena tesāṃ bhāgino bhavathā”ti ovādaṃ adāsi.

1. Antogadham̐ (Ka)

2. Khu 2. 227 piṭṭhe.

3. Am̐ 3. 542; Vi 5. 249; Khu 11. 195 piṭṭhesu.

118. **Dve sampattī anubhotvāti** manussasampattidibbasampattisaṅkhātā dve sampattiyo anubhavitvā. **Sukkamūlena coditoti** purāṇakusalamūlena, mūlabhūtena kusalena vā codito saṅcodito. **Pacchime bhawe sampatteti** pariyoṣāne bhawe sampatte pāpuṇite. **Sapākayonu’pāgaminti** sakamāṃ pacitabhattamā sapākamāṃ yonim upāgamim. Yassa kulassa attano pacitabhattamā aññehi abhuñjanīyam, tasmim caṇḍālakule nibbattosmīti attho. Atha vā sā vuccati sunakho, sunakhocchiṭṭhabhattabhuñjanakacaṇḍālakule jātoti attho. Sesam uttānatthamevāti.

Sopākatthera-apadānavaṇṇanā samattā.

10. Sumaṅgalatthera-apadānavaṇṇanā

Āhutim yiṭṭhukāmoti-ādikaṃ āyasmato Sumaṅgalattherassa apadānaṃ. Ayampāyasmā purimabuddhesu katādhikāro tatha tatha bhawe vivatṭūpanissayāni puññāni upacinanto Piyadassissa Bhagavato kāle rukkhadevatā hutvā nibbatti. So ekadivasam Satthāraṃ nhatvā ekacīvaraṃ ṭhitaṃ disvā somanassappatto apphoṭesi. So tena puññena devamanussesu saṃsaranto imasmim Buddhuppāde Sāvattiyā avidūre aññatarasmim gāmake tādisena kammanissandena daliddakule nibbatti, tassa **Sumaṅgaloti** nāmaṃ ahoṣi. So vayappatto khujjakāsita¹ naṅgalakuddālaparikkhāro hutvā kasiyā jīvikamāṃ kappesi. So ekadivasam raññā Pasenadinā Kosalena Bhagavato bhikkhusaṅghassa ca mahādāne pavattiyamāne dānūpakaraṇāni gahetvā āgacchantehi manussehi saddhim dadhighaṭam gahetvā āgato bhikkhūnaṃ sakkārasammānaṃ disvā “ime samaṇā Sakyaputtiyā sukhumavatthanivatthā subhojanāni bhuñjitvā nivātesu senāsanesu viharanti, yannūnāhampi pabbajeyyan”ti cintetvā aññataram mahātheram upasaṅkamitvā attano pabbajādhippāyam nivedesi. So tam karuṇāyanto pabbājetvā kammaṭṭhānaṃ ācikkhi. So

1. Uddākāsita (Ka)

araññe viharanto ekakavihāre nibbinno ukkaṇṭhito hutvā vibbhamitukāmo ñātigāmaṃ gacchanto antarāmagge kacchaṃ bandhitvā khettaṃ kasante kiliṭṭhavatthanivatthe samantato rajokiṇṇasarīre vātātapena sussante khettaṃ kassake manusse disvā “mahantaṃ vatime sattā jīvikanimittaṃ dukkhaṃ paccanubhavanti”ti samvegaṃ paṭilabhi. Ñāṇassa paripākagattā cassa yathāgahitaṃ kammaṭṭhānaṃ upaṭṭhāsi. So aññataraṃ rukkhamūlaṃ upagantvā vivekaṃ labhitvā yonisomanasikaronto vipassanaṃ vaḍḍhetvā maggapaṭipāṭiyā arahattaṃ pāpuṇi.

124. Evaṃ so patta-arahattaphalo attano pubbakammaṃ saritvā somanassavasena pubbacaritāpadānaṃ pakāsentō **āhutiṃ yiṭṭhukāmohanti-**ādīmāha. Tattha **āhutiṃ** annapānādi-anekavidhaṃ pūjāsakkārūpakaraṇaṃ. **Yiṭṭhukāmoti** yajitukāmo, dānaṃ dātukāmo ahaṃ. **Paṭiyādetvāna bhojananti** āhāraṃ paṭiyādetvā nipphādetvā. **Brāhmaṇe paṭimānentoti** paṭiggāhake suddhapabbajite pariyesanto. **Visāle mālake ṭhitoti** parisuddhapaṇḍarapulinatalābhiraṃ vipule mālake ṭhito.

125-7. **Athaddasāsīm sambuddhanti-**ādīsū **mahāyasam** mahāparivāraṃ **sabbalokaṃ** sakalasattalokaṃ **vinetāraṃ** visesena netāraṃ nibbānasampāpakaṃ **sayambhuṃ** sayameva bhūtaṃ anācariyakaṃ **aggapuggalaṃ** seṭṭhapuggalaṃ Bhagavantaṃ Bhagyavantādiguṇayuttaṃ **jutimantaṃ** nīlapītādi-pabhāsampannaṃ sāvakehi **purakkhataṃ** parivāritaṃ **ādiccamiva** sūriyamiva **rocantaṃ** sobhamānaṃ **rathiyam** vīthiyam paṭipannaṃ gacchantaṃ Piyadassim nāma **Sambuddhaṃ** addasinti sambandho. **Añjaliṃ paggaḥetvānāti** baddhañjalipuṭaṃ¹ sirasi katvā **sakaṃ cittaṃ** attano cittaṃ **pasādayim** itthambhūtaṃ Bhagavato guṇe pasādesim pasannamakāsinti attho. **Manasāva nimantesinti** cittaena pavāresim. **Āgacchatu Mahāmunīti** mahito pūjāraho Muni Bhagavā mama nivesanaṃ āgacchatu.

128. **Mama saṅkappamaññāyāti** mayhaṃ citta-saṅkappaṃ ñatvā **loke** sattaloke **anuttaro** uttaravirahito Satthā **khīṇāsavasahashehi**

1. Baddhaṅgulipuṭaṃ (Ka)

arahantasahashehi parivuto **mama dvāraṃ** mayhaṃ gehadvāraṃ **upāgami** sampāpuṇi.

129. Tassa sampattassa Satthuno evaṃ namakkāramakāsim. **Purisājañña** purisānaṃ ājañña seṭṭha mama namakkāro **te** tuyhaṃ **atthu** bhavatu. **Purisuttama** purisānaṃ uttama adhikaguṇavisiṭṭha **te** tuyhaṃ mama namakkāro atthu. **Pāsādaṃ** pasādajanakaṃ mama nivesanaṃ abhiruhitvā **sīhāsane** uttamāsane nisīdatanti āyācinti attho.

130. **Danto dantaparivāro**ti sayāṃ dvārattayena danto tathā dantāhi bhikkhubhikkhuni-upāsaka-upāsikāsāṅkhātāhi catūhi parisāhi parivārito. **Tiṇṇo tārayataṃ varoti** sayāṃ tiṇṇo saṃsārato uttiṇṇo nikkhanto tārayataṃ tārayantānaṃ visiṭṭhapuggalānaṃ varo uttamo Bhagavā mamārādhanena pāsādaṃ abhiruhitvā **pavarāsane** uttamāsane **nisīdi** nisajjāṃ kappesi.

131. **Yāṃ me atthi sake geheti** attano gehe yāṃ āmisāṃ **paccupaṭṭhitāṃ** sampāditaṃ rāsikataṃ atthi. **Tāhaṃ Buddhassa pādāsinti** Buddhassa Buddhappamukhassa saṃghassa taṃ āmisāṃ pādāsinaṃ pakārena ādarena vā adāsinti attho. **Pasanno sehi paṇibhīti** attano dvīhi hatthehi pasannacitto gahetvā pādāsinti attho.

132. **Pasannacitto** pasāditanasāṅkappo sumano sundaramano. **Vedajāto** jātavedo uppannasomanasso **katañjali** sirasi ṭhapita-añjalipuṭo **Buddhassetthaṃ namassāmi** seṭṭhassa Buddhassa paṇāmaṃ karomīti attho. **Aho Buddhassaḷāratāti** paṭividdhacatusaccassa Satthuno uḷāratā mahantabhāvo aho acchariyanti attho.

133. **Aṭṭhannaṃ payirūpāsataṃ** payirupāsantānaṃ **bhuñjāṃ** bhuñjantānaṃ aṭṭhannaṃ ariyapuggalānaṃ antare **khīṇāsavā** arahantova bahūti attho. **Tuyheveso ānubhāvoti** eso ākāsacaraṇa-ummujjananimujjanādi-ānubhāvo tuyheva tuyhaṃ eva ānubhāvo, nāññesaṃ. **Saraṇaṃ taṃ upemahanti** taṃ itthambhūtaṃ tuvaṃ saraṇaṃ tāṇaṃ leṇaṃ parāyananti upemi gacchami jānāmi vāti attho.

134. Lokajettho Narāsabho Piyadassī Bhagavā bhikkhusaṅghamajjhe nisīditvā imā byākaraṇagāthā abhāsatha kathesīti attho. Sesam suviññeyyamevāti.

Sumaṅgalatthera-apadānavaṇṇanā samattā.

Dutiyassa sīhāsanavaggassa vaṇṇanā samattā.

3. Subhūtivagga

1. Subhūtitherā-apadānavaṇṇanā

Himavantassāvidūreti-ādikaṃ āyasmato Subhūtitherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto ito kappasatasahassamatthake anuppanneyeva Padumuttare Bhagavati Lokanāthe Haṃsavatīnagare aññatarassa brāhmaṇamahāsālassa ekaputtako hutvā nibbatti, tassa **Nandamāṇavoti** nāmaṃ akaṃsu. So vayappatto tayo vede uggaṇhitvā tattha sāraṃ apassanto attano parivārabhūtehi catucattālīsāya māṇavasahasseehi saddhim pabbatapāde isipabbajjaṃ pabbajitvā aṭṭha samāpattiyo pañcābhiññāyo ca nibbatesi. Antevāsikānampi kammaṭṭhānaṃ ācikkhi. Tepi nacirasseva jhānalābhino ahesuṃ.

Tena ca samayena Padumuttaro Bhagavā loke uppajjitvā Haṃsavatīnagaraṃ upanissāya viharanto ekadivasaṃ paccūsasamaye lokaṃ volokento Nandatāpasassa antevāsikajaṭilānaṃ arahattūpanissayaṃ, Nandatāpasassa ca dvīhaṅgehi samannāgatassa sāvakaṭṭhānantarassa patthanāṃ disvā pātova sarīrapaṭijagganaṃ katvā pubbaṇhasamaye pattacīvaramādāya aññaṃ kañci anāmantetvā siho viya ekacaro Nandatāpasassa antevāsikesu phalāphalattāya gatesu “Buddhabhāvaṃ me jānātū”ti passantasseva Nandatāpasassa ākāso otaritvā pathaviyaṃ patiṭṭhāsi. Nandatāpaso Buddhānubhāvañceva lakkhaṇapāripūriṃ ca disvā lakkhaṇamante sammāsivā “imehi lakkhaṇehi samannāgato nāma agāraṃ ajjhāvasanto rājā hoti cakkavattī, pabbajanto loke

vivaṭacchedo sabbaññū Buddho hoti, ayaṃ purisājāniyo nissamsayaṃ Buddho”ti ñatvā paccuggamaṇaṃ katvā pañcapatiṭṭhitena vanditvā āsanaṃ paññāpetvā adāsi. Nisīdi Bhagavā paññatte āsane. Nandatāpasopi attano anucchavikaṃ āsanaṃ gahetvā ekamantaṃ¹ nisīdi. Tasmim̐ samaye catucattālīsasahassajaṭilā paṇītapaṇītāni ojavantāni phalāphalāni gahetvā ācariyassa santikaṃ sampattā Buddhānañceva ācariyassa ca nisinnākāraṃ oloketvā āhaṃsu “ācariya mayaṃ ‘imasmim̐ loke tumhehi mahantataro natthī’ti vicarāma, ayaṃ pana puriso tumhehi mahantataro maññe”ti. Nandatāpaso “tātā kiṃ vadetha, tumhe sāsapena saddhim̐ aṭṭhasaṭṭhiyojanasatasahassubbedham̐ Sineruṃ upametuṃ icchatha, Sabbaññubuddhena saddhim̐ mā maṃ upamitthā”ti āha. Atha te tāpasā “sace ayaṃ orako abhavissa, na amhākaṃ ācariyo evaṃ upamaṃ āhareyya. Yāva mahāvātāyaṃ purisājāniyo”ti pādesu nipatitvā siraṣā vandimsu. Atha te ācariyo āha “tātā amhākaṃ Buddhānaṃ anucchaviko deyyadhammo natthi, Bhagavā ca bhikkhācāravelāyaṃ idhāgato, tasmā mayaṃ yathābalaṃ deyyadhammaṃ dassāma, tumhehi yaṃ yaṃ paṇītaṃ phalāphalaṃ ābhatāṃ, taṃ taṃ āharathā”ti āharāpetvā sahattheneva dhovitvā sayāṃ tathāgatassa patte patiṭṭhāpesi. Satthārā phalāphale paṭiggahitamatte devatā dibbojaṃ pakkhipimsu. Tāpaso udakampi sayameva parissāvetvā adāsi. Tato bhojanakiccaṃ niṭṭhāpetvā nisinne Satthari sabbe antevāsike pakkosivā Satthu santike sāraṇīyaṃ kathaṃ kathento nisīdi. Satthā “bhikkhusaṃgho āgacchatū”ti cintesi. Satthu cittaṃ ñatvā satasahassamattā khīṇāsavā āgantvā Satthāraṃ vanditvā aṭṭhaṃsu.

Atha Nandatāpaso antevāsike āmantesi “tātā Buddhānaṃ nisinnāsanampi nīcaṃ, samaṇasatasahassassapi āsanaṃ natthi. Tumhehi ajja uḷāraṃ Bhagavato bhikkhusaṃghassa ca sakkāraṃ kātuṃ vaṭṭati, pabbatapādato vaṇṇagandhasampannāni pupphāni āharathā”ti āha, acinteyyattā iddhivisayaṃ te muhutteneva vaṇṇagandharasasampannāni pupphāni āharitvā Buddhānaṃ yojanappamaṇaṃ pupphāsaṇaṃ paññāpesuṃ. Aggasāvakaṇaṃ tigāvutaṃ,

1. Ekamante (Sī)

sesabhikkhūnaṃ aḍḍhayanādibhedanā, saṃghanavakassa usabhamattaṃ paññāpesuṃ. Evaṃ paññattesu āsanesu Nandatāpaso Tathāgatassa purato añjaliṃ paggayha ṭhito “bhante amhākaṃ dīgharattaṃ hitāya sukhāya imaṃ pupphāsanaṃ āruyha nisīdathā”ti āha. Nisīdi Bhagavā pupphāsane. Evaṃ nisinne Satthari Satthu ākāraṃ ñatvā bhikkhū attano attano pattāsane nisīdiṃsu. Nandatāpaso mahantaṃ pupphacchattaṃ gahetvā Tathāgatassa matthake dhārento aṭṭhāsi. Satthā “tāpasānaṃ ayaṃ sakkāro mahapphalo hotū”ti nirodhasamāpattiṃ samāpajji. Satthu samāpannabhāvaṃ ñatvā bhikkhūpi samāpattiṃ samāpajjiṃsu. Tathāgate sattāhaṃ nirodhaṃ samāpajjitvā nisinne antevāsikā bhikkhācārakāle sampatte vanamūlaphalāphalaṃ paribhuñjitvā sesakāle Buddhānaṃ añjaliṃ paggayha aṭṭhaṃsu. Nandatāpaso pana bhikkhācārampi agantvā pupphacchattaṃ dhārentoyeva sattāhaṃ pītisukheneva vītināmesi.

Satthā nirodhato vuṭṭhāya araṇavihāri-aṅgena dakkhiṇeyyaṅgena cāti dvīhi aṅgehi samannāgataṃ ekaṃ sāvakaṃ “isigaṇassa pupphāsanaṇumodanaṃ karohī”ti āṇāpesi. So cakkavattirañño santikā paṭiladdhamahālābho mahāyodho viya tuṭṭhamānaso attano visaye ṭhatvā Tepiṭakaṃ Buddhavacanaṃ sammāsivā anumodanamakāsi. Tassa desanāvasāne Satthā sayāṃ dhammaṃ desesi. Satthu desanāvasāne sabbepi catucattālīsahasattāpasā arahattaṃ pāpuṇiṃsu. Satthā “etha bhikkhavo”ti hatthaṃ pasāresi. Tesāṃ tāvadeva kesamassū antaradhāyiṃsu. Aṭṭha parikkhārā sarīre paṭimukkāva ahesuṃ. Te saṭṭhivassikattherā viya Satthāraṃ parivārayiṃsu. Nandatāpaso pana vikkhittacittatāya visesaṃ nādhigañchi. Tassa kira Araṇavihārittherassa dhammaṃ sotuṃ āraddhakālato paṭṭhāya “aho vatāhampi anāgate ekassa Buddhassa sāsane iminā sāvakena laddhaguṇaṃ labheyyaṃ”ti cittaṃ udapādi. So tena vitakkena maggaphalapaṭivedhaṃ kātum nāsakkihi. Tathāgataṃ pana vanditvā añjaliṃ paggayha sammukhe ṭhito evamāha “bhante yena bhikkhunā isigaṇassa pupphāsanaṇumodanā katā, ko nāmāyaṃ tumhākaṃ sāsane”ti. Araṇavihāri-aṅgena ca dakkhiṇeyyaṅgena ca etadaggaṭṭhānaṃ patto eso bhikkhūti. “Bhante yvāyaṃ mayā sattāhaṃ pupphacchattaṃ

dhārentena sakkāro kato, tena adhikārena aññaṃ sampattiṃ na patthemī,
anāgate pana ekassa Buddhassa sāsane ayaṃ thero viya dvīhaṅgehi
samannāgato sāvako bhaveyyan”ti patthanāṃ akāsi.

Satthā “samijjhissati nu kho imassa tāpasassa patthanā”ti anāgataṃ
saññaṃ pesetvā olokeno kappasatasahassaṃ atikkamivā
samijjhanakabhāvaṃdisvā “tāpasa na te ayaṃ patthanā moghaṃ bhavissati,
anāgate kappasatasahassaṃ atikkamivā Gotamo nāma Buddho uppajjissati,
tassa santike samijjhissati”ti dhammakathaṃ kathetvā
bhikkhusaṅghaparivuto ākāsaṃ pakkhandi. Nandatāpaso yāva
cakkhupathaṃ na samatikkamati, tāva Satthu bhikkhusaṅghassa ca añjalīṃ
paggahetvā aṭṭhāsi. So aparabhāge kālena kālaṃ Satthāraṃ upasaṅkamivā
dhammaṃ suṇivā aparihīnajjhānova kālaṃ katvā brahmaloke nibbatta. Tato
pana cuto aparānipi pañca jātisatāni pabbajitvā āraññaṃ ahoṣi,
Kassapasammāsambuddhakālepi pabbajitvā āraññaṃ hutvā
gatapaccāgatavattaṃ pūresi. Etaṃ kira vattaṃ aparipūretvā
mahāsāvakaḥpāpūṇantā nāma natthi, gatapaccāgatavattaṃ pana
Āgamaṭṭhakathāsu¹ vuttanayeneva veditabbaṃ. So vīsabhivassasahassāni
gatapaccāgatavattaṃ pūretvā kālaṃ katvā Tāvatiṃsadevaloke nibbatti.

Evam so Tāvatiṃsabhavane aparāparaṃ uppajjanavasena
dibbasampattiṃ anubhavitvā tato cuto manussaloke anekasatakkhattuṃ
cakkavattirājā padesarājā ca hutvā ulāraṃ manussasampattiṃ anubhavitvā
amhākaṃ Bhagavato uppanakāle Sāvattiyaṃ Sumanaseṭṭhissa gehe
Anāthapiṇḍikassa kaniṭṭho hutvā nibbatti, **Subhūtī**tissa nāmaṃ ahoṣi.

Tena ca samayena amhākaṃ Bhagavā loke uppajjitvā
pavattitaradhammacakko anupubbena Rājagahaṃ gantvā tattha
Veḷuvanapaṭṭiggaḥaṇḍinā lokānuggahaṃ karonto Rājagahaṃ upanissāya
Sītavane vihāsi. Tadā Anāthapiṇḍiko seṭṭhi Sāvattiyaṃ utṭhānakaṃ
bhaṇḍaṃ gahetvā attano sahāyassa rājagahaseṭṭhino gehaṃ gantvā
Buddhuppādaṃ sutvā Satthāraṃ Sītavane viharantaṃ upasaṅkamivā
paṭhamadassaneneva sotāpattiphale

1. Dī-Ṭṭha 1. 167; Ma-Ṭṭha 1. 259 piṭṭhādīsu.

patiṭṭhaya Satthāraṃ Sāvattiṃ āgamanatthāya yācitvā tato pañcacattālīsajoyane magge yojane yojane sataśahassapariuccāgena vihāre patiṭṭhāpetvā Sāvattiyaṃ aṭṭhakarīsappamāṇaṃ Jetassa kumārassa uyyānabhūmiṃ koṭisanthārena kiṇitvā tattha Bhagavato vihāraṃ kāretvā adāsi. Vihāramahadivase ayaṃ Subhūtikūṭumbiko Anāthapiṇḍikaseṭṭhinā saddhiṃ gantvā dhammaṃ suṇanto saddhaṃ paṭilabhitvā pabbaji. So upasampanno dve mātikā paguṇā katvā kammaṭṭhānaṃ kathāpetvā araṇṇe samaṇadhammaṃ karonto mettājhānaṃ nibbattetvā taṃ pādakaṃ katvā vipassanaṃ vadḍhetvā arahattaṃ pāpuṇi.

So dhammaṃ desento yasmā Satthārā desitaniyāmena anodissakaṃ katvā deseti, tasmā araṇavihārīnaṃ aggo nāma jāto. Yasmā ca piṇḍāya caranto ghare ghare mettājhānaṃ samāpajjitvā vuṭṭhāya bhikkhaṃ paṭiggaṇhāti “evaṃ dāyakaṇaṃ mahapphalaṃ bhavissati”ti, tasmā dakkhiṇeyyānaṃ aggo nāma jāto. Tena naṃ Bhagavā “etadaggaṃ bhikkhave mama sāvakaṇaṃ bhikkhūnaṃ araṇavihārīnaṃ dakkhiṇeyyānaṃca yadidaṃ Subhūti”ti¹ dvayaṅgasamannāgate aggaṭṭhāne ṭhapesi. Evamayaṃ mahāthero attanā pūritapāramīnaṃ phalassa matthakaṃ arahattaṃ patvā loka abhiññāto abhilakkhito hutvā bahujaṇahitāya janapadacārikaṃ caranto anupubbena Rājagahaṃ agamāsi.

Rā Jābimbisāro therassa āgamaṇaṃ sutvā upasaṅkamtivā vanditvā “idheva bhante vasatha, vasanaṭṭhānaṃ vo karissāmi”ti vatvā² pakkanto vissari. Thero senāsaṇaṃ alabhanto abbhokāse vītināmesi. Therassānubhāvena devo na vassati. Manussā avuṭṭhitāya upaddutā raṇṇo nivesanadvāre ukkuṭṭhiṃ akaṃsu. Rājā “kena nu kho kāraṇena devo na vassati”ti vīmaṃsanto “therassa abbhokāsavāseṇa maṇṇe na vassati”ti cintetvā tassa paṇṇakuṭiṃ kārapetvā “imissaṃ bhante paṇṇakuṭiyaṃ vasathā”ti vatvā vanditvā pakkāmi. Thero kuṭiṃ pavisitvā tiṇasanthārake pallaṅkena nisīdi. Tadā devo thokaṃ thokaṃ phusāyati, na sammādhāraṃ anupavecchati. Atha thero lokassa avuṭṭhikabhayaṃ

1. Am 1. 24 piṭṭhe.

2. “Idheva bhante vasathā”ti vatvā “nivāsanaṭṭhānaṃ karissāmi”ti (Thera-Ṭṭha 1. 28 piṭṭhe.)

vidhamitukāmo attano ajjhattikabāhiravatthukassa parissayassa abhāvaṃ pavedento “channā me kuṭṭikā”¹ti gāthāmāha. Tassattho Theragāthāyaṃ vuttoyeva.

Kasmā panete mahātherā attano guṇe pakāsentīti? Iminā dīghena addhunā anadhigatapubbaṃ paramagambhīraṃ ativiya santāṃ paṇītaṃ attanā adhigatalokuttaradhammaṃ paccavekkhitvā pitivegasamussāhita-udānadīpanatthaṃ sāsanaṃ niyyānikabhāvavibhāvanatthaṃ paramappicchā ariyā attano guṇe pakāseti. Yathā taṃ Lokanātho bodhaneyyānaṃ ajjhāsayaṃsena “Dasabalasamannāgato bhikkhave Tathāgato catuvesārajjavīsārado”²ti-ādinaṃ² attano guṇe pakāseti. Evamayāṃ therassa aññābyākaraṇagāthāpi ahoṣīti.

1. Evaṃ so patta-arahattaphalo patta-etadaggaṭṭhāno ca attano pubbakammaṃ saritvā somanassajāto pubbacaritāpadānaṃ pakāseto **Himavantassāvidūreti**-ādimaṃ. Tattha **Himavantassāti** Himālayapabbatassa **avidūre** āsanne samīpe pabbatapāde manussānaṃ gamanāgamanasampanne sañcaraṇaṭṭhāneti attho. **Nisabho nāma pabbatoti** pabbatānaṃ jeṭṭhattā nāmena Nisabho nāma selamayapabbato ahoṣīti sambandho. **Assamo sukato mayhanti** tattha pabbate mayhaṃ vasanattāya assamo araññāvāso suṭṭhu kato. Kuṭṭirattitṭhānadivāṭṭhānavatiparikkhepādivasena sundarākārena katoti attho. **Paṇṇasālā sumāpitāti** paṇṇehi chādītā sālā mayhaṃ nivāsanattāya suṭṭhu māpitā niṭṭhāpitāti attho.

2. **Kosiyo nāma nāmenāti** mātāpitūhi katanāmadheyyena Kosiyo nāma. **Uggatāpano** pākaṭatapo ghoratapo. **Ekākiyo** aññesaṃ abhāvā ahaṃ eva eko. **Adutiyo** dutiyatāpasarahito **jaṭilo** jaṭadhārī tāpaso **tadā** tasmim kāle **nisabhe** pabbate **vasāmi** viharāmīti sambandho.

3. **Phalaṃ mūlaṃ paṇṇaṃ, na bhuñjāmi ahaṃ tadāti** tadā tasmim nisabhapabbate vasanakāle tiṇḍukādiphalaṃ muḷālādīmūlaṃ, kārapaṇṇādipaṇṇaṃ

1. Khu 2. 219 piṭṭhe.

2. Am 3. 283; Ma 1. 99 piṭṭhesu atthato samānaṃ.

rukkhato ocinitvā na bhuñjāmīti attho. Evaṃ sati katham̐ jīvātīti taṃ dassento **pavattaṃva supātāhanti** āha. Tattha **pavattaṃ** sayameva jātaṃ **supātaṃ** attano dhammatāya patitaṃ paṇṇādikaṃ nissāya āhāraṃ katvā ahaṃ **tāvade** tasmim̐ kāle **jīvāmi** jīvikam̐ kappemīti sambandho. “Pavattapaṇḍupaṇṇāni”ti vā pāṭho, tassa sayameva patitāni **paṇḍupaṇṇāni rukkhapattāni** upanissāya jīvāmīti attho.

4. **Nāham̐ kopemi ājīvanti** ahaṃ jīvitam̐ cajamānopi pariccāgam̐ kurumānopi taṇhāvasena phalamūlādi-āhārapariyesanāya sammā ājīvaṃ na kopemi na nāsemīti sambandho. **Ārodhemi sakaṃ cittanti** sakaṃ cittaṃ attano manaṃ appicchatāya santuṭṭhiyā ca ārādhemi pasādemī. **Vivajjemi anesananti** vejjakammadūtakammādivasena anesanaṃ ayuttapariyesanaṃ vivajjemi dūraṃ karomi.

5. **Rāgūpasamhitam̐ cittanti** yadā yasmim̐ kāle mama rāgena sampayuttaṃ cittaṃ uppajjati, tadā sayameva attanāyeva paccavekkhāmi nāṇena paṭivekkhitvā vinodemī. **Ekaggo taṃ damemahanti** ahaṃ ekasmim̐ kammaṭṭhānārammaṇe aggo samāhito taṃ rāgacittaṃ damemi damanaṃ karomi.

6. **Rajjase¹ rajjanīye cāti** rajjanīye allīyitabbe rūpārammaṇādivatthusmim̐ rajjase allīno asi bhavasi. **Dussanīye ca dussaseti** dūsitabbe dosakaraṇavatthusmim̐ dūsako asi. **Muyhase mohanīye cāti** mohitabbe mohakaraṇavatthusmim̐ moyhasi mūḷho asi bhavasi. Tasmā tuvaṃ **vanā** vanato araṇṇāvāsato **nikkhamassu** apagacchāhīti evaṃ attānaṃ damemīti sambandho.

24. **Timbarūsakavaṇṇābhoti** suvaṇṇatimbarūsakavaṇṇābho, jambonadasuvaṇṇavaṇṇoti attho. Sesam̐ suviññeyyamevāti.

Subhūtitthera-apadānavāṇṇanā samattā.

1. Rañjasi (Sī)

2. Upavānatthera-apadānavañṇanā

Padumuttaro nāma Jinoti-ādikaṃ āyasmato Upavānattherassa apadānaṃ. Ayampāyasmā purimabuddhesu katādhikāro tattha tattha bhava vivatṭūpanissayāni puññāni upacinanto Padumuttarassa Bhagavato kāle daliddakule nibbattivā viññutaṃ patto Bhagavati parinibbute tassa dhātuṃ gahetvā manussadevanāgagaruḷakumbhaṇḍayakkhagandhabbehi sattaratanamaye sattayojanike thūpe kate tattha sudhotāṃ attano uttarasāṭakaṃ veḷagge laggetvā ābandhitvā dhajaṃ katvā pūjaṃ akāsi. Taṃ gahetvā Abhisammatako nāma yakkhasenāpati devehi cetiyapūjarakkhaṇatthaṃ ṭhapito adissamānakāyo taṃ ākāse dhārento cetiyaṃ tikkhattum padakkhiṇaṃ akāsi. So taṃ disvā bhiyyoso mattāya pasannamānaso hutvā tena puññakammena devamanussesu saṃsaranto imasmiṃ Buddhuppāde Sāvattiyaṃ brāhmaṇakule nibbattivā **Upavānoti** laddhanāmo vayappatto Jetavanapaṭiggahaṇe Buddhānubhāvaṃ disvā paṭiladdhasaddho pabbajitvā vipassanāya kammaṃ karonto arahattaṃ patvā chaḷabhiñño ahosi. Yadā Bhagavato aphāsu ahosi, tadā thero uṇhodakaṃ tathārūpaṃ pānakañca bhesajjaṃ Bhagavato upanāmesi. Tenassa Satthuno rogo vūpasami. Tassa Bhagavā anumodanaṃ akāsi.

52. Evaṃ so patta-arahattaphalo adhigata-etadaggaṭṭhāno attano pubbakammaṃ saritvā somanassavasena pubbacaritāpadānaṃ pakāsentō **Padumuttaro nāma Jinoti-**ādimāha. Tattha sabbesaṃ lokiyalokuttaradhammānaṃ **pāragū** pariyosānaṃ nibbānaṃ gato patto **Padumuttaro nāma Jino** jitapañcamāro Bhagavā aggikkhandho iva chabbaṇṇā Buddharaṃsiyo **jalitvā** sabbalokaṃ dhammapajjotena obhāsetvā **Sambuddho** suṭṭhu Buddho avijjāniddūpagatāya pajāya savāsanāya kilesaniddāya paṭibuddho vikāsitanettapañkajo **parinibbuto** khandhaparinihbānena nibbuto adassanaṃ gatoti sambandho.

57. **Jaṅghāti** cetiyakaraṇakāle upacinitabbānaṃ iṭṭhakānaṃ ṭhapanatthāya, nibandhiyamānasopānapanti¹.

1. Pāsānapanti (I, Ka)

88. **Sudhotam rajakenāhanti** vatthadhovakena purisena suṭṭhu dhovitam suvisuddhakatam, **uttareyyapaṭam mama** uttarasātakam aham veḷagge laggitvā dhajam katvā ukkhipim, **ambare** ākāse ussāpesinti attho. Sesam suviññeyyamevāti.

Upavānatthera-apadānavañṇanā samattā.

3. Tisaraṇagamaniyatthera-apadānavañṇanā

Nagare Bandhumatiyāti-ādikaṃ āyasmato Tisaraṇagamaniyattherassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Vipassissa Bhagavato kāle Bandhumatīnagare kulagehe nibbattivā andhamātāpitaro upaṭṭhāsi. So ekadivasam cintesi “aham mātāpitaro upaṭṭhahanto pabbajitum na labhāmi, yannūnāham tīṇi saraṇāni gaṇhissāmi, evam duggatito mocessāmi”ti Nisabham nāma Vipassissa Bhagavato aggasāvakaṃ upasaṅkamtivā tīṇi saraṇāni gaṇhi. So tāni vassasatasahassāni rakkhitvā teneva kamma Tāvatisabhavane nibbatto, tato param devamanussesu saṃsaranto ubhayasampattiyo anubhavitvā imasmim Buddhuppāde Sāvattinagare mahāsālakule nibbatto viññutam patto sattavassikova dārakehi parivuto ekam saṃghārāmaṃ agamāsi. Tattha eko khīṇāsavattthero tassa dhammam desetvā saraṇāni adāsi. So tāni gahetvā pubbe attano rakkhitāni saraṇāni saritvā vipassanam vaḍḍhetvā arahattam pāpuṇi. Tam arahattappattam Bhagavā upasampādesi.

106. So arahattappatto upasampanno hutvā attano pubbakammaṃ saritvā somanassavasena pubbacaritāpadānam pakāsento **nagare Bandhumatiyāti**-ādimāha. Tattha **mātu upaṭṭhāko ahunti** aham mātāpitūnam upaṭṭhāko bharako¹ Bandhumatīnagare ahosinti sambandho.

1. Saraṇo (I)

108. **Tamandhakārapihitā**ti mohandhakārena pihitā chādītā.
Tividhaggīhi dayhareti rāgaggidosaggimohaggisañkhātehi tīhi aggīhi
 dayhare dayhanti sabbe sattāti sambandho.

114. **Aṭṭha hetū labhāmahanti** aṭṭha kāraṇāni sukhasa paccayabhūtāni
 kāraṇāni labhāmi ahanti attho. Sesam suviññeyyamevāti.

Tisaraṇagamaniyatthera-apadānavañṇanā samattā.

4. Pañcasīlasamādāniyatthera-apadānavañṇanā

Nagare Candavatiyāti-ādikaṃ āyasmato Pañcasīlasamādāniyattherasa
 apadānaṃ. Ayampi purimabuddhesu katādhikāro tattha tattha bhave
 vivaṭṭūpanissayāni puññāni upacinanto Anomadassissa Bhagavato kāle
 ekasmim kule nibbato purimabhava katākusalakammānurūpena daliddo
 hutvā appannapānabhojano paresam bhatim katvā jīvanto saṃsāre ādīnavam
 ñatvā pabbajitukāmopi pabbajjam alabhamāno Anomadassissa Bhagavato
 sāvakassa Nisabhattherassa santike pañca sikkhāpadāni samādiyi.
 Dīghāyukakāle uppannattā vassasatasahassāni sīlam paripālesi. Tena
 kammena so devamanussesu saṃsaranto imasmim Buddhuppāde Vesāliyam
 mahābhogakule nibbato. Mātāpitaro sīlam samādiyante disvā attano sīlam
 saritvā vipassanam vaḍḍhetvā arahattaṃ patvā pabbaji.

134. So attano pubbakammaṃ saritvā somanassajāto udānavasena
 pubbacaritāpadānaṃ pakāsento **nagare Candavatiyāti**-ādimāha. **Bhatako**
āsaham tadāti tadā mama puññakaraṇakāle aham bhatako bhatiyā
 kammakārako āsim ahosiṃ. **Parakammāyane yuttoti** bhatiyā paresam
 kammakaraṇe āyutto yojito okāsābhāvena saṃsārato mucchanatthāya aham
 pabbajjam na labhāmi.

135. **Mahandhakārapihitā**ti mahantehi kilesandhakārehi pihitā samvutā
 thakitā. **Tividhaggīhi dayhareti** narakaggipetaggisaṃsāraggisañkhātehi²

tīhi aggīhi ḍayhanti. Ahaṃ pana kena upāyena kena kāraṇena viśaṃyutto bhaveyyanti attho.

136. **Deyyadhammo** annapānādīdātābbayuttakaṃ vatthu mayhaṃ natthi, tassābhāvena ahaṃ **varāko** dukkhito **bhatako** bhatiyā jīvanako **yannūnāhaṃ pañcasīlaṃ rakkheyyaṃ paripūrayanti** pañcasīlaṃ samādiyitvā paripūrento yannūna rakkheyyaṃ sādhuḥkaṃ bhaddakaṃ sundaraṃ katvā paripāleyyanti attho.

148. **Svāhaṃ yasamanubhavinti** so ahaṃ devamanussesu mahantaṃ yasaṃ anubhaviṃ tesaṃ sīlānaṃ vāhasā ānubhāvenāti attho. Kappakoṭṭimpi tesaṃ sīlānaṃ phalaṃ kittento ekakoṭṭhāsameva **kittaye** pākaṭaṃ kareyyanti attho. Sesaṃ suviññeyyamevāti.

Pañcasīlasamādānīyatthera-apadānavañṇanā samattā.

5. Annasāmsāvakatthera-apadānavañṇanā

Suvañṇavañṇaṃ Sambuddhanti-ādikaṃ āyasmato

Annasāmsāvakattherassa apadānaṃ. Ayampi purimabuddhesu katādhikāro tattha tattha bhava vivaṭṭupanissayāni puñṇāni upacinanto Siddhatthassa Bhagavato kāle ekasmiṃ kulagehe nibbatto piṇḍāya carantaṃ dvattiṃsamahāpurisalakkhaṇabyāmapabhāmaṇḍalopasobhitaṃ Bhagavantaṃ disvā pasannamānaso Bhagavantaṃ nimantetvā gehaṃ netvā vara-annapānena¹ santappetvā sampavāretvā bhojesi. So teneva cittappasādena tato cuto devaloke nibbattitvā dibbasampattiṃ anubhavitvā tato cavitvā manussaloke nibbattitvā manussasampattiṃ anubhavitvā tato aparāparaṃ devamanussasampattiyo anubhavitvā imasmiṃ Buddhuppāde ekasmiṃ kule nibbatto sāsane pasīditvā pabbajitvā vipassanaṃ vaḍḍhetvā arahattaṃ pāpuṇi. So pubbe katapuñṇānāmasena **Annasāmsāvakattheroti** pākaṭanāmo ahosi.

1. Madhura-annapānena (I)

155-6. So aparabhāge attano pubbakammaṃ saritvā somanassajāto “evaṃ mayā iminā puññasambhārānubhāvena pattam arahattan”ti attano pubbacaritāpadānam udānavasena pakāsento **suvaṇṇavaṇṇanti**-ādimāha. Tattha suvaṇṇassa vaṇṇo viya vaṇṇo yassa Bhagavato soyaṃ suvaṇṇavaṇṇo, tam **suvaṇṇavaṇṇam Sambuddham** Siddhatthanti attho. **Gacchantam antarāpaṇeti** vessānam āpaṇapantīnam antaravīthiyam gacchamānam. **Kañcanagghiyasamkāsanti** suvaṇṇatoraṇasadisam **bāttimsavaralakkhaṇam** dvattimsavaralakkhaṇehi sampannam **lokapajjotam** sakalalokadīpabhūtam **appameyyam** pamāṇavirahitam **anopamam** upamāvirahitam **jutindharam** pabhādharām nīlapītādichabbaṇṇabuddharamsiyo dhārakam Siddhattham disvā **paramam** uttamam pītim **alattam** alabhinti sambandho. Sesam suviññeyyamevāti.

Annasamsāvakatthera-apadānavaṇṇanā samattā.

6. Dhūpadāyakatthera-apadānavaṇṇanā

Siddhatthassa Bhagavatoti-ādikaṃ āyasmato Dhūpadāyakattherassa apadānam. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Siddhatthassa Bhagavato kāle kulagehe nibbato Siddhatthe Bhagavati cittam pasādetvā tassa Bhagavato Gandhakuṭiyam candanāgarukāḷānusāri-ādinā katehi anekehi dhūpehi dhūpapūjam akāsi. So tena puññena devesu ca manussesu ca ubhayasampattiyo anubhavanto nibbattanibbattabhava pūjanīyo hutvā imasmim Buddhuppāde ekasmim kulagehe nibbato puññasambhārānubhāvena sāsane pabbajitvā vipassanam vaḍḍhetvā arahattam patvā katadhūpapūjāpuññattā nāmena **Dhūpadāyakattheroti** sabbattha pākaṭo. So patta-arahattaphalo attano pubbakammaṃ saritvā somanassajāto pubbacaritāpadānam dassento **Siddhatthassa Bhagavatoti**-ādimāha. Siddho paripuṇṇo sabbaññutaññāṇādiguṇasaṅkhāto attho payojanam yassa Bhagavato soyaṃ Siddhattho, tassa **Siddhatthassa Bhagavato** Byagyādiguṇavantassa Lokajeṭṭhassa sakalalokuttamassa **tādino**

iṭṭhāniṭṭhesu tādisassa acalabhāvaṃsāti attho. Sesam uttānatthamevāti.

Dhūpadāyakatthera-apadānavañṇanā samattā.

7. Pulinapūjakatthera-apadānavañṇanā

Vipassissa Bhagavatoti-ādikaṃ āyasmato Pulinapūjakattherassa apadānaṃ. Ayampi purimabuddhesu katādhikāro tattha tattha bhave vivattūpanissayāni puññāni upacinanto Vipassissa Bhagavato kāle ekasmiṃ kule nibbato sāsane pasannacitto cetiyaṅgaṇabodhiyaṅgaṇesu purāṇavālukam apanetvā navam muttādalaśadisapaṇḍarapulinam okiritvā māḷakam alaṅkari. Tena kammena so devaloke nibbato tattha dibbehi ratanehi vijjotamāne anekayojane kanakavimāne dibbasampattim anubhavitvā tato cuto manussaloke sattaratanasampanno cakkavattī rājā hutvā manussasampattim anubhavitvā aparāparam saṃsaranto imasmiṃ Buddhuppāde vibhavasampanne ekasmiṃ kule nibbato sāsane pasanno pabbajitvā vipassanam vaḍḍhetvā arahattam pāpuṇi. So attano katapuññanāmasadisena nāmena **Pulinapūjakattheroti** pākaḷo.

165. So attano pubbakammaṃ saritvā somanassajāto pubbacaritāpadānaṃ dassento **Vipassissa Bhagavatoti-**ādimāha. Tattha vividham passatīti vipassī, vivicca passatīti vā vipassī, vividhe attatthaparattādhībhedhe atthe passatīti vā vipassī, vividhe vohāraparamattādhībhedhe passatīti vā vipassī, tassa **Vipassissa bodhiyā pādaputtame** uttame Bodhirukkhamāṇḍalamāḷake **purāṇapulinam** vālukam chaḍḍetvā suddham paṇḍaram pulinam **ākirim** santharim. Sesam suviññeyyamevāti.

Pulinapūjakatthera-apadānavañṇanā samattā.

8. Uttiyatthera-apaḍānavañṇanā

Candabhāgānadītīreti ādikam āyasmato Uttiya¹ttherassa apaḍānam. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Siddhatthassa Bhagavato kāle Candabhāgānadiyaṃ Susumāro hutvā nibbatto nadītīraṃ upagataṃ Bhagavantaṃ disvā pasannacitto pāraṃ netukāmo tīrasamīpeyeva nipajji. Bhagavā tassa anukampāya piṭṭhiyaṃ pāde ṭhapesi. So tuṭṭho udaggo pītivegena mahussāho hutvā sotaṃ chindanto sīghena javena Bhagavantaṃ paratīraṃ nesi. Bhagavā tassa cittappasādaṃ ñatvā “ayaṃ ito cuto devaloke nibbattissati, tato paṭṭhāya sugatīsusueva saṃsaranto ito catunnavutikappe amataṃ pāpuṇissatī”²ti byākaritvā pakkāmi.

So tathā sugatīsusueva saṃsaranto imasmim̃ Buddhuppāde Sāvatthiyaṃ aññatarassa brāhmaṇassa putto hutvā nibbatti, **Uttiyotissa** nāmaṃ akaṃsu. So vayappatto “amataṃ pariyesissāmi”²ti paribbājako hutvā ekadivasam̃ Bhagavantaṃ disvā upasaṅkamtivā vanditvā dhammaṃ sutvā paṭiladdhasaddho hutvā sāsane pabbajitvā sīladiṭṭhīnaṃ avisodhitattā visesaṃ nibbattetum̃ asakkonto aññaṃ bhikkhum̃ visesaṃ nibbattetvā aññaṃ byākarontaṃ disvā Satthāraṃ upasaṅkamtivā saṅkhepena ovādaṃ yāci. Satthāpi tassa “tasmātiha tvam̃ Uttiya ādimeva visodhehī”²ti-ādinā² saṅkhepeneva ovādaṃ adāsi. So Satthu ovāde ṭhatvā vipassanaṃ ārabhi. Tassa āraddhavipassakassa ābādho uppajji. Uppanne ābādhe jātasam̃vego vīriyārambhavatthum̃ ñatvā vipassanaṃ vaḍḍhetvā arahattaṃ pāpuṇi.

169. Evaṃ so katasambhārānurūpena patta-arahattaphalo attano pubbakammaṃ saritvā somanassajāto pubbacaritāpaḍānaṃ pakāsento **Candabhāgānadītīreti**-ādimāha. Tattha **Candabhāgānadītīreti** parisuddhapaṇḍarapulinatalehi ca pabhāsampannapasannamadhurodakaparipuṇṇatāya ca candappabhākiraṇasassirikābhā nadamānā saddaṃ kurumānā gacchatīti Candabhāgānadī, tassā Candabhāgānadiyā tīre susumāro ahosinti sambandho.

1. Uttariya (Sī)

2. Sam̃ 3. 144 piṭṭhe.

tattha **susumāro**ti khuddakamacchagumbe khaṇḍākhaṇḍikaṃ karonto māretīti susumāro, caṇḍamaccho kumbhīloti attho. **Sabhojanapasutohanti** ahaṃ sabhojane sakagocare pasuto byāvaṭo. **Nadītithaṃ agacchahanti** Bhagavato āgamanakāle ahaṃ nadītithaṃ agacchimiṃ pattomhi.

170. **Siddhattho tamhisamayeti** tasmim mama tithagamanakāle Siddhattho Bhagavā aggapuggalo sabbasattesu jeṭṭho seṭṭho **sayambhū** sayameva bhūto jāto Buddhabhūto so Bhagavā nadim taritukāmo nadītraṃ upāgami.

172. **Pettikaṃ visayaṃ mayhanti** mayhaṃ pitupitāmahādīhi paramparānītaṃ, yadidaṃ sampattasampattamahānubhāvānaṃ taraṇanti attho.

173. **Mama uggajjanaṃ sutvāti** mayhaṃ uggajjanaṃ ārādhanaṃ sutvā Mahāmuni Bhagavā abhiruhīti sambandho. Sesam uttānatthamevāti.

Uttiyattherapadānavañṇanā samattā.

9. Ekañjalikatthera-apadānavañṇanā

Suvaṇṇavaṇṇanti-ādikaṃ āyasmato Ekañjalikattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanisāyāni puññāni upacinanto Vipassissa Bhagavato kāle ekasmiṃ kulagehe nibbatto viññutaṃ patto ratanattaye pasanno piṇḍāya carantaṃ Vipassim Bhagavantaṃ disvā pasannamānaso añjaliṃ paggahetvā aṭṭhāsi. So tena puññakamma devamanussesu saṃsaranto sabbattha pūjanīyo hutvā ubhayasampattiyo anubhavivā imasmiṃ Buddhuppāde vibhavasampanne kule nibbattivā sāsane pasīditvā pabbajitvā vipassanaṃ vadḍhetvā arahatte patiṭṭhāsi. Pubbe katapuññavasena **Ekañjalikattheroti** pākaṭo.

180. So attano pubbakammaṃ saritvā taṃ hatthatale āmalakaṃ viya disvā udānavasena pubbacaritāpadānaṃ pakāsento **suvaṇṇavaṇṇanti**-ādimāha. **Vipassim satthavāhagganti** vāṇije kantārā vahati tāretīti

satthavāho. Vāḷakantārā coḷakantārā dubbhikkhakantārā nirudakakantārā yakkhakantārā appabhakkhakantārā ca tāreti uttāreti patāreti nittāreti khemantabhūmiṃ pāpetīti attho. Ko so? Vāṇijajeṭṭhako. Satthavāhasadisattā ayampi Bhagavā satthavāho. Tathā hi so tividhaṃ bodhiṃ patthayante katapuññasambhāre satte jātikanārā jarākantārā byādhikantārā maraṇakantārā sokaparidevadukkhadomanassupāyāsakantārā ca sabbasmā saṃsārakantārā ca tāreti uttāreti patāreti nittāreti nibbānathalaṃ pāpetīti attho. Satthavāho ca so aggo seṭṭho padhāno cāti satthavāhaggo, taṃ **satthavāhaggaṃ** Vipassīṃ Sambuddhanti sambandho. **Naravaraṃ vināyakanti** narānaṃ antare asithilaparakkamoti naravīro, taṃ. Visesena katapuññasambhāre satte neti nibbānapuraṃ pāpetīti vināyako, taṃ.

181. **Adantadamaṇaṃ tādinti** rāgadosamohādikilesasampayuttatā kāyavacīmanodvārehi adante satte dametīti adantadamano, taṃ. Iṭṭhāniṭṭhesu akampiyatādiguṇayuttoti tādī, taṃ. **Mahāvādiṃ mahāmatinti** sakasamayaparasamayavādīnaṃ antare attanā samadhikapuggalavirahitattā mahāvādī, mahatī pathavisamānā merusamānā ca mati yassa so mahāmati, taṃ **mahāvādiṃ mahāmatīṃ** Sambuddhanti iminā tulyādhikaraṇaṃ. Sesāṃ suviññeyyamevāti.

Ekañjalikatthera-apadānavaṇṇanā samattā.

10. Khomadāyakatthera-apadānavaṇṇanā

Nagare Bandhumatiyāti-ādikaṃ āyasmato Khomadāyakattherassa apadānaṃ. Ayampi purimabuddhesu katādhikāro tattha tattha bhave vivatṭūpanissayāni puññāni upacinanto Vipassissa Bhagavato kāle ekasmiṃ kulagehe nibbatto vayappatto sāsane abhippasanno ratanattayamāmakko Vipassissa Bhagavato santike dhammaṃ sutvā pasannamānaso khomadussena pūjaṃ akāsi. So tadeva mūlaṃ katvā yāvajīvaṃ puññāni katvā tato devaloke nibbatto. Chasu devesu aparāpaṃraṃ

dibbasukhaṃ anubhavitvā tato cavitvā manussaloke cakkavatti-ādi-
anekavidhamanussasampattiṃ anubhavitvā paripākagate puññasambhāre
imasmiṃ Buddhuppāde kulagehe nibbatto vayappatto Satthu santike
dhammaṃ sutvā paṭiladdhasaddho pabbajitvā vipassanaṃ vadḍhetvā na
cirasseva arahattaṃ pāpuṇi. Katapuññanāmena **Khomadāyakattheroti**
pākaṭo.

184. So attano pubbakammaṃ saritvā somanassajāto
pubbacaritāpadānaṃ dassetto **nagare Bandhumatiyāti**-ādimāha. Tattha
bandhu vuccati ñātako, te bandhū yasmiṃ nagare aññamaññaṃ saṃghaṭṭitā
vasanti, taṃ nagaraṃ “Bandhumati”ti vuccati. **Ropemi bījasampadanti**
dānasīlādipuññabījasampattiṃ ropemi paṭṭhapemīti attho.

Khomadāyakatthera-apadānavañṇanā samattā.

Tatiyassa subhūtivaggassa vañṇanā samattā.

Catubhāṇavāravañṇanā niṭṭhitā.

4. Kuṇḍadhānavagga

1. Kuṇḍadhānatthera-apadānavañṇanā

Sattāhaṃ paṭisallīnanti-ādikaṃ āyasmato Kuṇḍadhānattherassa
apadānaṃ. Ayampi purimabuddhesu katādhikāro tattha tattha bhava
vivaṭṭūpanissayāni puññāni upacinanto Padumuttarassa Bhagavato kāle
Haṃsavatīnagare kulagehe nibbatto vuttanayena Bhagavantaṃ
upasaṅkamitvā dhammaṃ suṇanto Satthāraṃ ekaṃ bhikkhuṃ paṭṭhamaṃ
salākaṃ gaṇhantānaṃ aggaṭṭhāne ṭhapentaṃ disvā taṃ ṭhānantaraṃ
patthetvā tadanurūpaṃ puññaṃ karonto vicari. So ekadivasam
Padumuttarassa Bhagavato nirodhasamāpattito vuṭṭhāya nisinnassa
manosīlacuñṇapiñjaraṃ mahantaṃ kadaliphalakaṇṇikaṃ upanesi, taṃ
Bhagavā paṭiggahetvā paribhuñji. So tena puññakammaena ekādasakkhattuṃ
devesu devarajjaṃ kāresi. Catuvīsativāre ca rājā ahosi cakkavattī.

So evaṃ aparāparaṃ puññāni katvā devamanussesu saṃsaranto Kassapabuddhakāle bhummadevatā hutvā nibbatti. Dīghāyukabuddhānañca nāma na anvaddhamāsiko uposatho hoti. Tathā hi Vipassissa Bhagavato chabbassantare chabbassantare uposatho ahosi, Kassapadasabalo pana chaṭṭhe chaṭṭhe māse pātīmokkhaṃ osāresi, tassa pātīmokkhassa osāraṇakāle disāvāsikā dve sahāyakā bhikkhū “uposathaṃ karissāmā”ti gacchanti. Ayaṃ bhummadevatā cintesi “imesaṃ dvinnaṃ bhikkhūnaṃ metti ativiya daḥhā, kiṃ nu kho bhedake sati bhijjeyya, na bhijjeyyā”ti. Tesāṃ okāsaṃ olokayamānā tesāṃ avidūre gacchati.

Atheko thero ekassa hatthe pattacīvaraṃ datvā sarīravaḷaṇjanatthaṃ udakaphāsukaṭṭhānaṃ gantvā dhotahatthapādo hutvā gumbasamīpato¹ nikkhamati. Bhummadevatā tassa therassa pacchato pacchato² uttamarūpā itthī hutvā kese vidhunitvā saṃvidhāya bandhantī viya piṭṭhiyaṃ paṃsum puñchamānā viya sātakaṃ saṃvidhāya nivāsayaṃānā viya ca hutvā therassa padānupadikā hutvā gumbato nikkhantā. Ekamante ṭhito sahāyakatthero taṃ kāraṇaṃ disvāva domanassajāto “naṭṭho dāni me iminā bhikkhūnā saddhiṃ dīgharattānugato sineho, sacāhaṃ evaṃvidhabhāvaṃ³ jāneyyaṃ, ettakaṃ kālaṃ iminā saddhiṃ vissāsaṃ na kareyyaṃ”ti cintetvā āgacchantānyeva naṃ⁴ “gaṇhāhāvuso tuyhaṃ pattacīvaraṃ, tādiseṇa pāpena saddhiṃ ekamaggena na gacchāmi”ti āha. Taṃ kathaṃ sutvā tassa lajjibhikkhuno hadayaṃ tikhiṇasattim gahetvā viddhaṃ viya ahosi. Tato naṃ āha “āvuso kinnāmetāṃ vadasi, ahaṃ ettakaṃ kālaṃ dukkaṭamattampi āpattim na jānāmi, tvaṃ pana maṃ ajja ‘pāpo’ti vadasi, kiṃ te diṭṭhaṃ”ti. Kiṃ aññena diṭṭhena, kiṃ tvaṃ evaṃvidhena alaṅkatapaṭiyattena māṭugāmena saddhiṃ ekaṭṭhāne hutvā nikkhantoti. “Natthetaṃ āvuso mayhaṃ, nāhaṃ evarūpaṃ māṭugāmaṃ passāmi”ti tassa yāvattatiyaṃ kathentassāpi itaro thero kathaṃ asaddahitvā attanā diṭṭhakāraṇānyeva bhūtattaṃ katvā gaṇhanto tena saddhiṃ ekamaggena agantvā aññena maggena Satthu santikaṃ gato. Itaropi bhikkhu aññena maggena Satthu santikaṃnyeva gato.

1. Gumbassa bhāgato (Ka)

2. Pacchato pacchato gacchantī (Sī)

3. Evaṃ visabhāgaṃ (Ka), evaṃ viraddhabhāvaṃ (Ka)

4. Āgacchantassevassa (Am-Tṭha 1. 204 piṭṭhe)

Tato bhikkhusaṅghassa uposathāgāraṃ pavisanavelāya so bhikkhu taṃ bhikkhuṃ uposathagge disvā sañjānitvā “imasmim uposathagge evarūpo nāma pāpabhikkhu atthi, nāhaṃ tena saddhim uposathaṃ karissāmī”ti nikkhamitvā bahi aṭṭhāsi. Atha bhummadevatā “bhāriyaṃ mayā kammaṃ katan”ti mahallaka-upāsakavaṇṇena tassa santikaṃ gantvā “kasmā bhante ayyo imasmim ṭhāne ṭhito”ti āha. “Upāsaka imaṃ uposathaggaṃ eko pāpabhikkhu pavitṭho, ahaṃ tena saddhim uposathaṃ na karomī”ti bahi ṭhitomhīti. Bhante mā evaṃ gaṇhatha, parisuddhasīlo esa bhikkhu, tumhehi diṭṭhamātugāmo nāma ahaṃ. Mayā tumhākaṃ vīmaṃsanatthāya “daḷhā nu kho imesaṃ therānaṃ metti, no daḷhā”ti bhijjanābhijjanabhāvaṃ¹ oloketena taṃ kammaṃ katanti. Ko pana tvaṃ sappurisāti. Ahaṃ ekā bhummadevatā bhanteti. Devaputto kathentoyeva dibbānubhāvena ṭhatvā therassa pādāmūle patitvā “mayhaṃ bhante khamatha, therassa eso doso natthi², uposathaṃ karoṭhā”ti therāṃ yācitvā uposathaggaṃ pavesesi. So thero uposathaṃ tāva ekaṭṭhāne akāsi. Mittasanthavavasena pana puna tena saddhim na ekaṭṭhāne vasi. Imassa therassa dosaṃ na kathesi³. Aparabhāge Cuditakatthero pana vipassanāya kammaṃ karonto arahattaṃ pāpuṇi.

Bhummadevatā tassa kammaṃ nissandena ekaṃ Buddhantaraṃ apāyato na muccittha. Sace pana kālena kālaṃ manussatthaṃ āgacchati, aññena yena kenaci kato doso tasveva upari patati. So amhākaṃ Bhagavato uppanakāle Sāvatthiyaṃ brāhmaṇakule nibbatti, **Dhānamāṇavotissa** nāmaṃ akaṃsu. So vayappatto tayo vede uggaṇhitvā mahallakakāle Satthu dhammadesanaṃ sutvā paṭiladdhasaddho sāsane pabbaji. Tassa upasampannadivasato paṭṭhāya ekā alaṅkatapaṭiyattā itthi tasmim gāmaṃ pavisante saddhim yeva pavisati, nikkhamante nikkhamati, vihāraṃ pavisantepi saddhim pavisati, tiṭṭhantepi tiṭṭhatīti evaṃ niccānubandhā paññāyati. Thero taṃ na passati. Tassa pana purimakammaṃ nissandena sā aññesaṃ upaṭṭhāsi.

1. Lajji-alajjibhāvaṃ (Aṃ-Ṭṭha 1. 205 piṭṭhe.)

2. Etaṃ dosaṃ thero na jānāti (Aṃ-Ṭṭha 1. 205 piṭṭhe.)

3. Kammaṃ kathiyati (Aṃ-Ṭṭha 1. 205 piṭṭhe.)

Gāme yāgubhikkhaṃ dadamānā itthiyo “bhante ayaṃ eko yāgu-uḷuṅko tumhākaṃ, eko imissā amhākaṃ sahāyikāyā”ti parihāsaṃ karonti. Therassa mahatī vihesā hoti. Vihāragatampi naṃ sāmaṇerā ceva daharabhikkhū ca parivāretvā “dhāno koṇḍo jāto”ti parihāsaṃ karonti. Athassa teneva kāraṇena **Kuṇḍadhāno theroti** nāmaṃ jātaṃ. So uṭṭhāya samuṭṭhāya tehi kariyāmānaṃ keḷiṃ sahituṃ asakkonto ummādaṃ gahetvā “tumhe koṇḍā, tumhākaṃ upajjhāyo koṇḍo, ācariyo koṇḍo”ti vadati. Atha naṃ Satthu ārocesuṃ “Kuṇḍadhāno bhante daharasāmaṇerehi saddhiṃ evaṃ pharusavācaṃ vadatī”ti. Sathā taṃ pakkosāpetvā “saccaṃ kira tvaṃ dhāna daharasāmaṇerehi saddhiṃ pharusavācaṃ vadasi”ti pucchi. Tena “saccaṃ Bhagavā”ti vutte “kasmā evaṃ vadasi”ti āha. Bhante nibaddhaṃ vihesaṃ sahituṃ asakkonto evaṃ kathemīti. “Tvaṃ pubbe katakammaṃ yāvajjadivasā jīrāpetuṃ na sakkosi, puna evaṃ pharusavācaṃ mā vada bhikkhū”ti vatvā āha—

“Māvoca pharusaṃ kañci, vuttā paṭivadeyyu taṃ.

Dukkhaṃ hi sārambhakathā, paṭidaṇḍā phuseyyu taṃ.

Sace neresi attānaṃ, kaṃso upahato yathā.

Esa pattosi nibbānaṃ, sārambho te na vijjati”ti¹—

imañca pana tassa therassa mātugāmena saddhiṃ vicaraṇabhāvaṃ Kosalaraññopi kathayimsu. Rājā “gacchatha bhaṇe, naṃ vīmaṃsathā”ti pesetvā sayampi mandeneva parivārena saddhiṃ therassa santikaṃ gantvā ekamante olokento aṭṭhāsi. Tasmim̐ khaṇe thero sūcikkammaṃ karonto nisinna hoti. Sāpi itthi avidūre ṭhāne ṭhitā viya paññāyati.

Rājā taṃ disvā “atthi taṃ kāraṇaṃ”ti tassā ṭhitaṭṭhānaṃ agamāsi. Sā tasmim̐ āgacchante therassa vasanapaṇṇasālaṃ pavitṭhā viya ahosi. Rājāpi tāya saddhiṃ eva paṇṇasālāyaṃ pavisitvā sabbattha olokento adisvā “nāyaṃ mātugāmo, therassa eko kammavipāko”ti saññaṃ katvā paṭhamāṃ therassa samīpena gacchantopi therāṃ avanditvā tassa kāraṇassa abhūtabhāvaṃ ñatvā paṇṇasālato nikkhamitvā therāṃ vanditvā

1. Khu 1. 33 piṭṭhe Dhammapade.

ekamante nisinno “kacci bhante piṇḍakena na kilamathā”ti pucchi. Thero “vaṭṭati mahārājā”ti āha. “Jānāmaham bhante ayyassa katham, evarūpenupakkilesena saddhim carantānam tumhākam ke nāma pasīdissanti, ito paṭṭhāya vo katthaci gamanaciccam natthi. Aham catūhi paccayehi upaṭṭhahissāmi, tumhe yonisomanasikāre mā pamajjitthā”ti vatvā nibaddhabhikkham paṭṭhapesi. Thero rājānam upatthambhakaṃ labhitvā bhojanasappāyena ekaggacitto hutvā vipassanaṃ vadḍhetvā arahattam pāpuṇi. Tato paṭṭhāya sā itthi antaradhāyi.

Tadā Mahāsubhaddā Ugganagare micchādiṭṭhikule vasamānā “Satthā mam anukampatū”ti uposathaṅgam adhiṭṭhāya nirāmagandhā hutvā uparipāsādātale ṭhitā “imāni pupphāni antare aṭṭhatvā Dasabalassa matthake vitānam hutvā tiṭṭhantu, Dasabalo imāya saññāya sve pañcahi bhikkhusatehi saddhim mayham bhikkham gaṇhatū”ti saccakiriyaṃ katvā aṭṭha sumanapupphamuṭṭhiyo vissajjesi. Pupphāni gantvā dhammadesanāvelāya Satthu matthake vitānam hutvā aṭṭhamsu. Satthā taṃ sumanapupphavitānam disvā citteneva Subhaddāya bhikkham adhivāsetvā punadivase aruṇe uṭṭhite Ānandattheraṃ āha “Ānanda mayam ajja dūram bhikkhācāram gamissāma, puthujjanānam adatvā ariyānamyeva salākam dehī”ti. Thero bhikkhūnam ārocesi “āvuso Satthā ajja dūram bhikkhācāram gamissati. Puthujjanā mā gaṇhantu, ariyāva salākam gaṇhantū”ti. Kuṇḍadhānatthero “āharāvuso salākan”ti paṭhamamyeva hattham pasāresi. Ānando “Satthā tādisānam bhikkhūnam salākam na dāpeti ariyānamyeva dāpeti”ti vitakkaṃ uppādetvā gantā Satthu ārocesi. Satthā “āharāpentassa salākam dehī”ti āha. Thero cintesi “sace kuṇḍadhānassa salākā dātum na yuttā, atha Satthā paṭibāheyya, bhavissati ettha kāraṇan”ti “Kuṇḍadhānassa salākam dassāmi”ti gamanaṃ abhinīhari. Kuṇḍadhāno tassa purāgamanā eva abhiññāpādaṃ catutthajjhānam samāpajjitvā iddhiyā ākāse ṭhatvā “āharāvuso Ānanda Satthā mam jānāti, mādisam bhikkhum paṭhamam salākam gaṇhantaṃ na Satthā vāreti”ti hattham pasāretvā salākam gaṇhi. Satthā taṃ aṭṭhuppattim katvā theram imasmim sāsane paṭhamam salākam gaṇhantānam aggaṭṭhāne ṭhapesi.

Yasmā ayaṃ thero rājānaṃ upatthambhaṃ labhitvā sappāyāhārapaṭilābhena samāhitacitto vipassanāya kammaṃ karonto upanissayasampannatāya chaḷabhiñño ahoṣi. Evambhūtaṃ imassa therassa guṇe aṅānāntā ye puthujjanā bhikkhū “ayaṃ paṭhamaṃ salākaṃ gaṇhati, kiṃ nu kho etaṃ”ti vimatiṃ uppādeti. Tesāṃ taṃ vimatividhamanattamaṃ thero ākāsaṃ abbhuggantvā iddhipāṭihāriyaṃ dassetvā aññāpadesena aññaṃ byākaronto “pañca chinde”ti gāthaṃ abhāsi.

1. Evaṃ so pūritapuññasambhārānurūpena arahā hutvā patta-etadaggaṭṭhāno attano pubbakammaṃ saritvā somanassavasena pubbacaritāpadānaṃ pakāsento **sattāhaṃ paṭisallīnanti**-ādimāha. Tattha sattāhaṃ sattadivasāṃ nirodhasamāpattivihārena paṭisallīnaṃ vivekabhūtaṃ attho. Sesāṃ uttānatthamevāti.

Kuṇḍadhānatthera-apadānavaṇṇanā samattā.

2. Sāgatatthera-apadānavaṇṇanā

Sobhito nāma nāmenāti-ādikaṃ āyasmato Sāgatattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle ekasmiṃ brāhmaṇakule nibbato sabbasippesu nipphattiṃ patto nāmena **Sobhito** nāma hutvā tiṇṇaṃ vedānaṃ pāragū sanighaṇḍukeṭubhānaṃ sākkharappabhedānaṃ itihāsaṇḍakānaṃ padako veyyākaraṇo lokāyatamahāpurisalakkhaṇesu anavayo. So ekadivasāṃ Padumuttaraṃ Bhagavantaṃ dvattiṃsamahāpurisalakkhaṇasiriyaṃ sobhamānaṃ uyyānadvārena gacchantaṃ disvā atīva pasannaṃnāso anekehi upāyehi anekehi guṇavaṇṇehi thomaṇaṃ akāsi. Bhagavā tassa thomaṇaṃ sutvā “anāgate Gotamassa Bhagavato sāsane Sāgato nāma sāvako bhavissatī”ti byākaraṇaṃ adāsi. So tato paṭṭhāya puññāni karonto yāvātāyukaṃ ṭhatvā tato cuto devaloke nibbato. Kappasatasahassadevamanussesu ubhayasampattiyo anubhavitvā imasmiṃ Buddhuppāde ekasmiṃ kulagehe nibbato. Tassa

mātāpitaro somanassam vaḍḍhento sujāto āgatoti **Sāgatoti** nāmaṃ karimsu. So sāsane pasīditvā pabbajitvā vipassanaṃ vaḍḍhetvā arahattaṃ patto.

17. Evaṃ so puññasambhārānurūpena patta-arahattaphalo attano pubbakammaṃ saritvā somanassajāto pubbacaritāpadānaṃ pakāseto **Sobhito nāma nāmenāti**-ādimāha. Tattha tadā puññasambhārassa paripūraṇasamaye nāmena Sobhito nāma brāhmaṇo ahosinti sambandho.

21. **Vipathā uddharitvānāti** viruddhapathā kumaggā, uppathā vā uddharitvā apanetvā. **Patham ācikkhase**ti bhante sabbaññu tuvaṃ patham sappurisaṃmaggaṃ nibbānādhigamanupāyaṃ ācikkhase kathesi desesi vibhaji uttāniṃ akāsīti attho. Sesam uttānatthamevāti.

Sāgatathera-apadānavañṇanā samattā.

3. Mahākaccānatthera-apadānavañṇanā

Padumuttaranāthassāti-ādikaṃ āyasmato Kaccānattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle gahapatimahāsālakulagehe nibbattetvā vuddhippatto ekadivasam Satthu santike dhammaṃ suṇanto Satthāraṃ ekaṃ bhikkhuṃ saṃkhittena bhāsitaṃ vitthārena attham vibhajantānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento dānādīni puññāni katvā devamanussesu saṃsaranto Sumedhassa Bhagavato kāle vijjādharo hutvā ākāseṇa gacchanto Satthāraṃ ekasmiṃ vanasaṇḍe nisinnaṃ disvā pasannaṃ mānaso kaṇikārapupphehi pūjam akāsi.

So tena puññakammaṇa aparāparaṃ sugatīsuveva parivattetvā Kassapadasabalassa kāle Bārāṇasiyaṃ kulaghare nibbattitvā parinibbuta Bhagavati suvaṇṇacetiyakaraṇaṭṭhānaṃ dasasahassagghaṇikāya suvaṇṇiṭṭhakāya pūjam katvā “Bhagavā mayham nibbattanibbattaṭṭhāne sarīraṃ suvaṇṇavaṇṇaṃ hotū”ti patthanaṃ akāsi. Tato yāvajīvaṃ kusalaṃ katvā ekaṃ Buddhantaraṃ

devamanussesu saṃsaritvā imasmim Buddhuppāde Ujjeniyam rañño Caṇḍapajjotassa purohitassa gehe nibbatti, tassa nāmaggaṇadivase mātāpitaro “amhākaṃ putto suvaṇṇavaṇṇo attano nāmaṃ gahetvā āgato”ti **Kañcanamāṇavot**veva nāmaṃ kariṃsu. So vuddhimanvāya tayo vede uggaṇhitvā pitu accayena purohitaṭṭhānam labhi. So gottavasena **Kaccānoti** paññāyittha.

Rājā Caṇḍapajjoto Buddhuppādam sutvā “ācariya tvaṃ tattha gantvā Satthāraṃ idhānehi”ti pesesi. So attaṭṭhamo Satthu santikaṃ upagato. Tassa Satthā dhammaṃ desesi. Desanāpariyosāne so sattahi janehi saddhim sahaṭṭasambhidāhi arahatte patiṭṭhāsi. Atha Satthā “etha bhikkhavo”ti hattham pasāresi. Te tāvadeva dvaṅgulamattakesamassukā iddhimayapattacīvaradharā vassasaṭṭhikattherā viya ahesum. Evaṃ thero sadattham nipphādetvā “bhante rājā Pajjoto tumhākaṃ pāde vanditum dhammaṃ sotum icchatī”ti Satthu ārocesi. Satthā “tvaṃyeva bhikkhu tattha gaccha, tayi gatepi rājā pasīdissatī”ti āha. Thero attaṭṭhamo tattha gantvā rājānam pasādetvā avantīsu sāsanaṃ patiṭṭhāpetvā puna Satthu santikameva gato.

31. Evaṃ so patta-arahattaphalo “etadaggaṃ bhikkhave mama sāvakaṇam saṃkhittena bhāsitassa vitthārena attham vibhajantānam yadidaṃ Mahākaccāno”ti¹ etadaggaṭṭhānam patvā attano pubbakammaṃ saritvā pubbacaritāpadānam pakāsento **Padumuttaranāthassā**ti-ādimāha. Tattha **padumaṃ nāma cetiyanti** padumehi chāditattā vā padumākārehi katattā vā Bhagavato vasanagandhakuṭīvihārova pūjanīyabhāvena cetiyam, yathā “Gotamakacetiyaṃ, Ālavakacetiyaṃ”ti vutte tesam yakkhānam nivasanaṭṭhānam pūjanīyaṭṭhānattā cetiyanti vuccati, evamidaṃ Bhagavato vasanaṭṭhānam cetiyanti vuccati, na dhātunidhāyakacetiyaṃ veditabbaṃ. Na hi aparinibbutassa Bhagavato sarīradhātūnam abhāvā dhātucetiyaṃ akari. **Silāsanam kārayitvā**ti tassā padumanāmikāya Gandhakuṭiyā pupphādhāratthāya heṭṭhā phalikamayaṃ silāsanam kāretvā. **Suvaṇṇenā’bhilepayinti** tam silāsanam jambonadasuvaṇṇena abhivisesena lepayim chādesinti attho.

1. Am 1. 24 piṭṭhe.

32. **Ratanāmayam** sattahi ratanehi kataṃ chattaṃ **paggayha** muddhani dhāretvā vāḷabijaniṅca setapavaracāmaṅca paggayha Buddhassa abhiropayim. **Lokabandhussa tādinoti** sakalalokabandhusadisassa tādiguṇasamaṅgissa Buddhassa dhāresinti attho. Sesam uttānatthamevāti.

Mahākaccānatthera-apadānavañṇanā samattā.

4. Kāḷudāyitthera-apadānavañṇanā

Padumuttarabuddhassāti-ādikaṃ āyasmato Kāḷudāyittherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Padumuttarassa Bhagavato kāle Haṃsavatīnagare kulagehe nibbato Satthu dhammadesanaṃ suṇanto Satthāraṃ ekaṃ bhikkhuṃ kulappasādakānaṃ bhikkhūnaṃ aggaṭṭhāne ṭhapentaṃ disvā tajjam¹ abhinīhāraṃ katvā taṃ ṭhānantaraṃ patthesi.

So yāvajjivaṃ kusalaṃ katvā devamanussesu saṃsaranto amhākaṃ bodhisattassa mātukucchiyaṃ paṭisandhiggaṇḍivase Kapilavatthusmiṃyeva amaccagehe paṭisandhiṃ gaṇhi, bodhisattena saddhiṃ ekadivasamiyeva jātoti taṃ divasamiyeva naṃ dukūlacumbaṭake² nipajjāpetvā bodhisattassa upaṭṭhānatthāya nayimsu. Bodhisattena hi saddhiṃ Bodhirukkho, Rāhulamātā, cattāro nidhī, Ārohanahatthī, Assakaṇḍako, Ānando, Channo, Kāḷudāyīti ime satta ekadivase jātattā saha jātā nāma ahesuṃ. Athassa nāmaggaṇḍivase sakalanagarassa udaggacittadivase jātattā **Udāyī**veva nāmaṃ akaṃsu. Thokaṃ kāḷadhātukattā pana **Kāḷudāyī**ti paññāyittha. So bodhisattena saddhiṃ kumārakīlaṃ kīlanto vuddhiṃ agamāsi.

Aparabhāge Lokanāthe mahābhiniikkhamaṇaṃ nikkhamitvā anukkamena sabbaññutaṃ patvā pavattitavaradhammacakke Rājagahaṃ upanissāya Veḷuvane viharante Suddhodanamahārājā taṃ pavattiṃ sutvā purisasahassaparivāraṃ

1. Tādisaṃ (Ka)

2. Dukūlacambuṭake (Am-Ṭṭha 1. 234 piṭṭhe.)

ekam amaccam “puttam me idhānehī”ti pesesi. So dhammadesanāvelāyam Satthu santikam gantvā parisapariyante ðhito dhammam sutvā saparivāro arahattam pāpuṇi. Atha ne Satthā “etha bhikkhavo”ti hattham pasāresi. Sabbe taṅkhaṇaṅṅeva iddhimayapattacīvaradharā vassasaṭṭhikattherā viya ahesum. Arahattappattito paṭṭhāya pana ariyā majjhattāva honti. Tasmā raṅṅā pahitasāsanam Dasabalassa na kathesi. Rājā “neva gato āgacchati, na sāsanam suyyati”ti aparam amaccam purisasahasseehi pesesi. Tasmimpi tathā paṭipanne aparampi pesesīti evam navahi purisasahasseehi saddhim nava amacce pesesi. Sabbe arahattam patvā tuṅhī ahesum.

Atha rājā cintesi “ettakā janā mayi sinehābhāvena Dasabalassa idhāgamanatthāya na kiñci kathayimsu, ayam kho Udāyi Dasabalena samavayo, sahapamsukīḷiko, mayi ca sineho atthi¹, imam pesessāmī”ti tam pakkosāpetvā “tāta tvam purisasahasaparivāro Rājagaham gantvā Dasabalam idhānehī”ti vatvā pesesi. So pana gacchanto “sacāham deva pabbajitum labhissāmi, evāham Bhagavantam idhānessāmī”ti vatvā “yam kiñci katvā mama puttam dassēhī”ti vutto Rājagaham gantvā Satthu dhammadesanavelāyam parisapariyante ðhito dhammam sutvā saparivāro arahattam patvā ehibhikkhubhāve paṭiṭṭhāsī. Arahattam pana patvā “na tāvāyam Dasabalassa kulanagaram gantum kālo, vasante pana upagate pupphite vanasaṅḍe haritaṭṭhasāñchannāya bhūmiyā gamanakālo bhavissati”ti kalam paṭimānento vasante sampatte Satthu kulanagaram gantum gamanamaggavaṅṅam samvaṅṅento—

“Aṅgārino dāni dumā bhadante,
Phalesino chadanaṃ vippahāya.
Te accimantova pabhāsanti,
Samayo mahāvīra bhāgī rathānaṃ.

Dumāni phullāni manoramāni,
Samantato sabbadisā pavanti.
Pattam pahāya phalamāsasānā,
Kālo ito pakkamanāya vīra.

1. Sinehavā (Sī)

Nevā'tisītaṃ na panā'ti-uṇhaṃ,
Sukhā utu addhaniyā bhadante.
Passantu taṃ sākiyā koḷiyā ca,
Pacchāmukhaṃ rohiniyaṃ tarantaṃ.

Āsāya kasate khettaṃ, bījaṃ āsāya vappati.
Āsāya vāñijā yanti, samuddaṃ dhanahāraḱā.
Yāya āsāya tiṭṭhāmi, sā me āsā samijjhatu.

¹Nā'tisītaṃ nā'ti-uṇhaṃ, nātidubbhikkhachātakam.
Saddalā haritā bhūmi, esa kālo Mahāmuni¹.

Punappunaṃ ceva vapanti. bījaṃ,
Punappunaṃ vassati devarājā.
Punappunaṃ khettaṃ kasanti kassakā,
Punappunā dhaññamupeti raṭṭhaṃ.

Punappunaṃ yācanakā caranti,
Punappunaṃ dānappatī dadanti.
Punappunaṃ dānappatī daditvā,
Punappunaṃ saggamupenti ṭhānaṃ.

Vīro have sattayugaṃ puneti,
Yasmim kule jāyati bhūripaṇṇo.
Maññāmaḱaṃ sakkati devadevo,
Tayā hi jāto Muni saccaṇāmo.

Suddhodano nāma pitā Mahesino,
Buddhassa mātā pana Māyanāmā.
Yā bodhisattaṃ parihariya kucchinā,
Kāyassa bhedaṃ tidivamhi modati.

Sā Gotamī kālakatā ito cutā,
Dibbehi kāmehi samaṅgibhūtā.
Sā modati kāmaguṇehi pañcahi,
Parivāritā devagaṇehi tehi².

1. Ayam gāthā Theragāthāyaṃ natthi, Am-Ṭṭha 1. 235 piṭṭhe pana atthi.

2. Khu 2. 300 piṭṭhādīsu.

Imā gāthā abhāsi. Tattha **āṅgāriṇoti** āṅgārāni viyāti āṅgārāni. Āṅgārāni rattapavāḷavaṇṇāni rukkhānaṃ pupphaphalāni, tāni etesaṃ santīti āṅgārino, abhilohitakusumakisalayehi āṅgāravuṭṭhisamparikiṇṇā viyāti attho. **Dānīti** imasmim kāle. **Dumāti** rukkhā. **Bhadantenti** bhaddaṃ ante etassāti “bhadante”ti ekassa dakārassa lopaṃ katvā vuccati. Guṇavisesayutto, guṇavisesayuttānañca aggabhūto Satthā. Tasmā bhadanteti Satthu ālapanameva, paccattavacanañcetaṃ ekārantaṃ “sugate paṭikamme sukhe dukkhe jīve”ti-ādīsu viya. Idha pana sambodhanaṭṭhe daṭṭhabbaṃ. Tena vuttaṃ “bhadanteti ālapanan”ti. “Bhaddasaddena samānatthaṃ padantaramekaṃ”ti keci. Phalāni esantīti **phalesino**. Acetanepi hi sacetanakiriyaṃ¹ āha. Evaṃ therena yācito Bhagavā tattha gamane bahūnaṃ visesādhigamaṇaṃ disvā vīsatisahassakhīṇāsavaparivuto Rājagahato aturitacārikāvasena Kapilavatthugāmimaggaṃ paṭipajji. Thero iddhiyā Kapilavatthum gantvā rañño purato ākāse ṭhitova adīṭṭhapubbavesaṃ disvā raññā “kosi tvaṇ”ti pucchito “amaccaputtaṃ tayā Bhagavato santikaṃ pesitaṃ maṃ na jānāsi, tvaṃ evaṃ pana jānāhi”ti dassento—

“Buddhassa puttomhi asayhasāhino,
 Āṅgīrasassa’ppaṭimassa tādino.
 Pitupitā mayhaṃ tuvaṃ’si sakka,
 Dhammena me Gotama ayyakosī”ti²—

gāthamāha.

Tattha **Buddhassa puttomhīti** Sabbaññubuddhassa orassa putto amhi. **Asayhasāhinoti** abhisambodhito pubbe ṭhapetvā mahābodhisattaṃ aññehi sahitum vahitum asakkuṇeyyattā asayhassa sakalassa bodhisambhārassa mahākāruṇikādhikārassa ca sahanato vahanato, tato parampi aññehi sahitum abhibhavitum asakkuṇeyyattā asayhānaṃ pañcannaṃ mārānaṃ sahanato abhibhavanato, āsayānusaya-caritādhimutti-ādivibhāgāvabodhanena yathārahaṃ veneyyānaṃ diṭṭhadhammika-samparāyikaparamatthehi anusāsanīsāṅkhātassa aññehi asayhassa

1. Sacetanākāraṇaṃ (I)

2. Khu 2. 301 piṭṭhādīsu.

Buddhakiccassa sahanato, tattha vā sādhuḅkārībhāvato asayhasāhino. **Aṅgīrasassāti** aṅgīkatasīlādisampattikassa. Aṅgamaṅgehi niccharaṅaka-obhāsassāti apare. Keci pana “aṅgīraso, Siddhatthoti dve nāmāni pitarāyeva gahitāni”ti vadanti. **Appaṭimassāti** anūpamassa. Iṭṭhāniṭṭhesu tādīlakkaṅhaṅappattiyā **tādīno**. **Pitupitā mayhaṃ tuvaṃ sīti** ariyajātivāsena mayhaṃ pitu Sammāsambuddhassa lokavohārena tvaṃ pitā asi. **Sakkāti** jātivāsena rājānaṃ ālapati. **Dhammenāti** sabhāvena ariyajāti lokiyajātīti dvinnāṃ jātīnaṃ sabhāvasamodhānena. **Gotamāti** rājānaṃ gottena ālapati. **Ayyakosīti** pitāmaho asi. Ettha ca “Buddhassa puttomhī”ti-ādīni vadanto thero aññaṃ byākāsi.

Evāṃ pana attānaṃ jānāpetvā haṭṭhatuṭṭhena rañña mahārahe pallaṅke nisīdāpetvā attano paṭiyāditassa nānaggarasabhojanassa pattaṃ pūretvā dinne gamanākāraṃ dassesi. “Kasmā bhante gantukāmattha, bhuñjathā”ti ca vutte Satthu santikaṃ gantvā bhuñjissāmīti. Kahaṃ pana Satthāti. Vīsatisahassabhikkhuparivāro tumhākaṃ dassanattāya maggaṃ paṭipannoti. “Tumhe imaṃ piṇḍapātaṃ bhuñjatha, aññaṃ Bhagavato harissatha. Yāva ca mama putto imaṃ nagaraṃ sampāpuṇāti, tāvassa ito piṇḍapātaṃ harathā”ti vutte thero bhattakiccaṃ katvā rañño parisāya ca dhammaṃ kathetvā Satthu āgamanato puretameva sakalarājānivesanaṃ ratanattaye abhippasannaṃ karonto sabbesaṃ passantānaṃyeva Satthu āharitabbhattapuṇṇaṃ pattaṃ ākāse vissajjetvā sayampi vehāsaṃ abbhuggantvā piṇḍapātaṃ upanāmetvā Satthu hatthe ṭhapesi. Satthā taṃ piṇḍapātaṃ paribhuñji. Evāṃ satṭhiyojanamagge divase divase yojanaṃ gacchantassa Bhagavato Rājagehatoyeva piṇḍapātaṃ āharitvā adāsi. Atha naṃ Bhagavā “ayaṃ mayhaṃ pituno sakalanivesanaṃ pasādetī”ti “etadaggaṃ bhikkhave mama sāvakaṇaṃ kulappasādakānaṃ bhikkhūnaṃ yadidaṃ Kāḷudāyī”ti¹ kulappasādakānaṃ aggaṭṭhāne ṭhapesi.

48-9. Evāṃ so katapuññasambhārānurūpena arahattaṃ patvā patta-etadaggaṭṭhāno attano pubbakammaṃ saritvā somanassavasena

1. Am 1. 25 piṭṭhe.

pubbacaritāpadānaṃ pakāseṇto **Padumuttarassa Buddhassāti**-ādimāha. **Addhānaṃ paṭipannassāti** apararaṭṭhaṃ gamanattāya dūramaggaṃ paṭipajjantassa. **Carato cārikaṃ tadāti** antomaṇḍalaṃ majjhemaṇḍalaṃ bahimaṇḍalanti tīṇi maṇḍalāni tadā cārikaṃ carato carantassa **Padumuttarabuddhassa** Bhagavato **suphullaṃ** suṭṭhu phullaṃ pabodhitaṃ **gayha** gahetvā na kevalameva padumaṃ, uppalañca **mallikaṃ** vikasitaṃ ahaṃ gayha ubhohi hatthehi gahetvā pūresinti sambandho. **Paramannaṃ gahetvānāti** paramaṃ uttamaṃ seṭṭhaṃ madhuraṃ sabbasupakkaṃ sāli-odanaṃ gahetvā Satthuno **adāsiraṃ** bhojesinti attho.

57. **Sakyānaṃ nandijananoti** Sakyarājakulānaṃ Bhagavato nātīnaṃ ārohapariṇāharūpayobbanavacanālapanasampattiyā nandaṃ tuṭṭhiṃ janento uppādentō. **Ñātibandhu bhavissatīti** nāto pākaṭo bandhu bhavissati. Sesam suviññeyyamevāti.

Kāḷudāyitthera-apadānavañṇanā samattā.

5. Mogharājatthera-apadānavañṇanā

Atthadassī tu Bhagavāti-ādikaṃ āyasmato Mogharājattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle kulagehe nibbattivā viññutaṃ patto ekadivasaṃ Satthu santike dhammaṃ suṇanto Sattāraṃ ekaṃ bhikkhuṃ lūkhacīvaradharānaṃ aggaṭṭhāne ṭhapentaṃ disvā taṃ ṭhānantaraṃ ākaṅkhanto paṇidhānaṃ katvā tattha tattha bhava puññāni karonto Atthadassissa Bhagavato kāle puna brāhmaṇakule nibbattivā brāhmaṇānaṃ vijjāsippesu nipphattim gato ekadivasaṃ Atthadassim Bhagavantaṃ bhikkhusaṃghaparivutaṃ rathiyam gacchantaṃ disvā pasannamānaso pañcapaṭiṭṭhitena vanditvā sirasi añjaliṃ katvā “yāvata rūpino Sattā”ti-ādīhi chahi gāthāhi abhitthavitvā bhājanaṃ pūretvā madhuṃ upanesi. Sattā taṃ paṭiggahetvā anumodanaṃ akāsi. So tena puññakamma devamanussesu saṃsaranto Kassapabhagavato kāle Kaṭṭhavāhanassa nāma rañño amacco hutvā nibbato tena Satthu

ānayanatthāya pesito Satthu santikaṃ gantvā dhammaṃ sutvā
 paṭiladdhasaddho pabbajitvā vīsativassasahassāni samaṇadhammaṃ katvā
 tato cuto ekaṃ Buddhantaraṃ sugatīsuyeva parivattento imasmim
 Buddhuppāde brāhmaṇakule nibbattitvā **Mogharājāti** laddhanāmo
 Bāvarīyabrāhmaṇassa santike uggahitasippo saṃvegajāto tāpasapabbajjam
 pabbajitvā tāpasasahassaparivāro Ajitādīhi saddhiṃ Satthu santikaṃ pesito
 tesam pannarasamo hutvā pañhaṃ pucchitvā vissajjanapariyosāne arahattaṃ
 pāpuṇi. Arahattaṃ pana patvā satthalūkhaṃ suttalūkhaṃ¹ rajanalūkhaṃ
 viśesena tividhenapi lūkhena samannāgataṃ paṃsukūlaṃ dhāresi. Tena naṃ
 Satthā lūkhacīvaradharānaṃ aggaṭṭhāne ṭhapesi.

64. Evaṃ so paṇidhānānurūpena arahattaphalaṃ patvā attano
 pubbasambhāraṃ disvā pubbakammaṇapadānaṃ pakāśento **Atthadassī tu**
Bhagavāti-ādimāha. Taṃ sabbaṃ uttānatthameva.

73. **Puṭakaṃ pūrayitvānāti** puṭakaṃ vuccati vāraṃ, ghaṭaṃ vā.
Anelakaṃ niddosaṃ makkhikaṇḍavirahitaṃ khuddamadhuṇā ghaṭaṃ
 pūretvā taṃ ubhoḥi hatthehi **paggayha** pakāreṇa ādareṇa gahetvā **Mahesino**
 Bhagavato upanesinti sambandho. Sesam suviññeyyamevāti.

Mogharājatthera-apadānavāṇṇanā samattā.

6. Adhimuttatthera-apadānavāṇṇanā

Nibbute Lokanāthamhīti-ādikam āyasmato Adhimuttattherassa
 apadānaṃ². Ayampi purimabuddhesu katādhikāro tattha tattha bhava
 vivaṭṭūpanissasāni puññāni upacinanto Atthadassimhi Lokanāthe parinibbute
 ekasmim kulagehe nibbato ratanattaye pasanno bhikkhusaṃghaṃ
 nimantetvā ucchūhi maṇḍapaṃ kāretvā mahādānaṃ pavattetvā pariyosāne
 santipadaṃ paṇidhesi. So tato cuto devesu ca manussesu ca
 ubhayasampattiyo anubhavitvā imasmim Buddhuppāde ekasmim kulagehe
 nibbato sāsane pasīditvā saddhāya patiṭṭhitattā **Adhimuttattheroti** pākato.

1. Vatthalūkhaṃ sibbanalūkhaṃ (Ka)

2. Idam vatthu Theragāthā-Ṭṭha 2. 264 piṭṭhepi āgataṃ, thokaṃ visadisam.

84. Evaṃ katalambhāravasena arahattaṃ patvā attano pubbakammaṃ saritvā somanassajāto pubbacaritāpadānaṃ pakāseno **nibbute Lokanāthamhīti**-ādimāha. Taṃ sabbaṃ uttānatthamevāti.

Adhimuttatthera-apadānavañṇanā samattā.

7. Lasuṇadāyakatthera-apadānavañṇanā

Himavantassāvidūreti-ādikaṃ āyasmato Lasuṇadāyakattherassa apadānaṃ. Esopāyasmā purimabuddhesu katādhikāro tattha tattha bhava vivaṭṭūpanissayāni puññāni upacinanto Vipassissa Bhagavato kāle ekasmiṃ kulagehe nibbattivā viññutaṃ patto gharāvāse ādīnaṃ disvā gehaṃ pahāya tāpasapabbajjaṃ pabbajitvā Himavantaṃ nissāya vane vasanto bahūni lasuṇāni ropetvā tadeva vanamūlaphalañca khādanto vihāsi. So bahūni lasuṇāni kājenādāya manussapathaṃ āharitvā pasanno dānaṃ datvā Buddhappamukhassa bhikkhusaṃghassa bhesajjatthāya datvā gacchati. Evaṃ so yāvajīvaṃ puññāni katvā teneva puññabalena devamanussesu saṃsaranto ubhayasampattiṃ anubhavitvā kamena imasmiṃ Buddhuppāde uppanno paṭiladdhasaddho pabbajitvā vipassanaṃ vaḍḍhetvā na cirasseva arahattaṃ patto pubbakammavasena **Lasuṇadāyakattheroti** pākaṭo.

89. Attano pubbakammaṃ saritvā somanassajāto pubbacaritāpadānaṃ pakāseno **Himavantassāvidūreti**-ādimāha. Tattha himālayapabbatassa pariyoṣāne manussānaṃ sañcaraṇaṭṭhāne yadā Vipassī Bhagavā udapādi, tadā ahaṃ tāpaso ahosinti sambandho. **Lasuṇaṃ upajīvāmīti** rattalasuṇaṃ ropetvā tadeva gocaraṃ katvā jīvikaṃ kappemīti attho. Tena vuttaṃ “lasuṇaṃ mayhabhojanaṃ”ti.

90. **Khāriyo pūrayitvānāti** tāpasabhājanāni lasuṇena pūrayitvā kājenādāya **saṃghārāmaṃ** saṃghassa vasanaṭṭhānaṃ hemantādīsu tīsu kālesu saṃghassa catūhi iriyāpathehi vasanavihāraṃ **agacchiraṃ** agamāsinti attho. **Haṭṭho haṭṭhena cittenāti** ahaṃ santuṭṭho somanassayuttacittena saṃghassa lasuṇaṃ adāsinti attho.

91. **Vipassissa -pa- niratassahanti** narānaṃ aggassa seṭṭhassa assa Vipassissa Bhagavato sāsane nirato nissesena rato ahanti sambandho. **Samghassa -pa- modahanti** ahaṃ samghassa lasuṇadānaṃ datvā **saggamhi** suṭṭhu aggasmiṃ devaloke āyukappaṃ dibbasampattiṃ anubhavamāno modim, santuṭṭho bhavāmīti attho. Sesam suviññeyyamevāti.

Lasuṇadāyakaṭṭhera-apadānavañṇanā samattā.

8. Āyāgadāyakaṭṭhera-apadānavañṇanā

Nibbute Lokanāthamhīti-ādikaṃ āyasmato Āyāgadāyakaṭṭherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puñṇāni upacinanto Sikhissa Bhagavato parinibbutakāle ekasmim kulagehe nibbato sāsane pasanno vaḍḍhakīnaṃ mūlaṃ datvā atimanoharaṃ dīghaṃ bhojanasālaṃ kārāpetvā bhikkhusamghaṃ nimantetvā paṇītenāhārena bhojetvā mahādānaṃ datvā cittaṃ pasādesi. So yāvatāyukaṃ puñṇāni katvā devamanussesuyeva saṃsaranto ubhayasampattiṃ anubhavitvā imasmim Buddhuppāde kulagehe nibbato paṭiladdhasaddho pabbajitvā ghaṭento vāyamanto vipassanaṃ vaḍḍhetvā na cirasseva arahattaṃ pāpuṇi. Pubbe katapuñṇavasena **Āyāgattheroti** pākaṭo.

94. Evaṃ so katapuñṇasambhāravasena arahattaṃ patvā attanā pubbe katakusalakammaṃ saritvā somanassajāto pubbacaritāpadānaṃ pakāsento **nibbute Lokanāthamhīti**-ādimāha. Tattha **nibbuteti vadataṃ** “mayam Buddhā”ti vadantānaṃ antare **vare** uttame Sikhimhi Bhagavati parinibbuteti attho. **Haṭṭho haṭṭhena cittenāti** saddhatāya haṭṭhapahaṭṭho somanassayuttacittatāya pahaṭṭhena cittena **uttamaṃ thūpaṃ** seṭṭhaṃ cetiyam **avandim** paṇāmayinti attho.

95. **Vaḍḍhakīhi kathāpetvāti** “bhojanasālāya pamānaṃ kittakan”ti pamānaṃ kathāpetvāti attho. **Mūlaṃ datvānaṃ tadāti** tadā tasmim kāle ahaṃ kammakaraṇatthāya tesam vaḍḍhakīnaṃ mūlaṃ datvā

āyāgam āyataṃ dīghaṃ bhojanasālaṃ ahaṃ santuṭṭho somanassacittena kārapesa'haṃ kārāpesiṃ ahanti attho. Sesāṃ suviññeyyamevāti.

97. **Āyāgassa idaṃ phalanti** bhojanasāladānassa idaṃ vipākanti attho.

Āyāgadāyakaṭṭhara-apadānavañṇanā samattā.

9. Dhammacakkikaṭṭhara-apadānavañṇanā

Siddhatthassa Bhagavatoti-ādikaṃ āyasmato Dhammacakkikaṭṭherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Siddhatthassa Bhagavato kāle ekasmiṃ kulagehe nibbato vuddhippatto puttadārehi vaḍḍhito vibhavasampanno mahābhogo, so ratanattaye pasanno saddhājāto dhammasabhāyaṃ dhammāsanassa piṭṭhito ratanamayaṃ dhammacakkaṃ kāretvā pūjesi. So tena puññakammena devamanussesu nibbattaṭṭhānesu sakkasampattiṃ cakkavattisampattiṃca anubhavivā kamena imasmiṃ Buddhuppāde ekasmiṃ kulagehe uppanno vibhavasampanno sañjātasaddho pabbajitvā vipassanaṃ vaḍḍhetvā na cirasseva arahattaṃ patvā pubbe katakusalanāmasadisaṇāmena **Dhammacakkikaṭṭheroti** pākaṭo jāto ahosi.

102. So puññasambhārānurūpena patta-arahattaphalo attano pubbakammaṃ saritvā jātasomanasso pubbacaritāpadānaṃ pakāsentto **Siddhatthassa Bhagavatoti**-ādimāha. **Sihāsanassa sammukhā**ti sihassa Bhagavato nisinnassa sammukhā Buddhāsanassa abhimukhaṭṭhāneti attho. **Cammacakkaṃ me ṭhapitanti** mayā dhammacakkākārena ubhato siharūpaṃ dassetvā majjhe ādāsasadisāṃ kāretvā kataṃ dhammacakkaṃ ṭhapitaṃ pūjitaṃ. Kiṃ bhūtaṃ? Viññūhi medhāvīhi “atīva sundaraṃ”ti **vañṇitaṃ** thomitaṃ sukataṃ dhammacakkanti sambandho.

103. **Cāruvaṇṇova sobhāmī**ti suvaṇṇavaṇṇo iva sobhāmi virocāmīti attho. “Catuvaṇṇehi sobhāmī”tipi pāṭho, tassa khattiyabrāhmaṇavessasuddajāṭisāṅkhātehi catūhi vaṇṇehi **sobhāmi** virocāmīti attho. **Sayoggabalavāhanoti** suvaṇṇasivikādīhi yoggehi ca senāpatimahāmattādīhi sevakehi balehi ca hatthi-assarathasaṅkhātehi vāhanehi ca sahitoti attho. **Bahujjanā** bahavo manussā **anuyantā** mamānuvattantā **niccaṃ** niccakālaṃ parivārentīti sambandho. Sesāṃ suviññeyyamevāti.

Dhammacakkikatthera-apadānavaṇṇanā samattā.

10. Kapparukkiyatthera-apadānavaṇṇanā

Siddhatthassa Bhagavatoti-ādikaṃ āyasmato Kapparukkiyattherassa apadānaṃ¹. Ayampi purimabuddhesu katādhikāro tesu tesu bhavesu nibbānādhigamūpāyabhūtāni puññāni upacinanto Siddhatthassa Bhagavato kāle vibhavasampanne ekasmiṃ kule nibbatto mahaddhano mahābhogo Satthari pasanno sattahi ratanehi vicittaṃ suvaṇṇamayāṃ kapparukkhaṃ kāretvā Siddhatthassa Bhagavato cetiyassa sammukhe ṭhapetvā pūjesi. So evarūpaṃ puññaṃ katvā yāvatāyukaṃ ṭhatvā tato cuto sugatīsyeva sāmsaranto kamena imasmiṃ Buddhuppāde ekasmiṃ kulagehe nibbatto viññutaṃ patto gharāvāsaṃ saṅṭhapetvā ratanattaye pasanno dhammaṃ sutvā paṭiladdhasaddho Satthu ārādhetvā pabbajito na cirasseva arahattaṃ patvā pubbe katakusalanāmena **Kapparukkiyattheroti** pākaṭo ahoṣi.

108. So evaṃ patta-arahattaphalo attano pubbakammaṃ saritvā somanassavasena pubbacaritāpadānaṃ pakāsentto **Siddhatthassa Bhagavatoti**-ādimāha. **Thūpasetṭhassa sammukhāti** setṭhassa uttamassa dhātunihitathūpassa cetiyassa sammukhaṭṭhāne **vicittadusse** anekavaṇṇehi visamena visadisena cittena manohare cinaṭṭasomāraṭṭādike

1. Theragāthā-Ṭṭha 2. 197 piṭṭhādīsu kappattherotināmena āgataṃ.
Vatthupi thokaṃ vittāritaṃ.

dusse. **Lagetvā** olaggetvā kapparukkham **ṭhapesim** aham patiṭṭhapesinti attho. Sesam uttānatthamevāti.

Kapparukkhiyatthera-apadānavaṇṇanā samattā.

Catutthavaggavaṇṇanā samattā.

5. Upālivagga

1. Bhāgineyyupālitthera-apadānavaṇṇanā

Khīṇāsavasahassehīti-ādikaṃ āyasmato Upālittherassa Bhāgineyyupālittherassa apadānaṃ. Eso hi thero purimabuddhesu katādhikāro tasmim tasmim bhave puññāni upacinanto Padumuttarassa Bhagavato kāle ekasmim kule nibbato vuddhimanvāya gharāvāse ādīnavaṃ disvā gehaṃ pahāya isipabbajjaṃ pabbajitvā pañcābhiññā-aṭṭhasamāpattilābhī hutvā Himavante vāsam kappesi. Tasmim samaye Padumuttaro Bhagavā vivekakāmo Himavantaṃ pāvīsi. Tāpaso Bhagavantaṃ puṇṇacandamiva virocamaṇaṃ dūratova disvā pasannamānaso ajinacammaṃ aṃse katvā añjaliṃ paggayha vanditvā ṭhitakova dasanakhasamodhānañjaliṃ sirasi patiṭṭhapetvā anekāhi upamāhi anekehi thutivacanehi Bhagavantaṃ thomesi. Taṃ sutvā Bhagavā “ayaṃ tāpaso anāgate Gotamassa nāma Bhagavato sāsane pabbajitvā vinaye tikhiṇapaññānaṃ aggo bhavissatī”ti byākaraṇamadāsi. So yāvatāyukaṃ ṭhatvā aparihīnajjhāno brahmaloke nibbatti. Tato cuto devamanussesu saṃsaranto sampattiyo anubhavitvā imasmim Buddhuppāde Kapilavatthunagare Upālittherassa bhāgineyyo hutvā nibbatti. So kamena vuddhippatto mātulassa Upālittherassa santike pabbajitvā kammaṭṭhānaṃ gahetvā vipassanaṃ vaḍḍhetvā na cirasseva arahā ahoṣi. So attano ācariyassa samīpe vasitattā vinayapañhe tikhiṇaṇṇaṃ ahoṣi. Atha Bhagavā “etaḍaggaṃ bhikkhave mama sāvakaṇaṃ bhikkhūnaṃ vinayapañhe tikhiṇapaññānaṃ bhikkhūnaṃ yadidaṃ Bhāgineyyupālī”ti taṃ etaḍaggaṭṭhāne ṭhapesi.

1. So evaṃ etadaggaṭṭhānaṃ patvā attano pubbakammaṃ saritvā somanassajāto pubbacaritāpadānaṃ pakāsentō **khīṇāsavasahassehīti-**ādimāha. Tattha ā samantato yāvabhavaggā savanti pavattantīti āsavā. Kāmāsavādayo cattāro āsavā, te khīṇā sositā visositā viddhamsitā yehi teti khīṇāsavā, teyeva sahasā khīṇāsavasahasā, tehi khīṇāsavasahasēhi. **Pareto** parivuto **Lokanāyako** lokassa nibbānapāpanako vivekaṃ anuyutto paṭisallitum ekībhavitum gacchateti sambandho.

2. **Ajīnena nivatthohanti** ahaṃ ajīnamigacammaṃ paṭicchanno, ajīnacamma-vasanoti attho. **Tidaṇḍaparidhārakoti** kuṇḍikaṭṭhapanatthāya tidaṇḍaṃ gahetvā dhārentoti attho. Bhikkhusaṃghena paribyuḷhaṃ parivāritaṃ Lokanāyakaṃ addasanti sambandho. Sesam pākāṭamevāti.

Bhāgīneyyupālitthera-apadānavañṇanā samattā.

2. Soṇakoḷivisatthera-apadānavañṇanā

Anomadassissa Muninoti-ādikaṃ āyasmato Koḷivisattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puñṇāni upacinanto Anomadassissa Bhagavato kāle ekasmiṃ kulagehe nibbato vayappatto puttadārehi vaḍḍhito vibhavasampanno Bhagavato caṅkamanatthāya sobhanaṃ caṅkamaṃ kāretvā sudhāparikammaṃ kāretvā ādāsatalamiva samaṃ vijjotamānaṃ katvā dīpadhūpapupphādīhi sajjetvā Bhagavato niyyādetvā Buddhappamukhaṃ bhikkhusaṃghaṃ paṇītenāhārena pūjesi. So evaṃ yāvajīvaṃ puñṇāni katvā tato cavitvā devaloke nibbato. Tattha Pāḷiyā vuttanayena dibbasampattiṃ anubhavitvā antarā Okkākulappasutoti taṃ sabbaṃ Pāḷiyā vuttānusārena veditabbaṃ. (Pacchimabhava pana Koliyarājavaṃse jāto vayappatto koṭi-agghanakassa kaṇṇapiḷandhanassa dhāritattā **koṭikaṇṇoti**, **kuṭikaṇṇoti** ca pākāṭo ahosi.) So Bhagavati

(...) Etthantare natthibhāvoyeva sundaro, Anomadassissa Muninotyādikaṃhi Soṇakoḷivisattherassevāpadānaṃ, na Soṇakuṭikaṇṇattherassa. .

pasanno dhammaṃ sutvā paṭiladdhasaddho pabbajitvā vipassanaṃ vadḍhetvā na cirasseva arahattaṃ pāpuṇi.

25. So arahā sutvā attano pubbakammaṃ saritvā somanassajāto pubbacaritāpadānaṃ pakāseno **Anomadassissa Muninoti**-ādimāha. Tattha **Anomadassissā**ti anomam alāmakam sundaram dassanam dvattiṃsamahāpurisalakkhaṇapaṭimaṇḍitattā byāmapabbhāmaṇḍalopasobhitattā ārohapariṇāhena samannāgatattā ca dassanīyam sarīram yassa Bhagavato so Anomadassī, tassa Anomadassissa Muninoti attho. **Tādinoti** iṭṭhāniṭṭhesu akampiyasabhāvassa. **Sudhāya lepanam katvā**ti sudhāya avalittam katvā dīpadhūpapupphadhajapaṭākādīhi ca alaṅkataṃ caṅkamaṃ **kārayim** akāsinti attho. Sesagāthānam attho Pāliya anusārena suviññeyyova.

35. Parivārasampattidhanasampattisaṅkhātam yasaṃ dhāretīti Yasodharo, sabbe ete sattaṣattaticakkavattirājāno Yasodharanāmena ekanāmakāti sambandho.

52. **Āṅgīrasoti** aṅgato¹ sarīrato niggatā rasmi yassa so aṅgīraso, chandadosamohabhayāgatīhi vā pāpācāravasena vā caturāpāyam na gacchatīti nāgo, mahanto pūjito ca so nāgo ceti **mahānāgo**. Sesam uttānatthamevāti.

Koḷivisatthera-apadānavañṇanā samattā.

3. Kāligodhāputtabhaddiyatthera-apadānavañṇanā

Padumuttarasambuddhanti-ādikam āyasmato Bhaddiyassa Kāligodhāputtattherassa apadānam². Ayampi purimabuddhesu katādhikāro tattha tattha bhava vivaṭṭuppanissayāni puñṇāni upacinanto Padumuttarassa Bhagavato kāle vibhavasampanne ekasmiṃ kule nibbatto vuddhippattro puttadārehi vadḍhito nagaravāsino puñṇāni karonte disvā sayampi puñṇāni

1. Āṅgito (?)

2. Kāligodhāputtabhaddiyattherassa vatthu, Thera-Ṭṭha 2. 320 piṭṭhādīsū vitthāritam.

kātukāmo Buddhappamukhaṃ bhikkhusaṅghaṃ nimantetvā thūlapaṭalikādi-
anekāni mahārahāni sayanāni paññāpetvā tattha nisinne Bhagavati sasamghe
paṇītenāhārena bhojetvā mahādānaṃ adāsi. So evaṃ yāvatāyukaṃ puññāni
katvā devamanussesu ubhayasampattiyo anubhavitvā aparabhāge imasmiṃ
Buddhuppāde Kāḷigodhāya nāma deviyā putto hutvā nibbatti. So viññutaṃ
patto ārohapariṇāha-hatthapādarūpasampattiyā Bhaddattā ca Kāḷigodhāya
deviyā puttattā ca **Bhaddiyo Kāḷigodhāputtoti** pākaṭo. Satthari pasīditvā
mātāpitaro ārādhetvā¹ pabbajitvā na cirasseva arahā ahoṣi.

54. So arahā hutvā attano pubbakammaṃ saritvā somanassajāto
pubbacaritāpadānaṃ pakāsentō **padumuttarasambuddhanti**-ādimāha. Taṃ
heṭṭhā vuttatthameva. **Mettacittanti** mijjati sinehati nandati sabbasatteti
mettā, mettāya sahaṅgataṃ cittaṃ mettacittaṃ, taṃ yassa Bhagavato atthīti
mettacitto, taṃ mettacittaṃ. **Mahāmuninti** sakalabhikkhūnaṃ mahantattā
Mahāmuni, taṃ Padumuttaraṃ Sambuddhanti sambandho. **Janatā sabbāti**
sabbo janakāyo², sabbanagaravāsinoti attho. **Sabbalokagganāyakanti**
sakalalokassa aggaṃ seṭṭhaṃ nibbānassa nayanato pāpanato nāyakaṃ
Padumuttarasambuddhaṃ janatā **upeti** samīpaṃ gacchatīti sambandho.

55. **Sattukañca baddhakañcāti** baddhasattu-abaddhasattusaṅkhātāṃ
āmisāṃ. Atha vā bhattapūpakhajjabhojjayāgu-ādayo yāvakālikattā **āmisāṃ**
pānabhojanañca gahetvā puññakkhette anuttare Satthuno³ dadantīti
sambandho.

58. **Āsanaṃ Buddhayuttakanti** Buddhayoggaṃ Buddhārahaṃ
Buddhānucchavikaṃ sattaratanamayaṃ āsananti attho. Sesāṃ nayānuyogena
suviññeyyamevāti.

Kāḷigodhāputtabhaddiyatthera-apadānavañṇanā samattā.

1. Ārocetvā (I)

2. Sabbe janakāyā (sabbattha)

3. Satthari (Sī)

4. Sanniṭṭhāpakatthera-apadānavaṇṇanā

Araññe kuṭīkaṃ katvāti-ādikaṃ āyasmato Sanniṭṭhāpakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Padumuttarassa Bhagavato kāle kulagehe nibbatto viññutaṃ patto gharabandhanena baddho gharāvāse ādīnavaṃ disvā vatthukāmakilesakāme pahāya Himavantassa avidūre pabbatantare araññavāsaṃ kappesi. Tasmim kāle Padumuttaro Bhagavā vivekakāmatāya taṃ ṭhānaṃ pāpuṇi. Atha so tāpaso Bhagavantaṃ disvā pasannamānaso vanditvā nisīdanatthāya tiṇsantharaṃ paññāpetvā adāsi. Tattha nisinnaṃ Bhagavantaṃ anekehi madhurehi tiṇḍukādīhi phalāphalehi santappesi. So tena puññakammaṃ tato cuto devesu ca manussesu ca aparāparaṃ saṃsaranto dve sampattiyo anubhavitvā imasmim Buddhuppāde ekasmim kulagehe nibbatto saddhāsampanno pabbajito vipassanaṃ vadḍhetvā na cirasseva arahā ahosi. Khuragge arahattaphalappattiyāṃ viya nirussāheneva santipadasaṅkhāte nibbāne suṭṭhu ṭhitattā **Sanniṭṭhāpakattheroti** pākaṭo.

70. Arahā pana hutvā attano pubbakammaṃ saritvā somanassajāto pubbacaritāpadānaṃ pakāseṇto **araññe kuṭīkaṃ katvāti**-ādīmāha. Tattha **araññeti** siḥabyagghādīnaṃ bhayena manussā ettha na rajjanti na ramanti na alliyantīti araññaṃ, tasmim araññe. **Kuṭīkanti** tiṇacchadanakuṭīkaṃ katvā pabbatantare **vasāmi** vāsaṃ kappesinti attho. Lābhena ca alābhena ca yasena ca ayasena ca santuṭṭho vihāsinti sambandho.

72. **Jalajuttamanāmakanti** jale jātaṃ jalajaṃ, padumaṃ, jalajaṃ uttamaṃ jalajuttamaṃ, jalajuttamena samānaṃ nāmaṃ yassa so jalajuttamanāmakō, taṃ jalajuttamanāmakam Buddhanti attho. Sesam Pāḷinayānuyogena suviññeyyamevāti.

Sanniṭṭhāpakatthera-apadānavaṇṇanā samattā.

5. Pañcahatthiyatthera-apadānavañṇanā

Sumedho nāma Sambuddhoti-ādikaṃ āyasmato Pañcahatthiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Sumedhassa Bhagavato kāle ekasmiṃ kulagehe nibbato viññutaṃ patvā ratanattaye pasanno vihāsi. Tasmim̐ samaye pañca-uppalahatthāni ānesuṃ. So tehi pañca-uppalahatthehi vīthiyaṃ caramānaṃ Sumedhaṃ Bhagavantaṃ pūjesi. Tāni gantvā ākāse vitānaṃ hutvā chāyaṃ kurumānāni Tathāgateneva saddhim̐ gacchimsu. So taṃ disvā somanassajāto pītiyā phuṭṭhasarīro yāvajīvaṃ tadeva puññaṃ anussarivā tato cuto devaloke nibbato aparāparaṃ saṃsaranto imasmiṃ Buddhuppāde ekasmiṃ kulagehe nibbato viññutaṃ patto saddhājāto pabbajitvā vipassanaṃ vaḍḍhetvā na cirasseva arahā ahoṣi. Katakusalanāmena **Pañcahatthiyattheroti** pākaṭo.

77. So attano pubbakammaṃ saritvā paccakkhato paññāya diṭṭhapubba-caritāpadānaṃ pakāsentō **Sumedho nāma Sambuddhoti**-ādimāha. Tattha **Sumedhoti** sundarā medhā catusaccapaṭivedhapaṭisambhidādayo paññā yassa so Bhagavā Sumedho Sambuddho **antarāpaṇe** antaravīthiyaṃ gacchatīti sambandho. **Okkhittacakkhūti** adhokhittacakkhu. **Mitabhāṇīti** pamāṇaṃ ñatvā bhaṇanasīlo, pamāṇaṃ jānitvā dhammaṃ desesīti attho. Sesam̐ suviññeyyamevāti.

Pañcahatthiyatthera-apadānavañṇanā samattā.

6. Padumacchadaniyatthera-apadānavañṇanā

Nibbute Lokanāthamhīti-ādikaṃ āyasmato Padumacchadaniyattherassa apadānaṃ. Ayampi purimabuddhesu katapuññasambhāro tattha tattha bhava vivaṭṭūpanissayāni puññāni upacinanto Vipassissa Bhagavato kāle ekasmiṃ kulagehe nibbato viññutaṃ patto ratanattaye pasanno parinibbutassa Vipassissa Bhagavato citakaṃ padumapupphehi pūjesi. So

teneva cittappasādena yāvatāyukaṃ ṭhatvā tato sugatīsuveva saṃsaranto dibbasampattiṃ manussasampattiñcāti dve sampattiyo anekakkhattum anubhavitvā imasmim̐ amhākaṃ Sammāsambuddhakāle ekasmim̐ kulagehe nibbato viññutaṃ patto Satthari pasīditvā sāsane pabbajito ghaṭento vāyamanto na cirasseva arahā ahoṣi. Tassa rattiṭṭhānadivāṭṭhānādīsu tattha tattha viharantassa vihāro padumapupphehi chādīyati, tena so **Padumacchadaniyattheroti** pākaṭo.

83. Attano pubbakammaṃ saritvā somanassavasena pubbacaritāpadānaṃ pakāsento **nibbuta Lokanāthamhīti**-ādimāha. Tattha **nibbuteti** khandhaparinnibbānena parinnibbuta Satthari, Vipassissa Sammāsambuddhassa sarīre citamāniyamāne citake āropite suphullaṃ padumakalāpaṃ ahaṃ gahetvā citakaṃ **āropayim̐** pūjesinti attho. Sesagāthāsu heṭṭhā vuttanayattā uttānatthamevāti.

Padumacchadaniyatthera-apadānavañṇanā samattā.

7. Sayanadāyakatthera-apadānavañṇanā

Siddhatthassa Bhagavatoti-ādikaṃ āyasmato Sayanadāyakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Siddhatthassa Bhagavato kāle aññatarasmim̐ kule nibbato viññutaṃ patto Satthari pasīditvā hatthidaṇḍasuvañṇādīhi sayanattāya mañcaṃ kāretvā anagghehi vicittattharaṇehi attharivā Bhagavantaṃ pūjesi. So Bhagavā tassānukampāya paṭiggahetvā anubhavi. So tena puññakammaena dibbamanussasampattiyo anubhavitvā imasmim̐ Buddhuppāde ekasmim̐ kulagehe nibbato viññutaṃ patvā Satthu sāsane pasanno pabbajitvā vipassanaṃ ārabhitvā na cirasseva arahā ahoṣi. Pubbe katapuññānāmena **Sayanadāyakattheroti** pākaṭo.

88. So ekadivasam̐ attano pubbakammaṃ saritvā somanassajāto pubbacaritāpadānaṃ pakāsento **Siddhatthassa Bhagavatoti**-ādimāha. Taṃ sabbaṃ Pāḷinayānusārena suviññeyyamevāti.

Sayanadāyakatthera-apadānavañṇanā samattā.

8. Caṅkamanadāyakatthera-apadānavañṇanā

Atthadassissa Muninoti-ādikaṃ āyasmato Caṅkamanadāyakattherassa apadānaṃ. Ayampāyasmā purimabuddhesu katādhikāro tesu tesu bhavesu vivatṭūpanissayāni puññāni upacinanto Atthadassissa Bhagavato kāle ekasmiṃ kulagehe nibbato viññutaṃ patto Satthari pasīditvā uccavatthukaṃ sudhāparikkammakataṃ rajatarāsisadisam sobhamānaṃ caṅkamaṃ kāretvā muttadalaśadisam¹ setapulinaṃ attharivā Bhagavato adāsi. Paṭiggahesi Bhagavā, caṅkamaṃ paṭiggahetvā ca pana sukhaṃ kāyaccittasamādhiṃ appētvā “ayaṃ anāgate Gotamassa Bhagavato sāsane sāvako bhavissatī”ti byākāsi. So tena puññakamma devamanussesu aparāparaṃ saṃsaranto dve sampattiyo anubhavitvā imasmiṃ Buddhuppāde ekasmiṃ kulagehe nibbato vuddhippatto saddhāsampanno sāsane pabbajitvā na cirasseva arahattaṃ patvā katapuññanāmena **Caṅkamanadāyakattheroti** pākaṭo ahosi.

93. So ekadivasam attanā pubbe katapuññakammaṃ saritvā somanassajāto pubbacaritāpadānaṃ pakāsento **Atthadassissa Muninoti**-ādimaṃha. Tattha **Atthadassissāti** atthaṃ payojanaṃ vuddhiṃ virūḷhiṃ nibbānaṃ dakkhati passatīti Atthadassī, atha vā atthaṃ nibbānaṃ dassanasīlo jānanaśiloti Atthadassī, tassa Atthadassissa Munino monena ñāṇena samannāgatassa Bhagavato manoramaṃ manallīnaṃ bhāvanīyaṃ manasi kātabbaṃ caṅkamaṃ kāresinti sambandho. Sesam vuttanayānusāreṇeva suviññeyyamevāti.

Caṅkamanadāyakatthera-apadānavañṇanā samattā.

9. Subhaddatthera-apadānavañṇanā

Padumuttaro Lokavidūti-ādikaṃ āyasmato Subhaddattherassa apadānaṃ. Ayampi purimabuddhesu katādhikāro tattha tattha bhave nibbānādhigamanatthāya puññāni upacinanto Padumuttarassa Bhagavato kāle

1. Muttajālasadisam (Sī), muttatalasadisam (I)

vibhavasampanne saddhāsampanne ekasmim kulagehe nibbatto viññutaṃ patvā gharabandhanena baddho ratanattaye pasanno parinibbānamañce nipannaṃ Padumuttaraṃ Bhagavantaṃ disvā sannipatitā dasahassacakkavāḷadevatāyo ca disvā pasannamānaso nigguṇḍiketakanīlakāsītādi-anekehi sugandhapupphehi pūjesi. So tena puññakammaṃ yāvatāyukaṃ ṭhatvā tato cavitvā Tusitādīsu dibbasampattiyo anubhavitvā tato manussesu manussasampattiyo anubhavitvā nibbattanibbattaṭṭhānesu ca sugandhehi pupphehi pūjito ahosi. Imasmim pana Buddhuppāde ekasmim vibhavasampanne kule nibbattitvā viññutaṃ patto kāmesu ādīnavaṃ disvāpi yāva Buddhassa Bhagavato parinibbānakālo tāva aladdhabuddhadassano Bhagavato parinibbānamañce nipannakāleyeva pabbajitvā arahattaṃ pāpuṇi. Pubbe katapuññanāmena **Subhaddoti** pākaṭo ahosi.

101. So attano pubbakammaṃ saritvā somanassavasena pubbacaritāpadānaṃ pakāsento **Padumuttaro Lokavidūti-ādimāha**. Tam uttānatthameva. **Suñātha mama bhāsato -pa- nibbāyissati'nāsavoti** idaṃ parinibbānamañce nipannova Padumuttaro Bhagavā byākāsi.

Pañcamabhāṇavāravaṇṇanā samattā.

115. So attano paṭipattiṃ dassento **pubbakammaṃ saṃyuttoti-ādimāha**. **Ekaggoti** ekaggacitto. **Susamāhitoti** suṭṭhu samāhito, santakāyacittoti attho. **Buddhassa oraso puttoti** Buddhassa urasā hadayena niggata-ovādānusāsaniṃ sutvā patta-arahattaphaloti attho. **Dhammajomhi sunimmitoti** dhammato kammaṭṭhānadhammato jāto ariyāya jātiyā sunimmito suṭṭhu nipphāditasabbakicco amhi bhavāmīti attho.

116. **Dhammarājaṃ upagammāti** dhammena sabbasattānaṃ rājānaṃ issarabhūtaṃ Bhagavantaṃ upagantvā samīpaṃ gantvāti attho. **Apucchim pañhamuttamanti** uttamaṃ khandhāyatanadhātusaccasamuppādādīpaṭisaṃyuttaṃ pañhaṃ apucchinti attho. **Kathayanto ca me pañhanti** eso amhākaṃ Bhagavā me mayhaṃ pañhaṃ kathayanto byākaronto. **Dhammasotaṃ upānāyīti** anupādīsesanibbānadhātusaṅkhātaṃ dhammasotaṃ dhammapavāhaṃ upānāyīti pāvisīti attho.

118. **Jalajuttamanāyakoti** Padumuttaranāmako makārassa yakāraṃ katvā katavohāro. **Nibbāyi anupādānoti** upādāne pañcakkhandhe aggahetvā nibbāyi na paññāyi adassanaṃ agamāsi, manussalokādīsu katthacipi apatiṭṭhitoti attho. **Dīpova telasaṅkhayāti** vaṭṭitelānaṃ saṅkhayā abhāvā padīpo iva nibbāyīti sambandho.

119. **Sattayojanikaṃ āsīti** tassa parinibbutassa Padumuttarassa Bhagavato ratanamayaṃ thūpaṃ sattayojanubbedhaṃ āsi ahoṣīti attho. **Dhajaṃ tattha apūjesinti** tattha tasmim̐ cetiye sabbabhaddaṃ sabbato bhaddaṃ sabbaso manoramaṃ dhajaṃ pūjesinti attho.

120. **Kassapassa ca Buddhassāti** Padumuttarassa Bhagavato kālato paṭṭhāya āgatassa devamanussesu saṃsarato me mayhaṃ orato putto Tisso nāma Kassapassa Sammāsambuddhassa aggasāvako Jinasāsane Buddhasāsane dāyādo āsi ahoṣīti sambandho.

121. **Tassa hīnena manasāti** tassa mama puttassa tissassa aggasāvakassa hīnena lāmakena manasā cittena **abhaddakaṃ** asundaraṃ ayuttakaṃ “antako pacchimo”ti **vācaṃ** vacanaṃ **abhāsim̐** kathesinti attho. **Tena kammavipākenāti** tena arahantabhakkhānasāṅkhātassa akusalakammassa vipākena. **Pacchime addasaṃ Jinanti** pacchime pariyosāne parinibbānakāle Mallānaṃ upavattane Sālavane parinibbānamañce nipannaṃ Jinaṃ jitasabbamāraṃ¹ ambhākaṃ Gotamasammāsambuddhaṃ addasaṃ ahanti attho. “Pacchā me āsi bhaddakan”tipi pāṭho. Tassa **pacchā** tassa Bhagavato avasānakāle nibbānāsannakāle **me** mayhaṃ **bhaddakaṃ** sundaraṃ catusaccapaṭivijjanaṃ **āsi** ahoṣīti attho.

122. **Pabbājesi mahāvīroti** mahāvīriyo sabbasattahito karuṇāyutto jitamāro Muni Mallānaṃ upavattane Sālavane pacchime sayane parinibbānamañce sayitova maṃ pabbājesīti sambandho.

1. Jitapañcamāraṃ (I)

123. **Ajjeva dāni pabbajjāti** ajja eva Bhagavato parinibbānavaseyeva mama pabbajjā, tathā ajja eva upasampadā, ajja eva Dvipaduttamassa sammukhā parinibbānaṃ ahoṣīti sambandho. Sesam̐ suviññeyyamevāti.

Subhaddatthera-apadānavaṇṇanā samattā.

10. Cundatthera-apadānavaṇṇanā

Siddhatthassa Bhagavatoti-ādikaṃ āyasmato Cundattherassa apadānaṃ. Ayampi purimabuddhesu katapuññasambhāro tattha tattha bhava vivaṭṭūpanissayāni puññāni upacinanto Siddhatthassa Bhagavato kāle vibhavasampanne kule nibbato viññutaṃ patvā Satthari pasīditvā sattaratanamayaṃ suvaṇṇagghiyaṃ kāretvā sumanapupphehi chādetvā Bhagavantaṃ pūjesi. Tāni pupphāni ākāsaṃ samuggantvā vitānakārena aṭṭhaṃsu. Atha naṃ Bhagavā “anāgate Gotamassa nāma Bhagavato sāsane Cundo nāma sāvako bhavissati”ti byākāsi. So tena puññakammena tato cuto devaloke upapanno kamena chasu kāmāvacaradevesu sukhaṃ anubhavitvā manussesu cakkavatti-ādisampattiyo ca anubhavitvā imasmiṃ Buddhuppāde brāhmaṇakule Rūpasāriyā putto Sāriputtattherassa kaniṭṭho hutvā nibbatti. Tassa viññutaṃ pattassa ārohapariṇāharūpavayānaṃ sundaratāya sakāraṃ cakāraṃ katvā **Cundoti** nāmaṃ karimsu. So vayappatto gharāvāse ādīnavaṇṇaṃ pabbajjāya ca ānisaṃsaṃ disvā bhātuttherassa santike pabbajitvā vipassanaṃ vaḍḍhetvā na cirasseva arahattaṃ pāpuṇi.

125. So patta-arahattaphalo ekadivasam̐ attano pubbakammaṃ saritvā somanassajāto pubbacaritāpadānaṃ pakāseṇto **Siddhatthassa Bhagavatoti**-ādimāha. Taṃ heṭṭhā vuttatthameva. **Agghiyanti**-ādayopi uttānatthāyeva.

128. **Vitiṇṇakaṅkho Sambuddhoti** visesena maggāmigamena vicikicchāya khepitattā vitiṇṇakaṅkho asaṃsayo Sambuddho. **Tiṇṇoghehi purakkhatoti** kāmoghādīnaṃ catunnaṃ oghānaṃ tiṇṇattā atikkantattā

oghatiṇṇehi khīṇāsavehi purakkhato parivāritoti attho. Byākaraṇagāthā uttānatthāyeva.

139. **Upaṭṭhahim mahāvīranti** uttamatthassa nibbānassa **pattiyā** pāpuṇanattāya kappasatasahassādhikesu caturāsāṅkhyeyyesu kappesu pāramiyo pūrentena katavīriyattā mahāvīraṃ Buddhaṃ upaṭṭhahim upaṭṭhānaṃ akāsinti attho. **Aññe ca pesale bahūti** na kevalameva Buddhaṃ upaṭṭhahim, pesale piyasīle sīlavante aññe ca bahu-aggappatte sāvake, **me** mayhaṃ **bhātaraṃ** Sāriputtattheraṅca upaṭṭhahinti sambandho.

140. **Bhātaraṃ me upaṭṭhahitvāti** mayhaṃ bhātaraṃ upaṭṭhahitvā vattapaṭivattam katvā tassa parinibbutakāle Bhagavato paṭhamam parinibbutattā tassa dhātuyo gahetvā pattamhi okiritvā Lokajetṭhassa narānaṃ asabhassa Buddhassa **upanāmesim** adāsinti attho.

141. **Ubho hatthehi paggayhāti** taṃ mayā dinnam dhātuṃ so Bhagavā attano ubho hi hatthehi pakārena gahetvā taṃ dhātuṃ saṃsuṭṭhu dassayanto **aggasāvakaṃ** Sāriputtattheraṃ **kittayi** pakāsesīti attho. Sesam uttānatthamevāti.

Cundatthera-apadānavañṇanā samattā.

Pañcamavaggavañṇanā samattā.

6. Bījanivagga

1. Vidhūpanadāyakatthera-apadānavañṇanā

Padumuttarabuddhassāti-ādikaṃ āyasmato Vidhūpanadāyakattherassa apadānaṃ. Ayampi purimajinavaresu pūritapuññasambhāro tattha tattha bhave vivaṭṭupanissayāni puñṇāni upacinanto Padumuttarassa Bhagavato kāle ekasmim kulagehe nibbato viññutaṃ patto vibhavasampanno saddhājāto Bhagavati pasanno gimhakāle suvañṇarajatamuttāmaṇimayaṃ bījanim kāretvā Bhagavato adāsi. So tena puñṇakammena devesu ca manussesu ca

saṃsaranto dve sampattiyo anubhavitvā imassa ambhākaṃ
Sammāsambuddhassa uppannakāle ekasmiṃ kulagehe nibbatto
gharabandhanena bandhitvā gharāvāse ādīnavam disvā pabbajjāya ca
ānisaṃsam disvā saddhāsampanno sāsane pabbajitvā vipassanam vaḍḍhetvā
na cirasseva arahā ahoṣi.

1. So “kena mayā puññakammena ayaṃ lokuttarasampatti laddhā”ti
attano pubbakammaṃ anussaranto taṃ paccakkhato ñātva
pubbacaritāpadānam pakāsentto **Padumuttarabuddhassāti**-ādimāha. Taṃ
heṭṭhā vuttatthameva. **Bījanikā mayā dinnāti** visesena santāpayantānam
sattānam santāpam nibbāpentī sītalam vātam janetīti bījanī, bījanīyeva
bījanikā, sā sattaratanamayā vijjotamānā bījanikā mayā kārāpetvā dinnāti
attho.

Vidhūpanadāyakatthera-apadānavañṇanā samattā.

2. Sataraṃsiththera-apadānavañṇanā

Ucciyam selamāruyhāti-ādikaṃ āyasmato Sataraṃsiththerassa apadānam.
Ayampi purimabuddhesu katādhikāro tattha tattha bhava vivaṭṭūpanissayāni
puññāni upacinanto Padumuttarassa Bhagavato kāle brāhmaṇakule nibbatto
viññutam patto sakkaṭabyākaraṇe vedattaye ca pārāṅgato gharāvāsam
pahāya araññaṃ pavisitvā isipabbajjam pabbajitvā Himavante vāsam
kappesi. Tasmim samaye Padumuttaro Bhagavā vivekakāmatāya uccam
ekam pabbatam āruyha jalitaggikkhanto viya nisīdi. Taṃ tathānisinnaṃ
Bhagavantam disvā tāpaso somanassajāto añjalim paggayha anekehi
kāraṇehi thomesi. So tena puññakammena tato cuto chasu
kāmvāvacaradevesu dibbasampattiṃ anubhavitvā tato manussaloke Sataraṃsī
nāma cakkavattī rājā hutvā nibbatti. Tampi sampattiṃ anekakkhattum
anubhavitvā imasmim Buddhuppāde ekasmiṃ kulagehe nibbatto
pubbapuññasambhāravasena ñāṇassa paripakkattā sattavassikova pabbajitvā
arahattam pāpuṇi.

8-9. So “ahaṃ kena kammaṇa sattavassikova santipadaṃ anuppatto smī”ti saramāno pubbakammaṃ ñāṇena paccakkhato disvā somanassajāto pubbacaritāpadānaṃ udānavasena pakāseṇo **ucciyam̐ selamāruyehāti**-ādimāha. Tattha **ucciyanti** uccaṃ selamayaṃ pabbataṃ āruyha nisīdi Padumuttaroti sambandho. **Pabbatassā’vidūramhīti** Bhagavato nisinnassa pabbatassa āsannaṭṭhāneti attho. **Brāhmaṇo mantapāragūti** mantasaṅkhātassa vedattayassa pāraṃ pariyosānaṃ koṭiṃ gato eko brāhmaṇoti attho, aññaṃ viya attānaṃ niddisati ayaṃ mantapāragūti. **Upaviṭṭham̐ mahāvīranti** tasmim̐ pabbate nisinnaṃ vīravantaṃ jinaṃ, kim̐ visiṭṭham̐? **Devadevaṃ sakalachakāmāvacarabrahmadevānaṃ atidevaṃ Narāsabham̐ narānaṃ āsataṃ seṭṭham̐ Lokanāyakaṃ sakalasattalokaṃ nayantaṃ nibbānaṃ pāpentaṃ ahaṃ añjalim̐** dasanakhasamodhānañjalipuṭaṃ sirasi muddhani **paggaheṭvāna** patiṭṭhapetvā **santhavim̐** suṭṭhum̐ thomesinti sambandho.

12. **Abhāsathāti** “yenāyaṃ añjaliṃ dinno -pa- arahā so bhavissati”ti byākāsi. Sesam̐ uttānatthamevāti.

Sataram̐siththera-apadānavañṇanā samattā.

3. Sayanadāyakatthera-apadānavañṇanā

Padumuttarabuddhassāti-ādikaṃ āyasmato Sayanadāyakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññaṇi upacinanto Padumuttarassa Bhagavato kāle ekasmiṃ kulagehe nibbato viññutaṃ patto gharāvāsaṃ saṅṭhapetvā sukhamanubhavanto Satthu dhammadesanaṃ sutvā Satthari pasanno dantasuvaṇṇarajatamuttamaṇimayaṃ mahārahaṃ mañcaṃ kārāpetvā cīnaṭṭakambalādīni attharivā sayanattāya Bhagavato adāsi. Bhagavā tassa anuggahaṃ karonto tattha sayi. So tena puññaṇakammaṇa devamanussesu saṃsaranto tadanurūpaṃ ākāśagamanasukhaseyyādisukhaṃ anubhavitvā imasmiṃ Buddhuppāde vibhavasampāne ekasmiṃ kule nibbattitvā viññutaṃ pāpuṇitvā Satthu dhammadesanaṃ sutvā pasannamānaso pabbajitvā vipassanto na cirasseva arahā ahoṣi.

20. So attano pubbakammaṃ saritvā somanassajāto pubbacaritāpadānaṃ pakāsento **Padumuttarabuddhassāti**-ādimāha. Tam heṭṭhā vuttatthameva.

21. **Sukhette bījasampadāti** yathā tiṇakacavararahite kaddamādisampanne sukhette vuttabījāni sādupalāni nipphādentī, evameva rāgadosādidiyadḍhasahassakilesasaṅkhātatiṇakacavararahite suddhasantāne puññakkhette vuttadānāni appānīpi samānāni mahapphalāni hontīti attho. Sesam suviññeyyamevāti.

Sayanadāyakatthera-apadānavañṇanā samattā.

4. Gandhodakiyatthera-apadānavañṇanā

Padumuttarabuddhassāti-ādikaṃ āyasmato Gandhodakiyattherassa apadānaṃ. Ayampi purimamunivaresu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle kulagehe nibbato parinibbute Bhagavati nagaravāsino bodhipūjaṃ kurumāne disvā vicittaghaṭe candanakappurāgaru-ādimissakasugandhodakena pūretvā Bodhirukkhaṃ abhisiñci. Tasmim khaṇe devo mahādhārāhi pavassi. Tadā so asanivegena kālaṃ kato. Teneva puññakammena devaloke nibbatti, tattheva ṭhito “aho Buddho, aho dhammo”ti-ādigāthāyo abhāsi. Evaṃ so devamanussesu sampattiyo anubhavitvā sabbapariḷāhavippamutto nibbattanibbattaṭṭhāne sītībhāvamupagato sukhito imasmim Buddhuppāde kulagehe nibbato viññutaṃ patto Sathari pasanno pabbajitvā kammaṭṭhānaṃ ārabhitvā vipassanto na cirasseva arahattaṃ pāpuṇi. Pubbe katapuñña **Gandhodakiyattheroti** pākaṭo ahosi.

25. So ekadivasam attano pubbakammaṃ saritvā somanassajāto pubbacaritāpadānaṃ pakāsento **Padumuttarassāti**-ādimāha. Tam vuttatthameva. **Mahābodhimaho ahūti** Mahābodhirukkhasa pūjā ahoṣīti attho. **Vicittam ghaṭamādayāti** anekehi cittakammasuvañṇakammehi vicittam sobhamānaṃ gandhodakapuñṇam ghaṭam gahetvāti

attho. **Gandhodakamadāsahanti** gandhodakaṃ adāsīm, ahaṃ gandhodakena abhisīncinti attho.

26. **Nhānakāle ca bodhiyāti** bodhiyā pūjākaraṇasamayeti attho. Sesāṃ uttānatthamevāti.

Gandhodakiyatthera-apadānavaṇṇanā samattā.

5. Opavayhatthera-apadānavaṇṇanā

Padumuttarabuddhassāti-ādikaṃ āyasmato Opavayhattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Padumuttarajinādicce loka pātubhūte ekasmiṃ vibhavasampannakule nibbatto vuddhimanvāya mahaddhano mahābhogo gharāvāsaṃ vasamāno sāsane pasanno Satthari pasādabahumāno ājānīyena sindhavana pūjaṃ akāsi, pūjetvā ca pana “Buddhādīnaṃ samaṇānaṃ hatthi-assadayo na kappanti, kappiyabhaṇḍaṃ dassāmi”ti cintetvā taṃ agghāpetvā tadagghanakena kahāpaṇena kappiyaṃ kappāsikakambalakojavādikaṃ cīvaraṃ kappūratakkolādikaṃ bhesajjaparikkhāraṇa adāsi. So tena puññakammena yāvatāyukaṃ ṭhatvā tato cuto devesu ca manussesu ca hatthi-assādi-anekavāhanasampanno sukhaṃ anubhavitvā imasmiṃ Buddhuppāde ekasmiṃ kulagehe nibbatto viññutaṃ patto saddhāsampanno sāsane pabbajitvā kammaṭṭhānaṃ gahetvā vipassanaṃ vaḍḍhetvā maggapatiṭṭhiyā arahatte patiṭṭhāsi, pubbe katapuññasambhārasena **Opavayhattheroti** pākaṭo ahosi.

33. So “kena nu kho kāraṇena idaṃ mayā santipadaṃ adhigataṃ”ti upadhārento pubbakammaṃ nāṇena paccakkhato nītvā somanassajāto pubbacaritāpadānaṃ udānavasena pakāsentō **Padumuttarabuddhassāti**-ādīmāha. Taṃ vuttatthameva. **Ājānīya**’madāsahanti ājānīyaṃ uttamajātisindhavaṃ ahaṃ adāsīm pūjesinti attho.

35. **Sapattabhāroti** sassa attano pattāni aṭṭha parikkhārāni bhārāni yassa so sapattabhāro, aṭṭhaparikkhārayuttoti attho.

36. **Khamanīyamadāsahanti** khamanīyayoggaṃ
cīvarādīkappiyaparikkhāraṃti attho.

40. **Carimoti** pariyosāno koṭṭipatto bhavoti attho. Sesam
suviññeyyamevāti.

Opavayhatthera-apadānavaṇṇanā samattā.

6. Sapparivārāsanatthera-apadānavaṇṇanā

Padumuttarabuddhassāti-ādikaṃ āyasmato Sapparivārāsanattherassa apadānaṃ. Sopi purimabuddhesu katādhikāro tattha tattha bhavesu vivaṭṭūpanissayāni puññāni upacinanto Padumuttarassa Bhagavato kāle vibhavasampanne kulagehe nibbato vuddhippato saddhājāto sāsane pasanno dānaphalaṃ saddahanto nānaggarasabhojanena Bhagavato piṇḍapātaṃ adāsī, datvā ca pana bhojanasālāyaṃ bhojanatthāya nisinnāsanaṃ Jātisumanamallikādīhi alaṅkari. Bhagavā ca bhattānumodanamakāsī. So tena puññakamma devamanussesu saṃsaranto anekavidhaṃ sampattiṃ anubhavitvā imasmiṃ Buddhuppāde vibhavasampanne kulagehe nibbato vuddhimanvāya saddho pasanno pabbajitvā na cirasseva arahā ahoṣi.

43. So evaṃ pattasantipado “kena nu kho puññena idaṃ santipadaṃ anuppattan”ti nāṇena upadhārento pubbakammaṃ disvā somanassajāto pubbacarītāpadānaṃ pakāseṃto **Padumuttarabuddhassāti**-ādimāha. Taṃ vuttatthameva. **Piṇḍapātaṃ adāsahanti** tattha tattha laddhānaṃ piṇḍānaṃ kabaḷaṃ kabaḷaṃ katvā pātābato khādītābato āhāro piṇḍapāto, taṃ piṇḍapātaṃ Bhagavato adāsī, Bhagavantaṃ bhojesinti attho.

44. **Akittayi piṇḍapātanti** mayā dinnapiṇḍapātassa guṇaṃ ānisaṃsaṃ pakāsesīti attho.

48. **Samvuto pātimokkhasminti** pātimokkhasaṃvarasīlena samvuto pihito paṭicchannoti attho. **Indriyesu ca pañcasūti** cakkhundriyādīsū

pañcasu indriyesu rūpādīhi gopito indriyasamvarasīlañca gopitoti attho.
Sesaṃ suviññeyyamevāti.

Saparivārāsanatthera-apadānavañṇanā samattā.

7. Pañcadīpakatthera-apadānavañṇanā

Padumuttarabuddhassāti-ādikaṃ āyasmato Pañcadīpakattherassa apadānaṃ. Ayampi purimabuddhesu katādhikāro uppannuppannabhavesu vivatṭūpanissayāni puññāni upacinanto Padumuttarassa Bhagavato kāle kulagehe nibbatto vuddhimanvāya gharāvāse vasanto Bhagavato dhammaṃ sutvā sammādiṭṭhiyaṃ paṭiṭṭhito saddho pasanno mahājanehi bodhipūjaṃ kayiramānaṃ disvā sayampi bodhiṃ parivāretvā dīpaṃ jāletvā pūjesi. So tena puññakamma devamanussesu saṃsaranto cakkavattisampatti-ādayo anubhavitvā sabbattheva uppannabhava jalamāno jotisampannavimānādīsu vasitvā imasmiṃ Buddhuppāde ekasmiṃ vibhavasampanne kulagehe nibbatto vuddhippatto saddhājāto pabbajitvā nacirasseva arahā ahosi, dīpapūjānissandena **Dīpakattheroti** pākaṭo.

50. So ekadivasam attano pubbakammaṃ saritvā somanassajāto pubbacaritāpadānaṃ pakāsentō **Padumuttarabuddhassāti**-ādimāha. Tam vuttatthameva. **Ujudiṭṭhi ahosahanti** vaṅkaṃ micchādiṭṭhiṃ chaḍḍetvā uju avaṅkaṃ nibbānābhimukhaṃ pāpuṇanasammādiṭṭhi ahosinti attho.

51. **Padīpadānaṃ pādāsinti** ettha pakārena dibbati jotatīti padīpo, tassa dānaṃ padīpadānaṃ, tam adāsīṃ padīpapūjaṃ akāsinti attho. Sesaṃ sabbattha uttānatthamevāti.

Pañcadīpakatthera-apadānavañṇanā samattā.

8. Dhajadāyakatthera-apadānavaṇṇanā

Padumuttarabuddhassāti-ādikaṃ āyasmato Dhajadāyakattherassa apadānaṃ. Ayampi purimabuddhesu katādhikāro tattha tattha bhava vivatṭūpanissayāni puññāni upacinanto Padumuttarassa Bhagavato kāle ekasmiṃ kulagehe nibbato vuddhimanvāya Satthari pasīditvā sundarehi anekehi vatthehi dhajam kārāpetvā dhajapūjam akāsi. So tena puññakammena uppannuppannabhava uccakule nibbato pūjaniyo ahoṣi. Aparabhāge imasmiṃ Buddhuppāde ekasmiṃ kulagehe nibbato vuddhimanvāya puttadārehi vaḍḍhitvā mahābhogo yasavā saddhājāto Satthari pasanno gharāvāsaṃ pahāya pabbajitvā na cirasseva arahā ahoṣi.

57. So patta-arahattaphalo pubbakammaṃ saritvā somanassajāto attano pubbacaritāpadānaṃ pakāsentō **Padumuttarabuddhassāti**-ādimāha. Tassattho pubbe vuttoyeva. **Haṭṭho haṭṭhena cittenāti** somanassasahagatacittayuttattā haṭṭho paripuṇṇarūpakāyo saddhāsampayuttacittatāya haṭṭhena cittena santuṭṭhena cittenāti attho. **Dhajamāropayim ahanti** dhunāti kampati calatīti dhajam, taṃ dhajam āropayim veḷagge laggetvā pūjesinti attho.

58-9. **Patitapattāni gaṇhitvāti** patitāni bodhipattāni gahetvā ahaṃ bahi chaḍḍesinti attho. **Antosuddham bahisuddhanti** antocittasantānanāmakāyato ca bahi cakkhusotādirūpakāyato ca suddhim **adhi** visesena **muttam** kilesato vimuttam anāsavaṃ Sambuddham viya sammukhā uttamam bodhim **avandim** paṇāmamakāsinti attho. Sesam sabbattha uttānatthamevāti.

Dhajadāyakatthera-apadānavaṇṇanā samattā.

9. Padumatthera-apadānavaṇṇanā

Catusaccam pakāsentoti-ādikaṃ āyasmato Padumattherassa apadānaṃ. Ayampi purimabuddhesu katakusalasambhāro Padumuttaramuninā dhammapajjote jotamāne¹ ekasmiṃ kulagehe nibbato gharāvāsaṃ

1. Jotiyamāne (?)

saṅṭhapetvā bhogasampannoti pākaṭo. So Satthari pasīditvā mahājanena saddhiṃ dhammaṃ suṇanto dhajena saha padumakalāpaṃ gahevā aṭṭhāsi, sadhajaṃ taṃ padumakalāpaṃ ākāsamukkipiṃ, taṃ acchariyaṃ disvā ativiya somanassajāto ahosi. So yāvajīvaṃ kusalaṃ katvā jīvitapariyosāne sagge nibbato dhajamiva chakāmāvacare pākaṭo pūjito ca dibbasampattimanubhavitvā manussesu ca cakkavattisampattimanubhavitvā imasmim Buddhuppāde vibhavasampanne¹ saddhāsampanne ekasmim kulagehe nibbato vuddhimanvāya saddhājāto pañcavassikova pabbajitvā na cirasseva arahā hutvā katapuññanāmena **Padumattheroti** pākaṭo.

67. Attano pubbakammaṃ saritvā somanassajāto pubbacaritāpadānaṃ pakāsento **catusaccaṃ pakāsenti**-ādimāha. Tattha **saccanti** tathaṃ avitathaṃ aviparītaṃ saccaṃ, dukkhasamudayanirodhamaggavasena cattāri saccāni samāhaṇānīti catusaccaṃ, taṃ catusaccaṃ pakāsento loke pākaṭaṃ karontoti attho. **Varadhammappavattakoti** uttamadhammappavattako pakāsakoti attho. **Amataṃ vuṭṭhinti** amatamahānibbānavuṭṭhidhāraṃ pavassanto paggharanto sadevakaṃ lokaṃ temento sabbakilesapariḷāhaṃ nibbāpento dhammavassaṃ vassatīti attho.

68. **Sadhajaṃ padumaṃ gayhāti** dhajena saha ekato katvā padumaṃ padumakalāpaṃ gahevāti attho. **Aḍḍhakose ṭhito ahanti** ubho ukkipitvā ṭhito ahanti attho. Sesam sabbattha uttānatthamevāti.

Padumatthera-apadānavañṇanā samattā.

10. Asanabodhiyatthera-apadānavañṇanā

Jātiyā sattavassohanti-ādikaṃ āyasmato Asanabodhiyattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Tissassa Bhagavato kāle aññatarasmim kulagehe nibbato vuddhippatto sukhappatto sāsane

1. Sampanna (S)

pasanno asanabodhito phalaṃ gahetvā tato vuṭṭhitabodhitaruṇe gahetvā bodhiṃ ropesi, yathā na vinassati tathā udakāsiñcanādikammena rakkhitvā pūjesi. So tena puññaena devamanussesu sampattiyo anubhavitvā imasmim Buddhuppāde kulagehe nibbato paripakkasambhāratā sattavassikova samāno pabbajitvā khuraggeyeva arahattaṃ pāpuṇi, purākatapuññānāmena **Asanabodhiyattheroti** pākaṭo.

78. So pubbasambhāramanussarivā somanassajāto pubbacaritāpadānaṃ pakāsento **jātiyā sattavassohanti**-ādimāha. Tattha **jātiyā**ti mātugabbhato nikkhantakālato paṭṭhāyāti attho. Sattavasso paripuṇṇasarado¹ ahaṃ Lokanāyakaṃ Tissaṃ Bhagavantaṃ addasanti sambandho. **Pasannacitto sumanoti** pakārena pasanna-anāluḷita-avikampitacitto, sumano sundaramano somanassasahagatacittoti attho.

79. **Tissassāhaṃ Bhagavatoti** tikkhattuṃ jātoti Tisso, so mātugabbhato, manussajātito, pañcakkhandhato ca mutto hutvā jāto nibbato Buddho jātoti attho. Tassa Tissassa Bhagavato tādino, Lokajetṭhassa asanabodhiṃ uttamaṃ ropayinti sambandho.

80. **Asano nāmadheyyenā**ti nāmapaññattiyā nāmasaññāya asano nāma asanarukkho bodhi ahoṣīti attho. **Dharaṇīruhapādapoti** vallirukkha² pabbatagaṅgāsāgarādayo dhāretīti dharaṇī, kā sā? Pathavī, tassaṃ ruhati patiṭṭhahatīti dharaṇīruho, pādena pivatīti pādapo, pādasaṅkhātena mūlena siñcitodakaṃ pivati āporasaṃ sinehaṃ dhāretīti attho. Dharaṇīruho ca so pādapo cāti dharaṇīruhapādapo, taṃ uttamaṃ asanaṃ bodhiṃ pañca vassāni **paricarim** posesinti attho.

81. **Pupphitaṃ pādapaṃ disvā**ti taṃ mayā positaṃ asanabodhirukkhaṃ pupphitaṃ accharayoggabhūtapupphattā **abbhutaṃ** lomahaṃsakaraṇaṃ disvā

1. Paripuṇṇasampado (Sī)

2. Vasurukkha (Ka)

sakaṃ kammaṃ attano kammaṃ **pakittento** pakārena kathayanto Buddhasetṭhassa santikaṃ agamāsinti attho. Sesam sabbattha uttānatthamevāti.

Asanabodhiyatthera-apadānavañṇanā samattā.

Chaṭṭhavaggavañṇanā samattā.

7. Sakacintaniyavagga

1. Sakacintaniyatthera-apadānavañṇanā

Pavanam kānanam disvāti-ādikaṃ āyasmato Sakacintaniyattherassa apadānam. Ayampi purimabuddhesu katādhikāro tattha tattha bhava vivatṭūpanissayāni puññāni upacinanto Vipassissa Bhagavato kāle ekasmiṃ kulagehe nibbato vuddhimanvāya tassa Bhagavato āyupariyosāne uppanno dharamānam Bhagavantam apāpuṇitvā parinibbutakāle isipabbajjam pabbajitvā Himavante vasanto vivekaṃ ramaṇīyam ekaṃ vanam patvā tatthevekāya kandarāya pulinacetiyaṃ katvā Bhagavati saññaṃ katvā sadhātukasaññaṃ katvā vanapupphēhi pūjetvā namassamāno paricari¹. So tena puññakammena devamanussesu saṃsaranto dvīsu aggam saggasampattiṃ aggaṅca cakkavattisampattiṃ anubhavitvā imasmiṃ Buddhuppāde ekasmiṃ kulagehe nibbato vibhavasampanno saddhāsampanno Satthari pasīditvā pabbajitvā arahā chaḷabhiñño ahoṣi.

1. So attano pubbakammaṃ saritvā somanassajāto pubbacaritāpadānam pakāsentto **pavanam kānanam disvāti**-ādimāha. Tattha **pavananti** pakārena vanam patthaṭam vitthiṇṇam gahanabhūtanti pavanam. **Kānanam** avakucchitam ānanam avahanam satatam sīhabyagghayakkharakkhasamaddahatthi-assasupaṇṇa-uragehi vihaṅgagaṇasaddakukkuṭakokilehi vā bahalanti kānanam, tam kānanasaṅkhātam pavanam manussasaddavirahitattā **appasaddam** nissaddanti attho. **Anāvilanti** na āvilam upaddavarahitanti attho. **Isīnam anuciṇṇanti** Buddhapaccekabuddha-arahantakhīṇāsavasasaṅkhātānam isīnam anuciṇṇam nisevanti attho.

Āhutināṃ paṭiggahanti āhunāṃ vuccati pūjāsakkāraṃ paṭiggahaṃ gehasadisanti attho.

2. **Thūpaṃ katvāna veḷunāti** veḷupesikāhi cetiyaṃ katvāti attho. **Nānāpupphaṃ samokirinti** campakādīhi anekehi pupphehi samokiriṃ pūjesinti attho. **Sammukhā viya Sambuddhanti** sajivamānassa Sambuddhassa sammukhā iva **nimmitaṃ** uppāditāṃ cetiyaṃ ahaṃ **abhi** visesena **vandiraṃ** paṇāmamakāsinti attho. Sesāṃ suviññeyyamevāti.

Sakacintaniyatthera-apadānavañṇanā samattā.

2. Avopupphiyatthera-apadānavañṇanā

Vihārā abhinikkhammāti-ādikaṃ āyasmato Avopupphittherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Sikhissa Bhagavato kāle kulagehe nibbatto viññutaṃ patto saddhāsampanno dhammaṃ sutvā somanassappatto nānāpupphāni ubhohi hatthehi gahetvā Buddhassa upari abbhukkiri. So tena puññena devamanussesu saṃsaranto saggasampattiṅca cakkavattisampattiṅca anubhavitvā sabbattha pūjito imasmiṃ Buddhuppāde ekasmiṃ kulagehe nibbatto vuddhippatto sāsane pasīditvā pabbajitvā na cirasseva arahā ahoṣi. **Ā** samantato kāsati dippatīti ākāso, tasmim ākāse pupphānaṃ avakiritattā¹ **Avopupphiyattheroti** pākaṭo.

7. Evaṃ pattasantipado attano pubbakammaṃ saritvā somanassajāto pubbacaritāpadānaṃ pakāsento **vihārā abhinikkhammāti**-ādimāha. Tattha **vihārāti** visesena harati catūhi iriyāpathehi apatantaṃ attabhāvaṃ āharati pavatteti etthāti vihāro, tasmā vihārā **abhi** visesena **nikkhamma** nikkhamitvā. **Abbhutthāsi ca caṅkame**² caṅkamanatthāya saṭṭhiratane caṅkame abhivisesena uṭṭhāsi³, abhiruhīti attho.

1. Pupphāni ākiriṃ, tato (Sī)

2. Abbhutthāsiṃ ca caṅkame (Sī), abbhutthāhiya caṅkame (Pāli)

3. Uṭṭhāsiṃ (Sī)

Catusaccaṃ pakāsentoti tasmim̐ caṅkame caṅkamanto dukkhasamudayanirodha-maggasaccasaṅkhātaṃ catusaccaṃ pakāsentopākaṭaṃ karonto amataṃ padaṃ nibbānaṃ desento vibhajanto uttānīkaronto tasmim̐ caṅkameti sambandho.

8. **Sikhissa giramaññāya, Buddhasettḥassa tādinoti** settḥassa tādiguṇasamaṅgissa Sikhissa Buddhassa giram̐ saddaṃ ghosaṃ aññāya jānitvā. **Nānāpupphaṃ gahetvānāti** nāgapunnāgādi-anekāni pupphāni gahetvā āharitvā. **Ākāsamhi samokirinti** caṅkamantassa Bhagavato muddhani ākāse okirim̐ pūjesim̐.

9. **Tena kammena dvipadindāti** dvipadānaṃ devabrahmamanussānaṃ inda padhānabhūta. **Narāsabha** narānaṃ āsabhabhūta. **Pattomhi acalaṃ thānanti** tumhākaṃ santike pabbajitvā acalaṃ thānaṃ nibbānaṃ patto amhi bhavāmi. **Hitvā jayaparājayanti** dibbamanussasampattisaṅkhātaṃ jayaṅca caturāpāyadukkhasaṅkhātaṃ parājayaṅca hitvā chaḍḍetvā nibbānaṃ pattosmīti attho. Sesam̐ suviññeyyamevāti.

Avopupphiyatthera-apadānavañṇanā samattā.

3. Paccāgamaniyatthera-apadānavañṇanā

Sindhuyā nadiyā tīreti-ādikaṃ āyasmato Paccāgamaniyattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Vipassissa Bhagavato kāle Sindhuyā Gaṅgāya samīpe cakkavākayoniyam̐ nibbatta pubbasambhārayuttattā pāṇino akhādanto sevālemeva bhakkhayanto carati. Tasmim̐ samaye Vipassibhagavā sattānuggahaṃ karonto tattha agamāsi. Tasmim̐ khaṇe so cakkavāko vijjotamānaṃ Bhagavantaṃ disvā pasannamānaso tuṇḍena sālārukkhatto sālappupphaṃ chinditvā āgamma pūjesi. So teneva cittappasādena tato cuto devaloke uppanno aparāparaṃ chakāmāvacarasampattiṃ anubhavitvā tato cuto manussaloke uppajjitvā cakkavattisampatti-ādayo anubhavitvā imasmim̐ Buddhuppāde ekasmim̐

kulagehe nibbatto viññutaṃ patto pubbacaritavasena Satthari pasanno pabbajitvā na cirasseva arahā ahoṣi, cakkavāko hutvā Bhagavantaṃ disvā katthaci gantvā pupphamāharitvā pūjitattā pubbapuññanāmena **Paccāgamaniyattheroti** pākaṭo.

13. Attano pubbakammaṃ saritvā somanassajāto pubbacaritāpadānaṃ pakāseṇo **Sindhuyā nadiyā tīreti**-ādimāha. Sīti saddaṃ kurumānā dhunāti kampaṭīti sindhu, nadati saddaṃ karonto gacchatīti nadi. **Cakkavāko ahaṃ tadāti** cakkam sīghaṃ gacchantaṃ iva uduke vā thale vā ākāse vā sīghaṃ vāti gacchatīti cakkavāko. Tadā Vipassim Bhagavantaṃ dassanakāle ahaṃ cakkavāko ahoṣinti attho. **Suddhasevālabhakkhohanti** aññagocara-amissattā suddhasevālemeva khādanto ahaṃ vasāmi. **Pāpesu ca susaññatoti** pubbavāsanāvasena pāpakaraṇe suṭṭhu saññato tīhi dvārehi saññato susikkhito.

14. **Addasaṃ virajaṃ Buddhanti** rāgadosamohavirahitattā virajaṃ nikkilesaṃ Buddhaṃ addasaṃ addakkhim. **Gacchantaṃ anilañjaseti** anilañjase ākāsapathe gacchantaṃ Buddhaṃ. **Tuṇḍena** mayhaṃ mukhatuṇḍena **sālaṃ** sālapupphaṃ **paggayha** paggahetvā **Vipassissā’bhiropayim** Vipassissa Bhagavato pūjesinti attho. Sesam suviññeyyamevāti.

Paccāgamaniyatthera-apadānavaṇṇanā samattā.

4. Parappasādakatthera-apadānavaṇṇanā

Usabhaṃ pavaraṃ vīranti-ādikaṃ āyasmato Parappasādakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Siddhatthassa Bhagavato kāle brāhmaṇakule nibbatto tiṇṇaṃ vedānaṃ pāragū itihāsapañcamānaṃ padako veyyākaraṇo sanighaṇḍukeṭubhānaṃ sākkharappabhedānaṃ lokāyatamahāpurisalakkhaṇesu anavayo nāmena **Selabrāhmaṇoti** pākaṭo Siddhatthaṃ Bhagavantaṃ disvā dvattimsamahāpurisalakkhaṇehi asīti-anubyañjanehi cāti sayam sobhamānaṃ disvā pasannamānaso anekehi

kāraṇehi anekāhi upamāhi thomanam pakāsesi. So tena puññakammena devaloke sakkamārādayo cha kāmācavarasampattiyo anubhavitvā manussesu cakkavattisampattiṃ anubhavitvā imasmim Buddhuppāde vibhavasampanne ekasmim kulagehe nibbatto viññutam patto Satthari pasīditvā pabbajito nacirasseva catuṇṇasambhidāchaḷabhiññappatto mahākhīṇāsavo ahosi, Buddhassa thutiyā sattānam sabbesam cittappasādakaraṇato **Parappasādakattheroti** pākaṭo.

20. Ekadivasam attano pubbakammaṃ saritvā somanassajāto pubbacaritāpadānam pakāseno **usabham pavaram vīranti**-ādimāha. Tattha **usabhanti** Vasabho Nisabho Visabho Āsabhoti cattāro jeṭṭhapuṅgavā. Tattha gavasatajeṭṭhako Vasabho, gavasahassajeṭṭhako Nisabho, gavasatasahassajeṭṭhako Visabho, gavakoṭisatasahassajeṭṭhako Āsabhoti ca yassa kassaci thutiṃ karontā brāhmaṇapaṇḍitā bahussutā attano attano paññāvasena thutiṃ karonti, Buddhānam pana sabbākārena thutiṃ kātum samatto ekopi natthi. Appameyyo hi buddho. Vuttam hetam—

“Buddhopi Buddhassa bhaṇeyya vaṇṇam,
Kappampi ce aññamabhāsamāno.
Khīyetha kappo ciradīghamantare,
Vaṇṇo na khīyetha Tathāgatassā”¹—

ādikaṃ. Ayampi brāhmaṇo mukhārūḷhavasena ekantapasīdanavasena² “āsabhan”^{ti} vattabbe “usabhan”^{ti}-ādimāha. Varitabbo patthetabboti varo. Anekesu kappasatasahassesu katavīriyattā vīro. Mahantam sīlakkhandhādikaṃ esati gavesatīti mahesī, tam **Mahesim** Buddham. Visesena kilesakhandhamārādayo māre jitavāti vijitāvī, tam **vijitāvinam** Sambuddham. Suvanṇassa vaṇṇo iva vaṇṇo yassa Sambuddhassa so suvaṇṇavaṇṇo, tam **suvaṇṇavaṇṇam** Sambuddham disvā ko nāma satto nappasīdatīti.

Parappasādakatthera-apadānavanṇanā samattā.

1. Dī-Ṭṭha 1. 257; Dī-Ṭṭha 3. 61; Ma-Ṭṭha 3. 289; Udāna-Ṭṭha 305 piṭṭhesu.

2. Etampi siddhivasena (Sī), ekappasiddhivasena (I)

5. Bhisadāyakatthera-apadānavañṇanā

Vessabhū nāma nāmenāti-ādikaṃ āyasmato Bhisadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Bessabhussa Bhagavato kāle Himavantasmim hatthiyoniyaṃ nibbato tasmim paṭivasati. Tasmim samaye Vessabhū Bhagavā vivekakāmo Himavantamagamāsi. Tam disvā so hatthināgo pasannamānaso bhisamuḷālaṃ gahetvā Bhagavantam bhojesi. So tena puññakammena hatthiyonito cuto devaloke uppajjitvā tattha cha kāmāvacarasampattiyo anubhavivā manussattamāgato manussesu cakkavattisampatti-ādayo anubhavivā imasmim Buddhuppāde mahābhoge aññatarasmim kule nibbato pubbavāsānābalena Sathhari pasanno pabbajitvā na cirasseva arahā ahoṣi, so pubbe katakusalanāmena **Bhisadāyakattheroti** pākaṭo.

29. So attano pubbakammaṃ saritvā pubbacaritāpadānaṃ dassento **Vessabhū nāma nāmenāti**-ādimāha. Tattha **Vessabhūti** vessam bhunāti atikkamatīti Vessabhū. Atha vā vesse vāṇijakamme vā kāmarāgādike vā kusalādikamme vā vatthukāmakilesakāme vā bhunāti abhibhavaṭīti Vessabhū, so nāmena Vessabhū nāma Bhagavā. **Isīnaṃ tatiyo ahūti** kusaladhamme¹ esati gavesatīti isi, “Vipassī, Sikhī, Vessabhū”ti vuttattā tatiyo isi tatiyo Bhagavā ahu ahoṣīti attho. **Kānanam vana’ moggayhāti** kānanasaṅkhātam vanam ogayha ogahetvā pāvisīti attho.

30. **Bhisamuḷālaṃ gaṇhitvāti** dvipadacatuppadānaṃ chātakaṃ bhisati hiṃsati vināsetīti bhisam, ko so? Padumakando, bhisam ca muḷālaṃ ca bhisamuḷālaṃ, tam bhisamuḷālaṃ gahetvāti attho.

31. **Karena ca parāmaṭṭhoti** tam mayā dinnadānaṃ, **Vessabhūvarabuddhinā** uttamabuddhinā Vessabhunā karena hatthatalena parāmaṭṭho katasamphasso ahoṣi. **Sukhāham nābhijānāmi, samam tena kutottarinti** tena

1. Kusalakamme (Sī)

sukhena samam sukham nābhijānāmi, tato uttarim tato param tato adhikam sukham kutoti attho. Sesam nayānusārena suviññeyyanti.

Bhisadāyakatthera-apadānavañṇanā samattā.

6. Sucintitatthera-apadānavañṇanā

Giriduggacaro āsinti-ādikam āyasmato Sucintitattherassa apadānam. Ayampi purimabuddhesu katādhikāro tattha tattha bhava vivattūpanissayāni puññāni upacinanto Atthadassissa Bhagavato kāle Himavantappadese nesādakule uppanno migasūkarādayo vadhitvā khādanto viharati. Tadā Lokanātho lokānuggaḥam sattānuddayatañca paṭicca Himavantamagamāsi. Tadā so nesādo Bhagavantam disvā pasannamānaso attano khādanatthāya ānītam varamadhuramaṁsam adāsi. Paṭiggahesi Bhagavā tassānukampāya, tam bhuñjitvā anumodanam vatvā pakkāmi. So teneva puññena teneva somanassena tato cuto sugatīsu saṁsaranto cha kāmāvacarasampattiyo anubhavitvā manussesu cakkavattisampatti-ādayo anubhavitvā imasmim Buddhuppāde kulagehe nibbatto Satthari pasīditvā pabbajito na cirasseva arahā ahoṣi.

36. Catupaṭṭisambhidāpañcābhiññādibhedam patvā attano pubbakammam saritvā somanassajāto pubbacaritāpadānam pakāsento **giriduggacaro āsinti**-ādimāha. Girati saddam karotīti giri, ko so? Silāpaṁsumayapabbato, duṭṭhu dukkhena gamanīyam duggam, girīhi duggam giriduggam, duggamoti¹ attho. Tasmim giridugge pabbatantare caro caraṇasīlo āsim ahoṣim. **Abhijātova kesarīti** abhi visesena jāto nibbatto kesarīva kesarasīho iva giriduggasmim carāmīti attho.

40. **Giriduggam pavisim ahanti** aham tadā tena maṁsadānena pītīsomanassajāto pabbatantaram pāvisim. Sesam uttānatthamevāti.

Sucintitatthera-apadānavañṇanā samattā.

1. Durāruhoti (Sī)

7. Vatthadāyakatthera-apadānavañṇanā

Pakkhijāto tadā āsinti-ādikaṃ āyasmato Vatthadāyakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Atthadassissa Bhagavato kāle supaṇṇayoniyāṃ nibbato Gandhamādanapabbataṃ gacchantāṃ Atthadassiṃ Bhagavantaṃ disvā pasannamānaso supaṇṇavañṇaṃ vijahitvā māṇavakavañṇaṃ nimminivā mahagghaṃ dibbavatthaṃ ādāya Bhagavantaṃ pūjesi. Sopi Bhagavā paṭiggahetvā anumodanaṃ vatvā pakkāmi. So teneva somanassena vītināmetvā yāvatāyukaṃ ṭhatvā tato cuto devaloke nibbato tattha aparāparaṃ saṃsaranto puññāni anubhavitvā tato manussesu manussasampattinti sabbattha mahagghaṃ vatthābharaṇaṃ laddhaṃ, tato uppannuppannabhava vatthacchāyāya gatagataṭṭhāne vasanto imasmiṃ Buddhuppāde ekasmiṃ kulagehe nibbato viññutaṃ patto Sathhari pasīditvā pabbajito na cirasseva chaḷabhiññappattakhiṇāsavo ahoṣi, pubbe katapuññanāmena **Vatthadāyakattheroti** pākaṭo.

45. So attano pubbakammaṃ saritvā somanassajāto pubbacaritāpadānaṃ pakāsento **pakkhijāto tadā āsinti**-ādimāha. Tattha **pakkhijātoti** pakkhandati upalavati sakuṇo etenāti pakkhaṃ, pakkhamassa atthīti pakkhī, pakkhiyoniyāṃ jāto nibbattoti attho. **Supaṇṇoti** sundaraṃ paṇṇaṃ pattāṃ yassa so supaṇṇo, vātaggāhasuvañṇavañṇajalamānapattamahābhāroti attho. **Garuḷādhipotī** nāge gaṇhanatthāya garuṃ bhāraṃ pāsāṇaṃ giḷantīti garuḷā, garuḷānaṃ adhipo rājāti garuḷādhipo, virajaṃ Buddhaṃ addasāhanti sambandho.

Vatthadāyakatthera-apadānavañṇanā samattā.

8. Ambadāyakatthera-apadānavañṇanā

Anomadassī Bhagavāti-ādikaṃ āyasmato Ambadāyakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Anomadassissa Bhagavato kāle

vānarayoniyam nibbatta Himavante Kapirājā hutvā paṭivasati. Tasmim samaye Anomadassī Bhagavā tassānukampāya Himavantamagamāsī. Atha so Kapirājā Bhagavantam disvā pasannamānaso sumadhuraṃ ambaphalaṃ khuddamadhunā adāsī. Atha Bhagavā tassa passantasseva taṃ sabbaṃ paribhuñjitvā anumodanaṃ vatvā pakkāmi. Atha so somanassasampannahadayo teneva pītisomanassena yāvatāyukaṃ ṭhatvā tato cuto devaloke nibbatta aparāparaṃ tattha dibbasukhamanubhavitvā manussesu ca manussasampattiṃ anubhavitvā imasmim Buddhuppāde vibhavasampanne ekasmim kulagehe nibbatta Satthari pasīditvā pabbajitvā nacirasseva chaḷabhiññappatto ahosi. Pubbapuññanāmena **ambadāyakattheroti** pākaṭo.

53. So aparabhāge attanā katakusalabijam disvā somanassajāto attano pubbacaritāpadānaṃ pakāsento **Anomadassī Bhagavāti**-ādimāha. **Mettāya aphari loke, appamāṇe nirūpadhīti** so Bhagavā sabbaloke appamāṇe satte “sukhī hontū”ti-ādinā nirupadhi upadhivirahitaṃ katvā mettāya mettacittena aphari patthari vaḍḍhesīti attho.

54. **Kapi aham tadā āsinti** tadā tassāgamanakāle Kapirājā ahosinti attho.

Ambadāyakatthera-apadānavañṇanā samattā.

9. Sumanatthera-apadānavañṇanā

Sumano nāma nāmenāti-ādikaṃ āyasmato Sumanattherassa apadānaṃ. Ayampi purimabuddhesu katādhikāro tattha tattha bhava vivatṭūpanissayāni puññāni upacinanto Sikhissa Bhagavato kāle mālākārassa kulagehe nibbatta vuddhimanvāya saddhājāto Bhagavati pasannamānaso sumanamālāmuṭṭhiyo gahetvā ubho hi hatthehi pūjesi. So tena puññena devamanussesu dve sampattiyo anubhavitvā imasmim Buddhuppāde ekasmim kulagehe nibbatta vuddhimanvāya puttadārehi vaḍḍhitvā

Sumananāmena pākaṭo Satthari pasīditvā pabbajito na cirasseva arahā ahoṣi.

62. So arahā hutvā attano pubbakammaṃ saritvā somanassajāto attano pubbacaritāpadānaṃ pakāsento **Sumano nāma nāmenāti**-ādimāha. Sundaram manam cittaṃ yassa so Sumano. Saddhāpasādabhumānena yutto nāmena Sumano nāma mālākāro tadā aham ahoṣim.

63. **Sikhino Lokabandhuno**ti sikhā muddhā kāsātīti Sikhī. Atha vā sampayuttasampayoge khādāti viddhamsetīti Sikhī, kā sā? Aggisikhā, aggisikhā viya sikhāya dippanato Sikhī. Yathā aggisikhā jotati pākaṭā hoti, Sikhī pattatiṇakaṭṭhapalāsādike dahati, evamayampi Bhagavā nīlapītādiramsīhi jotati sakalalokasannivāse pākaṭo hoti. Sakasantānagatasabbakilese soṣeti viddhamseti jhāpetīti vohāranāmaṃ nāmakammaṃ nāmadheyyam, tassa Sikhino. Sakalalokassa bandhu nātakoti lokabandhu, tassa Sikhino Lokabandhuno Bhagavato sumanapuppham **abhiropayim** pūjesinti attho.

Sumanatthera-apadānavañṇanā samattā.

10. Pupphacaṅkoṭiyatthera-apadānavañṇanā

Abhītarūpaṃ sīhamvāti-ādikaṃ āyasmato pupphacaṅkoṭiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Sikhissa Bhagavato kāle ekasmiṃ kulagehe nibbatto viññutaṃ patto mahāvibhavasampanno Satthari pasīditvā pasannākāraṃ dassento suvaṇṇavaṇṇam anojapupphamocinitvā¹ caṅkoṭakaṃ pūretvā Bhagavantaṃ pūjetvā “Bhagavā imassa nissandena nibbattanibbattaṭṭhāne suvaṇṇavaṇṇo pūjanīyo hutvā nibbānaṃ pāpuṇeyyan”ti patthanamakāsi. So tena puññakamma devamanussesu nibbatto sabbattha

1. Puppham okarivā (Sī)

pūjito suvaṇṇavaṇṇo abhirūpo ahoṣi. So aparabhāge imasmim̄ Buddhuppāde vibhavasampanne ekasmim̄ kulagehe nibbato vuddhippatto Satthari pasīditvā pabbajito vipassanaṃ vaḍḍhetvā na cirasseva arahā ahoṣi.

68-9. So patta-arahattaphalo attano pubbakammaṃ saritvā somanassajāto pubbacaritāpadānaṃ pakāseno **abhītarūpaṃ sīhaṃvāti-**ādimāha. Tattha **sīhanti** dvipadacatuppadādayo satte abhibhavati ajjhottharatīti sīho, abhītarūpo abhītasabhāvo, taṃ abhītarūpaṃ sīhaṃ iva nisinnaṃ pūjesinti sambandho. Pakkhīnaṃ aggaṃ garuḷarājaṃ iva **pavaraṃ** uttamaṃ byaggharājaṃ iva abhi viśesena jātaṃ sabbasīhānaṃ viśesaṃ kesarasīhaṃ iva tilokassa saraṇaṃ **Sikhim̄** Sammāsambuddhaṃ. Kim bhūtaṃ? Anejaṃ nikkilesaṃ khandhamārādīhi aparājitaṃ nisinnaṃ Sikhinti sambandho. **Māraṇānagganti**¹ sabbakilesānaṃ māraṇe sosane viddhaṃsane aggaṃ seṭṭhaṃ kilese mārentānaṃ Paccekabuddhabuddhasāvakaṇaṃ vijjamaṇānampi tesam̄ agganti attho. **Bhikkhusaṃghapurakkhataṃ** parivāritaṃ² parivāretvā nisinnaṃ Sikhinti sambandho.

70. **Caṅkoṭake ṭhapetvānā**ti uttamaṃ anojapupphaṃ karaṇḍake pūretvā Sikhīsambuddhaṃ seṭṭhaṃ **samokiriṃ** pūjesinti attho.

Pupphacaṅkoṭiyatthera-apadānavāṇṇanā samattā.

Sattamavaggavaṇṇanā samattā.

8. Nāgasamālavagga

1. Nāgasamālatthera-apadānavāṇṇanā

Āpāṭalim̄³ ahaṃ pupphanti-ādikaṃ āyasmato Nāgasamālattherassa apadānaṃ. Ayampi purimabuddhesu katādhikāro tattha tattha bhave vivatṭūpanissayāni puññāni upacinanto Sikhissa Bhagavato kāle ekasmim̄ kulagehe nibbato viññutaṃ patto gharāvāsaṃ saṅṭhapetvā

1. Samaṇanaggam̄ (Pāḷi) 2. Bhikkhusaṃghena parivāritaṃ (?) 3. Apāṭalim̄ (Pāḷi)

tathārūpasajjanasamsaggassa alābhena Satthari dharamānakāle dassana-savanapūjākammamakaritvā parinibbutakāle tassa Bhagavato sārīrikadhātum̄ nidahitvā katacetiyaṃhi cittaṃ pasādetvā pāṭalipuppham̄ pūjetvā somanassam̄ uppādetvā yāvatāyukam̄ ṭhatvā teneva somanassena tato kālam̄ kato Tusitādīsu chasu devalokesu sukhamanubhavitvā aparabhāge manussesu manussasampattim̄ anubhavitvā imasmim̄ Buddhuppāde kulagehe nibbato viññutam̄ patto nāgarukkhapallavakomaḷasadisasarīrattā **Nāgasamāloti** mātāpitūhi katanāmadheyyo Bhagavati pasanno pabbajitvā na cirasseva arahā ahosi.

1. So pacchā attano pubbakammam̄ saritvā somanassajāto pubbacaritāpadānam̄ pakāsento **āpāṭalim̄ aham̄ pupphanti**-ādimāha. Tattha **āpāṭalinti** ā samantato, ādarena vā pāṭalipuppham̄ gahetvā aham̄ thūpamhi **abhiropesim̄** pūjesinti attho. **Ujjhitam̄ sumahāpatheti** sabbanagaravāsīnam̄ vandanapūjanatthāya mahāpathe nagaramajjhe vīthiyam̄ ujjhitam̄ utthāpitam̄, iṭṭhakakammāsudhākammādīhi nipphāditanti attho. Sesam̄ heṭṭhā vuttanayattā uttānatthattā ca suviññeyyamevāti.

Nāgasamālatthera-apadānavaṇṇanā samattā.

2. Padasaññakatthera-apadānavaṇṇanā

Akkantañca padam̄ disvāti-ādīkam̄ āyasmato Padasaññakattherassa apadānam̄. Ayampi purimabuddhesu katādhikāro uppannuppannabhava vivaṭṭūpanissayāni puññāni upacinanto Tissassa Bhagavato kāle ekasmim̄ saddhāsampanne upāsakagehe nibbato viññutam̄ patto ratanattaye pasanno Bhagavatā tassa anukampāya dassitam̄ padacetiyaṃ disvā pasanno lomahaṭṭhajāto vandanapūjanādibahumānamakāsi. So teneva sukhetta sukatenā puññena tato cuto sagge nibbato tattha dibbasukhamanubhavitvā aparabhāge manussesu jāto manussasampattim̄ sabbamanubhavitvā imasmim̄ Buddhuppāde vibhavasampannakule nibbato vuddhimanvāya

saddhājāto pabbajitvā na cirasseva arahā ahosi, purākatapuññanāmena
Padasaññakattheroti pākaṭo.

5. So ekadivasam attano pubbakammaṃ saritvā pubbacaritāpadānaṃ pakāseṇto **akkantañca padam disvāti**-ādimāha. Tattha **akkantanti** akkamitaṃ dassitaṃ. Sabbabuddhānaṃ sabbadā caturaṅgulopariyeva gamanaṃ, ayaṃ pana tassa saddhāsampannataṃ ṇatvā “eso imaṃ passatū”ti padacetiyaṃ dassesi, tasmā so tasmim pasīditvā vandanapūjanādisakkāramakāsīti attho. Sesam sabbattha uttānatthamevāti.

Padasaññakatthera-apadānavañṇanā samattā.

3. Buddhasaññakatthera-apadānavañṇanā

Dumagge paṃsukūlikanti-ādikaṃ āyasmato Buddhasaññakattherassa apadānaṃ. Ayampi purimabuddhesu katādhikāro tattha tattha bhave vivattūpanissayāni puññāni upacinanto Tissassa Bhagavato kāle ekasmim kulagehe nibbato vuddhippatto saddhājāto dumagge laggitaṃ Bhagavato paṃsukūlacīvaraṃ disvā pasannamānaso “arahaddhajan”ti cintetvā vandanapūjanādisakkāramakāsī. So tena puññakammaena devamanussasampattimanubhavitvā imasmim Buddhuppāde vibhavasampanne ekasmim kulagehe nibbato saddhājāto pabbajitvā na cirasseva arahā ahosi.

9. So patta-arahattādhigamo attano pubbakammaṃ saritvā somanassajāto pubbacaritāpadānaṃ pakāseṇto **dumagge paṃsukūlikanti**-ādimāha. Tattha dhunāti kampaṭṭi dumo, duhati pūreti ākāsatanti vā dumo, dumassa aggo koṭṭi dumaggo, tasmim dumagge. Paṃsumiva paṭikkūlabhāvaṃ amanuññabhāvaṃ ulati gacchatīti paṃsukūlam, paṃsukūlameva paṃsukūlikam, Satthuno paṃsukūlam dumagge laggitaṃ disvā aham añjaliṃ paggahetvā taṃ paṃsukūlam **avandim** paṇāmamakāsīti attho. **Tanti** nipātamattaṃ. Sesam sabbattha uttānatthamevāti.

Buddhasaññakatthera-apadānavañṇanā samattā.

4. Bhisāluvadāyakatthera-apadānavañṇanā

Kānanam vanamo'ggayhāti-ādikaṃ āyasmato Bhisāluvadāyakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Vipassissa Bhagavato kāle Himavantassa samīpe araññāvāse vasanto vanamūlaphalāhāro vivekavasenāgataṃ Vipassim Bhagavantaṃ disvā pasannamānaso pañcabhisāluve adāsi. Bhagavā tassa cittaṃ pasādetuṃ passantasseva paribhuñji. So tena cittappasādena kālaṃ katvā Tusitādīsu sampattimanubhavitvā pacchā manussasampattiñca anubhavitvā imasmim Buddhuppāde ekasmim kulagehe nibbato vibhavasampattim patto taṃ pahāya sāsane pabbajito na cirasseva arahattaṃ pāpuṇi.

13. So tato attano pubbakammaṃ saritvā somanassajāto pubbacaritāpadānaṃ pakāsento **kānanam vana'moggayhāti**-ādimāha. Taṃ heṭṭhā vuttatthameva. **Vasāmi vipine ahanti** vivekavāso ahaṃ vasāmīti sambandho. Sesaṃ uttānatthamevāti.

Bhisāluvadāyakatthera-apadānavañṇanā samattā.

Chaṭṭhabhāṇavāraṇṇanā niṭṭhitā.

5. Ekasaññakatthera-apadānavañṇanā

Khaṇḍo nāmāsi nāmenāti-ādikaṃ āyasmato Ekasaññakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Vipassissa Bhagavato kāle kulagehe nibbato viññutaṃ patto ratanattaye pasannamānaso tassa Satthuno Khaṇḍaṃ nāma aggasāvakaṃ bhikkhāya caramānaṃ disvā saddahitvā piṇḍapātamadāsi. So tena puññakamma devamanussasampattiyo anubhavitvā imasmim Buddhuppāde Sāvattiyam ekasmim kulagehe nibbato viññutaṃ patto Satthu dhammadesanaṃ sutvā paṭiladdhasaddho pabbajitvā na cirasseva arahā ahoṣi. So ekadivasam piṇḍapātassa saññaṃ manasikarivā paṭiladdhavisattā **Ekasaññakattheroti** pākato.

18. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **Khaṇḍo nāmāsi nāmenāti**-ādimāha. Tattha tassa aggasāvakattherassa kilesānaṃ khaṇḍitattā **Khaṇḍoti** nāmaṃ. Sesam sabbattha uttānamevāti.

Ekasaññakatthera-apadānavañṇanā samattā.

6. Tiṇasantharadāyakatthera-apadānavañṇanā

Himavantassāvidūreti-ādikaṃ āyasmato Tiṇasantharadāyakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Tissassa Bhagavato kāle ekasmiṃ kulagehe nibbato Buddhuppādato pageva uppannattā gharāvāsaṃ pahāya tāpasapabbajjāṃ pabbajitvā Himavantassa avidūre ekaṃ saraṃ nissāya paṭivasati. Tasmīṃ samaye Tisso Bhagavā tassānukampāya ākāseṇa agamāsi. Atha kho so tāpaso ākāseṇa oruyha ṭhitāṃ taṃ Bhagavantaṃ disvā pasannamānaso tiṇaṃ lāyitvā tiṇasantharaṃ katvā nisīdāpetvā bahumānādarena pañcapaṭiṭṭhitena vanditvā paṭikuṭiko hutvā pakkāmi. So yāvātāyukaṃ ṭhatvā tato cavitvā devamanussesu saṃsaranto anekavidhasampattim anubhavitvā imasmiṃ Buddhuppāde ekasmiṃ kulagehe nibbato vuddhippatto Satthari pasīditvā pabbajito na cirasseva arahā ahosi.

22. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **Himavantassāvidūreti**-ādimāha. Taṃ heṭṭhā vuttatthameva. **Mahājātassaroti** ettha pana saranti ettha pānīyatthikā¹ dvipadacatuppadādayo sattāti saraṃ, atha vā saranti ettha nadīkandarādayoti saraṃ, mahanto ca so sayameva jātattā saro ceti Mahājātassaro. Anotattachaddantadahādayo viya apākaṭṭanamattā “Mahājātassaro”ti vuttoti daṭṭhabbo. **Satapattehi sañchannoti** ekekasmiṃ pupphe satasatapattānaṃ vasena satapatto,

1. Pivanatthikā (Sī)

satapattasetapadumeti sañchanno gahanībhūtoti¹ attho. **Nānāsakuṇamālayoti** aneke haṃsakukkuṭakukkuhadēṇḍibhādayo ekato kuṇanti saddaṃ karontīti sakuṇāti laddhanāmānaṃ pakkhīnaṃ ālayo ādhārabhūtoti attho. Sesāṃ sabbattha uttānatthamevāti.

Tiṇasantharadāyakatthera-apadānavaṇṇanā samattā.

7. Sūcidāyakatthera-apadānavaṇṇanā

Tiṃsakappasahassamhīti-ādikaṃ āyasmato Sūcidāyakattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puñṇāni upacinanto Sumedhassa Bhagavato kāle ekasmiṃ kulagehe nibbato vuddhimanvāya Bhagavato cīvarakammaṃ kātum pañca sūciyo adāsi. So tena puñṇena devamanussesu puñṇamanubhavitvā vicaranto uppannuppannabhava tikkhapañño hutvā pākaṭo imasmiṃ Buddhuppāde ekasmiṃ kulagehe nibbato vuddhimanvāya Satthari pasīditvā pabbajanto tikkhapaññatāya khuraggeyeva arahattaṃ pāpuṇi.

30. So aparabhāge puñṇaṃ paccavekkhanto taṃ disvā somanassajāto pubbacaritāpadānaṃ pakāsento **tiṃsakappasahassamhīti**-ādimāha. Antarantaraṃ panettha suviññeyyameva.

31. **Pañcasūcī mayā dinnāti** ettha sūcati chiddaṃ karoti vijjatīti sūci, pañcamattā sūcī pañcasūcī mayā dinnāti attho. Sesāṃ suviññeyyamevāti.

Sūcidāyakatthera-apadānavaṇṇanā samattā.

8. Pāṭalipupphiyatthera-apadānavaṇṇanā

Suvaṇṇavaṇṇaṃ Sambuddhanti-ādikaṃ āyasmato Pāṭalipupphiyattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puñṇāni upacinanto Tissassa Bhagavato kāle

1. Gahaṇabhūtoti (Sī)

ekasmim kulagehe seṭṭhiputto hutvā nibbatto vuddhippatto kusalākusalaññū satthari pasīditvā pāṭalipuppham gahetvā Satthu pūjesi. So tena puññena bahudhā sukhasampattiyo anubhavanto devamanussesu saṃsaranto imasmim Buddhuppāde kulagehe nibbatto vuddhimanvāya Satthari pasanno pabbajitvā na cirasseva arahā ahosi.

36. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **suvaṇṇavaṇṇaṃ Sambuddhanti-ādimāha**. Tattha **antarāpaṇeti** ā samantato hiraññasuvaṇṇādikaṃ bhaṇḍaṃ paṇenti vikkiṇanti pattharanti etthāti āpaṇaṃ, āpaṇassa antaraṃ vīthīti antarāpaṇaṃ, tasmim antarāpaṇe. **Suvaṇṇavaṇṇaṃ** kañcanagghiyasaṃkāsaṃ dvattimsavaralakkhaṇaṃ Sambuddhaṃ disvā pāṭalipuppham pūjesinti attho. Sesam sabbattha uttānatthamevāti.

Pāṭalipupphiyatthera-apadānavaṇṇanā samattā.

9. Ṭhitañjaliyatthera-apadānavaṇṇanā

Migaluddo pure āsinti-ādikaṃ āyasmato Ṭhitañjaliyattherassa apadānaṃ. Ayampi purimabuddhesu katādhikāro tattha tathuppabbhāve vivaṭṭūpanissayāni puññāni upacinanto Tissassa Bhagavato kāle purākatena ekena kammacchiddena nesādayoniyam nibbattitvā viññutaṃ patto migasūkarādayo māretvā nesādakammaṃ araññe vāsaṃ kappesi. Tasmim samaye Tisso Bhagavā tassānukampāya Himavantaṃ agamāsi. So taṃ dvattimsavaralakkhaṇehi asītānubyañjanabyāmapabhāhi ca jalamānaṃ Bhagavantaṃ disvā somanassajāto paṇāmaṃ katvā gantvā paṇṇasanthare nisīdi. Tasmim khaṇe devo gajjanto asani pati, tato maraṇasamaye Buddhamanussaritvā punaṅjalimakāsi. So tena puññena sukhetto katakusalattā akusalavipākaṃ paṭibāhitvā sagge nibbatto kāmāvacaarasampattiyo anubhavitvā manussesu manussasampattiyo ca anubhavitvā aparabhāge imasmim Buddhuppāde ekasmim kulagehe nibbatto vuddhimanvāya purākatavāsanāya Satthari pasīditvā pabbajito na cirasseva arahā ahosi.

42. So tato paraṃ attano pubbakammaṃ saritvā somanassajāto pubbacaritāpadānaṃ pakāseṇto **migaluddo pure āsinti**-ādimāha. Tattha **migaluddoti** migānaṃ mārāṇaṃ¹ upagacchatīti migaluddo. Miganti sīghaṃ vātavegena gacchanti dhāvanti migā, tesāṃ migānaṃ mārāṇe luddo dāruṇo lobhīti migaluddo. So ahaṃ **pure** Bhagavato dassanasamaye migaluddo **āsiṃ** ahosinti attho. **Araññe kānane**ti arati gacchati migasamūho etthāti araṇṇaṃ, atha vā ā samantato rajjanti tattha vivekābhiraṭā Buddhapaccekaḥādayo mahāsārappattā sappurisāti araṇṇaṃ. Kā kucchitākāreṇa vā bhayānakākāreṇa vā nadanti saddaṃ karonti, ānanti vindanti vā kānaṃ, tasmīṃ araṇṇe kānane migaluddo pure āsinti sambandho. **Tattha addasaṃ Sambuddhanti** tattha tasmīṃ araṇṇe upagataṃ Sambuddhaṃ addasaṃ addakkhanti attho. Dassanaṃ pure ahosi avidūre, tasmā manodvārānusāreṇa cakkhaviññānaṃ purecārikaṃ kāyaviññāṇa² samaṅgim³ pāpeti appetīti attho.

44. **Tato me asanīpātoti** ā samantato sananto gajjanto patatīti asani, asaniyā pāto patanaṃ asanīpāto, devadaṇḍoti attho. Sesāṃ sabbattha uttānatthamevāti.

Ṭhitañjaliyatthera-apadānavañṇanā samattā.

10. Tipadumiyatthera-apadānavañṇanā

Padumuttaro nāma Jinoti-ādikaṃ āyasmato Tipadumiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puñṇāni upacinanto Padumuttarassa Bhagavato kāle Haṃsavatiyaṃ mālākārakulagehe nibbato vuddhippatto mālākārakammaṃ katvā vasanto ekadivasāṃ anekavidhāni jalajathalajapupphāni gahetvā rañño santikaṃ gantukāmo evaṃ cintesi “rājā imāni tāva pupphāni disvā pasanno sahassaṃ vā dhanāṃ gāmadikaṃ vā dadeyya, Lokanāthaṃ pana pūjetvā nibbānāmatadhanaṃ labhāmi, kiṃ me etesu sundaraṃ”ti tena

1. Maraṇāya (Sī)

2. Kāyaviññāṇena (Sī)

3. Samaṃ (Sī)

“Bhagavantam pūjetvā saggamokkhasampattiyo nipphādetum vaṭṭatī”ti cintetvā vaṇṇavantaṃ atīva rattapupphattayaṃ gahetvā pūjesi. Tāni gantvā ākāsaṃ chādetvā pattharivā aṭṭhaṃsu. Nagaravāsino acchariyabbhutacittajātā¹ celukkhepasahassāni pavattayim̐su. Tam̐ disvā Bhagavā anumodanaṃ akāsi. So tena puññaena devamanussesu sampattiyo anubhavitvā imasmim̐ Buddhuppāde gahapatikule nibbatta vuddhimanvāya Satthari pasīditvā dhammaṃ sutvā paṭiladdhasaddho pabbajitvā na cirasseva arahā ahosi.

48. So attano pubbakammaṃ saritvā somanassajāto pubbacaritāpadānaṃ pakāsentō **Padumuttaro nāma Jinoti**-ādimāha. Tassattho heṭṭhā vuttova. **Sabbadhammāna pāragūti** sabbesaṃ navalokuttaradhammānaṃ pāraṃ nibbānaṃ gato paccakkhaṃ katoti attho. **Danto dantaparivutoti** sayam̐ kāyavācādīhi danto etadagge ṭhapitehi sāvakehi parivutoti attho. Sesam̐ sabbattha sambandhavasena uttānatthamevāti.

Tipadumiyatthera-apadānavañṇanā samattā.

Aṭṭhamavaggavañṇanā samattā.

9. Timiravagga

1. Timirapupphiyatthera-apadānavañṇanā

Candabhāgānadīreti-ādikaṃ āyasmato Timirapupphiyattherassa apadānaṃ. Kā uppatti? Ayampi purimabuddhesu katādhikāro tattha tattha bhave vivaṭṭūpanissayāni puññaṃ upacinanto Siddhatthassa Bhagavato kāle ekasmim̐ kulagehe nibbatta vuddhippatto gharāvāsaṃ saṅṭhapetvā vasanto kāmesu ādīnaṃ disvā gharāvāsaṃ pahāya tāpasapabbajjaṃ pabbajitvā Candabhāgāya nadiyā samīpe vasati, vivekakāmatāya Himavantaṃ gantvā nisinnaṃ Siddhatthaṃ Bhagavantaṃ disvā vanditvā tassa guṇaṃ pasīditvā timirapupphaṃ gahetvā pūjesi. So tena puññaena devesu ca manussesu

1. Cittā (Sī)

ca sampattimanubhavanto saṃsaritvā imasmim̄ Buddhuppāde ekasmim̄ kulagehe nibbato vuddhimanvāya Satthari pasīditvā pabbajitvā na cirasseva arahā ahoṣi.

1. So aparabhāge pubbakammaṃ saritvā somanassajāto pubbacaritāpadānaṃ pakāsentō **Candabhāgānadītī**reti-ādimāha. Tassattho heṭṭhā vuttova. **Anusotaṃ vajāmahanti** Gaṅgāya āsanne vasanabhāvena sabbattha rammabhāvena Gaṅgāto heṭṭhā sotānusārena ahaṃ vajāmi gacchāmi tattha tattha vasāmīti attho. **Nisinnaṃ samaṇaṃdisvāti** samitapāpattā sositapāpattā samaṇasaṅkhātāṃ Sammāsambuddhaṃ disvāti attho.

2. **Evam̄ cintesahaṃ tadāti** ayaṃ Bhagavā sayam̄ tiṇṇo sabbasatte tārayissati saṃsārato uttāreti sayam̄ kāyadvārādīhi damito ayaṃ Bhagavā pare dameti.

3. Sayam̄ **assattho** assāsampatto, kilesapariḷāhato mutto sabbasatte assāseti, santabhāvaṃ apāpeti. Sayam̄ **santo** santakāyacitto paresam̄ santakāyacittaṃ pāpeti. Sayam̄ **mutto** saṃsārato muccito pare saṃsārato mocayissati. So ayaṃ Bhagavā sayam̄ **nibbuto** kilesaggīhi nibbuto paresampi kilesaggīhi nibbāpessātīti ahaṃ tadā evam̄ cintesinti attho.

4. **Gahetvā timirapupphanti** sakalam̄ vanantaṃ nīlakāḷaram̄sīhi andhakāraṃ viya kurumānaṃ khāyatīti timiraṃ pupphaṃ taṃ gahetvā kaṇṇikāvaṇṭam̄ gahetvā **matthake** sīsassa upari ākāse **okiriṃ** pūjesinti attho. Sesam̄ uttānatthamevāti.

Timirapupphiyatthera-apadānavaṇṇanā samattā.

2. Gatasaññakatthera-apadānavaṇṇanā

Jātiyā sattavassohanti-ādikaṃ āyasmato Gatasaññakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Tissassa Bhagavato kāle

ekasmiṃ kulagehe nibbatto purākatavāsanāvasena saddhājāto sattavassikakāleyeva pabbajito Bhagavato paṇāmakaraṇeneva pākaṭo ahoṣi. So ekadivasam atīva nīlamanippabhāni naṅgalakasiṭaṭṭhāne uṭṭhitasattapupphāni gahetvā ākāse pūjesi. So yāvatāyukaṃ samaṇadhammaṃ katvā tena puññaena devamanussesu saṃsaranto imasmiṃ Buddhuppāde ekasmiṃ kulagehe nibbatto viññutam patto Satthari pasīditvā pabbajito na cirasseva arahā ahoṣi.

10. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **jātiyā sattavassohanti**-ādimāha. Tattha **jātiyā sattavassoti** mātugabbhato nikkhantakālato paṭṭhāya paripuṇṇasattavassikoti attho. **Pabbajim anagāriyanti** agārassa hitam āgāriyam¹ kasivāṇijjādikammaṃ natthi āgāriyanti anagāriyam, Buddhasāsane pabbajim ahanti attho.

12. **Sugatānugataṃ magganti** Buddhena gataṃ maggaṃ. Atha vā sugatena desitam dhammānudhammapaṭipattipūraṇavasena **haṭṭhamānaso** tuṭṭhacitto pūjetvāti sambandho. Sesam sabbattha uttānatthamevāti.

Gatasaññakatthera-apadānavañṇanā samattā.

3. Nipannañjalikatthera-apadānavañṇanā

Rukkhamūle nisinnohanti-ādikaṃ āyasmato Nipannañjalikattherassa apadānaṃ. Ayampi purimabuddhesu katādhikāro anekesu bhavesu vivaṭṭūpanissayāni puññāni upacinanto Tissassa Bhagavato kāle kulagehe nibbatto vuddhippatto pabbajitvā rukkhāmūlikaṅgaṃ pūrayamāno araṇṇe viharati. Tasmim samaye kharo ābādho uppajji, tena pīlito² paramakāruññappatto ahoṣi. Tadā Bhagavā tassa kāruññaena tattha agamāsi. Atha so nipannakova uṭṭhitum asakkonto sirasi añjalim katvā Bhagavato paṇāmaṃ akāsi. So tato cuto Tusitabhavane uppanno tattha sampattimanubhavitvā evam cha kāmāvacarasampattiyo

1. Agāriyam (Sī, Ka)

2. Rogapīlito (I, Ka)

anubhavitvā imasmim Buddhuppāde ekasmim kulagehe nibbatto vuddhippatto Sathhari pasīditvā pabbajito na cirasseva arahā ahoṣi, purākatapuññavasena **Nipannañjalikattheroti** pākaṭo.

16. So aparabhāge attano puññasampattiyo oloketvā somanassajāto pubbacaritāpadānaṃ pakāsentō **rukkhamūle nisinnohanti**-ādimāha. Tattha ruhati paṭiruhati uddhamuddhaṃ ārohatīti rukkho, tassa rukkhasa mūle samīpeti attho. **Byādhito paramena cāti** paramena adhikena kharena kakkhaḷena byādhinā rogena byādhito, byādhinā ahaṃ samannāgatoti attho. **Paramakāruññappattomhīti** paramaṃ adhikaṃ kāruññaṃ dīnabhāvaṃ dukkhitabhāvaṃ pattomhi araṇṇe kānāneti sambandho.

20. **Pañcevaṣuṃ mahāsikhāti** sirasi piḷandhanatthena sikhā vuccati cūḷā. Maṇīhi jotamānaṃ makuṭaṃ tassa atthīti sikho, cakkavattino ekanāmakā pañceva cakkavattino āsuṃ ahesunti attho. Sesāṃ sabbattha uttānatthamevāti.

Nipannañjalikatthera-apadānavaṇṇanā samattā.

4. Adhopupphiyatthera-apadānavaṇṇanā

Abhibhū nāma so bhikkhūti-ādikaṃ āyasmato Adhopupphiyattherassa apadānaṃ. Ayampi purimabuddhesu katādhikāro anekesu bhavesu vivaṭṭūpanissayāni puññāni upacinanto Sikhissa Bhagavato kāle kulagehe nibbatto vuddhippatto gharāvāsaṃ saṅṭhapetvā aparabhāge kāmesu ādīnavaṃ disvā taṃ pahāya isipabbajjaṃ pabbajītvā pañcābhiññā-aṭṭhasamāpattilābhī iddhīsu ca vasībhāvaṃ patvā Himavantasmim paṭivasati. Tassa Sikhissa Bhagavato Abhibhū nāma aggasāvako vivekābhirato Himavantamagamāsi. Atha so tāpaso taṃ aggasāvakattheraṃ disvā therassa ṭhitapabbataṃ āruhanto pabbatassa heṭṭhātalato sugandhāni vaṇṇasampannāni satta pupphāni gahetvā pūjesi. Atha so thero tassānumodanamakāsi. Sopi tāpaso sakassamaṃ agamāsi. Tattha ekena ajagarena piḷito aparabhāge

aparihīnajjhāno teneva upaddavena upadduto kālaṃ katvā
brahmalokaparāyano hutvā brahmasampattiṃ chakāmāvacarasampattiñca
anubhavitvā manussesu manussasampattiyo ca khepetvā imasmim
Buddhuppāde ekasmim kulagehe nibbatto vuddhippatto Bhagavato
dhammaṃ sutvā pasannamānaso pabbajitvā na cirasseva arahā ahoṣi. So
aparabhāge attano katapuññanāmena **Adhopupphiyattheroti** pākaṭo.

22. So ekadivasam attano pubbakammaṃ saritvā somanassajāto
pubbacaritāpadānaṃ pakāsentto **Abhibhū nāma so bhikkhūti**-ādimāha. Tattha
sīlasamādhīhi pare abhibhavatīti Abhibhū, khandhamārādimāre abhibhavati
ajjhottharatīti vā Abhibhū, sasantānaparasantānagatakilese abhibhavati
viheseti viddhamsetīti vā Abhibhū. Bhikkhanasīlo yācanasīloti bhikkhu,
chinnabhinnapaṭadharoti vā bhikkhu. Abhibhū nāma aggasāvako so
bhikkhūti attho, Sikhissa Bhagavato aggasāvakoti sambandho.

27. **Ajagaro maṃ piḷesi**ti tathārūpaṃ sīlasampannaṃ jhānasampannaṃ
tāpasam pubbe katapāpena verena ca mahanto ajagarasappo piḷesi¹. So
teneva upaddavena upadduto aparihīnajjhāno kālaṃ katvā
brahmalokaparāyaṇo āsi. Sesam sabbattha uttānamevāti.

Adhopupphiyatthera-apadānavañṇanā samattā.

5. Raṃsisaññakatthera-apadānavañṇanā

Pabbate Himavantamhīti-ādikaṃ āyasmato Raṃsisaññakattherassa
apadānaṃ. Ayampi purimabuddhesu katādhikāro tesu tesu bhavesu
vivaṭṭūpanissayāni puññāni upacinanto Vipassissa Bhagavato kāle kulagehe
nibbatto vuddhimanvāya gharāvāsam saṅṭhapetvā kāmesu ādīnavaṃ disvā
gharāvāsam pahāya tāpasapabbajjaṃ pabbajitvā ajinacammadharo
Himavantamhi vāsam kappesi. Tasmim samaye Vipassī Bhagavā
Himavantamagamāsi. Atha so tāpaso tamupagataṃ Bhagavantaṃ disvā tassa

1. Piḷiyi (Sī)

Bhagavato sarīrato nikkhantachabbaṇṇabuddharaṃsīsu pasīditvā añjalim paggayha pañcaṅgena namakkāramakāsi. So teneva puññaena ito cuto Tusitādīsu dibbasampattiyo anubhavitvā aparabhāge manussasampattiyo ca anubhavitvā imasmim Buddhuppāde kulagehe nibbato vuddhimanvāya gharāvāsaṃ saṅghapetvā tatthādīnavaṃ disvā gehaṃ pahāya pabbajitvā na cirasseva arahā ahosi.

30. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **pabbate Himavantamhīti**-ādimāha. Tattha **pabbateti** pakārena brūhati vaḍḍhetīti pabbato, himo assa atthīti Himavanto, Himavanto ca so pabbato cāti Himavantapabbato. Himavantapabbateti vattabbe gāthāvācanasukhatthaṃ “pabbate Himavantamhī”ti vuttam. Tasmim Himavantamhi pabbate vāsaṃ kappesim pure ahanti sambandho. Sesam sabbattha nayānusārena uttānamevāti.

Raṃsisaññakatthera-apadānavañṇanā samattā.

6. Dutiyaraṃsisaññakatthera-apadānavañṇanā

Pabbate Himavantamhīti-ādikaṃ āyasmato

Dutiyaraṃsisaññakattherassa apadanaṃ. Ayampi purimabuddhesu katakusalo uppannuppannabhava vivaṭṭūpanissayāni puññaṇi upacinanto Phussassa Bhagavato kāle kulagehe nibbato vuddhippatto gharāvāsaṃ saṅghapetvā tattha dosaṃ disvā taṃ pahāya tāpasapabbajjaṃ pabbajitvā Himavantapabbate vasanto vākacīranivasano vivekasukhena viharati. Tasmim samaye so Phussaṃ Bhagavantaṃ taṃ padesaṃ sampattaṃ disvā tassa sarīrato nikkhantachabbaṇṇabuddharaṃsiyo ito cito vidhāvantiyo daṇḍadīpikānikkhantavipphurantamiva¹ disvā tasmim pasanno añjalim paggahetvā vanditvā cittaṃ pasādetvā teneva pītisomanassena kālaṃ katvā Tusitādīsu nibbato tattha cha kāmāvacarasampattiyo ca anubhavitvā aparabhāge manussasampattiyo

1. Daṇḍadīpikāhi karavippharantamiva (Sī)

ca anubhavitvā imasmim̄ Buddhuppāde kulagehe nibbato vuddhippatto pubbavāsanāvasena pabbajitvā na cirasseva arahā ahoṣi.

35. So aparabhāge pubbakammaṃ saritvā somanassajāto pubbacaritāpadānaṃ pakāseṇo **pabbate Himavantamhīti**-ādimāha. Taṃ sabbam̄ uttānatthamevāti.

Dutiyaraṃsisaññakatthera-apadānavañṇanā samattā.

7. Phaladāyakatthera-apadānavañṇanā

Pabbate Himavantamhīti-ādikaṃ āyasmato Phaladāyakattherassa apadānaṃ. Ayampi purimabuddhesu katakusalasambhāro tattha tattha bhava vivaṭṭūpanissayāni puññāni upacinanto Phussassa Bhagavato kāle ekasmim̄ kulagehe nibbato sukhappatto taṃ sabbam̄ pahāya tāpasapabbajam̄ pabbajitvā kharājīnacamma¹dhārī hutvā viharati. Tasmim̄ ca samaye Phussaṃ Bhagavantaṃ tattha sampattaṃ disvā pasannamānaso madhurāni phalāni gahetvā bhojesi. So teneva kusalena devalokādīsu puññasampattiyo anubhavitvā imasmim̄ Buddhuppāde ekasmim̄ kulagehe nibbato vuddhimanvāya Satthari pasīditvā pabbajitvā na cirasseva arahā ahoṣi.

39. So aparabhāge attano pubbakammaṃ anussaritvā pubbacaritāpadānaṃ pakāseṇo **pabbate Himavantamhīti**-ādimāha. Taṃ sabbam̄ heṭṭhā vuttanayattā uttānatthamevāti.

Phaladāyakatthera-apadānavañṇanā samattā.

8. Saddasaññakatthera-apadānavañṇanā

Pabbate Himavantamhīti-ādikaṃ āyasmato Saddasaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Phussassa Bhagavato kāle ekasmim̄

1. Khurājīnacamma (Ka), sakhurājīnacamma (?)

kulagehe nibbatto vuddhippattro saddhājāto tāpasapabbajjāṃ pabbajitvā Himavantamhi araṇṇāvāse¹ vasanto attano anukampāya upagatassa Bhagavato dhammaṃ sutvā dhammesu cittaṃ pasādetvā yāvatāyukam ṭhatvā aparabhāge kālaṃ katvā Tusitādīsu chasu kāmāvacarasampattiyo ca manussesu manussasampattiyo ca anubhavitvā imasmim Buddhuppāde ekasmim kulagehe nibbatto vuddhimanvāya saddhājāto pabbajitvā vipassanaṃ vaḍḍhetvā arahattaṃ pāpuṇi.

43. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **pabbate Himavantamhīti**-ādimāha. Taṃ sabbaṃ uttānatthamevāti.

Saddasaṇṇakatthera-apadānavañṇanā samattā.

9. Bodhisicakattthera-apadānavañṇanā

Vipassissa Bhagavatoti-ādikam āyasmato Bodhisicakatttherassa apadānaṃ. Ayampi purimabuddhesu katādhikāro anekāsu jātīsu vivaṭṭūpanissayāni puñṇāni upacinanto Vipassissa Bhagavato kāle kulagehe nibbatto sāsane pabbajitvā vattapaṭipattiyā sāsanaṃ sobhayanto mahājane bodhipūjaṃ kurumāne disvā anekāni pupphāni sugandhodakāni ca gāhāpetvā pūjesi. So tena puñṇena devaloke nibbatto cha kāmāvacarasampattiyo anubhavitvā imasmim Buddhuppāde kulagehe nibbatto vuddhimanvāya saddhājāto pabbajitvā na cirasseva arahā ahoṣi.

46. So arahā hutvā jhānaphalasukhena vītināmetvā pubbakammaṃ saritvā somanassajāto pubbacaritāpadānaṃ pakāsentto **Vipassissa Bhagavatoti**-ādimāha. Tattha visesaṃ paramattham² nibbānaṃ passatīti Vipassī, visesena bhabbābhabbajane passatīti vā Vipassī, vipassanto catusaccaṃ passanadakkhanasīloti vā Vipassī, tassa Vipassissa Bhagavato

1. Araṇṇāvāsāṃ (Sī)

2. Visesato paramaṃ (Sī)

Mahābodhimaho ahūti sambandho. Tatrāpi **mahābodhī**ti bodhi vuccati catūsu maggesu ñāṇaṃ, tamettha nisinno Bhagavā paṭivijjhatīti kaṇikārapādaparukkhopi bodhicceva vuccati, mahito ca so devabrahmanarāsurehi bodhi ceti mahābodhi, mahato Buddhassa Bhagavato bodhīti vā mahābodhi, tassa **maho** pūjā ahoṣīti attho. Sesāṃ sabbattha uttānatthamevāti.

Bodhisiṅcakatthera-apadānavañṇanā samattā.

10. Padumapupphiyatthera-apadānavañṇanā

Pokkharavanam pavitṭhoti-ādikaṃ āyasmato Padumapupphiyattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puñṇāni upacinanto Phussassa Bhagavato kāle ekasmiṃ¹ kulagehe nibbato vuddhimanvāya padumasampannaṃ ekaṃ pokkharāṇiṃ pavisitvā bhisamuḷāle khādanto pokkharāṇiyā avidūre gacchamānaṃ Phussaṃ Bhagavantaṃ disvā pasannamānaso tato padumāni ocinitvā ākāse ukkhipitvā Bhagavantaṃ pūjesi, tāni pupphāni ākāse vitānaṃ hutvā aṭṭhaṃsu. So bhiiyoso mattāya pasannamānaso pabbajitvā vattapaṭipattisāro samaṇadhammaṃ pūretvā tato cuto Tusitabhavanamalaṃ kurumāno² viya tattha uppajjitvā kamena cha kāmāvacarasampattiyo ca manussasampattiyo ca anubhavitvā imasmiṃ Buddhuppāde kulagehe nibbato vuddhippatto saddhājāto pabbajitvā na cirasseva arahā ahoṣi.

51. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **pokkharavanam pavitṭhoti**-ādimāha. Tattha pakārena naḷadaṇḍapattādīhi kharantīti pokkharā, pokkharānaṃ samuṭṭhitatṭhena samūhanti pokkharavanam, padumagacchasaṇḍehi maṇḍitaṃ majjhaṃ pavitṭho ahanti attho. Sesāṃ sabbattha uttānamevāti.

Padumapupphiyatthera-apadānavañṇanā samattā.

Navamavaggavañṇanā samattā.

1. Aññatarasmiṃ (Sī)

2. Bhavanamaṅgalaṃ kurumāno (Ka)

10. Sudhāvagga

1. Sudhāpiṇḍiyatthera-apadānavañṇanā

Pūjārahe pūjayatoti-ādikaṃ āyasmato Sudhāpiṇḍiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Siddhatthassa Bhagavato kāle Bhagavati dharamāne puññam kātumasakkonto parinibbute Bhagavati tassa dhātum nidahitvā cetiye kariyamāne sudhāpiṇḍamadāsi. So tena puññena catunnavutikappato paṭṭhāya etthantare caturāpāyamadisvā devamanussasampattiyo anubhavitvā imasmiṃ Buddhuppāde ekasmiṃ kulagehe nibbato viññutaṃ patvā Satthari pasāditvā pabbajito na cirasseva arahā ahoṣi.

1-2. So aparabhāge attano pubbakammaṃ saritvā somanassajāto attano pubbacaritāpadānaṃ pakāsentō **pūjāraheti**-ādīmāha. Tattha pūjārahā nāma Buddhapacceka-buddha-ariyasāvaka-cariyupajjhāyamātāpitugaru-ādayo, tesu pūjārahesu mālādīpadumavatthā¹bharaṇacatupaccayādīhi **pūjayato** pūjayantassa puggalassa puññakoṭṭhāsaṃ sahasasatasahasādivasena saṅkhyam kātum kenaci mahānubhāvenāpi na sakkāti attho. Na kevalameva dharamāne Buddhādayo pūjayato, parinibbutassāpi Bhagavato cetiyapaṭimābodhi-ādīsopi eseva nayo.

3. Tam dīpetum **catunnamapi dīpānanti**-ādīmāha. Tattha **catunnamapi dīpānanti** Jambudīpa-aparagoyāna-uttarakurupubbavidehasaṅkhātānaṃ catunnaṃ dīpānaṃ tadanugatānaṃ dvisahasaparittadīpānaṃca ekato katvā sakalacakkavāḷagabbhe **issaram** cakkavattirajjam kareyyāti attho. **Ekissā pūjanāyetanti** dhātugabbhe cetiye katāya ekissā pūjāya **etaṃ** sakalajambudīpe sattaratanādikaṃ sakalam dhanam. **Kalam nāgghati soḷasinti** cetiye katapūjāya soḷasakkhattum vibhattassa soḷasamakotṭhāsassa na agghatīti attho.

1. Gandhā (I, Ka)

4. **Siddhatthassa -pa- phalitantareti** narānaṃ aggassa seṭṭhassa Siddhatthassa Bhagavato **cetiye** dhātugabbhamhi sudhākamme kariyamāne paricchēdānaṃ ubhinnamantare vemajjhe, atha vā pupphadānaṭṭhānānaṃ antare phalantiyā mayā sudhāpiṇḍo dinno makkhitoti¹ sambandho. Sesāṃ sabbattha uttānamevāti.

Sudhāpiṇḍiyatthera-apadānavañṇanā samattā.

2. Sucintikatthera-apadānavañṇanā

Tissassa Lokanāthassāti-ādikaṃ āyasmato Sucintikattherassa apadānaṃ. Ayampi purimabuddhesu katādhikāro anekāsu jātīsu nibbānādhigamāya puññaṃ upacinitvā Tissassa Bhagavato kāle ekasmiṃ kulagehe nibbatto vuddhimanvāya Satthari pasīditvā Satthu nisīdanatthāya parisuddhaṃ siliṭṭhaṃ kaṭṭhamayamanagghapīṭhamadāsi. So tena puññaṃkammaena sugatisukhamanubhavitvā tattha tattha saṃsaranto imasmiṃ Buddhuppāde ekasmiṃ kulagehe nibbatto vuddhimanvāya Satthari pasīditvā pabbajito na cirasseva arahā ahoṣi.

8. So patta-arahattaphalo pubbakammaṃ saritvā somanassajāto pubbacaritāpadānaṃ pakāsentō **Tissassa Lokanāthassāti**-ādimāha. Taṃ sabbaṃ uttānatthamevāti.

Sucintikatthera-apadānavañṇanā samattā.

3. Aḍḍhaceḷakatthera-apadānavañṇanā

Tissassāhaṃ Bhagavatoti-ādikaṃ āyasmato Aḍḍhaceḷakattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññaṃ upacinanto Tissassa Bhagavato kāle ekenākusalena kammaena duggatakulagehe nibbatto vuddhimanvāya saddhammadesanaṃ sutvā pasannamānaso cīvaratthāya aḍḍhabhāgaṃ ekaṃ dussamadāsi.

1. Pakkhitoti (Sī)

So teneva pītisomanassena kālaṃ katvā sagge nibbatto
chakāmāvacarasampattimanubhavitvā tato cuto manussesu
manussasampattinaṃ aggabhūtaṃ cakkavattisampattiṃ anubhavitvā
imasmim Buddhuppāde ekasmim addhakule nibbatto vuddhippatto Satthu
dhammadesanaṃ sutvā pasannamānaso pabbajitvā na cirasseva arahā ahoṣi.

14. So aparabhāge attano pubbakammaṃ saritvā somanassajāto
pubbacaritaḍānaṃ pakāseṇto **Tissassāhaṃ Bhagavatoti-ādimāha**. Taṃ
sabbhaṃ uttānatthamevāti.

Aḍḍhaceḷakatthera-apadānavañṇanā samattā.

4. Sūcidāyakatthera-apadānavañṇanā

Kammārohaṃ pure āsinti-ādikaṃ āyasmato Sūcidāyakattherassa
apadānaṃ. Ayampi purimabuddhesu katādhikāro antarantarā kusalabījāni
pūreṇto Vipassissa Bhagavato kāle antarantarā katena ekena
kammacchiddena kammārakule nibbatto vuddhimanvāya sakasippesu
nippattim patto Satthu dhammadesanaṃ sutvā pasannamānaso
cīvarasibbanatthāya sūcidānamadāsi, tena puñṇena dibbasampattim
anubhavitvā aparabhāge manussesu uppanno cakkavattādayo sampattiyo ca
anubhavanto uppannuppannabhava tikkhapañño vajīrañño ahoṣi. So
kamena imasmim Buddhuppāde nibbatto vuddhippatto mahaddhano
saddhājāto tikkhapañño ahoṣi. So ekadivasaṃ Satthu dhammadesanaṃ sutvā
dhammānusāreṇa ñāṇaṃ pesetvā nisinnāsaneveva arahā ahoṣi.

19. So arahā samāno attano pubbakammaṃ saritvā somanassajāto
pubbacaritaḍānaṃ pakāseṇto **kammārohaṃ pure āsinti-ādimāha**. Tattha
kammāroti ayokammalohakammādinā kammena jīvati ruhati¹ vuddhim
virūlhim āpajjati kammaro, pubbe puñṇakaraṇakāle kammaro **āsīm**
ahosinti attho. Sesam sabbattha uttānamevāti.

Sūcidāyakatthera-apadānavañṇanā samattā.

1. Arati (?)

5. Gandhamāliyatthera-apadānavaṇṇanā

Siddhatthassa Bhagavatoti-ādikaṃ āyasmato Gandhamāliyattherassa apadānaṃ. Ayampi purimabuddhesu katādhikāro Siddhatthassa Bhagavato kāle kulagehe nibbato mahaddhano mahābhāgo ahosi. So Satthari pasīditvā candanāgarukappūrakassaturādīni anekāni sugandhāni vaḍḍhetvā Satthu gandhathūpaṃ kāresi. Tassupari sumanapupphehi chādesi, Buddhañca aṭṭhaṅganamakkāraṃ akāsi¹. So tena puññakammena devamanussesu sampattiyo anubhavitvā imasmim Buddhuppāde vibhavasampanne ekasmim kulagehe nibbato vuddhimanvāya Satthari pasīditvā pabbajito na cirasseva arahā ahosi.

24. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **Siddhatthassa Bhagavatoti-**ādimāha. Tam sabbaṃ uttānatthamevāti.

Gandhamāliyatthera-apadānavaṇṇanā samattā.

6. Tipupphiyatthera-apadānavaṇṇanā

Migaluddo pure āsinti-ādikaṃ āyasmato Tipupphiyattherassa apadānaṃ. Ayampi purimabuddhesu katādhikāro antarā kenaci akusalacchiddena Vipassissa Bhagavato kāle nesādakule nibbato migaluddo hutvā araññe viharati. Tadā Vipassissa Bhagavato pāṭalibodhim sampuṇṇapattapallavaṃ haritavaṇṇaṃ nīlobhāsaṃ manoramaṃ disvā tīhi pupphehi pūjetvā purāṇapattaṃ chaḍḍetvā Bhagavato sammukhā viya pāṭalimahābodhim vandi. So tena puññena tato cuto devaloke uppanno tattha dibbasampattiṃ aparāparaṃ anubhavitvā tato cuto manussesu jāto tattha cakkavattisampatti-ādayo anubhavitvā imasmim Buddhuppāde ekasmim kulagehe nibbato vuddhimanvāya Satthu dhammadesanaṃ sutvā paṭiladdhasomanassahadayo gehaṃ pahāya pabbajitvā na cirasseva arahā ahosi.

1. Buddhaṃ vanditvā patthanañcākāsi (Sī)

31. So evaṃ siddhippatto attano pubbakammaṃ saritvā somanassajāto pubbacaritāpadānaṃ pakāsento **migaluddo pure āsinti**-ādimāha. Tattha maraṇāya gacchati pāpuṇātīti migo, atha vā magayamāno ihati pavattatīti migo, migānaṃ māraṇe luddo lobhī gedhoti migaluddo, pure mayhaṃ puññakaraṇasamaye kānanasaṅkhāte mahā-araññe migaluddo āsinti sambandho. **Pāṭalīm haritaṃ disvāti** tattha pakārena talena¹ rattavaṇṇena bhavatīti pāṭali, pupphānaṃ rattavaṇṇatāya pāṭalīti vohāro, pattānaṃ haritatāya haritaṃ nīlavaṇṇaṃ pāṭalibodhiṃ disvāti attho. Sesāṃ sabbattha uttānatthamevāti.

Tipupphiyatthera-apadānavaṇṇanā samattā.

7. Madhupiṇḍikatthera-apadānavaṇṇanā

Vivane² **kānane disvāti**-ādikaṃ āyasmato Madhupiṇḍikattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Siddhatthassa Bhagavato kāle nesādayoniyaṃ nibbatto mahā-araññe paṭivasati. Tadā vivekābhiratiyā sampattaṃ Siddhatthaṃ Bhagavantaṃ disvā samādhito vuṭṭhitassa tassa sumadhuraṃ madhumadāsi. Tattha ca pasannamānaso vanditvā pakkāmi. So teneva puññena sampattiṃ anubhavanto devamanussesu saṃsaritvā imasmiṃ Buddhuppāde kulagehe nibbatto vuddhippatto Satthari pasīditvā pabbajito na cirasseva arahā ahoṣi.

37. So aparabhāge attano pubbakammaṃ saritvā somanassajāto pubbacaritāpadānaṃ pakāsento **vivane kānane disvāti**-ādimāha. Tattha **vivaneti** visesena vanaṃ patthaṭaṃ vīvanaṃ, hatthi-assarathasaddehi bherisaddehi ca vatthukāmakilesakāmehi ca vigataṃ byāpagatanti attho, kānanasaṅkhāte mahā-araññe vivaneti sambandho. **Osadhiṃva virocantanti** ³bhavavaḍḍhakijaṇānaṃ icchicchitaṃ nipphādetīti osadhaṃ. Ojānibattikāraṇaṃ paṭicca yāya tārakāya uggatāya uddharanti gaṇhantīti sā osadhi³.

1. Pāleti (Sī, Ka)

2. Vipine (Pāli)

3-3. Abhivaḍḍhati jotanaṃ icchicchitaṃ nipphādetīti osadhi, (Sī)

Osadhitārakā iva virocantīti vattabbe gāthābandhasukhattham “osadhim va virocantan”ti ca vuttam. Sesam sabbattha uttānamevāti.

Madhupiṇḍikatthera-apadānavañṇanā samattā.

8. Senāsanadāyakatthera-apadānavañṇanā

Siddhatthassa Bhagavatoti-ādikaṃ āyasmato Senāsanadāyakattherassa apadānam. Ayampi purimabuddhesu katādhikāro tattha tattha bhave vivatṭūpanissayāni puññāni upacinanto Siddhatthassa Bhagavato kāle kulagehe nibbato vuddhippatto Satthari pasīditvā attano vasanaṭṭhānam vanantaram sampattassa Bhagavato paṇāmam katvā paṇṇasantharam santharivā adāsi. Bhagavato nisinnaṭṭhānassa samantato bhittiparicchedam katvā pupphapūjamakāsi. So tena puññena devamanussesu saṃsaranto ubhayasampattiyo anubhavitvā imasmim Buddhuppāde kulagehe nibbato vuddhippatto Satthari pasīditvā pabbajito na cirasseva arahā ahoṣi.

45. So aparabhāge attano pubbakammaṃ saritvā somanassajāto attano pubbacaritāpadānam dassento **Siddhatthassa Bhagavatoti-**ādimāha. Tam sabbam heṭṭhā vuttanayattā uttānatthamevāti.

Senāsanadāyakatthera-apadānavañṇanā samattā.

9. Veyyāvaccakarathera-apadānavañṇanā

Vipassissa Bhagavatoti-ādikaṃ āyasmato Veyyāvaccakaratherassa apadānam. Tassa uppatti-ādayo heṭṭhā vuttaniyāmeneva daṭṭhabbā.

Veyyāvaccakarathera-apadānavañṇanā samattā.

10. Buddhupaṭṭhākātthera-apadānavaṇṇanā

Vipassissa Bhagavatoti-ādikaṃ āyasmato Buddhupaṭṭhākāttherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puñṇāni upacinanto Vipassissa Bhagavato kāle saṅkhadhamakakule nibbatto vuddhimanvāya attano sippe saṅkhadhamane cheko ahosi, niccakālaṃ Bhagavato saṅkhaṃ dhametvā saṅkhasaddeneva pūjesi. So tena puñṇena devamanussesu saṃsaranto sabbattha pākaṭo Mahāghoso Mahānādī Madhurassaro ahosi, imasmim Buddhuppāde ekasmim pākaṭakule nibbatto vuddhippatto **Madhurassaroti** pākaṭo, Sathhari pasīditvā pabbajito na cirasseva arahā ahosi, aparabhāge Madhurassarattheroti pākaṭo.

51. So ekadivasam attano pubbakammaṃ saritvā somanassajāto pubbacaritāpadānaṃ pakāsento **Vipassissa Bhagavatoti-**ādimāha. Tam heṭṭhā vuttameva. **Ahosim saṅkhadhamakoti** sam suṭṭhu khananto gacchatīti saṅkho, samuddajalapariyante caramāno gacchati vicaratīti attho. Tam saṅkhaṃ dhamati ghosam karotīti saṅkhadhamako, soham saṅkhadhamakova ahosinti attho. Sesam sabbattha uttānamevāti.

Buddhupaṭṭhākātthera-apadānavaṇṇanā samattā.

Dasamavaggavaṇṇanā samattā.

10. Bhikkhādāyivagga

1. Bhikkhādāyakātthera-apadānavaṇṇanā

Suvaṇṇavaṇṇam Sambuddhanti-ādikaṃ āyasmato Bhikkhādāyakāttherassa apadānaṃ. Ayampi purimajinavaresu katādhikāro tattha tattha bhave vivaṭṭūpanissayāni puñṇāni upacinanto Siddhatthassa Bhagavato kāle ekasmim kulagehe nibbatto vuddhimanvāya vibhavasampanno saddhājāto vihārato nikkhamitvā piṇḍāya caramānaṃ Siddhattham Bhagavantaṃ disvā pasannamānaso āhāramadāsi. Bhagavā tam paṭiggahetvā anumodanaṃ

vatvā pakkāmi. So teneva kusalena yāvatāyukaṃ ṭhatvā āyupariyosāne devaloke nibbato tattha cha kāmāvacarasampattiyo anubhavitvā manussesu ca manussasampattimanubhavitvā imasmiṃ Buddhuppāde kulagehe nibbato vuddhimanvāya saddhājāto pabbajitvā na cirasseva arahā ahoṣi.

1. So aparabhāge attano pubbakammaṃ anussarivā somanassajāto pubbacaritāpadānaṃ pakāsentō **suvaṇṇavaṇṇaṃ Sambuddhanti-ādimāha**. Taṃ sabbam heṭṭhā vuttanayameva. **Pavarā abhinikkhantanti** pakārena varitabbaṃ patthetabbanti pavaraṃ, rammabhūtato vivekabhūtato sakavihārato abhi visesena nikkhantanti attho. **Vānā nibbānamāgatanti** vānaṃ vuccati taṇhā, tato nikkhantattā nibbānaṃ, vānanāmaṃ taṇham padhānaṃ katvā sabbakilese pahāya nibbānaṃ pattanti attho.

2. **Kaṭacchubhikkhaṃ datvānāti** karatalena gahetabbā dabbi kaṭacchu, bhikkhīyati āyācīyatīti bhikkhā, abhi visesena khāditabbā bhakkhitabbāti vā bhikkhā, kaṭacchunā gahetabbā bhikkhā kaṭacchubhikkhā, dabbiyā bhattam datvāti attho. Sesam sabbattha uttānatthamevāti.

Bhikkhādāyakatthera-apadānavaṇṇanā samattā.

2. **Ñāṇasaññikatthera-apadānavaṇṇanā**

Suvaṇṇavaṇṇaṃ Sambuddhanti-ādikaṃ āyasmato Ñāṇasaññikattherassa apadānaṃ. Kā uppatti? Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Siddhatthassa Bhagavato kāle kulagehe nibbato vuddhimanvāya saddhājāto saddhammassavane sādaro sālayo Bhagavato dhammadesanānusārena ñāṇaṃ pesetvā ghosapamāṇattā Bhagavato ñāṇe pasanno pañcaṅga-aṭṭhaṅganamakkāravasena paṇāmaṃ katvā pakkāmi. So tato cuto devalokesu uppanno tattha chakāmāvacare dibbasampattimanubhavanto tato cavitvā manussaloke jāto tatthagabhūtā cakkavattisampadādayo anubhavitvā

imasmiṃ Buddhuppāde vibhavasampanne ekasmiṃ kulagehe nibbatto vuddhimanvāya Satthari pasīditvā pabbajito na cirasseva arahā ahoṣi.

7. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **suvaṇṇavaṇṇaṃ Sambuddhanti-ādimāha**. Taṃ vuttatthameva. **Nisabhājāniyaṃ yathāti** gavasatasahassajettho nisabho, nisabho ca so ājāniyo seṭṭho uttamo ceti nisabhājāniyo. Yathā nisabhājāniyo, tatheva Bhagavāti attho. Lokavisayasaññātaṃ paññattivasena evaṃ vuttaṃ. Anupameyyo hi Bhagavā. Sesam sabbattha uttānatthamevāti.

Ñāṇasaññikatthera-apadānavaṇṇanā samattā.

3. Uppalahatthiyatthera-apadānavaṇṇanā

Tivarāyaṃ nivāsīhanti-ādikaṃ āyasmato Uppalahatthakattherassa apadānaṃ. Ayampi purimajinavaresu katakusalo tattha tattha bhava vivaṭṭūpanissayāni puññāni upacinanto Siddhatthassa Bhagavato kāle mālākārakule nibbatto vuddhimanvāya mālākārakammaṃ anekāni pupphāni vikkiṇanto jīvati. Athekadivasam pupphāni gahetvā caranto Bhagavantaṃ ratanagghikamiva caramānaṃ¹ disvā rattuppalakalāpena pūjesi. So tato cuto teneva puññena sugatīsu puññamanubhavitvā imasmiṃ Buddhuppāde kulagehe nibbatto vuddhimanvāya saddhājāto pabbajitvā na cirasseva arahā ahoṣi.

13. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **tivarāyaṃ nivāsīhanti-ādimāha**. Tattha **tivarāti** tīhi vārehi kārītaṃ sañcarītaṃ paṭicchannaṃ nagaraṃ, tassaṃ tivarāyaṃ nivāsī, vasanasīlo nivāsanaṭṭhānagehe vā vasanto ahanti attho. **Ahoṣim mālīko tadāti** tadā nibbānatthāya puññasambhāraṇasamaye mālīko mālākārova pupphāni kayavikkayaṃ katvā jīvanto ahoṣinti attho.

1. Jotamānaṃ (Sī)

14. **Pupphahatthamadāsahanti** Siddhatthaṃ Bhagavantaṃ disvā uppalakalāpaṃ adāsīm pūjesinti attho. Sesāṃ sabbattha uttānatthamevāti.

Uppalahatthakatthera-apadānavañṇanā samattā.

4. Padapūjakatthera-apadānavañṇanā

Siddhatthassa Bhagavatoti-ādikaṃ āyasmato Padapūjakattherassa apadānaṃ. Ayampi purimabuddhesu katādhikāro Siddhatthassa Bhagavato kāle kulagehe nibbatto vuddhimanvāya Satthari pasanno sumanapupphena pādāmūle pūjesi. So tena puñña devamanussesu saṃsaranto sakkasampattiṃ anubhavitvā imasmīm Buddhuppāde ekasmīm kulagehe nibbatto vuddhimanvāya Satthari pasīditvā pabbajito vipassanaṃ vaḍḍhetvā arahattaphale patiṭṭhāsi.

19. So aparabhāge attano pubbakammaṃ saritvā somanassajāto pubbacaritāpadānaṃ pakāsento **Siddhatthassa Bhagavatoti**-ādimāha. **Jātipupphamadāsahanti** jātisumanapupphaṃ adāsīm ahanti vattabbe gāthābandhasukhatthaṃ sumanasaddassa lopaṃ katvā vuttaṃ. Tattha jātiyā nibbatto vikasamānoyeva sumanaṃ janānaṃ somanassaṃ karotīti sumanaṃ, pupphanaṭṭhena vikasanaṭṭhena pupphaṃ, sumanañca taṃ pupphañcāti sumanapupphaṃ, tāni sumanapupphāni Siddhatthassa Bhagavato ahaṃ pūjesinti attho. Sesāṃ sabbattha uttānamevāti.

Padapūjakatthera-apadānavañṇanā samattā.

5. Muṭṭhipupphiyatthera-apadānavañṇanā

Sudassano nāma nāmenāti-ādikaṃ āyasmato Muṭṭhipupphiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṃ upacinanto Padumuttarassa Bhagavato kāle mālākārakule nibbatto vuddhimanvāya sakasippe nipphattiṃ patto

ekadivasaṃ Bhagavantaṃ disvā pasannamānaso jātisumanapupphāni ubhohi hatthehi Bhagavato pādāmūle okiritvā pūjesi. So tena kusalasambhārena devamanussesu saṃsaranto ubho sampattiyo anubhavitvā imasmim̃ Buddhuppāde kulagehe nibbatto vuddhippatto pubbavāsanāvasena Satthari pasīditvā pabbajito na cirasseva arahā ahoṣi.

24-25. So aparabhāge attano pubbakammaṃ anussarivā somanassajāto pubbacaritāpadānaṃ pakāsentto **Sudassano nāma nāmenāti**-ādimāha. Tattha **Sudassanoti** ārohapariṇāharūpasanṭṭhānayobbaññasobhanena sundaro dassanoti Sudassano, nāmena Sudassano nāma mālākāro hutvā jātisumanapupphehi Padumuttaram̃ Bhagavantaṃ pūjesinti attho. Sesam̃ sabbattha uttānamevāti.

Muṭṭhipupphiyatthera-apadānavañṇanā samattā.

6. Udakapūjakatthera-apadānavañṇanā

Suvaṇṇavaṇṇam̃ Sambuddhanti-ādikaṃ āyasmato Udakapūjakattherassa apadānaṃ. Ayampi purimajinavaresu pūritakusalasañcayo tattha tattha bhave vivaṭṭūpanissayāni puññāni paripūriyamāno Padumuttarassa Bhagavato kāle ekasmim̃ kulagehe nibbatto vuddhimanvāya kusalākusalaṃ jānanto Padumuttarassa Bhagavato ākāse gacchato nikkhantachabbaṇṇabuddharaṃsīsu pasanno ubhohi hatthehi udakaṃ gahetvā pūjesi. Tena pūjitaṃ udakaṃ rajatabubbulaṃ viya ākāse aṭṭhāsi. So abhippasanno teneva somanassena Tusitādīsu nibbatto dibbasampattiyo anubhavitvā aparabhāge manussasampattiyo ca anubhavitvā imasmim̃ Buddhuppāde kulagehe nibbatto viññutaṃ patto Satthari pasīditvā pabbajito na cirasseva arahā ahoṣi.

29. So aparabhāge attano pubbakammaṃ sarivā somanassajāto pubbacaritāpadānaṃ pakāsentto **suvaṇṇavaṇṇam̃ Sambuddhanti**-ādimāha. Tam̃ heṭṭhā vuttameva. **Ghatāsanam̃va jalitanti** ghatam̃ vuccati sappi, ghatassa āsanam̃ ādhāranti ghatāsanam̃, aggi, atha vā tam̃ asati bhuñjatīti

ghatāsanam, aggiyeva. Yathā ghate āsितte aggimhi aggisikhā atīva jalati, evam aggikkhandham iva jalamānam Bhagavantanti attho. **Ādittamva hutāsananti** hutam vuccati pūjāsakkāre, hutassa pūjāsakkārassa āsananti hutāsanam, jalamānam sūriyam iva dvattimsamahāpurisalakkhaṇehi byāmappabhāmaṇḍalehi¹ vijjotamānam suvaṇṇavaṇṇam Sambuddham **anilañjase** ākāse gacchantam addasanti sambandho. Sesam sabbattha uttānamevāti.

Udakapūjakatthera-apadānavaṇṇanā samattā.

7. Naḷamāliyatthera-apadānavaṇṇanā

Padumuttarabuddhassāti-ādikaṃ āyasmato Naḷamāliyattherassa apadānam. Esopi purimajinavaresu katādhikāro anekāsu jātīsu vivatṭūpanissayāni kusalakammāni upacinanto Padumuttarassa Bhagavato kāle kulagehe nibbato vuddhimanvāya gharāvāsam saṅṭhapetvā kāme ādīnavam disvā geham pahāya tāpasapabbajjam pabbajitvā Himavante vasanto tatthāgataṃ Bhagavantaṃ disvā pasanno vanditvā tiṇasantharam santharivā tattha nisinnassa Bhagavato naḷamālehi bījanim katvā bījetvā adāsī. Paṭiggahesi Bhagavā tassānukampāya, anumodanañca akāsī. So tena puññaena devamanussesu saṃsaranto uppannuppannabhava pariḷāhasantāpavivajjito kāyacittacetāsikasukhappatto anekasukhamanubhavitvā imasmim Buddhuppāde ekasmim kulagehe nibbato vuddhimanvāya pubbavāsanābalena Satthari pasanno pabbajitvā na cirasseva arahā ahoṣi.

36. So aparabhāge attano pubbakammaṃ saritvā somanassajāto pubbacaritāpadānam pakāsento **Padumuttarabuddhassāti**-ādimāha. Tam heṭṭhā vuttameva.

37. **Naḷamālam gahetvānāti** naḷati asāro nissāro hutvā veḷuvamsatopi tanuko sallahuko jātoti naḷo, naḷassa

mālā pupphaṃ naḷamālaṃ, tena naḷamālena bījanim kāresinti sambandho. Bījissati janissati¹ vāto anenāti bījanī, taṃ bījanim Buddhassa upanāmesim, paṭiggahesinti attho. Sesam sabbattha uttānamevāti.

Naḷamāliyatthera-apadānavaṇṇanā samattā.

Sattamabhāṇavāraṇṇanā samattā.

8. Āsanupaṭṭhāhakatthera-apadānavaṇṇanā

Kānanam vana'moggayhāti-ādikaṃ āyasmato Āsanupaṭṭhāhakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Atthadassissa Bhagavato kāle kulagehe nibbato gharāvāsaṃ vasanto tattha dosaṃ disvā gharāvāsaṃ pahāya tāpasapabbajjaṃ pabbajitvā Himavante vasanto tattha sampattaṃ Bhagavantaṃ disvā pasanno sīhāsanaṃ adāsi, tattha nisinnaṃ Bhagavantaṃ mālākālāpaṃ gahetvā pūjetvā taṃ padakkhiṇaṃ katvā pakkāmi. So tena puññaena devamanussesu saṃsaranto nibbattanibbattabhava uccakuliko vibhavasampanno ahoṣi. So kālantarena imasmiṃ Buddhuppāde kulagehe nibbato vuddhimanvāya Satthari pasīditvā pabbajito na cirasseva arahā ahoṣi.

47. So arahā samāno attano pubbakammaṃ saritvā somanassajāto pubbacaritāpadānaṃ pakāsentō **kānanam vana'moggayhāti**-ādimāha. Taṃ sabbaṃ heṭṭhā vuttatthamevāti.

Āsanupaṭṭhāhakatthera-apadānavaṇṇanā samattā.

9. Biḷālidāyakatthera-apadānavaṇṇanā

Himavantassāvidūreti-ādikaṃ āyasmato Biḷālidāyakattherassa apadānaṃ. Ayampi purimajinavaresu katādhikāro tattha tattha bhave vivaṭṭūpanissayāni puññāni upacinanto Padumuttarassa Bhagavato kāle

1. Vijīti visesena jinoti (Sī)

kulagehe nibbatto viññutaṃ patto gharāvāsaṃ vasanto tathādīnaṃ disvā gharāvāsaṃ pahāya tāpasapabbajjaṃ pabbajitvā Himavante vasanto atīva appicchantuṭṭho ālūvādīhi yāpento vasati. Tadā Padumuttaro Bhagavā tassa anukampāya taṃ Himavantaṃ agamāsi. Taṃ disvā pasanno vanditvā biḷāliyo gahetvā patte okiri. Taṃ Tathāgato tassānukampāya somanassuppādayanto paribhuñji. So tena kamma tato cuto devamanussesu ubhayasampattiyo anubhavitvā imasmiṃ Buddhuppāde kulagehe nibbattitvā vuddhimanvāya Satthari pasanno sāsane pabbajitvā na cirasseva arahā ahosi.

53. So aparabhāge attano kusalakammaṃ saritvā somanassajāto pubbacaritāpadānaṃ pakāsento **Himavantassāvidūreti**-ādimāha. Taṃ sabbaṃ heṭṭhā vuttanayattā uttānatthameva. Ālūvakarambhādayo tesāṃ tesāṃ kandaḷātīnaṃ nāmānevāti.

Biḷālidāyakaṭṭhera-apadānavañṇanā samattā.

10. Reṇupūjakatthera-apadānavañṇanā

Suvaṇṇavaṇṇaṃ Sambuddhanti-ādikaṃ āyasmato Reṇupūjakattherassa apadānaṃ. Ayampi purimajinavaresu katādhikāro tatha tatha bhava vivatṭūpanissayāni puññāni upacinanto Vipassissa Bhagavato kāle kulagehe nibbatto vuddhimanvāya Satthari pasanno viññutaṃ patto aggikkhandhaṃ viya vijjotamānaṃ Bhagavantaṃ disvā pasannamānaso nāgapupphakesaraṃ gahetvā pūjesi. Atha Bhagavā anumodanamakāsi.

62-3. So tena puññena tato cuto devamanussesu saṃsaranto ubhayasampattiyo anubhavitvā uppannuppannabhava sabbattha pūjito imasmiṃ Buddhuppāde kulagehe nibbatto viññutaṃ patto pubbavāsanābalena Satthari pasanno sāsane pabbajito na cirasseva arahā hutvā dibbacakkhunā attano pubbakammaṃ disvā somanassajāto pubbacaritāpadānaṃ pakāsento **suvaṇṇavaṇṇaṃ Sambuddhanti**-ādimāha. Taṃ heṭṭhā vuttatthameva. **Sataraṃsiva bhāṇumanti** satamattā satappamāṇā raṃsi pabhā yassa

sūriyassa so sataraṃsī, gāthābandhasukhatthaṃ sataraṃsīti vuttaṃ,
 anekasatassa anekasatasahassaraṃsīti attho. Bhāṇu vuccati pabhā, bhāṇu
 pabhā yassa so bhāṇumā, bhāṇumasaṅkhātāṃ sūriyaṃ iva Vipassīṃ
 Bhagavantaṃ disvā sakesaraṃ nāgapupphaṃ gahetvā **abhiropayim** pūjesinti
 attho. Sesāṃ uttānamevāti.

Reṇupūjakatthera-apadānavañṇanā samattā.

Ekādasamavaggavañṇanā samattā.

12. Mahāparivāravagga

1. Mahāparivārakatthera-apadānavañṇanā

Vipassī nāma Bhagavāti-ādikaṃ āyasmato Mahāparivārakattherassa
 apadānaṃ. Ayampi purimajinavaresu katādhikāro tattha tattha bhava
 vivaṭṭūpanissayāni puñṇāni upacinanto Vipassissa Bhagavato
 uppannasamaye yakkhayoniyāṃ nibbatto anekayakkhasatasahassaparivāro
 ekasmiṃ khuddakadīpe dibbasukhamanubhavanto viharati. Tasmīṃca dīpe
 cetiyābhisobhito vihāro atthi, tattha Bhagavā agamāsi. Atha so
 yakkhasenādhipati taṃ Bhagavantaṃ tattha gatabhāvaṃ disvā dibbavatthāni
 gahetvā gantvā Bhagavantaṃ vanditvā dibbavatthehi pūjesi, saporivāro
 saraṇamagamāsi. So tena puñṇakamma tato cuto devaloke nibbattitvā
 tattha chakāmāvacarasukhamanubhavitvā tato cuto manussesu
 aggacakkavatti-ādisukhamanubhavitvā aparabhāge imasmiṃ Buddhuppāde
 kulagehe nibbatto viññutaṃ patto Satthari pasīditvā pabbajito na cirasseva
 arahā ahosi.

1-2. So aparabhāge attano pubbakammaṃ saritvā somanassajāto
 pubbacaritāpadānaṃ pakāsentō **Vipassī nāma Bhagavāti**-ādimāha. Tattha
 visesaṃ paramatthaṃ nibbānaṃ passatīti Vipassī, vividhe satipaṭṭhānādayo
 sattatimsabodhipakkhiyadhamme passatīti vā Vipassī,

vividhe anekappakāre bodhaneyyasatte visum visum passatīti vā Vipassī, so Vipassī Bhagavā **dīpacetiyaṃ** dīpe pūjanīyaṭṭhānaṃ vihāramagamāsīti attho. Sesam sabbattha uttānamevāti.

Mahāparivāraṭṭhāna-apadānavañṇanā samattā.

2. Sumaṅgalatthera-apadānavañṇanā

Atthadassī Jinavaroti-ādikaṃ āyasmato Sumaṅgalattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Atthadassissa Bhagavato kāle ekasmiṃ taḷākasamīpe rukkhadevatā hutvā nibbatti. Tasmim samaye Bhagavā vihārato nikkhamitvā nahāyitukāmo tassa taḷākassa tīraṃ gantvā tattha nhatvā ekacīvaro jalamāno brahmā viya sūriyo viya suvaṇṇabimbaṃ viya aṭṭhāsi. Atha so devaputto somanassajāto pañjaliko thomanamakāsi, attano dibbagītātūriyehi upahāraṅca akāsi. So tena puññakammena devamanussesu sampattiyo anubhavitvā aparabhāge imasmim Buddhuppāde kulagehe nibbato viññutaṃ patto Sathari pasīditvā pabbajitvā na cirasseva arahā ahoṣi.

11. So pacchā pubbakammaṃ saritvā somanassajāto pubbacaritāpadānaṃ pakāsento **Atthadassī Jinavaroti**-ādimaḥa. Tattha paramatthaṃ nibbānaṃ dakkhati passatīti Atthadassī, atha vā sabbasattānaṃ caturāriyasaccasankhātāṃ atthapayojanaṃ dassanasīloti Atthadassī, kilese ajini jināti jinissatīti Jino. Varitabbo patthetabbo sabbasattehīti varo, Attadassī Jino ca so varo cāti Atthadassī Jinavaro. **Lokajetṭho**ti lujjati palujjati loko, lokīyati passīyati Buddhādīhi pārappattoti vā loko, loko ca loko ca loko cāti loko. Ekasesasamāsavasena “lokā”ti vattabbe “loko”ti vutto. Lokassa jetṭho Lokajetṭho, so Lokajetṭho Narāsabhoti attho. Sesam sabbattha uttānamevāti.

Sumaṅgalatthera-apadānavañṇanā samattā.

3. Saraṇagamaniyatthera-apadānavañṇanā

Ubhinnaṃ devarājūnantiādikaṃ āyasmato Saraṇagamaniyattherassa apadānaṃ. Ayampi purimabuddhesu katādhikāro uppannuppannabhava vivaṭṭūpanissayāni puññāni upacinanto Padumuttare Bhagavati uppanne ayaṃ Himavante devarājā hutvā nibbatti, tasmim̐ aparena¹ yakkhadevaraññā saddhiṃ saṅgāmatthāya upaṭṭhite dve anekayakkhasahassaparivārā phalakāvudhādihatthā saṅgāmatthāya samupabyūḷhā ahesuṃ. Tadā Padumuttaro Bhagavā tesu sattesu kāruññaṃ uppādetvā ākāseṇa tattha gantvā saparivārānaṃ dvinnānaṃ devarājūnaṃ dhammaṃ desesi. Tadā te sabbe phalakāvudhāni chaḍḍetvā Bhagavantaṃ gāravabahuṃmānena vanditvā saraṇamagamāṃsu. Tesāṃ ayaṃ paṭhamaṃ saraṇamagamāsi. So tena puññaṇa devamanussesu saṃsaranto ubhayasampattiyo anubhavitvā imasmim̐ Buddhupāde kulagehe nibbatto vuddhimanvāya Sattari pasanno pabbajitvā na cirasseva arahā ahoṣi.

20. So aparabhāge pubbakusalaṃ saritvā somanassajāto pubbacaritāpadānaṃ pakāseṇa **ubhinnaṃ devarājūnanti**-ādimāha. Tattha sucilomakharaloma-āḷavakakumbhīrakuverādayo viya nāmagottena apākaṭā dve yakkharājāno aññāpadesena dassento “ubhinnaṃ devarājūnaṃ”ti-ādimāha². **Saṅgāmo samupaṭṭhitoti** saṃ suṭṭhu gāmo kalahatthāya upagamananti saṅgāmo, so saṅgāmo saṃ suṭṭhu upaṭṭhito, ekaṭṭhāne upagantvā ṭhitoti attho. **Ahoṣi samupabyūḷhoti** saṃ suṭṭhu upasamāpe rāsibhūtoti attho.

21. **Saṃvejesi mahājananti** tesāṃ rāsibhūtānaṃ yakkhānaṃ ākāse nisinna Bhagavā catusaccadhammadesanāya saṃ suṭṭhu vejesi, ādīnavadassanena gaṇhāpesi viññāpesi bodhesīti attho. Sesāṃ sabbattha uttānamevāti.

Saraṇagamaniyatthera-apadānavañṇanā samattā.

1. Āsanne (Sī)

2. Ubhinnaṃ devarājūnanti āha (?)

4. Ekāsaniyatthera-apadānavañṇanā

Varuṇo nāma nāmenāti-ādikaṃ āyasmato Ekāsaniyattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Atthadassissa Bhagavato kāle Varuṇo nāma devarājā hutvā nibbatti. So Bhagavantam disvā pasannamānaso gandhamālādīhi gītavāditehi ca upaṭṭhayamāno saparivāro pūjesi. Tato aparabhāge Bhagavati parinibbute tassa Mahābodhirukkham Buddhadassanaṃ viya sabbatūriyatāḷāvacarehi saparivāro upahāramakāsi. So tena puññena tato kālaṅkatvā Nimmānaratidevaloke uppajji. Evaṃ devasampattimanubhavitvā manussesu ca manussabhūto cakkavattisampattim anubhavitvā imasmim Buddhuppāde kulagehe nibbatto viññutaṃ patvā Satthu sāsane pabbajitvā na cirasseva arahā ahoṣi.

31. So pacchā sakakammaṃ saritvā taṃ tathato ñatvā somanassajāto pubbacaritāpadānaṃ pakāsentō **Varuṇo nāma nāmenāti**-ādimāha. Tattha yadā ahaṃ sambodhanatthāya¹ Buddhaṃ bodhiṅca pūjesim, tadā Varuṇo nāma devarājā ahoṣinti sambandho.

34. **Dharaṇīruhapādapanti** ettha rukkhalatāpabbatasattaratanādayo dhāretīti dharaṇī, tasmim ruhati patiṭṭhahatīti dharaṇīruho. Pādena pivatīti pādapo, siñcitasīñcitodakaṃ pādena mūlena pivati rukkakkhandhasākhāviṭapehi āporasaṃ patthariyatīti attho, taṃ dharaṇīruhapādapaṃ Bodhirukkanti sambandho.

35. **Sakakammābhiraddhoti** attano kusalakammaena abhiraddhopasanno uttame bodhimhi pasannoti sambandho. Sesam sabbattha uttānamevāti.

Ekāsaniyatthera-apadānavañṇanā samattā.

1. Sammodanattāya (Sī)

5. Suvāṇṇapupphiyatthera-apadānavaṇṇanā

Vipassī nāma Bhagavāti-ādikaṃ āyasmato Suvāṇṇapupphiyattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto Vipassissa Bhagavato kāle ekasmiṃ ṭhāne bhūmaṭṭhakadevaputto hutvā nibbatta tassa Bhagavato dhammaṃ sutvā pasannamānaso catūhi suvāṇṇapupphehi pūjesi. Tāni pupphāni ākāse suvāṇṇavitānaṃ hutvā chādesuṃ, suvāṇṇapabhā ca Buddhassa sarīrapabhā ca ekato hutvā mahā-obhāso ahoṣi. So atirekataraṃ pasanno sakabhavanaṃ gatopi saratiyeva. So tena puññakammaena Tusitabhavanādisugatīsuyeva sāmsaranto dibbasampattim anubhavitvā imasmim Buddhuppāde kulagehe nibbatta viññutaṃ patto Satthu dhammadesanaṃ sutvā sāsane uraṃ datvā pabbajito na cirasseva arahā ahoṣi.

40. So aparabhāge pubbakammaṃ saritvā somanassajāto attano pubbacaritāpadānaṃ pakāsentō **Vipassī nāma Bhagavāti**-ādimāha. Taṃ heṭṭhā vuttatthameva.

44. **Pāmojjaṃ janayitvānāti** balavapītiṃ uppādetvā “pāmojjaṃ āmodanā pamodanā hāso pahāso vitti odagyaṃ attamanatā cittassā”¹ti-ādīsu¹ viya attamanatā sakabhāvaṃ uppādetvāti attho. Sesāṃ sabbattha uttānamevāti.

Suvāṇṇapupphiyatthera-apadānavaṇṇanā samattā.

6. Citakapūjakatthera-apadānavaṇṇanā

Vasāmi rājāyataneti-ādikaṃ āyasmato Citakapūjakattherassa apadānaṃ. Ayampi purimabuddhesu katādhikāro tato paraṃ uppannuppannabhava vivaṭṭūpanissayāni puññāni upacinanto Sikhissa Bhagavato kāle rājāyatanarukkhadevatā hutvā nibbatta antarantarā devatāhi saddhim

1. Abhi 1. 18, 30; Khu 7. 2, 38, 219 piṭṭhesu.

dhammaṃ sutvā pasanno Bhagavati parinibbute saparivāro gandhadīpadhūpapupphabheri-ādīni gāhāpetvā Bhagavato ālahanaṭṭhānam gantvā dīpādīni pūjetvā anekehi tūriyehi anekehi vāditehi taṃ pūjesi. Tato paṭṭhāya sakabhavanaṃ upaviṭṭhōpi Bhagavantameva saritvā sammukhā viya vandati. So teneva puññaena tena cittappasādena rājāyatanato kālaṃ kato Tusitādīsu nibbatto dibbasampattiṃ anubhavitvā tato manussesu manussasampattiṃ anubhavitvā imasmim Buddhuppāde kulagehe nibbatto viññutaṃ patto Bhagavati uppannacittappasādo Bhagavato sāsane pabbajitvā na cirasseva arahā ahoṣi.

49. So aparabhāge attano pubbakammaṃ saritvā somanassajāto pubbacaritāpadānaṃ pakāseṇo **vasāmi rājāyataneti**-ādimāha. **Rājāyataneti** devarājūnaṃ āyatanam rājāyatanam, tassa rukkhassa nāmadheyyo vā.

Parinibbute Bhagavatīti parisamantato kiñci anavasesetvā khandhaparinibbānakāle parinibbānasamaye parinibbānappattassa sikhino lokabandhunoti sambandho.

50. **Citakaṃ agamāsahanti** candanāgarudevadārūkappūratakkolādi-sugandhadārūhi citam rāsīgātanti citam, citameva citakaṃ, Buddhagāravena citakaṃ pūjanatthāya citakassa samīpaṃ aham agamāsinti attho. Tattha gantvā katakiccaṃ dassento **tūriyam tattha vādetvāti**-ādimāha. Taṃ sabbaṃ suviññeyyamevāti.

Citakapūjakatthera-apadānavañṇanā samattā.

7. Buddhasaññaṭṭhakatthera-apadānavañṇanā

Yadā Vipassī lokaggoti-ādikaṃ āyasmato Buddhasaññaṭṭhakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṇi upacinanto Vipassissa Bhagavato kāle ekasmim bhūmatṭhakavimāne devaputto hutvā nibbatti. Tadā Vipassī Bhagavā āyusañkhāraṃ vossajji. Atha sakaladasasahasilokadhātu sasāgarapabbatā pakampittha. Tadā tassa devaputtassa bhavanampi kampittha. Tasmim khaṇe so

devaputto saṁsayajāto “kiṁ nu kho pathavīkampāya nibbatti”ti cintetvā Buddhassa āyusaṅkhāravossajjabhāvaṁ ñatvā mahāsokaṁ domanassaṁ¹ uppādesi. Tadā Vessavaṇo mahārājā āgantvā “mā cintayitthā”ti assāsesi. So devaputto tato cuto tena puññaena devamanussesu saṁsaranto imasmim Buddhuppāde kulagehe nibbatto viññutaṁ patto gharāvāsaṁ pahāya pabbajitvā na cirasseva arahā ahoṣi.

57. So aparabhāge attano pubbakammaṁ saritvā somanassajāto pubbacaritāpadānaṁ pakāseṇo **yadā Vipassī lokaggoti**-ādimāha. **Āyusaṅkhāramossajjīti** āsamantato yunoti pāleti satteti āyu, āyussa saṅkhāro rāsibhāvo āyusaṅkhāro, taṁ āyusaṅkhāraṁ ossajji pariccaji jahāsīti attho. Tasmim āyusaṅkhāravossajjane. Jalamekhalāsāgarodakamekhalāsahitā sakaladasasahassacakkavāḷapathavī kampitthāti sambandho.

58. **Otataṁ vitthataṁ mayhanti** mayhaṁ bhavanaṁ otataṁ vitthataṁ cittaṁ vicittaṁ **suci** suparisuddhaṁ **cittaṁ** anekehi sattahi ratanehi vicittaṁ sobhamānaṁ **pakampittha** pakāreṇa kampitthāti attho. Sesam sabbattha uttānamevāti.

Buddhasaññakatthera-apadānavañṇanā samattā.

8. Maggasaññakatthera-apadānavañṇanā

Padumuttarabuddhassāti-ādikaṁ āyasmato Maggasaññakattherassa apadānaṁ. Ayampi purimabuddhesu katādhikāro tato oraṁ tattha tattha bhava vivaṭṭupanissayāni puññaṇi upacinanto Padumuttarassa Bhagavato kāle Himavante devaputto hutvā nibbatto araññaṁ gantvā maggamūḷhānaṁ maggaṁ gavesantānaṁ tassa sāvakānaṁ bhojetvā maggaṁ ācikkhi. So tena puññaena devamanussasampattimanubhavitvā uppannuppannabhava sabbattha amūḷho saññāvā ahoṣi. Atha imasmim Buddhuppāde kulagehe nibbatto viññutaṁ patto gharāvāse anallīno pabbajitvā na cirasseva arahā ahoṣi.

1. Saṁvegāṁ (Sī)

66. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **Padumuttarabuddhassāti**-ādimāha. **Sāvakā vanacārinoti** Bhagavato vuttavacanāṃ sammā ādarena suṇantīti sāvakā, atha vā Bhagavato desanānusārena ñāṇaṃ pesetvā saddhammaṃ suṇantīti sāvakā. Vanacārino vane vicaraṇakā sāvakā **vippanaṭṭhā** maggamūḷhā mahā-araññe **andhāva** cakkhuvirahitāva **anusuyyare** vicarantīti sambandho. Sesāṃ sabbattha uttānamevāti.

Maggasaññakatthera-apadānavañṇanā samattā.

9. Paccupaṭṭhānasaññakatthera-apadānavañṇanā

Atthadassimhi Sugateti-ādikāṃ āyasmato

Paccupaṭṭhānasaññakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Atthadassissa Bhagavato kāle yakkhayoniyāṃ nibbato Bhagavati dharamāne dassanassa aladdhattā pacchā parinibbute mahāsokappatto vihāsi. Tadā hissa Bhagavato Sāgato nāma aggasāvako anusāsanto Bhagavato sārīrikadhātupūjā Bhagavati dharamāne katapūjā viya cittappasādavasā mahapphalaṃ bhavati”ti vatvā “thūpaṃ karohī”ti niyojito thūpaṃ kāresi, taṃ pūjetvā tato cuto devamanussesu sakkacakkavattisampattimanubhavitvā imasmim Buddhuppāde Sāvatthiyāṃ ekasmim kulagehe nibbato viññutaṃ patto Satthari pasīditvā pabbajitvā na cirasseva arahā ahoṣi.

72. So aparabhāge attano puññakammaṃ saritvā somanassajāto pubbacaritāpadānaṃ pakāsentō **Atthadassimhi Sugateti**-ādimāha. Taṃ heṭṭhā vuttameva. **Yakkhayonim upapajjinti** ettha pana attano sakāsam sampattasampatte khādantā yanti gacchantīti yakkhā, yakkhānaṃ yoni jāṭīti yakkhayoni, yakkhayoniyāṃ nibbattoti attho.

73. **Dulladdham vata me āsīti** me mayā laddhayasaṃ dulladdham, Buddhabhūtaṃ Satthuno sakkāraṃ akatattā virādhettvā laddhanti attho. **Duppabhātanti**

duṭṭhu pabhātaṃ rattiyā pabhātakaraṇaṃ, mayhaṃ na suṭṭhuṃ pabhātanti¹ attho. **Duruṭṭhitaṃ** du-uṭṭhitaṃ, sūriyassa uggamaṇaṃ mayhaṃ du-uggamaṇanti attho. Sesāṃ sabbattha uttānamevāti.

Paccupaṭṭhānasaññakatthera-apadānavaṇṇanā samattā.

10. Jātipūjakatthera-apadānavaṇṇanā

Jāyaṃ tassa Vipassissāti-ādikaṃ āyasmato Jātipūjakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Vipassissa Bhagavato kāle kulagehe nibbatto viññutaṃ patto nakkhattapāṭhakehi Vipassibodhisattassa vuttalakkaṇanimittaṃ sutvā “ayaṃ kira kumāro Buddho hutvā sakalalokassa aggo seṭṭho hutvā sabbasatte saṃsārato uddharissatī”²ti sutvā taṃ Bhagavantaṃ kumārakāleyeva Buddhassa viya mahāpūjamakāsi. Pacchā kamena kumārakālaṃ rājakumārakālaṃ² rajjakālanti kālattayamatikkamma Buddhe jātepi mahāpūjaṃ katvā tato cuto Tusitādīsu nibbatto dibbasukhamanubhavitvā pacchā manussesu cakkavattādīmanussasukhamanubhavitvā imasmiṃ Buddhuppāde kulagehe nibbatto sattaṭṭhavassakāleyeva Bhagavati pasanno pabbajitvā vipassanaṃ vaḍḍhetvā na cirasseva arahā ahoṣi.

82. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **jāyaṃ tassa Vipassissāti**-ādimāha. Taṃ heṭṭhā vuttatthameva.

84. **Nemittānaṃ suṇitvānāti** ettha nimittaṃ kāraṇaṃ sukhadukkhappattihetuṃ jānantīti nemittā, tesāṃ nemittānaṃ nakkhattapāṭhakānaṃ vacanaṃ suṇitvāti attho. Sesāṃ sabbattha uttānamevāti.

Jātipūjakatthera-apadānavaṇṇanā samattā.

Dvādasamavaggavaṇṇanā samattā.

1. Mayhamatiduṭṭhupabhātanti (Si)

2. Kumārakāleyeva rājakumāraṃ (sabbattha)

13. Sereyyavagga

1. Sereyyakatthera-apadānavañṇanā

Ajjhāyako mantadharoti-ādikaṃ āyasmato Sereyyakattherassa apadānaṃ. Ayampi purimajinavaresu katādhikāro tato paresu attabhāvasahassesu vivaṭṭūpanissayāni puññāni upacinanto Vipassissa Bhagavato kāle brāhmaṇakule nibbato viññutaṃ patvā tiṇṇaṃ vedānaṃ pāraṃ gantvā itihāsādisakalabrāhmaṇadhammesu koṭippatto ekasmiṃ divase abbhokāse saparivāro ṭhito Bhagavantaṃ disvā pasannamānaso sereyyapupphaṃ gahetvā ākāse khipanto pūjesi. Tāni pupphāni ākāse vitānaṃ hutvā sattāhaṃ ṭhatvā pacchā antaradhāyimsu. So taṃ acchariyaṃ disvā atīva pasannamānaso teneva pītisomanassena kālaṃ katvā Tusitādīsu nibbato tatha dibbasukhamanubhavitvā tato manussasukhamanubhavitvā imasmiṃ Buddhuppāde ekasmiṃ kulagehe nibbato viññutaṃ pāpuṇitvā pubbavāsanābalena Satthari pasanno pabbajitvā na cirasseva arahā ahoṣi.

1. So aparabhāge purākatakusalaṃ saritvā somanassajāto pubbacaritāpadānaṃ pakāsentō **ajjhāyako mantadharoti**-ādimāha. Taṃ heṭṭhā vuttatthameva.

3. **Sereyyakaṃ gahetvānāti** sirise bhavaṃ jātipupphaṃ sereyyaṃ, sereyyameva sereyyakaṃ, taṃ sereyyakaṃ gahetvānāti sambandho. Bhagavati pasanno jātisumanamakuḷacampakādīni pupphāni patiṭṭhapetvā pūjetuṃ kālaṃ natthitāya¹ tatha sampattaṃ taṃ sereyyakaṃ pupphaṃ gahetvā pūjesinti attho. Sesāṃ sabbattha uttānamevāti.

Sereyyakatthera-apadānavañṇanā samattā.

1. Pūjetukāmatāya (?)

2. Pupphathūpiyatthera-apadānavaṇṇanā

Himavantassāvidūreti-ādikaṃ āyasmato Pupphuthūpiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Vipassibuddhassa Bhagavato kāle brāhmaṇakule nibbatto viññutaṃ patvā sakasippe nipphattiṃ patto tattha sāraṃ apasānto gehaṃ pahāya Himavantaṃ pavisitvā attanā sahagatehi pañcasissasahashehi saddhiṃ pañcābhiññā aṭṭha samāpattiyo nibbatttvā Kukkuranāmapabbatasamīpe paṇṇasālaṃ kāretvā paṭivasati. Tadā Buddhuppādabhāvaṃ sutvā sissehi saha Buddhassa santikaṃ gantukāmo kenaci byādhinā pīḷito paṇṇasālaṃ pavisitvā sissasantikā Buddhassānubhāvaṃ lakkhaṇaṅca sutvā pasannamānaso Himavantato campakāsokatilakakeṭakādyaṇeke pupphe āharāpetvā thūpaṃ katvā Buddhaṃ viya pūjetvā kālaṃ katvā brahmalokūpago ahosi. Atha te sissā tassa āḷaṇaṃ katvā Buddhasantikaṃ gantvā taṃ pavattiṃ ārocesuṃ. Atha Bhagavā Buddhacakkhunā oloketvā anāgataṃsaññāna pākāṭikaraṇamakāsi. So aparabhāge imasmiṃ Buddhuppāde Sāvatthiyaṃ kulagehe nibbatto viññutaṃ patto pubbavāsanābalena Satthari pasanno pabbajitvā na cirasseva arahā ahosi.

10. Atha so attano pubbakusalaṃ saritvā somanassajāto pubbacaritāpadānaṃ pakāsentō **Himavantassāvidūreti**-ādimāha. Taṃ heṭṭhā vuttatthameva. **Kukkuro nāma pabbatoti** pabbatassa sikharaṃ kukkurākārena sunakhākārena saṅghitattā “Kukkurapabbato”ti saṅkhyāṃ gato, tassa samīpe paṇṇasālaṃ katvā pañcatāpasahashehi saha vasamānoti attho. Nayānusārena sesaṃ sabbaṃ uttānatthamevāti.

Pupphathūpiyatthera-apadānavaṇṇanā samattā.

3. Pāyasadāyakatthera-apadānavaṇṇanā

Suvaṇṇavaṇṇo Sambuddhoti-ādikaṃ āyasmato Pāyasadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Vipassissa Bhagavato kāle

nibbatto viññutaṃ patvā mahaddhano mahābhogo dibbasukhamanubhavanto viya manussasukhamanubhavanto ekasmiṃ divase pāsādavare nisinno hoti. Tadā Bhagavā suvaṇṇamahāmeru viya vīthiyā vicarati, taṃ vicaramānaṃ Bhagavantaṃ disvā pasannamānaso gantvā vanditvā sugandhodakena Bhagavantaṃ osiñcamāno pūjesi. So tena puññaena devamanussesu saṃsaranto imasmiṃ Buddhuppāde ekasmiṃ kulagehe nibbatto viññutaṃ patto gharāvāsena anallīno Satthu santike pabbajitvā kammaṭṭhānaṃ gahetvā vipassanaṃ vaḍḍhetvā na cirasseva arahā ahoṣi.

35. So aparabhāge attano pubbakusalaṃ saritvā somanassajāto pubbacaritāpadānaṃ pakāseṇo **nisajja pāsādavareti**-ādimāha. Tattha **pāsādoti** pasādaṃ somanassaṃ janeti uppādetīti pāsādo, mālākammacittakammasuvaṇṇakammādyane-kavicittaṃ disvā tattha pavitṭhānaṃ janānaṃ pasādaṃ janayatīti attho. Pāsādo ca so patthetabbaṭṭhena varo cāti pāsādavaro, tasmīṃ pāsādavare nisajja nisīditvā Vipassīṃ Jinavaraṃ addasanti sambandho. Sesāṃ sabbattha uttānamevāti.

Gandhodakiyatthera-apadānavāṇṇanā samattā.

5. Sammukhāthavikatthera-apadānavāṇṇanā

Jāyamāne Vipassimhīti-ādikaṃ āyasmato Sammukhāthavikattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññaṇi upacinanto Vipassissa Bhagavato kāle brāhmaṇakule nibbatto sattavassikakāleyeva sakasippe nipphattiṃ patto gharāvāsaṃ saṅṭhapetvā vasanto Vipassimhi bodhisatte uppanne sabbabuddhānaṃ lakkhaṇāni vedattaye dissamānāni tāni rājappamukhassa janakāyassa Vipassībodhisattassa lakkhaṇāṇca Buddhabhāvaṇca byākaritvā janānaṃ manasaṃ nibbāpesi, anekāni ca thutivācanaṇi nivedesi. So tena kusalakammaṇa cha kāmāvacarasampattiyo anubhavitvā manussesu ca cakkavattisampattiyo anubhavitvā imasmiṃ Buddhuppāde kulagehe nibbatto viññutaṃ patto saddhājāto pabbajitvā na cirasseva arahā ahoṣi. Katakusalanāmena **Sammukhāthavikattheroti** pākaṭo.

41. So attano pubbakammaṃ saritvā somanassajāto pubbacaritāpadānaṃ pakāsentō **jāyamāne Vipassimhīti-ādimāha. Vipassimhī** Sammāsambuddhe **jāyamāne** uppajjamāne mātukucchito nikkhante ahaṃ pātubhūtaṃ **nimittaṃ** kāraṇaṃ Buddhabhāvassa hetuṃ **byākarim** kathesiṃ, anekāni acchariyāni pākaṭāni akāsinti attho. Sesāṃ vuttanayānusārena suviññeyyamevāti.

Sammukhāthavikatthera-apadānavañṇanā samattā.

6. Kusumāsaniyatthera-apadānavañṇanā

Nagare Dhaññavatiyāti-ādikāṃ āyasmato Kusumāsaniyattherassa apadānaṃ. Ayampi purimajinavaresu katādhikāro tattha tattha bhave vivaṭṭūpanissayāni puññāni upacinanto Vipassissa Bhagavato kāle brāhmaṇakule nibbato viññutaṃ patto mahaddhano mahābhogo tiṇṇaṃ vedānaṃ pāraṃ gato brāhmaṇasippesu koṭippatto sakaparasamayakusalo mātāpitaro pūjetukāmo pañca uppalakalāpe attano samīpe ṭhapetvā nisinno bhikkhusaṃghaparivutaṃ Vipassiṃ Bhagavantaṃ āgacchantāṃ disvā nīlapitādighanabuddharasmiyo ca disvā pasannamānaso āsanaṃ paññāpetvā tattha tāni pupphāni santharivā Bhagavantaṃ tattha nisīdāpetvā sakaghare mātu atthāya paṭiyattāni sabbāni khādanīyabhojanīyāni gahetvā saparivāraṃ Bhagavantaṃ sahatthena santappento bhojesi. Bhojanāvasāne ekaṃ uppalahatthaṃ adāsi. Tena somanassajāto patthanaṃ akāsi. Bhagavāpi anumodanaṃ katvā pakkāmi. So tena puññena devamanussesu dve sampattiyo anubhavitvā imasmiṃ Buddhuppāde Sāvattiyaṃ vibhavasampanne ekasmiṃ kule nibbato viññutaṃ patto bhogayasehi vaḍḍhito kāmesu ādīnavaṃ disvā gharāvāsaṃ pahāya pabbajito na cirasseva arahā ahosi.

65. So aparabhāge pubbe katakusalaṃ pubbenivāsaññāna saritvā somanassappatto pubbacaritāpadānaṃ pakāsentō **nagare Dhaññavatiyāti-ādimāha. Dhaññānaṃ** puññavantānaṃ khattiyabrāhmaṇagahapatimahāsālānaṃ anekesaṃ kulānaṃ ākarattā Dhaññavatī, atha vā

muttāmaṇi-ādisattaratanānaṃ sattavidhadhaññānaṃ upabhogaparibhogānaṃ
 ākarattā Dhaññavatī, atha vā dhaññānaṃ
 Buddhapaccekabuddhakhīṇāsavānaṃ vasanaṭṭhānaṃ ārāmavihārādīnaṃ
 ākarattā Dhaññavatī, tassā **Dhaññavatiyā**. Nagaranti patthenti ettha
 upabhogaparibhogatthikā janāti nagaraṃ, na gacchatīti vā nagaṃ,
 rājayuvarājamahāmattādīnaṃ vasanaṭṭhānaṃ. Nagaṃ rāti ādadāti gaṇhātīti
 nagaraṃ, rājādīnaṃ vasanaṭṭhānasamūhabhūtaṃ pākāraparikhādīhi
 parikkhittaṃ paricchinnaṭṭhānaṃ nagaraṃ nāmāti attho. Tasmim **nagare**
 yadā ahaṃ Vipassissa Bhagavato santike byākaraṇaṃ alabhim, tadā tasmim
 Dhaññavatiyā nagare brāhmaṇo ahosinti sambandho. Sesam sabbattha
 uttānamevābhi.

Kusumāsaniyatthera-apadānavaṇṇanā samattā.

7. Phaladāyakatthera-apadānavaṇṇanā

Ajjhāyako mantadharoti-ādikaṃ āyasmato Phaladāyakattherassa
 apadānaṃ. Ayampi purimabuddhesu katādhikāro anekesu bhavesu
 vivatṭṭūpanissayāni puññāni upacinanto Padumuttarassa Bhagavato kāle
 brāhmaṇakule nibbato viññutaṃ patvā vedattayādisakasippesu pārappatto
 anekesaṃ brāhmaṇasahassānaṃ pāmokkho ācariyo sakasippānaṃ
 pariyoṣānaṃ adisvā tattha ca sāraṃ apassanto gharāvāsaṃ pahāya
 isipabbajjaṃ pabbajitvā Himavantassa avidūre assamaṃ kāretvā saha sissehi
 vāsaṃ kappesi, tasmim samaye Padumuttaro Bhagavā bhikkhāya caramāno
 tassānukampāya taṃ padesaṃ sampāpuṇi. Tāpaso Bhagavantaṃ disvā
 pasannaṃ mānaso attano atthāya puṭake nikkhipitvā rukkhagge laggitāni
 madhurāni padumaphalāni madhunā saha adāsi. Bhagavā tassa
 somanassuppādanatthaṃ passantasseva paribhuñjitvā ākāse ṭhito
 phaladānānisamsaṃ kathetvā pakkāmi.

75. So tena puññena devamanussesu saṃsaranto ubhayasampattiyo
 anubhavitvā imasmim Buddhuppāde vibhavasampanne ekasmim kulagehe
 nibbato sattavassikoyeva arahattaṃ patvā pubbe

katakusalakammaṃ saritvā somanassajāto pubbacaritāpadānaṃ pakāsentō **ajjhāyako mantadharoti**-ādimāha. Tattha ajjheti cintetīti ajjhāyi, ajjhāyiveva ajjhāyako. Ettha hi akāro “paṭisedhe vuddhitabbhāve -pa- akāro virahappake”ti evaṃ vuttesu dasasu atthesu tabbhāve vattati. Sissānaṃ savanadhāraṇādivasena hitaṃ ajjheti cinteti sajjhāyaṃ karotīti **ajjhāyako**, cintakoti attho. Ācariyassa santike uggahitaṃ sabbaṃ mantāṃ manena dhāreti pavattetīti **mantadharo**. **Tiṇṇaṃ vedāna pāragūti** vedaṃ vuccati ṇāṇaṃ, vedena veditabbā bujjhitabbāti vedā, iruvedayajuvedasāmedasāṅkhātā tayo ganthā, tesāṃ vedānaṃ pāraṃ pariyoṣānaṃ koṭiṃ gato pattoti pāragū. Sesāṃ pākaṭamevāti.

Phaladāyakatthera-apadānavañṇanā samattā.

8. Nāṇasaññikatthera-apadānavañṇanā

Pabbate Himavantamhīti-ādikaṃ āyasmato Nāṇasaññikattherassa apadānaṃ. Ayampi purimabuddhesu katādhikāro tasmim tasmim uppannuppanne bhava vivatṭūpanissayāni puñṇāni upacinanto Vipassissa Bhagavato kāle kulagehe nibbato vuddhippatto gharāvāsaṃ pahāya tāpasapabbajjāṃ pabbajitvā Himavantassa avidūre pabbatantare pañṇasālaṃ kāretvā pañcābhiññā-aṭṭhasamāpattiyo nibbattetvā vasanto ekadivasāṃ parisuddhaṃ paṇḍaraṃ pulinatalaṃ disvā “īdisā parisuddhā Buddhā, īdisaṃva parisuddhaṃ Buddhañāṇaṃ”ti Buddhañca tassa ṇāṇaṅca anussari thomesi ca.

84. So tena puñṇena devamanussesu saṃsaranto ubhayasampattiyo anubhavitvā imasmim Buddhuppāde ekasmim kulagehe nibbato viññutaṃ patvā sāsane pabbajitvā na cirasseva arahattaṃ patto pubbe katapuñṇaṃ anussarivā somanassajāto pubbacaritāpadānaṃ pakāsentō “pabbate Himavantamhī”ti-ādimāha. **Pulinaṃ sobhanaṃ disvāti** paripuñṇakataṃ viya pulākārena parisodhitākārena pavattaṃ ṭhitanti pulinaṃ,

sobhanam vālukam disvā seṭṭham Buddhān anussarinti attho. Sesam suviññeyyamevāti.

Ñānasañnikatthera-apadānavaṇṇanā samattā.

9. Gaṇṭhipupphiyatthera-apadānavaṇṇanā

Suvaṇṇavaṇṇo Sambuddhoti-ādikaṃ āyasmato Gaṇṭhipupphiyattherassa apadānam. Ayampi purimabuddhesu katādhikāro anekāsu jātisu katapuññasañcayo Vipassissa Bhagavato kāle ekasmiṃ kulagehe nibbatto upabhogaparibhogehi anūno ekadivasam Vipassim Bhagavantaṃ saganam disvā pasannamānaso lājāpañcamehi pupphehi pūjesi. So teneva cittappasādena yāvatāyukam thatvā tato devaloke nibbatto dibbasampattim anubhavitvā aparabhāge manussesu manussasampattim anubhavitvā imasmim Buddhuppāde ekasmiṃ kulagehe nibbatto saddhājāto pabbajitvā na cirasseva arahattam pāpuṇi.

91. So ekadivasam pubbe katapuññam saritvā somanassajāto “iminā kusalenāham nibbānam patto”ti pubbacaritāpadānam pakāsentto **suvaṇṇavaṇṇo Sambuddhoti-**ādimāha. Tam sabbam heṭṭhā vuttanayattā uttānatthamevāti.

Gaṇṭhipupphiyatthera-apadānavaṇṇanā samattā.

10. Padumapūjakatthera-apadānavaṇṇanā

Himavantassāvidūreti-ādikaṃ āyasmato Padumapūjakattherassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle brāhmaṇakule nibbatto viññutam patvā sakasippe nipphattim patvā tattha saram apassanto Buddhuppattito puretaram uppanattā ovādānusāsanam alabhitvā gharāvāsam pahāya isipabbajjam pabbajitvā Himavantassa avidūre

Gotamakaṃ nāma pabbataṃ nissāya assamaṃ kāretvā pañcābhiññā aṭṭha samāpattiyo nibbattetvā jhānasukheneva vihāsi. Tadā Padumuttaro Bhagavā Buddho hutvā satte saṃsārato uddharanto tassānukampāya Himavantam agamāsi. Tāpaso Bhagavantam disvā pasannamānaso sakasisse samānetvā tehi padumapupphāni āharāpetvā pūjesi. So tena puññaena devamanussesu saṃsaranto ubhayasampattiyo anubhavitvā imasmiṃ Buddhuppāde Sāvatthiyam kulagehe nibbatto saddho pasanno pabbajitvā na cirasseva arahā ahoṣi.

97. So attano puññakammaṃ saritvā somanassajāto pubbacaritāpadānaṃ pakāsentō **Himavantassāvidūreti**-ādimāha. **Gotamo nāma pabbatoti** anekesaṃ yakkhadevatānaṃ āvāsabhāvena adhiṭṭhānavasena Gotamassa bhavanattā Gotamoti pākaṭo ahoṣi. Pavattati tiṭṭhatīti pabbato. **Nāgarukkhehi sañchannoti** ruhati tiṭṭhatīti rukkho. Atha vā pathaviṃ khananto uddham ruhatīti rukkho, nānā anekappakārā campakakappūranāga-agarucandanādayo rukkhatī nānārukkḥā, tehi nānārukkhehi sañchanno parikiṇṇo Gotamo pabbatoti sambandho. **Mahābhūtagaṇālayoti** bhavanti jāyanti uppajjanti vaḍḍhanti cāti bhūtā, mahantā ca te bhūtā cāti mahābhūtā, mahābhūtānaṃ gaṇo samūhoti mahābhūtagaṇo, mahābhūtagaṇassa ālayo patiṭṭhāti mahābhūtagaṇālayo.

98. **Vemajjhamhi ca tassāsīti** tassa Gotamassa pabbatassa vemajjhe abbhantare assamo abhinimmīto nipphādito katoti attho. Sesam uttānamevāti.

Padumapūjakatthera-apadānavaṇṇanā samattā.

Terasamavaggavaṇṇanā samattā.

14. Sobhitavagga

1. Sobhitatthera-apadānavaṇṇanā

Padumuttaro nāma Jinoti-ādikaṃ āyasmato Sobhitattherassa apadānaṃ. Ayampi purimabuddhesu katādhikāro tattha tattha bhava vivatṭūpanissayāni puññāni upacinanto Padumuttarassa Bhagavato kāle ekasmiṃ kulagehe nibbatto viññutaṃ patto gharāvāsaṃ saṅṭhapetvā ekadivasam Sathhārā dhamme desiyamāne somanassena pasannamānaso nānappakārehi thomesi. So teneva somanassena kālam katvā devesu nibbatto tattha dibbasukham anubhavitvā manussesu ca manussasukham anubhavitvā imasmiṃ Buddhuppāde Sāvattiyam kulagehe nibbatto sattavassikova pabbajitvā na cirasseva chaḷabhiñño arahā ahoṣi.

1. So aparabhāge attano pubbakammaṃ saritvā somanassajāto pubbacaritāpadānaṃ pakāsento **Padumuttaro nāma Jinoti-**ādimāha. Taṃ sabbaṃ heṭṭhā vuttanayattā suviññeyyamevāti.

Sobhitatthera-apadānavaṇṇanā samattā.

2. Sudassanatthera-apadānavaṇṇanā

Vitthatāya nadītireti-ādikaṃ āyasmato Sudassanattherassa apadānaṃ. Ayampi purimajinavaresu katādhikāro tattha tattha bhava katapuññūpacayo Sikhissa Bhagavato kāle kulagehe nibbatto vuddhippatto gharāvāsaṃ saṅṭhapetvā vasanto Vitthatāya nāma gaṅgāya samīpe pilakkhuphalitaṃ pariyesanto tassā tīre nisinnaṃ jalamāna-aggisikham iva Sikhim Sammāsambuddham disvā pasannamānaso ketakīpuppham vaṇteneva chinditvā pūjento evamāha “bhante yena nāṇena tvaṃ evaṃ mahānubhāvo Sabbaññubuddho jāto, taṃ nāṇam aham pūjemī”ti. Atha Bhagavā anumodanamakāsi. So tena puññena devamanussesu jāto ubhayasampattiyo anubhavitvā imasmiṃ Buddhuppāde ekasmiṃ kulagehe nibbatto Sathhari pasanno pabbajitvā na cirasseva arahā ahoṣi.

10. So attano katakusalam saritvā somanassajāto pubbacaritāpadānaṃ pakāseno **Vitthatāya nadītī**reti-ādimāha. Tattha **Vitthatāyā**ti vittharati pattharati vitthiṇṇā hotīti vitthatā, nadanti saddaṃ karonti itā gatā pavattāti nadī, nadiṃ tarantā etaṃ patvā tiṇṇā nāma hontīti tīraṃ, tassā Vitthatāya nadiyā tīre tīrasamīpeti attho. **Ketakiṃ papphitam disvā**ti kucchitākārena gaṇhantānaṃ hatthaṃ kaṇḍako chindati vijjhatīti ketam, ketassa esā ketakīpuppham, taṃ disvā vaṇḍam chinditvāti sambandho.

11. **Sikhino lokabandhunoti** sikhī vuccati aggi, sikhīsadisā nīlapītādibhedā jalamānā chabbaṇṇaghanaramsiyo yassa so sikhī, lokassa sakalalokattayassa bandhu nātakoti lokabandhu, tassa Sikhino lokabandhuno ketakīpuppham vaṇḍe chinditvā pūjesinti sambandho. Sesam uttānatthamevāti.

Sudassanatthera-apadānavañṇanā samattā.

3. Candanapūjanakatthera-apadānavañṇanā

Candabhāgānadītīreti-ādikaṃ āyasmato Candanapūjanakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puñṇāni upacinanto Atthadassissa Bhagavato kāle Himavante Candabhāgānadiyā samīpe kinnarayoniyam nibbatto pupphabhakkho pupphanivasano candana-agaru-ādīsu gandhavibhūsito Himavante bhummadevatā viya uyyānakīḷajalakīḷadi-anekasukham anubhavanto vāsam kappesi. Tadā Atthadassī Bhagavā tassanukampāya Himavantam gantvā ākāso oruyha saṃghāṭim pañṇāpetvā nisīdi. So kinnaro taṃ Bhagavantam vijjotamānaṃ tattha nisinnaṃ disvā pasannamānaso sugandhacandanena pūjesi. Tassa Bhagavā anumodanaṃ akāsi.

17. So tena puñṇena tena somanassena yāvatāyukaṃ ṭhatvā tato cuto devaloke nibbatto aparāparam cha kāmāvacarasampattiyo anubhavitvā manussesu cakkavattirajjapadesarajjasampattiyo

anubhavitvā imasmim Buddhuppāde kulagehe nibbatto viññutaṃ patto pabbajitvā nacirasseva arahattaṃ patvā attano pubbakammaṃ saritvā somanassajāto pubbacaritāpadānaṃ pakāsentō **Candabhāgānadītireti-**ādimāha. Tattha candamāṇaṃ manamāṇaṃ rucimāṇaṃ ajjhāsayaṃ ñatvā viya jātoti cando. Candamaṇḍalena pasannanimmalodakena ubhosu passesu muttādalaśadisaśantheradhavalapulinalena ca samannāgatattā candena bhāgā sadisāti Candabhāgā, tassā Candabhāgāya nadiyā tīre samīpeti attho. Sesamā sabbamā heṭṭhā vuttanayattā suviññeyyamevāti.

Candanapūjanakatthera-apadānavañṇanā samattā.

Aṭṭhamabhānavāraṇṇanā samattā.

4. Pupphacchadaniyatthera-apadānavañṇanā

Sunando nāma nāmenāti-ādikaṃ āyasmato Pupphacchadaniyattherassa apadānaṃ. Ayampi purimabuddhesu katādhikāro anekesu bhavesu vivaṭṭūpanissayāni puññāni upacinanto Padumuttarassa Bhagavato kāle brāhmaṇakule nibbatto viññutaṃ patvā sakasippesu nipphattiṃ patto mahābhāgo mahāyaso dānābhīrato ahoṣi. Ekadivasamā so “sakalajambudīpe ime yācakā nāma ‘ahamā dānaṃ na laddhosmī’ti vattuṃ mā labhantū”ti mahādānaṃ sajjesi. Tadā Padumuttaro Bhagavā saporivāro ākāseṇa gacchati. Brāhmaṇo taṃ disvā pasannacitto sakasisse pakkosāpetvā pupphāni āharāpetvā ākāse ukkhipitvā pūjesi. Tāni sakalanagaraṃ chādetvā satta divasāni aṭṭhamāsu.

26. So tena puññakammaṇa devamanussesu sukhamā anubhavitvā imasmim Buddhuppāde Sāvattiyamā ekasmim kulagehe nibbatto saddhājāto pabbajitvā khurageyeva arahattaṃ patvā attano pubbakammaṃ saritvā somanassajāto pubbacaritāpadānaṃ pakāsentō **Sunando nāma nāmenāti-**ādimāha. Tamā heṭṭhā vuttanayattā suviññeyyamevāti.

Pupphacchadaniyatthera-apadānavañṇanā samattā.

5. Rahosaññakatthera-apadānavaṇṇanā

Himavantassāvidūreti-ādikaṃ āyasmato Rahosaññakattherassa apadānaṃ. Ayampi purimabuddhesu katādhikāro tattha tattha bhve vivatṭūpanissayāni puññāni upacinanto ekasmiṃ Buddhasuññakāle Majjhimadese brāhmaṇakule nibbatto vuddhimanvāya sakasippesu nipphattiṃ patvā tattha sāraṃ apassanto kevalaṃ udaraṃ pūretvā kodhamadamānādayo akusaleyeva disvā gharāvāsaṃ pahāya Himavantaṃ pavisitvā isipabbajjaṃ pabbajitvā anekatāpasasataparivāro Vasabhapabbatasamīpe assamaṃ māpetvā tīṇi vassasahassāni Himavanteyeva vasamāno “ahaṃ ettakānaṃ sissānaṃ ācariyoti sammato garuṭṭhāniyo garukātabbo vandanīyo, ācariyo me natthi”ti domanassappatto te sabbe sisse sannipātetvā Buddhānaṃ abhāve nibbānādhigamābhāvaṃ pakāsetvā sayāṃ ekako raho vivekaṭṭhāneva nisinno Buddhassa sammukhā nisinno viya Buddhasaññaṃ manasi karitvā Buddhārammaṇaṃ pītiṃ uppādetvā sālāyaṃ pallaṅkaṃ ābhujitvā nisinno kālaṃ katvā brahmaloke nibbatti.

34. So tattha jhānasukhena ciraṃ vasitvā imasmiṃ Buddhuppāde kulagehe nibbatto kāmesu anallīno sattavassiko pabbajitvā khuraggeyeva arahattaṃ patvā chaḷabhiñño hutvā pubbenivāsaññaṇena attano pubbakammaṃ saritvā sañjātasomanasso pubbacaritāpadānaṃ pakāseto **Himavantassāvidūreti**-ādimāha. **Vasabho nāma pabbatoti** Himavantapabbataṃ vinā sesapabbatānaṃ uccatarabhāvena seṭṭhatarabhāvena vasabhoti saṅkhaṃ gato pabbatoti attho. Sesāṃ sabbattha uttānatthamevāti.

Rahosaññakatthera-apadānavaṇṇanā samattā.

6. Campakapupphiyatthera-apadānavaṇṇanā

Kaṇikāraṃva jotantanti-ādikaṃ āyasmato Campakapupphiyattherassa apadānaṃ. Ayampi purimabuddhesu katādhikāro tattha tattha bhve vivatṭūpanissayāni puññāni upacinanto Vessabhussa Bhagavato kāle

brāhmaṇakule nibbatto vuddhippattro sakasippesu nipphattiṃ patvā tattha sāraṃ apassanto gharāvāsaṃ pahāya tāpasapabbajjāṃ pabbajitvā vanantare vasanto Vessabhuṃ Bhagavantaṃ uddissa sissehi ānītehi campakapupphehi pūjesi. Bhagavā anumodanaṃ akāsi. So teneva kusalena devamanussesu saṃsaranto ubhayasampattiyo anubhavitvā imasmīṃ Buddhuppāde kulagehe nibbatto viññutaṃ pāpuṇitvā pubbavāsanābalena gharāvāse anallīno pabbajitvā na cirasseva arahā ahoṣi.

41. So aparabhāge attano pubbapuññakammaṃ saritvā somanassajāto pubbacaritāpadānaṃ pakāsento **kaṇṇikāraṃva jotantanti**-ādimāha. Tattha **kaṇṇikāraṃti** sakalapattapalāsāni paribhajja pātetvā pupphagahaṇasamaye kaṇṇikābaddho hutvā pupphamakuḷānaṃ gahaṇato kaṇṇikākārena pakatoti kaṇṇikāro, “kaṇṇikāro”ti vattabbe niruttinayena ekassa pubbaṇakārassa lopaṃ katvā “kaṇṇikāraṃ”ti vuttanti daṭṭhabbaṃ. Taṃ pupphitaṃ kaṇṇikārarukkhaṃ iva jotantaṃ Buddhaṃ addasanti attho. Sesāṃ uttānatthamevāti.

Campakapupphiyatthera-apadānavañṇanā samattā.

7. Atthasandassakatthera-apadānavañṇanā

Visālamāle āsīnoti-ādikaṃ āyasmato Atthasandassakattherassa apadānaṃ. Ayampi purimabuddhesu katādhikāro anekesu attabhāvesu katapuññūpacayo Padumuttarassa Bhagavato kāle brāhmaṇakule nibbatto vuddhimanvāya sakasippesu nipphattiṃ patto tattha sāraṃ apassanto gehaṃ pahāya Himavantaṃ gantvā ramaṇīye thāne paṇṇasālaṃ katvā paṭivasati, tadā sattānukampāya Himavantamāgataṃ Padumuttarabhagavantaṃ disvā pasannamānaso pañcaṅgasamannāgato vanditvā thutivacanehi thomesi. So tena puññena yāvatāyukaṃ katvā kālaṅkatvā brahmalokūpago ahoṣi. So aparabhāge imasmīṃ Buddhuppāde kulagehe nibbatto viññutaṃ patto Satthu dhammadesanaṃ sutvā paṭiladdhasaddho pabbajitvā arahattaṃ pāpuṇi.

47. So attano pubbakammaṃ saritvā somanassajāto pubbacaritāpadānaṃ pakāsento **visālamāḷe āsīnoti**-ādimāha. Tattha **visālamāḷe**ti visālaṃ patthaṃ vitthiṇṇaṃ mahantaṃ māḷaṃ visālamāḷaṃ, tasmim̐ visālamāḷe **āsīno** nisinno ahaṃ Lokanāyakaṃ addasanti sambandho. Sesam̐ suviññeyyamevāti.

Atthasandassakatthera-apadānavañṇanā samattā.

8. Ekapasādaniyatthera-apadānavañṇanā

Nārado iti me nāmanti-ādikaṃ āyasmato Ekapasādaniyattherassa apadānaṃ. Ayampi purimabuddhesu katādhikāro anekāsu jātīsu katakusalo Atthadassissa Bhagavato kāle brāhmaṇakule nibbato Kesavoti pākaṭo hutvā viññutaṃ patvā gharāvāsaṃ pahāya pabbajitvā vasanto ekadivasaṃ Satthu dhammadesanaṃ sutvā pasannamānaso añjaliṃ paggayha ativiya pītisomanassajāto pakkāmi. So yāvatāyukaṃ ṭhatvā teneva somanassena kālaṃ katvā devesu nibbattho tattha dibbasampattiṃ anubhavitvā manussesu uppanno tattha sampattiyo anubhavitvā imasmim̐ Buddhuppāde aññatarasmim̐ kulagehe nibbato vuddhippatto Satthari pasīditvā pabbajito na cirasseva arahā ahoṣi.

55. So aparabhāge attano katakusalakammaṃ saritvā somanassajāto pubbacaritāpadānaṃ pakāsento **Nārado iti me nāmanti**-ādimāha. Tattha **nāradoti** jātivasena suddhasarīrattā natthi rajo dhūli malaṃ etassāti Nārado, jakārassa dakāraṃ katvā Nāradoti kuladattikaṃ nāmaṃ. **Kesavoti** kisavacchagotte jātattā Kesavo Nāradakesavo iti maṃ janā **vidū** jānantīti attho. Sesam̐ pākaṭamevāti.

Ekapasādaniyatthera-apadānavañṇanā samattā.

9. Sālapupphadāyakatthera-apadānavaṇṇanā

Migarājā tadā āsinti-ādikaṃ āyasmato Sālapupphadāyakattherassa apadānaṃ. Ayampi purimabuddhesu katādhikāro tattha tattha bhava katakulasalasañcayo kenaci kammacchiddena Himavante sīhayoniyam nibbatto anekasīhparivāro vihāsi. Tadā Sikhī Bhagavā tassānukampāya Himavantam agamāsi. Sīho tam upagatam disvā pasannamānaso sākhabhaṅgena sakaṇṇikasālapuppham gahetvā pūjesi. Bhagavā tassa anumodanam akāsi.

60. So tena puññaena devamanussesu saṃsaranto ubhayasampattiyo anubhavitvā imasmim Buddhuppāde ekasmim kulagehe nibbatto viññutam patvā Satthari pasanno pabbajitvā arahattam patto attano pubbakammaṃ saritvā somanassajāto pubbacaritāpadānam pakāsento **migarājā tadā āsinti-**ādimāha. Tattha maraṇam gacchantīti migā, atha vā ghāsam magganti gavesantīti migā, migānam rājā migarājā. Sakalacattuppādānam rajabhāve satipi gāthābandhasukhattham mige ādim katvā migarājāti vuttam. Yadā Bhagavantam disvā sapuppham sālasākham bhañjitvā pūjesim, tadā aham migarājā ahosinti attho.

62. **Sakosam pupphamāharinti** sakaṇṇikam sālapuppham āharim pūjesinti attho. Sesam uttānatthamevāti.

Sālapupphadāyakatthera-apadānavaṇṇanā samattā.

10. Piyālaphaladāyakatthera-apadānavaṇṇanā

Parodhako tadā āsinti-ādikaṃ āyasmato Piyālaphaladāyakattherassa apadānam. Ayampi purimabuddhesu katādhikāro tattha tattha bhava vivattūpanissayāni puññāni upacinanto Sikhissa Bhagavato kāle nesādakule nibbatto Himavante ekasmim pabbhāre mige vadhitvā jīvikam kappetvā vasati. Tasmim kāle tattha gataṃ Sikhim Bhagavantam disvā pasannamānaso sāyam pātam namassamāno kañci deyyadhammam apassanto

madhurāni piyālapthalāni uccinitvā adāsi. Bhagavā tāni paribhuñji. So nesādo Buddhārammaṇāya pītiyā nirantaram phutṭhasarīre pāpakamme virattacitto mūlapthalāhāro na cirasseva kālam katvā devaloke nibbatti.

66. So tattha dibbasampattiyo anubhavitvā manussesu ca anekavidhasampattiyo anubhavitvā imasmim Buddhuppāde gahapatikule nibbatto viññutam patto gharāvāsam saṅghapetvā tattha anabhirato geham pahāya Satthu santike pabbajitvā vipassanam vaḍḍhetvā na cirasseva arahattam patto attano kataphaladānakammaṃ saritvā somanassajāto pubbacaritāpadānam pakāsento **parodhako tadā āsinti**-ādimāha. Tattha yadā aham piyālapthalam datvā cittam pasādesim, tadā aham parodhako āsinti sambandho. **Parodhakoti** parasattarodhako vihesako. “Pararodhako”ti vattabbe pubbassa rakārassa lopaṃ katvā “parodhako”ti vuttam.

69. **Paricārim vināyakanti** tam nibbānapāpakam Sathhāram “bhante imam phalam paribhuñjathā”ti pavārim nimantesim ārādhesinti attho. Sesam suviññeyyamevāti.

Piyālapthaladāyakatthera-apadānavañṇanā samattā.

Cuddasamavaggavañṇanā samattā.

15. Chattavagga

1. Atichattiyatthera-apadānavañṇanā

Parinibbute Bhagavatīti-ādikaṃ āyasmato Atichattiyattherassa apadānam. Ayampi purimabuddhesu katādhikāro tattha tattha bhava vivaṭṭūpanissāyāni puññāni upacinanto Atthadassissa Bhagavato kāle ekasmim kulagehe nibbatto dharamānassa Bhagavato adiṭṭhattā parinibbutakāle “aho mama parihānī”ti cintetvā “mama jātim saphalam karissāmī”ti katasanniṭṭhāno chattādhichattam kāretvā tassa Bhagavato sarīradhātum nihitadhātugabbham pūjesi. Aparabhāge pupphacchattam kāretvā tameva

dhātugabbhaṃ pūjesi. So teneva puññaena devamanussesu saṃsaranto ubhayasampattiyo anubhavitvā imasmim Buddhuppāde gahapatikule nibbato viññutaṃ patto Satthari pasanno pabbajitvā kammaṭṭhānaṃ gahetvā vāyamanto na cirasseva arahattaṃ pāpuṇi.

1. So attano pubbakammaṃ saritvā somanassajāto pubbacaritāpadānaṃ pakāsento **parinibbute Bhagavatīti-ādimāha**. Tattha **chattāichattanti** chādiyati saṃvariyati ātapādinti chattaṃ, chattaṃ atichattaṃ chattaṃ upari katachattaṃ chattaichattaṃ, chattaṃ uparūpari chattaṃ attho. **Thūpamhi abhiropayinti** thūpiyati rāsikariyātīti thūpo, atha vā thūpati thirabhāvena vuddhiṃ virūḷhiṃ vepullaṃ āpajjamāno patiṭṭhātīti thūpo, tasmim thūpamhi mayā kāritaṃ chattaṃ uparūpari ṭhapanavasena abhi visesena āropayim pūjesinti attho.

2. **Pupphacchadanaṃ katvānāti** vikasitehi sugandhehi anekehi pupphehi chadanaṃ chattaupari vitānaṃ katvā pūjesinti attho. Sesam sabbattha uttānatthamevāti.

Atichattiyatthera-apadānavañṇanā samattā.

2. Thambhāropakatthera-apadānavañṇanā

Nibbute Lokanāthamhīti-ādikaṃ āyasmato Thambhāropakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṇi upacinanto Dhammadassissa Bhagavato kāle kulagehe nibbato saddho pasanno parinibbute Bhagavati tassa Bhagavato dhātugabbhamāḷake thambhaṃ nikhanitvā dhajam āropesi. Bahūni jātisumanapupphāni ganthitvā nisseṇiyā ārohitvā pūjesi.

5. So yāvatāyukaṃ ṭhatvā kālam katvā devamanussesu saṃsaranto ubhayasampattiyo anubhavitvā sabbattha pūjito imasmim Buddhuppāde ekasmim kulagehe nibbato daharakālato pabhuti pūjanīyo sāsane baddhasaddho pabbajitvā saha paṭisambhidāhi arahattaṃ

patto attano pubbakammaṃ saritvā somanassajāto pubbacaritāpadānaṃ pakāsentō **nibbute Lokanāthamhīti**-ādimāha. Tattha **nibbute Lokanāthamhīti** sakalalokassa Nāthe padhānabhūte paṭisaraṇe ca Satthari khandhaparinnibbānena nibbute nibbutadīpasikhā viya adassanaṃ gateti attho. **Dhammadassīnarāsabheti** catusaccadhammaṃ passatīti dhammadassī, atha vā satipaṭṭhānadike sattatimsabodhipakkhiyadhamme dassanasīlo passanasīloti dhammadassī, narānaṃ āsabho pavaro uttamoti Narāsabho, dhammadassī ca so Narāsabho ceti Dhammadassīnarāsabho, tasmim̃ Dhammadassīnarāsabhe. **Āropesim̃ dhajam̃ thambhanti** cetiyamālake thambham̃ nikhanitvā tattha dhajam̃ āropesim̃ bandhitvā ṭhapesinti attho.

6. **Nisseṇim̃ māpayitvānāti** nissāya taṃ iṇanti gacchanti ārohanti uparīti nisseṇi, taṃ nisseṇim̃ māpayitvā kāretvā bandhitvā thūpaseṭṭham̃ samāruhinti sambandho. **Jātipupphaṃ gahetvānāti** jāyamānameva janānaṃ sundaraṃ manaṃ karotīti jātisumanam̃, jātisumanameva pupphaṃ “jātisumanapupphan”ti vattabbe gāthābandhasukhattham̃ sumanasaddassa lopaṃ katvā “jātipupphan”ti vuttam̃, taṃ jātisumanapupphaṃ gahetvā ganthitvā thūpamhi āropayim̃, āropetvā pūjesinti attho. Sesam̃ suviññeyyamevāti.

Thambhāropakatthera-apadānavañṇanā samattā.

3. Vedikārakatthera-apadānavañṇanā

Nibbute Lokanāthamhīti-ādikaṃ āyasmato Vedikārattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto Piyadassissa Bhagavato kāle vibhavasampanne ekasmim̃ kule nibbato viññutaṃ patvā gharāvāsaṃ saṅṭhapetvā nibbute Satthari pasanno tassa cetiye valayaṃ kāresi, sattahi ratanehi paripūretvā mahāpūjam̃ kāresi. So tena puññena devamanussesu saṃsaranto anekesu jātisatasahassesu pūjanīyo mahaddhano mahābhogo ubhayaasukham̃ anubhavitvā imasmim̃ Buddhuppāde kulagehe nibbato vibhavasampanno pabbajitvā vāyamanto na cirasseva arahā ahoṣi.

10. So ekadivasam attano pubbe katakusalam saritvā somanassajāto pubbacaritāpadānam pakāsentō **nibbute Lokanāthamhīti**-ādimāha. Tam heṭṭhā vuttatthameva. **Piyadassīnaruttameti** piyam somanassākāram dassanam yassa so piyadassī, ārohapariṇāhadvattiṃsamahāpurisalakkhaṇa-sītānubyañjanabyāmapabhā-maṇḍalehi sādhu mahājanappasādam janayanākāradassanoti attho. Narānam uttamoti naruttamo, Piyadassī ca so narutthamo ceti Piyadassīnaruttamo, tasmim Piyadassīnaruttame nibbute dhātugabbhamhi muttavedim aham akāsinti sambandho. Pupphādhāratthāya pariyoṣāne vedikāvalayaṃ akāsinti attho.

11. **Maṇīhi parivāretvāti** maṇati jotati pabhāsatīti maṇi, atha vā janānam manam pūrento somanassam karonto ito gato pavattoti maṇi, jātiraṅgamaṇiveḷuriyamaṇi-ādīhi anekehi maṇīhi katavedikāvalayaṃ parivāretvā uttamaṃ mahāpūjam akāsinti attho. Sesam uttānatthamevāti.

Vedikāratthera-apadānavañṇanā samattā.

4. Saparivāriyatthera-apadānavañṇanā

Padumuttaro nāma Jinoti-ādikaṃ āyasmato Saparivāriyattherassa apadānam. Ayampi purimabuddhesu katādhikāro anekāsu jātīsu vivaṭṭūpanissayāni puñṇāni upacinanto Padumuttarassa Bhagavato kāle kulagehe nibbatto viññutaṃ patto mahaddhano mahābhogo ahoṣi. Atha Padumuttare Bhagavati parinibbute mahājano tassa dhātum nidahitvā mahantaṃ cetiyam kāretvā pūjesi. Tasmim kāle ayam upāsako tassupari candanasārena cetiyagharam karitvā mahāpūjam akāsi. So teneva puñṇena devamanussesu saṃsaranto ubhayasampattiyo anubhavitvā imasmim Buddhuppāde ekasmim kulagehe nibbatto vuddhimanvāya kusalam katvā saddhāya sāsane pabbajitvā na cirasseva arahā ahoṣi.

15-8. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **Padumuttaro nāma Jinoti-**ādimāha. Tattha **omattanti** lāmakabhāvaṃ nīcabhāvaṃ dukkhitabhāvaṃ vā na passāmi na jānāmi, na diṭṭhapubbo mayā nīcabhāvoti attho. Sesam pākaṭamevāti.

Saparivāriyatthera-apadānavañṇanā samattā.

5. Umāpupphiyatthera-apadānavañṇanā

Nibbute lokamahiteti-ādikaṃ āyasmato Umāpupphiyattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Siddhatthassa Bhagavato kāle kulagehe nibbato vuddhippatto gharāvāsam saṅghapetvā vasanto nibbutassa Bhagavato cetiyamahe vattamāne indanīlamanīvañṇaṃ umāpupphaṃ gahetvā pūjesi. So tena puññena sugatīsuyeva saṃsaranto dībbamānusasampattiyo anubhavitvā uppannuppannabhava bahulaṃ nīlavanṇo jātisampanno vibhavasampanno ahosi. So imasmim Buddhuppāde vibhavasampanne ekasmim kulagehe nibbato viññutaṃ patvā saddhājāto pabbajito na cirasseva arahattaṃ pāpuṇi.

21. So pubbakammaṃ saritvā somanassajāto pubbacaritāpadānaṃ pakāsentō **nibbute lokamahiteti-**ādi vuttaṃ. Tattha **lokamahiteti** lokehi mahito pūjitoti lokamahito, tasmim lokamahite Siddhatthamhi Bhagavati parinibbuteti sambandho. **Āhutīnaṃpaṭiggaheti** āhutino vuccanti pūjāsakkārā, tesam āhutīnaṃ paṭiggahetuṃ arahatīti āhutīnaṃpaṭiggaho, aluttakitantasamāso, tasmim āhutīnaṃpaṭiggaha Bhagavati parinibbuteti attho.

22. **Umāpupphanti** uddhamuddham nīlapabham muñcamānaṃ pupphati vikasatīti umāpupphaṃ, taṃ umāpupphaṃ gahetvā cetiye pūjaṃ akāsinti attho. Sesam uttānatthamevāti.

Umāpupphiyatthera-apadānavañṇanā samattā.

6. Anulepadāyakatthera-apadānavaṇṇanā

Anomadassīmuninoti-ādikaṃ āyasmato Anulepadāyakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Anomadassissa Bhagavato kāle kulagehe nibbato mahaddhano mahābhogo tassa Bhagavato Bodhirukkhasa vedikāvalayaṃ kāretvā sudhākammañca kāretvā vālukasantharaṇaṃ daddaḍhamānaṃ rajatavimānamiva kāresi. So tena puññena sukhappatto uppannuppannabhava rajatavimānaratageharajatapāsādesu sukhamanubhavitvā imasmiṃ Buddhuppāde kulagehe nibbato viññutaṃ patvā Satthari pasanno pabbajitvā vipassanamanuyutto na cirasseva arahā ahoṣi.

26. So aparabhāge “kiṃ nu kho kusalaṃ katvā mayā ayaṃ viseso adhigato”ti pubbenivāsānussatiñāṇena paṭipāṭiyā anussarivā pubbe katakusalaṃ jānitvā somanassajāto pubbacaritāpadānaṃ pakāseto **Anomadassīmuninoti**-ādimāha. Tattha anomaṃ alāmaṃ dassanaṃ dassanīyaṃ sarīraṃ yassa so Anomadassī, dvattimsamahāpurisalakkhaṇa-asītānubyañjanabyāmapabhāsamujjalavirājjitasarīrattā sundaradassanoti attho. **Sudhāya piṇḍaṃ datvānā**ti bodhighare vedikāvalayaṃ kāretvā sakale bodhighare sudhālepanaṃ katvāti attho. **Pāṇikammaṃ akāsahanti** sārakaṭṭhena phalakaṇḍiyo katvā tāhi pāṇihi maṭṭhakammaṃ akāsinti attho. Sesāṃ suviññeyyamevāti.

Anulepadāyakatthera-apadānavaṇṇanā samattā.

7. Maggadāyakatthera-apadānavaṇṇanā

Uttarivāna nadikanti-ādikaṃ āyasmato Maggadāyakattherassa apadānaṃ. Ayampi purimajinavaresu katādhikāro anekesu bhavesu nibbānādhigamattāya puññāni upacinanto Siddhatthassa Bhagavato kāle lokasammate kule nibbato vuddhimanvāya gharāvāsaṃ vasanto ekadivasaṃ Bhagavantaṃ ekaṃ nadiṃ uttarivā vanantaraṃ gacchantaṃ disvā pasannaṃānaso “idāni mayā Bhagavato maggaṃ samaṃ kātuṃ vaṭṭati”ti cintetvā kudālañca

piṭakañca ādāya Bhagavato gamanamaggaṃ samaṃ katvā vālukaṃ okiritvā Bhagavato pāde vanditvā “bhante iminā maggālaṅkāraḥaraṇena nibbattanibbattaṭṭhāne pūjanīyo bhaveyyaṃ, nibbānañca pāpuṇeyyaṃ”ti patthanam akāsi. Bhagavā “yuthādhippāyaṃ samijjhatū”ti anumodanaṃ vatvā pakkāmi.

32-3. So tena puññaena devamanussesu saṃsaranto sabbattha pūjito ahosi. Imasmiṃ pana Buddhuppāde pākaṭe ekasmiṃ kule nibbatto Satthari pasanno pabbajitvā vipassanaṃ vaḍḍhetvā na cirasseva arahattaṃ patvā attano pubbakammaṃ paccakkhato ñatvā somanassajāto pubbacaritāpadānaṃ pakāsentō **uttarivāna nadikanti**-ādimāha. Tattha nadati saddaṃ karoti gacchatīti nadī, nadiyeva nadikā, taṃ nadikaṃ uttaritvā atikkamitvāti attho. **Kudālapīṭakamādāyā**ti ku vuccati pathavī, taṃ vidālāne padālāne chindane alanti kudālaṃ, piṭakaṃ vuccati paṃsuvālikādivāhakaṃ, tālapaṇṇavettalatādīhi katabhājanaṃ, kudālañca piṭakañca kudālapīṭakaṃ, taṃ ādāya gahetvāti attho. Sesam uttānatthamevāti.

Maggadāyakatthera-āpadānavañṇanā samattā.

8. Phalakadāyakatthera-āpadānavañṇanā

Yānakāro pure āsinti-ādikaṃ āyasmato Phalakadāyakattherassa āpadānaṃ. Ayampi purimabuddhesu katādhikāro anekesu attabhāvesu katapuññasambhāro Siddhatthassa Bhagavato kāle vaḍḍhakikule nibbatto ratanattaye pasanno candanena ālambanaphalakaṃ katvā Bhagavato adāsi. Bhagavā tassānumodanaṃ akāsi.

37. So tena puññaena devamanussesu saṃsaranto sabbattha kāle cittasukhapīṇito ubhayasampattiyo anubhavitvā imasmiṃ Buddhuppāde kulagehe nibbatto viññutaṃ patvā Satthu dhammadesanaṃ sutvā sañjātappasādo pabbajitvā vāyamanto na cirasseva saha paṭisambhidāhi arahattaṃ patvā attano pubbakammaṃ saritvā somanassajāto pubbacaritāpadānaṃ

pakāsentō **yānakāro pure āsinti**-ādimāha. Tattha **yānakāro**ti yanti etena icchiticchitaṭṭhānanti yānaṃ, taṃ karotīti yānakāro, pure Buddhadassanasamaye ahaṃ yānakāro āsiṃ ahosinti attho. **Candanam phalakaṃ katvāti** candati pariḷāhaṃ vūpasametīti candanaṃ. Atha vā candanti sugandhavāsanatthaṃ sarīraṃ vilimpanti etenāti candanaṃ, taṃ ālambanaphalakaṃ katvā. **Lokabandhunoti** sakalalokassa bandhu nātibhūtoti lokabandhu, tassa lokabandhuno Satthussa adāsinti attho. Sesāṃ suviññeyyamevāti.

Phalakadāyakatthera-apadānavaṇṇanā samattā.

9. Vaṭṭasakiyatthera-apadānavaṇṇanā

Sumedho nāma nāmenāti-ādikaṃ āyasmato Vaṭṭasakiyattherassa apadānaṃ. Ayampi purimamunindesu katādhikāro tattha tattha bhava vivaṭṭūpanissayāni puññāni upacinanto Sumedhassa Bhagavato kāle kulagehe nibbato viññutaṃ patto gharāvāsaṃ saṅghapetvā tattha ādīnavaṃ disvā gehaṃ pahāya tāpasapabbajjaṃ pabbajitvā Mahāvane vihāsi. Tasmim samaye Sumedho Bhagavā vivekakāmatāya taṃ vanaṃ sampāpuṇi. Atha so tāpaso Bhagavantaṃ disvā pasannamānaso vikasitaṃ saḷalappupphaṃ gahetvā vaṭṭasakākārena ganthetvā Bhagavato pādamaṃle ṭhapetvā pūjesi. Bhagavā tassa cittappasādatthāya anumodanamakāsi. So tena puññena devamanussesu saṃsaranto ubhayasampattiyo anubhavitvā imasmim Buddhuppāde vibhavasampanne kule jāto vuddhimanvāya saddho pasanno pabbajitvā na cirasseva arahā ahosi.

43. So aparabhāge pubbakammaṃ saritvā somanassajāto pubbacaritāpadānaṃ pakāsentō **Sumedho nāma nāmenāti**-ādi vuttaṃ. **Vivekamanubrūhantoti** janākiṇṇataṃ pahāya janavivekaṃ cittavivekaṃcā anubrūhanto vaḍḍhento bahulīkaronto Mahāvanaṃ ajjhogāhi pāvisīti attho. Sesāṃ uttānatthamevāti.

Vaṭṭasakiyatthera-apadānavaṇṇanā samattā.

10. Pallaṅkadāyakatthera-apadānavañṇanā

Sumedhassa Bhagavatoti-ādikaṃ āyasmato Pallaṅkadāyakattherassa apadānaṃ. Ayampi purimabuddhesu katādhikāro anekesu bhavesu nibbānādhiḡamatthāya katapuññūpacayo Sumedhassa Bhagavato kāle gahapatikule nibbato vuddhimanvāya mahābhogasampanno Satthari pasīditvā dhammaṃ sutvā tassa Satthuno sattaratanamayaṃ pallaṅkaṃ kāretvā mahantaṃ pūjaṃ akāsi. So tena puññena devamanussesu saṃsaranto sabbattha pūjito ahoṣi. So anukkamena imasmiṃ Buddhuppāde vibhavasampanne ekasmiṃ kule nibbato viññutaṃ patto gharāvāsaṃ saṅṭhapetvā Satthu dhammadesanaṃ sutvā pasanno pabbajitvā na cirasseva arahattaṃ patvā pubbe katapuññanāmena **Pallaṅkadāyakattheroti** pākaṭo ahoṣi. Heṭṭhā viya¹ uparipi pubbe katapuññanāmena therānaṃ nāmāni evameva veditabbāni.

47. So ekadivasaṃ attano pubbakammaṃ saritvā somanassajāto pubbacaritāpadānaṃ pakāseṇto **Sumedhassa Bhagavatoti-**ādimāha. **Pallaṅko hi mayā dinnoti** pallaṅkaṃ ūrubaddhāsaṇaṃ katvā yattha upavīsanti nisīdanti, so pallaṅkoti vuccati, so pallaṅko sattaratanamayo mayā dinno pūjitoti attho. **Sa-uttarasapacchadoti**² saha uttaracchadena saha pacchadena sa-uttarasapacchado, uparivitānaṃ bandhitvā āsaṇaṃ uttamavatthehi acchādetvāti attho. Sesam pākaṭamevāti.

Pallaṅkadāyakatthera-apadānavañṇanā samattā.

Pannarasamavaggavañṇanā samattā.

16. Bandhujīvakavagga

1. Bandhujīvakatthera-apadānavañṇanā

Candaṃva vimalaṃ suddhanti-ādikaṃ āyasmato Bandhujīvakattherassa apadānaṃ. Ayampāyasmā purimabuddhesu katādhikāro tattha tattha bhava vivaṭṭūpanissayaṇi puññāni upacinanto Sikhissa Bhagavato kāle kulagehe

1. Heṭṭhāpi (I)

2. Sa-uttarisapacchadoti (Si)

nibbatto viññutaṃ patto gharāvāsaṃ saṅghapetvā vasanto Sikhissa
 Bhagavato rūpakāyasampattiṃ disvā pasannamānaso bandhujīvakapupphāni
 gahetvā Bhagavato pādamūle pūjesi. Bhagavā tassa
 cittappasādavaḍḍhanatthāya anumodanamakāsi. So yāvatāyukaṃ ṭhatvā
 teneva puññaena devaloke nibbatto cha kāmāvacarasampattiyo anubhavitvā
 manussesu ca cakkavatti-ādisampattiyo anubhavitvā imassa amhākaṃ
 Sammāsambuddhassa uppannakāle gahapatikule nibbatto
 rūpaggayasaggappatto Satthu dhammadesanaṃ sutvā saddhājāto gehaṃ
 pahāya pabbajito arahattaṃ pāpuṇi.

1. So pubbenivāsaññaena pubbe katakusalakammaṃ anussarivā
 somanassajāto pubbacaritāpadānaṃ pakāsentō **candaṃva vimalaṃ
 suddhanti**-ādimāha. Tattha **candaṃva vimalaṃ suddhanti** abbhā, mahikā,
 dhumo, rajo, rāhūti imehi upakkilesamalehi vimuttaṃ candaṃ iva
 diyaḍḍhasahassupakkilesamalānaṃ pahīnattā vimalaṃ nikkilesattā suddhaṃ
 pasannaṃ Sikhim Sambuddhanti sambandho. Kilesakaddamānaṃ abhāvena
anāvilaraṃ. Nandībhavasaṅkhātāya balavasnehāya¹ parisamantato khīṇattā
nandībhavaparikkhīnaṃ. **Tiṇṇaṃ loketi** lokattayato tiṇṇaṃ uttiṇṇaṃ
 atikkantaṃ. **Visattikanti** visattikaṃ vuccati taṇhā, nittaṇhanti attho.

2. **Nibbāpayantaṃ janantaṃ** dhammavassaṃ vassanto janantaṃ
 janasaṃmūhaṃ kilesapariḷāhābhāvena nibbāpayantaṃ vūpasantaṃ. Sayāṃ
 saṃsārato **tiṇṇaṃ**, sabbasatte saṃsārato **tārayantaṃ** atikkantaṃ catunnaṃ
 saccānaṃ munanato jānanato **Muniṃ** Sikhim Sambuddhanti sambandho.
Vanasmim jhāyamānanti ārammaṇūpanijjhānalakkhaṇūpanijjhānehi
 jhāyantaṃ cintentaṃ cittena bhāventāṃ vanamajjhetaṃ attho. **Ekaggaṃ**
 ekaggaḥcittaṃ **susamāhitaṃ** suṭṭhu ārammaṇe āhitaṃ ṭhapitacittaṃ Sikhim
 Muniṃ disvāti sambandho.

3. **Bandhujīvakapupphāni**ti bandhūnaṃ ñātīnaṃ jīvakaṃ jīvitanissayaṃ
 hadayamaṃsalohitaṃ bandhujīvakaṃ hadayamaṃsalohitasamānavaññaṃ
 pupphaṃ bandhujīvakapupphaṃ gahetvā Sikhino lokabandhuno pūjesinti
 attho. Sesāṃ uttānatthamevāti.

Bandhujīvakatthera-apadānavaññaṇā samattā.

1. Phalavisesāya (Sī)

2. Tambapupphiyatthera-apadānavaṇṇanā

Parakammāyane yuttoti-ādikaṃ āyasmato Tambapupphiyattherassa apadānaṃ. Ayampi āyasmā purimabuddhesu katādhikāro tattha tattha bhava vivaṭṭūpanissayāni puññāni upacinanto Piyadassissa Bhagavato kāle kenaci pure katena akusalakammena duggatakule nibbatto vuddhippatto paresaṃ kammaṃ katvā bhatiyā jīvikaṃ kappesi. So evaṃ dukkhena vasanto paresaṃ aparādham katvā maraṇabhayena palāyitvā vanaṃ pāvisi. Tattha gataṭṭhāne pāṭalibodhiṃ disvā vanditvā sammajjitvā ekasmiṃ rukkhe tambavaṇṇaṃ pupphaṃ disvā taṃ sabbaṃ kaṇṇike ocinitvā bodhipūjāṃ akāsi. Tattha cittaṃ pasādetvā vanditvā pallaṅkamābhujitvā nisīdi. Tasmīṃ khaṇe te manussā padānupadikaṃ anubandhitvā tattha agamaṃsu. So te disvā bodhiṃ āvajjentova palāyitvā bhayānake gīriduggapapāte patitvā mari.

7. So bhodhipūjāya anussaritattā teneva pītisomanassena Tāvatiṃsādīsu upapanno chakāmāvacarasampattiṃ anubhavitvā manussesu ca cakkavattī-ādisampattiṃ anubhavitvā imasmiṃ Buddhuppāde vibhavasampanne kule nibbatto vuddhippatto Satthu dhammadesanaṃ sutvā pasannamānaso pabbajitvā na cirasseva arahā hutvā attano pubbakammaṃ saritvā somanassajāto pubbacaritāpadānaṃ pakāsentō **parakammāyane yuttoti-**ādimāha. Tattha paresaṃ kammāni parakammāni, parakammānaṃ āyane karaṇe vāhane dhāraṇe yutto yojito ahosinti attho. Sesaṃ pākaṭamevāti.

Tambapupphiyatthera-apadānavaṇṇanā samattā.

3. Vīthisammajjakatthera-apadānavaṇṇanā

Udentāṃ sataraṃsīṃvāti-ādikaṃ āyasmato Vīthisammajjakattherassa apadānaṃ. Ayampi purimabuddhesu katādhikāro anekesu jātisatesu katapuññasañcayo Sikhissa Bhagavato kāle kulagehe nibbatto gharāvāsaṃ vasanto nagaravāsīhi saddhiṃ vīthiṃ sajjitvā nīyamānaṃ Bhagavantaṃ disvā pasannamānaso vīthiṃ samaṃ katvā dhajaṃ tattha ussāpesi.

15. So teneva puññaena devamanussesu saṁsaranto ubhayasampattiyo anubhavitvā imasmim Buddhuppāde ekasmim kule nibbato viññutaṁ patvā Satthu dhammadesanaṁ sutvā paṭiladdhasaddho bahumānahadayo pabbajitvā laddhūpasampado na cirasseva arahā hutvā attano pubbakammaṁ anussaranto paccakkhato jānitvā pubbacaritāpadānaṁ pakāsento **udentaṁ sataraṁsimvāti**-ādimāha. Tattha udentāṁ uggacchantaṁ sataraṁsim satapabhaṁ. **Sataraṁsīti** desanāsīsamattaṁ, anekasatasahassapabhaṁ sūriyaṁ ivāti attho. **Pītaraṁsimva bhāṇumanti** pītaraṁsim saṁkucitapabhaṁ bhāṇumaṁ pabhāvantaṁ candamaṇḍalaṁ iva Sambuddhaṁ disvāti attho. Sesāṁ suviññeyyamevāti.

Vīthisammajjakatthera-apadānavañṇanā samattā.

4. Kakkārupupphapūjakatthera-apadānavañṇanā

Devaputto ahaṁ santoti-ādikaṁ āyasmato

Kakkārupupphapūjakattherassa apadānaṁ. Ayampi purimabuddhesu katādhikāro tattha tattha bhava katapuññañcayo Sikhissa Bhagavato kāle bhummaṭṭhakadevaputto hutvā nibbato Sikhim Sammāsambuddhaṁ disvā dibbakakkārupupphaṁ gahetvā pūjesi.

21. So tena puññaena devamanussesu saṁsaranto ekatimsakappabbhantare ubhayasukhaṁ anubhavitvā imasmim Buddhuppāde Sāvatthiyaṁ kulagehe nibbato vuddhimanvāya Satthari pasanno pabbajitvā na cirasseva arahā hutvā attano pubbakammaṁ paccakkhato ñatvā somanassajāto pubbacaritāpadānaṁ pakāsento **devaputto ahaṁ santoti**-ādimāha. Tattha dibbanti kīḷanti pañcahi dibbehi kāmaguṇehīti devā, devānaṁ putto, devo eva vā putto **devaputto**, ahaṁ devaputto santo vijjamāno dibbaṁ kakkārupupphaṁ **paggayha** pakārena gahetvā Sikhissa Bhagavato **abhiropayim** pūjesinti attho. Sesāṁ uttānatthamevāti.

Kakkārupupphapūjakatthera-apadānavañṇanā samattā.

5. Mandāravapupphapūjakatthera-apadānavaṇṇanā

Devaputto ahaṃ santoti-ādikaṃ āyasmato

Mandāravapupphapūjakattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññāni upacinanto Sikhissa Bhagavato kāle bhummaṭṭhakadevaputto hutvā nibbatto Sikhim Bhagavantaṃ disvā pasannamānaso dibbamandāravapupphehi pūjesi.

25. So tena puññenāti-ādikaṃ sabbaṃ Anantarattherassa apadānavaṇṇanāya vuttanayeneva vedītabbanti.

Mandāravapupphapūjakatthera-apadānavaṇṇanā samattā.

6. Kadambapupphiyatthera-apadānavaṇṇanā

Himavantassāvidūreti-ādikaṃ āyasmato Kadambapupphiyattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto Sammāsambuddhasuññe loke ekasmiṃ kule nibbatto vuddhimanvāya gharāvāsaṃ vasanto tattha ādīnaṃ disvā gharāvāsaṃ pahāya tāpasapabbajjaṃ pabbajitvā Himavantasamīpe Kukkuṭe nāma pabbate assamaṃ katvā vihāsi. So tattha satta Paccekabuddhe disvā pasannamānaso pupphitaṃ kadambapupphaṃ ocinitvā te Paccekabuddhe pūjesi. Tepi “icchitaṃ patthitaṃ”ti-ādīnā anumodanaṃ akaṃsu.

30. So tena puññena devamanussesu saṃsaranto ubhayasampattiyo anubhavitvā imasmiṃ Buddhuppāde Sāvatthiyaṃ kulagehe nibbatto vuddhimanvāya Satthu dhammadesanaṃ sutvā paṭiladdhasaddho pabbajitvā na cirasseva arahā hutvā pubbakammaṃ saritvā somanassajāto pubbacaritāpadānaṃ pakāsento **Himavantassāvidūreti-ādīmāha**. Taṃ vuttatthameva. **Kukkuṭo nāma pabbatoti** tassa ubhosu passesu kukkuṭacūḷākārena pabbatakūṭānaṃ vijjamaṇattā Kuttuṭoti saṅkhaṃ gato. Pakārena tiro hutvā patiṭṭhahatīti pabbato. **Tamhi pabbatapādamaḥīti** tasmim pabbatasamīpe. **Satta Buddhā vasantīti** satta Paccekabuddhā tasmim Kukkuṭapabbatapāde paṇṇasālāyaṃ vasantīti attho.

31. **Dīparājamva uggatanti** dīpānaṃ rājā dīparājā, sabbesaṃ dīpānaṃ jalamānānaṃ tārakānaṃ rājā candoti attho. Atha vā sabbesu jambudīpapubbbavideha-aparagoyāna-uttarakurusaṅkhātesu catūsu dīpesu dvisahassaparittadīpesu ca rājā ālokapharaṇato cando dīparājāti vuccati, taṃ nabhe uggataṃ candam iva **pupphitaṃ** phullitaṃ kadambarukkhaṃ disvā tato pupphaṃ ocinitvā ubhoḥi hatthehi **paggayha** pakārena gahetvā satta paccakabuddhe **samokiriṃ** suṭṭhu okiriṃ, ādarena pūjesinti attho. Sesam uttānatthamevāti.

Kadambapupphiyatthera-apadānavaṇṇanā samattā.

7. Tīṇasūlakatthera-apadānavaṇṇanā

Himavantassāvidūreti-ādikaṃ āyasmato Tīṇasūlakattherassa apadānaṃ. Ayampi thero purimajinavaresu katapuññasambhāro uppannuppannabhava kusalāni upacinanto Sikhissa Bhagavato kāle kulagehe nibbato gharāvāsaṃ saṅṭhapetvā tattha dosaṃ disvā taṃ pahāya tāpasapabbajjaṃ pabbajitvā vasanto Himavantasamīpe Bhūtagaṇe nāma pabbate vasantaṃ ekakaṃ vivekamanubrūhantaṃ Sikhim Sambuddhaṃ disvā pasannamānaso tīṇasūlapupphaṃ gahetvā pādāmūle pūjesi. Buddhopi tassa anumodanaṃ akāsi.

35. So tena puñña devamanussesu saṃsaranto ubhayasampattiyo anubhavitvā imasmim Buddhuppāde Sāvattthiyaṃ vibhavasampanne ekasmim kule nibbato vuddhimanvāya sāsane pasanno pabbajitvā upanissayasampannattā na cirasseva arahattaṃ pāpuṇitvā pubbakammaṃ saritvā somanassappatto pubbacaritāpadānaṃ pakāsentō **Himavantassāvidūreti**-ādimāha. **Bhūtagaṇo nāma pabbatoti** bhūtagaṇānaṃ devayakkhasamūhānaṃ āvāsabhūtattā bhavanasadisattā avirūḷhabhāvena pavattattā ca Bhūtagaṇo nāma pabbato, tasmim **eko** adutiyo **Jino** Jitamāro Buddho **vasate** dibbabrahma-ariya-iriyāpathavihārehi viharatīti attho.

36. **Ekūnasatasahassam, kappam na vinipātikoti** tena tiṇasūla-pupphapūjākaraṇaphalena nirantaram ekūnasatasahassakappānam avinipātako caturāpāyavinimutto saggasampattibhavameva upapannoti attho. Sesam suviññeyyamevāti.

Tiṇasūlakatthera-apadānavañṇanā samattā.

8. Nāgapupphiyatthera-apadānavañṇanā

Suvaccho nāma nāmenāti-ādikam āyasmato Nāgapupphiyattherassa apadānam. Ayampi thero purimajjanisabhesu katādhikāro tattha tattha bhave vivaṭṭūpanissayāni puññāni upacinanto Padumuttarabhagavato kāle brāhmaṇakule nibbato vuddhippatto vedattayādīsu sakasippesu nipphattim patvā tattha saram adisvā Himavantaṃ pavisitvā tāpasapabbajjam pabbajitvā jhānasamāpattisukhena vītināmesi. Tasmim samaye Padumuttaro Bhagavā tassānukampāya tattha agamāsi. So tāpaso taṃ Bhagavantaṃ disvā lakkhaṇasatthesu chekattā Bhagavato lakkhaṇarūpasampattiyā pasanno vanditvā añjalim paggayha aṭṭhāsi. Ākāsato anotiṇṇattā pūjāsakkāre akateyeva ākāseneva pakkāmi. Atha so tāpaso sasisso nāgapuppham ocinitvā tena pupphena Bhagavato gatadisābhāgamaggaṃ pūjesi.

39. So tena puññena devamanussesu saṃsaranto ubhayasampattiyo anubhavanto sabbattha pūjito imasmim Buddhuppāde Sāvattiyam kulagehe nibbato vuddhimanvāya saddhāsampanno pabbajitvā vattapaṭipattiyā sāsanaṃ sobhayamāno na cirasseva arahā hutvā “kena nu kho kusalakamma mayā ayam lokuttarasampatti laddhā”ti atītakammaṃ saranto pubbakammaṃ paccakkhato ñatvā sañjātasomanasso pubbacaritāpadānam pakāsento **Suvaccho nāma nāmenāti**-ādimāha. Tattha vacchagotte jātattā vaccho, sundaro ca so vaccho ceti **Suvaccho**. Nāmena Suvaccho nāma brāhmaṇo **mantapāragū** vedattayādīsakalamantasatthe koṭippattoti attho. Sesam heṭṭhā vuttanayattā uttānatthamevāti.

Nāgapupphiyatthera-apadānavañṇanā samattā.

9. Punnāgapupphiyatthera-apadānavaṇṇanā

Kānanam vanamogayhāti-ādikaṃ āyasmato Punnāgapupphiyattherassa apadānam. Ayampi purimajinavaresu katādhikāro tattha tattha bhave vivaṭṭūpanissayāni puññāni upacinanto Phussassa Bhagavato kāle nesādakule nibbatto Mahāvanam pavīṭṭho tattha supupphitapunnāgapuppham disvā hetusampannatā Buddhārammaṇapītivasena Bhagavantaṃ saritvā taṃ puppham saha kaṇṇikāhi¹ ocinitvā vālukāhi cetiyam katvā pūjesi.

46. So tena puññena dvenavutikappe nirantaram devamanussasampattiyoyeva anubhavitvā imasmim Buddhuppāde Sāvattiyam vibhavasampanne kule nibbatto vuddhimanvāya pubbavāsanābalena sāsane pasanno pabbajitvā vāyamanto na cirasseva arahā hutvā pubbe katakusalam saritvā somanassajāto pubbacaritāpadānam pakāsento **kānanam vanamogayhāti**-ādimāha. Tam sabbam heṭṭhā vuttattā uttānatthamevāti.

Punnāgapupphiyatthera-apadānavaṇṇanā samattā.

10. Kumudadāyakatthera-apadānavaṇṇanā

Himavantassāvidūreti-ādikaṃ āyasmato Kumudadāyakattherassa apadānam. Ayampi thero purimabuddhesu katādhikāro anekesu bhavesu vivaṭṭūpanissayāni puññāni upacinanto Padumuttarassa Bhagavato kāle Himavantassa āsanne mahante jātassare kukuttho nāma pakkhī hutvā nibbatto kenaci akusalena pakkhī samānopi pubbe katasambhārena buddhisampanno puññāpuññesu cheko sīlavā pāṇagocarato paṭivirato ahoṣi. Tasmim samaye Padumuttaro Bhagavā ākāsenāgantvā tassa samīpe caṅkamati. Atha so sakuṇo Bhagavantaṃ disvā pasannacitto kumudapuppham ḍamsitvā Bhagavato pādamūle pūjesi. Bhagavā tassa somanassuppādanattham paṭiggahetvā anumodanamakāsi.

1. Sakāni (Sī)

51. So tena puññaena devamanussesu ubhayasampattisukhaṃ anubhavitvā imasmim̐ Buddhuppāde Sāvatthiyaṃ aññatarasmim̐ kule nibbatta vuddhimanvāya mahaddhano mahābhogo ratanattaye pasanno Satthu dhammadesanaṃ sutvā paṭiladdhasaddho pabbajitvā na cirasseva arahā hutvā attano pubbakammaṃ paccakkhato ñatvā somanassajāto pubbacaritāpadānaṃ pakāsento **Himavantassāvidūreti**-ādimāha. **Padumuppalasañchannoti** ettha satapattehi sampuṇṇo setapadumo ca tīṇi nīlarattasetuppālāni ca padumuppālāni tehi sañchanno gahanībhūto sampuṇṇo mahājātassaro ahūti sambandho. **Puṇḍarīkasamotthaṭoti** puṇḍarīkehi rattapadumehi otthaṭo sampuṇṇoti attho. Sesam̐ suviññeyyamevāti.

Kumudadāyakatthera-apadānavañṇanā samattā.

Soḷasamavaggavañṇanā samattā.

17. Supāricariyavagga

1. Supāricariyatthera-apadānavañṇanā

Padumo nāma nāmenāti-ādikaṃ āyasmato Supāricariyattherassa apadānaṃ. Ayampi purimamunipuṅgavesu katādhikāro tattha tattha bhave vivatṭūpanissayāni puññāni upacinanto Padumuttarassa Bhagavato kāle yakkhayoniyam̐ nibbatta Himavati yakkhasamāgamaṃ gato Bhagavato devayakkhagandhabbanāgānaṃ dhammadesanaṃ sutvā pasannamānaso ubho hatthe ābhujitvā apphotesi namassi ca. So tena puññaena tato cuto upari devaloke uppanno tattha dibbasukhaṃ anubhavitvā manussesu ca cakkavatti-ādisampattiyo anubhavitvā imasmim̐ Buddhuppāde Sāvatthiyaṃ gahapatikule nibbatta aḍḍho mahaddhano mahābhogo ratanattaye pasanno Satthu dhammadesanaṃ sutvā saddhājāto pabbajitvā na cirasseva arahattaṃ pāpuṇi.

1. So ekadivasam̐ attano pubbakammaṃ saritvā somanassajāto pubbacaritāpadānaṃ pakāsento **Padumo nāma nāmenāti**-ādimāha.

tattha **padumoti** yassa pādanikkhepasamaye pathaviṃ bhinditvā padumaṃ uggantvā pādatalaṃ sampaṭicchati, tena saññāṇena so Bhagavā padumoti saṅkhaṃ gato, idha Padumuttaro Bhagavā adhippeto. So Bhagavā **pavanā** vasaṇavihārā **abhinikkhamma** vanamajjhaṃ pavisitvā dhammaṃ desetīti sambandho.

Yakkhānaṃ samayoti devānaṃ samāgamo **āsi** ahoṣīti attho. **Ajjhāpekkhimsu tāvadeti** tasmaṃ desanākāle adhi-apekkhimsu, visesena passanasilā ahesunti attho. Sesāṃ pākaṭamevāti.

Supāricariyatthera-apadāṇavaṇṇanā samattā.

2. Kaṇaverapupphiyatthera-apadāṇavaṇṇanā

Siddhattho nāma Bhagavāti-ādikaṃ āyasmato

Kaṇaverapupphiyattherassa apadāṇaṃ. Ayampi purimabuddhesu katādhikāro Siddhatthassa Bhagavato kāle suddakule nibbatta vuddhimanvāya rañño antepurapālako ahoṣi. Tasmaṃ samaye Siddhattho Bhagavā bhikkhusaṃghaparivuto rājavīthiṃ paṭipajji. Atha so antepurapālako caramānaṃ Bhagavantaṃ disvā pasannamānaso hutvā kaṇaverapupphena Bhagavantaṃ pūjetvā namassamāno aṭṭhāsi. So tena puññaena sugatisampattiyoyeva anubhavitvā imasmaṃ Buddhuppāde ekasmaṃ kule nibbattitvā vuddhippatto satthu dhammaḍḍesaṇaṃ sutvā paṭiladdhasaddho pabbajitvā na cirasseva arahā ahoṣi.

7. So patta-aggaphalo pubbe katakusalaṃ saritvā sañjātasomanasso pubbacaritāpadāṇaṃ pakāsentō **Siddhattho nāma Bhagavāti**-ādimāha. Taṃ sabbaṃ heṭṭhā vuttattā uttānatthamevāti.

Kaṇaverapupphiyatthera-apadāṇavaṇṇanā samattā.

3. Khajjakadāyakatthera-apadāṇavaṇṇanā

Tissassa kho Bhagavatoti-ādikaṃ āyasmato Khajjakadāyakattherassa apadāṇaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto Tissassa Bhagavato

kāle suddakule nibbatta Bhagavantam disvā pasannamānaso ambajambu-
ādimanekam madhuraphalāphalam nāḷikeram pūvakhajjakañca adāsī.
Bhagavā tassa pasādavaḍḍhanatthāya passantasseva paribhuñji. So tena
puññaena sugatisampattiyoyeva anubhavitvā imasmim Buddhuppāde
Sāvattthiyam kulagehe nibbatta viññutam patvā Satthu dhammadesanam
sutvā sañjātasaddho pasādabahumāno pabbajitvā vattapaṭipattiyā sāsanam
sobhento sīlāḷankārapaṭimaṇḍito na cirasseva arahattam pāpuṇi.

13. So pubbakammaṃ saranto “pubbe mayā sukhette kusalam katam
sundaran”ti somanassajāto pubbacaritāpadānam pakāsento **Tissassa kho
Bhagavatoti-ādimāha**. Tattha Tissopi bhavasampattiyō dadamāno jātoti
mātāpitūhi katanāmasena Tisso. Atha vā tīhi saraṇagamanehi assāsento
ovadanto hetusampannapuggale saggamokkhadvaye patitṭhāpento Buddho
jātoti tisso. Samāpattiguṇādīhi bhagehi yuttoti Bhagavā, tassa **Tissassa
Bhagavato** pubbe aham phalam adāsinti sambandho. **Nāḷikerañca pādāsinti**
nāḷikākārena pavattam phalam nāḷikeram, tañca phalam adāsinti attho.
Khajjakam abhisammatanti khāditabbam khajjakam abhi visesena
madhusakkarādīhi sammissam katvā nipphāditam sundaram madhuranti
sammatam nītam abhisammatam khajjakañca adāsinti attho. Sesam
suviññeyyamevāti.

Khajjakadāyakatthera-apadānavañṇanā samattā.

4. Desapūjakatthera-apadānavañṇanā

Atthadassī tu Bhagavāti-ādikaṃ āyasmato Desapūjakattherassa
apadānam. Ayampi thero purimabuddhesu katādhikāro tattha tattha bhava
vivattūpanissayāni puññāni upacinanto Atthadassissa Bhagavato kāle
kulagehe nibbatta vuddhimanvāya saddho pasanno Buddhamāmakō
dhammamāmakō saṃghamāmakō ahosī. Tadā Atthadassī Bhagavā
bhikkhusaṃghaparivuto cando viya sūriyo viya ca ākāseṇa gacchatī. So
upāsako Bhagavato gatadisābhāgam gandhamālādīhi pūjento añjalim
paggayha namassamāno aṭṭhāsī.

18. So tena puññena devaloke nibbatto saggasampattiṃ anubhavitvā manussesu ca manussasampattiṃ anubhavitvā imasmim Buddhuppāde ekasmim kule nibbatto vuddhippatto upabhogaparibhogasampanno Satthu dhammadesanaṃ sutvā pasannamānaso gharāvāse anallīno pabbajitvā vattasampanno na cirasseva arahā hutvā attano pubbakammaṃ saritvā somanassajāto pubbacaritāpadānaṃ pakāseto **Atthadassī tu Bhagavāti-**ādimāha. Tam heṭṭhā vuttatthameva. **Anilañjaseti** “maggo pantho patho pajjo, añjasaṃ vaṭumā’yanan”¹ pariyāyassa vuttattā anilassa vātassa añjasaṃ gamanamaggoti anilañjasaṃ, tasmim anilañjase, ākāseti attho. Sesam uttānatthamevāti.

Desapūjakatthera-apadānavañṇanā samattā.

5. Kaṇikārachattiyatthera-apadānavañṇanā

Vessabhū nāma Sambuddhoti-ādikaṃ āyasmato

Kaṇikārachattiyattherassa apadānaṃ. Ayampi thero purimabuddhesu katādhikāro tattha tattha bhave vivaṭṭūpanissayāni puññāni upacinanto Vessabhussa Bhagavato kāle kulagehe nibbatto viññutaṃ patto saddhāsampanno ahosi. Tasmim samaye Vessabhū Bhagavā vivekakāmo Mahāvanaṃ pavisitvā nisīdi. Atha sopi upāsako kenacideva karaṇīyena tattha gantvā Bhagavantaṃ aggikkhandhaṃ viya jalamānaṃ nisinnaṃ disvā pasannamānaso kaṇikārapupphaṃ ocinitvā chattaṃ katvā Bhagavato nisinnaṭṭhāne vitānaṃ katvā pūjesi, tam Bhagavato ānubhāvena sattāhaṃ amilātaṃ hutvā tatheva aṭṭhāsi. Bhagavāti phalasaṃpattim nirodhasaṃpattim ca saṃpajjitvā vihāsi, so tam acchariyaṃ disvā somanassajāto Bhagavantaṃ vanditvā añjaliṃ paggayha aṭṭhāsi. Bhagavā saṃpattito vuṭṭahitvā vihārameva agamāsi.

23. So tena puññena devamanussesu sampattiyo anubhavitvā imasmim Buddhuppāde Sāvatthiyaṃ kulagehe nibbatto vuddhimanvāya saddhāsampanno

1. Khu 8. 201 piṭṭhe Cūlaniddese.

Satthu dhammadesanaṃ sutvā gharāvāse anallīno pabbajitvā vattapaṭipattiyā Jinasāsanam sobhento na cirasseva arahā hutvā attano pubbakammaṃ saritvā somanassajāto pubbacaritāpadānam pakāseto **Vessabhū nāma Sambuddhoti**-ādimāha. Tattha **Vessabhūti** vesse vessajane bhunāti abhibhavatīti Vessabhū. Atha vā vesse pañcavidhamāre abhibhunāti ajjhottharatīti **Vessabhū**. Sāmaṇyeva bujjhitā saccānīti Sambuddho, nāmena Vessabhū nāma Sambuddhoti attho. **Divāvihārāya Munīti** dibbati pakāseti taṃ taṃ vatthum pākaṭam karotīti divā. Sūriyuggamanato paṭṭhāya yāva atthaṅgamo, tāva paricchinnakālo, viharanaṃ catūhi iriyāpathehi pavattanam vihāro, divāya vihāro divāvihāro, tassa divāvihārāya Lokajettho Narāsabho Buddhamuni Mahāvanam **ogāhitvā** pavisitvāti attho. Sesam uttānatthamevāti.

Kaṇikārachattiyatthera-apadānavañṇanā samattā.

6. Sappidāyakatthera-apadānavañṇanā

Phusso nāmātha Bhagavāti-ādikam āyasmato Sappidāyakattherassa apadānam. Ayampi purimabuddhesu katādhikāro anekesu bhavesu vivattūpanissayāni puñṇāni upacinanto Phussassa Bhagavato kāle kulagehe nibbatto ahoṣi. Tadā Bhagavā bhikkhusaṃghaparivuto vīthiyam caramāno tassa upāsakassa gehadvāram sampāpuṇi. Atha so upāsako Bhagavantam disvā pasannamānaso vanditvā pattapūram sappitelam adāsi, Bhagavā anumodanam katvā pakkāmi. So teneva somanassena yāvatāyukam ṭhatvā tato cuto tena puñṇena devaloke uppanno tattha dibbasukham anubhavitvā manussesu ca nibbatto uppannuppannabhave sappitelamadhuphāṇitādimadhurāhārasamaṅgī sukham anubhavitvā imasmim Buddhuppāde Sāvatthiyam ekasmim kule nibbatto vuddhippatto saddho buddhisampanno Satthu dhammadesanaṃ sutvā pasannamānaso pabbajitvā vattasampanno na cirasseva arahā ahoṣi.

28. So attano pubbakammaṃ saritvā jātasomanasso pubbacaritāpadānam pakāseto **Phusso nāmātha Bhagavāti**-ādimāha. Tattha

Phussoti phussanakkhattayogena jātattā mātāpitūhi katanāmadheyena Phusso. Atha vā nibbānaṃ phusi passi sacchi akāsīti **Phusso**. Atha vā samatimsapāramitāsattatimsabodhipakkhiyadhamme sakale ca Tepiṭake pariyatthidhamme phusi passi aññāsīti **Phusso**. Bhaggavā Bhagyavā yuttoti-ādipuññaakoṭṭhāsasamaṅgitāya **bhagavā**. **Āhutināṃ paṭiggahoti** āhutino vuccanti pūjāsakkārā, tesāṃ āhutināṃ paṭiggahetuṃ arahatīti āhutināṃ paṭiggaho. Mahājanaṃ nibbāpento vīro Phusso nāma Bhagavā vīthiyaṃ **atha** tadā gacchateti sambandho. Sesāṃ pākaṭamevāti.

Sappidāyakatthera-apadānavaṇṇanā samattā.

7. Yūthikāpupphiyatthera-apadānavaṇṇanā

Candabhāgānadītīreti-ādikaṃ āyasmato Yūthikāpupphiyattherassa apadānaṃ. Ayampi āyasmā purimamunindesu katādhikāro anekesu ca jātisatesu vivaṭṭūpanissayāni puññāni upacinanto Phussasseva Bhagavato kāle suddakule nibbatto vuddhippatto Candabhāgāya nadiyā tīre kenacideva karaṇīyena anusotaṃ caramāno Phussaṃ Bhagavantaṃ nhāyitukāmaṃ aggikkhandhaṃ viya jalamānaṃ disvā somanassajāto tattha jātaṃ yūthikāpupphaṃ ocinitvā Bhagavantaṃ pūjesi. Bhagavā tassa anumodanamakāsi.

33. So tattha tena puññaakoṭṭhāsena devamanussesu saṃsaranto ubhayasampattiyo anubhavitvā imasmim Buddhuppāde kulagehe nibbatto vuddhippatto Bhagavato dhammadesanaṃ sutvā pasannamānaso pabbajitvā vattapaṭipattiyā sāsaṇaṃ sobhento na cirasseva arahā hutvā attano pubbakammaṃ saritvā somanassajāto pubbacaritāpadānaṃ pakāsento **Candabhāgānadītīreti**-ādimāha. Taṃ sabbaṃ uttānatthamevāti.

Yūthikāpupphiyatthera-apadānavaṇṇanā samattā.

8. Dussadāyakatthera-apadānavañṇanā

Tivarāyaṃ pure rammeti-ādikaṃ āyasmato Dussadāyakattherassa apadānaṃ. Ayampāyasmā purimajinavaresu katādhikāro tattha tattha bhava vivaṭṭūpanissayāni puññāni upacinanto Siddhatthassa Bhagavato kāle rājakule nibbato vuddhippattakāle yuvarājabhāvaṃ patvā pākaṭo ekaṃ janapadaṃ labhitvā tatrādhīpatibhūto sakalajanapadavāsino dānapiyavacana-atthacariyāsamanatthāsaṅkhātehi catūhi saṅgahavatthūhi saṅgaṇhāti. Tasmim̐ samaye Siddhatto Bhagavā taṃ janapadaṃ sampāpuṇi. Atha so yuvarājā paṇṇākāraṃ labhitvā tattha sukhumavatthena Bhagavantam̐ pūjesi. Bhagavā taṃ vattham̐ hatthena parāmasitvā ākāsaṃ pakkhandi. Tampi vattham̐ Bhagavantameva anubandhi. Atha so yuvarājā taṃ acchariyaṃ disvā atīva pasanno añjaliṃ paggayha aṭṭhāsi. Bhagavato sampattasampattaṭṭhāne sabbe janā taṃ acchariyaṃ disvā acchariyabbhūtacittā añjaliṃ paggayha aṭṭhāmsu. Bhagavā vihārameva agamāsi. Yuvarājā teneva kusalakammaṃ tato cuto devaloke uppanno tattha dibbasampattim̐ anubhavitvā manussesu cakkavatti-ādisampattiyo anubhavitvā imasmim̐ Buddhuppāde vibhavasampanne ekasmim̐ kule nibbato viññutaṃ patto gharāvāsaṃ saṅghapetvā ratanattaye pasanno Bhagavato dhammadesanaṃ sutvā paṭiladdhasaddho pabbajitvā vāyamanto na cirasseva arahā ahoṣi.

38. So ekadivasam̐ attano pubbakammaṃ saritvā somanassajāto pubbacaritāpadānaṃ pakāsentō **Tivarāyaṃ pure rammeti-**ādimāha. Tattha tivaranaṃmake nagare ramaṇīye ahaṃ rājaputto hutvā Siddhattham̐ Bhagavantam̐ vatthena pūjesinti attho. Sesam̐ suviññeyyamevāti.

Dussadāyakatthera-apadānavañṇanā samattā.

9. Samādapakatthera-apadānavañṇanā

Nagare Bandhumatiyāti-ādikaṃ āyasmato Samādapakattherassa apadānaṃ. Ayampi thero purimabuddhānaṃ santike katakusalasambhāro anekesu bhavesu vivaṭṭūpanissayāni puññāni upacinanto Vipassissa

Bhagavato kāle kulagehe nibbatto vuddhimanvāya gharāvāsam saṅṭhapetvā puññāni karonto vasamāno saddho pasanno bahū upāsake sannipātetvā gaṇajetṭhako hutvā “mālakam karissāmā”ti te sabbe samādapetvā ekam mālakam samam kāretvā paṇḍarapulinam okiritvā Bhagavato niyyādesi. So tena puññena devaloke uppanno cha kāmāvaccarasampattiyo anubhavitvā manussesu ca cakkavatti-ādisampattiyo anubhavitvā imasmim Buddhuppāde kulagehe nibbatto viññutam patto Bhagavati pasanno dhammam sutvā pasannamānaso saddhājāto pabbajitvā silasampanno vattasampanno na cirasseva arahattam pāpuṇi.

44. So aparabhāge attano katakusalam saritvā sañjātasomanasso pubbacaritāpadānam pakāsento **nagare Bandhumatiyāti**-ādimāha. Tattha bandhanti ñātigottādivasena ekasambandhā honti sakalanagaravāsinoti bandhū, bandhū etasmim vijjantīti bandhumatī, tassā Bandhumatiyā nāma nagare mahāpūgagaṇo upāsakasamūho ahoṣīti attho. **Mālam kassāma samghassāti** ettha māti gaṇhāti¹ sampattasampattajanānam cittanti mālam, atha vā sampattayatigaṇānam cittassa vivekakaṇṇe alanti mālam, mālameva mālakam, bhikkhusamghassa phāsuvihāratthāya mālakam karissāmāti attho. Sesam pākaṭamevāti.

Samādapakatthera-apadānavañṇanā samattā.

10. Pañcaṅgulyatthera-apadānavañṇanā

Tisso nāmāsi Bhagavāti-ādikaṃ āyasmato Pañcaṅgulyattherassa apadānam. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Tissassa Bhagavato kāle ekasmim kule nibbatto vuddhimanvāya gharāvāsam saṅṭhapetvā vibhavasampanno saddho pasanno vīthito vihāram paṭipannaṃ Bhagavantam disvā jātisumanādi-anekāni sugandhapupphāni candanādīni ca vilepanāni gāhāpetvā vihāram gato pupphehi Bhagavantam pūjetvā vilepanehi Bhagavato sarīre pañcaṅgulikaṃ katvā vanditvā pakkāmi.

1. Māti bandhati (I, Ka)

50. So tena puññaena devamanussesu ubhayasampattiyo anubhavitvā imasmim Buddhuppāde vibhavasampanne ekasmim kule nibbattitvā vuddhimanvāya Satthu dhammadesanaṃ sutvā pasannamānaso pabbajitvā vipassanaṃ vaḍḍhetvā na cirasseva arahā hutvā pubbakammaṃ saranto paccakkhato ñatvā “imaṃ nāma kusalakammaṃ katvā īdisaṃ lokuttarasampattiṃ pattomhī”ti pubbacaritāpadānaṃ pakāsentō **Tisso nāmāsi Bhagavāti**-ādimāha. Tam sabbaṃ uttānatthamevāti.

Pañcaṅguliyaṭṭhara-apadānavañṇanā samattā.

Sattarasamavaggavañṇanā samattā.

18. Kumudavagga

1. Kumudamāliyaṭṭhara-apadānavañṇanā

Pabbate Himavantamhīti-ādikaṃ āyasmato Kumudamāliyaṭṭherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññaṇi upacinanto Atthadassissa Bhagavato kāle Himavantapabbatasamīpe jātassarassa āsanne rakkhaso hutvā nibbato Atthadassim Bhagavantaṃ tattha upagataṃ disvā pasannamānaso kumudapupphāni ocinitvā Bhagavantaṃ pūjesi. Bhagavā anumodanaṃ katvā pakkāmi.

1. So tena puññaena tato cavitvā devalokaṃ upapanno cha kāmāvacarasampattiyo anubhavitvā manussesu ca cakkavatti-ādisampattiyo anubhavitvā imasmim Buddhuppāde kulagehe nibbato vuddhippatto ratanattaye pasanno pabbajitvā vāyamanto brāhmacariyapariyosānaṃ arahattaṃ patvā attano pubbakammaṃ saritvā somanassajāto pubbacaritāpadānaṃ pakāsentō **pabbate Himavantamhīti**-ādimāha. Tattha **tatthajo rakkhaso āsinti** tasmim jātassarasamīpe jāto nibbato rakkhaso pararudhiramaṃsakhādako niddayo ghorarūpo bhayānakasabhāvo mahābalo mahāthāmo kakkhaḷo yakkho āsim ahosinti attho.

Kumudaṃ pupphate tatthāti tasmim mahāsare sūriyaraṃsiyā abhāve sati sāyanhe makuḷitaṃ kuṅcītākārena nippabhaṃ avaṇṇaṃ hotīti “kumudan”ti laddhanāmaṃ pupphaṃ pupphate vikasatīti attho. **Cakkamattāni jāyareti** tāni pupphāni rathacakkapamāṇāni hutvā jāyantīti attho. Sesāṃ suviññeyyamevāti.

Kumudamāliyatthera-apadānavaṇṇanā samattā.

2. Nisseṇidāyakatthera-apadānavaṇṇanā

Koṇḍaññassa Bhagavatoti-ādikaṃ āyasmato Nisseṇidāyakattherassa apadānaṃ. Ayampi purimajinavaresu katādhikāro anekāsu jātīsu vivaṭṭūpanissayāni puññāni upacinanto Koṇḍaññassa Bhagavato kāle vaḍḍhakikule nibbato saddho pasanno Bhagavato dhammadesanaṃ sutvā pasannamānaso Bhagavato vasanaḥpāsādassārohanatthāya sārakaṭṭhamayaṃ nisseṇim katvā ussāpetvā ṭhapesi. Bhagavā tassa pasādasamvaḍḍhanatthāya passantasseva uparipāsādaṃ āruhi. So abhīva pasanno teneva pītisomanassena kālaṃ katvā devaloke nibbato tattha dibbasampattim anubhavitvā manussesu jāyamāno nisseṇidānanissandena uccakule nibbato manussasukhaṃ anubhavitvā imasmim Buddhuppāde ekasmim kule nibbato Satthu dhammadesanaṃ sutvā saddhājāto pabbajito na cirasseva arahā ahoṣi.

9. So attano pubbakammaṃ saritvā somanassajāto pubbacaritāpadānaṃ pakāseṇto **Koṇḍañña**ssa Bhagavatoti-ādimāha. Tattha **Koṇḍaññassā**ti kucchito hutvā ḍeti pavattatīti koṇḍo, lāmakasatto, koṇḍato aññoti koṇḍañño, alāmake uttamapurisoti attho. Atha vā brāhmaṇagottesu Koṇḍaññagotte uppannattā¹ “Koṇḍañño”ti gottavasena tassa nāmaṃ, tassa Koṇḍaññassa. Sesāṃ pākaṭamevāti.

Nisseṇidāyakatthera-apadānavaṇṇanā samattā.

1. Uppanno (Sī)

3. Rattipupphiyatthera-apadānavañṇanā

Migaluddo pure āsinti-ādikaṃ āyasmato Rattipupphiyattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puñṇāni upacinanto Vipassissa Bhagavato kāle nesādakule uppanno migavadhāya¹ araṇṇe vicaramāno tassa kāruṇṇena araṇṇe caramānaṃ Vipassiṃ Bhagavantaṃ disvā pasannamānaso pupphitaṃ rattikaṃ nāma pupphaṃ kuṭajapupphaṅca saha vaṇṭena ocinitvā somanassacittena pūjesi. Bhagavā anumodanaṃ katvā pakkāmi.

13. So teneva puñṇena devamanussesu saṃsaranto ubhayasampattiyo anubhavitvā imasmiṃ Buddhuppāde kulagehe nibbatto viññutaṃ patto ratanattaye pasanno Satthu dhammadesanaṃ sutvā kāmesu ādīnaṃ disvā pabbajitvā na cirasseva arahattaṃ patto attano pubbakammaṃ saritvā “nesādabhūtena mayā katakusalaṃ sundaran”ti somanassajāto pubbacaritāpadānaṃ pakāsento **migaluddo pure āsinti-ādīmāha**. Tattha migānaṃ luddo sāhasiko mārakoti migaluddo, migesu vā luddo lobhīti migaluddo, nesādo āsiṃ pureti attho.

14. **Rattikaṃ pupphitaṃ disvāti** padumapupphādīni anekāni pupphāni sūriyaraṃsisamphassena divā pupphanti rattiyaṃ makuḷitāni honti. Jātisumanamallikādīni anekāni pupphāni pana rattiyaṃ pupphanti no divā. Tasmā rattiyaṃ pupphanato rattipupphanāmakāni anekāni sugandhapupphāni ca kuṭajapupphāni ca gahetvā pūjesinti attho. Sesāṃ uttānatthamevāti.

Rattipupphiyatthera-apadānavañṇanā samattā.

4. Udapānadāyakatthera-apadānavañṇanā

Vipassino Bhagavatoti-ādikaṃ āyasmato Udapānadāyakattherassa apadānaṃ. Ayampi thero purimamunivaresu katādhikāro anekesu bhavesu katapuñṇasaṅcayo Vipassissa Bhagavato kāle

1. Migadāye (Sī, I)

kulagehe nibbatto vuddhippattro “pānīyadānaṃ mayā dātabbaṃ, tañca nirantaraṃ¹ katvā pavattetuṃ vaṭṭatī”ti cintetvā ekaṃ kūpaṃ khanāpetvā udakasampattakāle iṭṭhakāhi cināpetvā thiraṃ katvā tattha uṭṭhitena udakena puññaṃ taṃ udapānaṃ Vipassissa Bhagavato niyyādesi. Bhagavā pānīyadānānisaṃsadīpakaṃ anumodanaṃ akāsi. So tena puññaena devamanussesu saṃsaranto nibbattanibbattaṭṭhāne pokkharāṇī-udapānapānīyādisampanno sukhamanubhavitvā imasmiṃ Buddhuppāde ekasmiṃ kule nibbatto vuddhimanvāya saddho pasanno pabbajitvā na cirasseva arahā ahoṣi.

10. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **Vipassino Bhagavatoti**-ādimāha. Tattha **udapāno kato mayāti** udakaṃ pivanti etthāti udapāno, kūpapokkharāṇītaḷākānametaṃ adhivacanaṃ. So udapāno kūpo Vipassissa Bhagavato atthāya kato khanitoti attho. Sesāṃ uttānatthamevāti.

Udapānadāyakatthera-apadānavañṇanā samattā.

5. Sīhāsanadāyakatthera-apadānavañṇanā

Nibbute Lokanāthamhīti-ādikaṃ āyasmato Sīhāsanadāyakattherassa apadānaṃ. Ayampi purimabuddhesu katādhikāro tattha tattha bhave nibbānādhigamatthāya katapuññūpacayo Padumuttarassa Bhagavato kāle gahapatikule nibbatto viññutaṃ patto Satthu dhammadesanaṃ sutvā ratanattaye pasanno tasmīṃ Bhagavati parinibbute sattahi ratanehi khacitaṃ sīhāsanāṃ kārapetvā Bodhirukkhaṃ pūjesi, bahūhi mālāgandhadhūpehi ca pūjesi.

21. So tena puññaena devamanussesu saṃsaranto ubhayasampattiyo anubhavitvā sabbattha pūjito imasmiṃ Buddhuppāde Sāvattiyaṃ kulagehe nibbatto vuddhippattro gharāvāsaṃ vasanto Satthu dhammadesanaṃ sutvā pasannamānaso ñātivaggaṃ pahāya pabbajito na cirasseva arahā

1. Cirataraṃ (Ka)

hutvā pubbūpacitakusalasambhāraṃ saritvā sañjātasomanasso
pubbacaritāpadānaṃ pakāsentō **nibbute Lokanāthamhīti**-ādimāha. Tattha
sīhāsanamadāsahanti sīharūpahiraññasuvaṇṇaratanehi khacitaṃ āsanaṃ
sīhāsanam, sīhassa vā abhītassa Bhagavato nisinnārahaṃ, sīham vā setṭham
uttamaṃ āsananti sīhāsanam, taṃ aham adāsim, Bodhirukkham pūjesinti
attho. Sesam suviññeyyamevāti.

Sīhāsanadāyakaṭṭhāra-apadānavāṇṇanā samattā.

6. Maggadattikaṭṭhāra-apadānavāṇṇanā

Anomadassī Bhagavāti-ādikaṃ āyasmato Maggadattikaṭṭherassa
apadānaṃ. Ayampāyasmā purimabuddhesu katādhikāro tattha tattha bhava
vivaṭṭūpanissayāni puññāni upacinanto Anomadassissa Bhagavato kāle
kulagehe nibbato vuddhimanvāya gharāvāsaṃ saṅghapetvā vasanto
Anomadassim Bhagavantaṃ ākāse caṅkamaṃtaṃ pāduddhāre
pāduddhāracāṅkamaṇaṭṭhāne¹ pupphānaṃ vikiraṇaṃ acchariyañca disvā
pasannamānaso pupphāni ākāse ukkhipi, tāni vitānaṃ hutvā aṭṭhamasu.

26. So tena puññena sugatīsuyeva saṃsaranto sabbattha pūjito sukhaṃ
anubhavitvā imasmim Buddhuppāde ekasmim kule nibbato kamena
yobbaññaṃ pāpuṇitvā saddhājāto pabbajitvā vattasampanno na cirasseva
arahattaṃ patto caṅkamaṇassa pūjitattā **Maggadattikaṭṭheroti** pākaṭo. So
pubbakammaṃ saritvā somanassajāto pubbacaritāpadānaṃ pakāsentō
Anomadassī Bhagavāti-ādimāha. **Diṭṭhadhammasukhatthāyāti** imasmim
attabhāve caṅkamaṇena sarīrasallahukādisukhaṃ paṭiccāti attho.
Abbhokāsamhi caṅkamīti abbhokāse aṅgaṇaṭṭhāne caṅkami, padavikkhepaṃ
padasaṅcāraṃ akāsīti attho.

Uddhate pāde pupphānīti caṅkamantena pāde uddhate padumuppālādīni
pupphāni pathavito uggantvā caṅkame vikirimsūti attho. **Sobhaṃ muddhani**
tiṭṭhareti

1. Pāduddhāre ca caṅkamaṇaṭṭhāne (Sī)

Buddhassa muddhani sīse sobhayamānā tāni tiṭṭhantīti attho. Sesam̄ suviññeyyamevāti.

Maggadattikatthera-apadānavaṇṇanā samattā.

7. Ekadīpiyatthera-apadānavaṇṇanā

Padumuttarassa Muninoti-ādikaṃ āyasmato Ekadīpiyattherassa apadānaṃ. Ayampāyasmā purimajinasetṭhesu katakusalasambhāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle gahapatikule nibbato vuddhippato saddho pasanno Bhagavato salalamahābodhimhi¹ ekapadīpaṃ pūjesi, thāvaram̄ katvā niccamekapadīpapūjanatthāya telavaṭṭhaṃ paṭṭhapesi. So tena puññena devamanussesu saṃsaranto sabbattha jalamāno pasannacakkhuto ubhayasukhamanubhavitvā imasmim̄ Buddhuppāde Sāvatthiyam̄ vibhavasampanne ekasmim̄ kule nibbato viññutaṃ patto ratanattaye pasanno pabbajitvā na cirasseva arahattaṃ patto dīpapūjāya laddhavisēsādhigamattā **Ekadīpiyattheroti** pākaṭo.

30. So aparabhāge attano pubbakammaṃ saritvā somanassajāto pubbacaritāpadānaṃ pakāsento **Padumuttarassa Muninoti**-ādimāha. Tam̄ sabbaṃ uttānatthamevāti.

Ekadīpiyatthera-apadānavaṇṇanā samattā.

8. Maṇipūjakatthera-apadānavaṇṇanā

Orena Himavantassāti-ādikaṃ āyasmato Maṇipūjakattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle ekasmim̄ kule nibbato gharāvāsaṃ saṅṭhapetvā tathādīnavaṃ disvā gharāvāsaṃ pahāya tāpasapabbajam̄ pabbajitvā Himavanta-orabhāge ekissā nadiyā samīpe paṇṇasālam̄ kāretvā vasanto vivekakāmatāya tassānukampāya ca tattha upagataṃ Padumuttaram̄ Bhagavantam̄ disvā pasannamānaso

1. Sālamahābodhimhi (Abhi-Ṭṭha 1. 65)

maṇipallaṅkaṃ Bhagavato pūjesi. Bhagavā tassa pasādavaḍḍhanatthāya tattha nisīdi. So bhiyyoso mattāya pasanno nibbānādhigamatthāya patthanam akāsi. Bhagavā anumodanam vatvā pakkāmi. So tena puñṇena devamanussesu saṃsaranto sabbattha pūjito sukham anubhavitvā imasmim Buddhuppāde Sāvatthiyam vibhavasampanne kule nibbatta gharāvāsam vasanto ekadivasam Satthu dhammadesanam sutvā paṭiladdhasaddho pabbajitvā na cirasseva arahā ahoṣi.

34. So ekadivasam attanā katakusalam saritvā sañjātasomanasso pubbacaritāpadānam pakāsento **orena Himavantassāti**-ādimāha. Tattha **orenāti** Himavantassa aparam bhāgam vihāya orena, bhummatthe karaṇavacanam, orasmim disābhāgeti attho. **Nadikā sampavattathāti** apākaṭanāmadheyyā ekā nadī saṃsuṭṭhu pavattānī vahānī sandamānā ahoṣīti attho. **Tassā cā'nupakhattamhīti** tassā nadiyā anupakhattamhi tīrasamīpeti attho. **Sayambhū vasate tadāti** yadā aham maṇipallaṅkaṃ pūjesim, tadā anācariyako hutvā sayameva Buddhabhūto Bhagavā vasate viharatīti attho.

35. **Maṇim paggayha pallaṅkanti maṇinti** cittam ārādheti somanassam karotīti maṇi, atha vā māti pamāṇam karoti ābharaṇanti maṇi, atha vā marantāpi rājayuvarājādayo tam na pariccajanti tadatthāya saṅgāmam karontīti maṇi, tam maṇim maṇimayam pallaṅkaṃ manoramam **sādhucittam** suṭṭhu vicittam paggayha gahetvā Buddhaseṭṭhassa **abhiropayim** pūjesinti attho. Sesam sabbam uttānatthamevāti.

Maṇipūjakatthera-apadānavañṇanā samattā.

9. Tikicchakatthera-apadānavañṇanā

Nagare Bandhumatiyāti-ādikaṃ āyasmato Tikicchakattherassa apadānam. Ayampāyasmā purimajinavaresu katādhikāro tattha tattha bhava vivaṭṭūpanissayāni puñṇāni upacinanto Vipassissa Bhagavato kāle Bandhumatīnagare vejjakule nibbatta bahussuto susikkhito vejjakamme

cheko bahū roginō tikicchanto Vipassissa Bhagavato upaṭṭhākassa Asokanāmattherassa rogam tikicchi. So tena puññaena devamanussesu aparāparam sukham anubhavanto nibbattanibbattabhava arogo dīghāyuko suvaṇṇavaṇṇasarīro ahosi.

39. So imasmim Buddhuppāde Sāvattiyam gahapatikule nibbatto vuddhimanvāya sabbasippesu nipphattim patto arogo sukhito vibhavasampanno ratanattaye pasanno Satthu dhammadesanam sutvā paṭiladdhasaddho gharāvāsam pahāya pabbajitvā na cirasseva arahā hutvā pubbakammaṃ saritvā somanassajāto pubbacaritāpadānam pakāsento **nagare Bandhumatiyāti**-ādimāha. Tam sabbam heṭṭhā vuttanayattā uttānatthamevāti.

Tikicchakatthera-apadānavaṇṇanā samattā.

10. Saṅghupaṭṭhākatthera-apadānavaṇṇanā

Vessabhumhi Bhagavatī-ādikam āyasmato Saṅghupaṭṭhākattherassa apadānam. Ayampi thero purimabuddhesu katakusalasambhāro anekesu bhavesu vivaṭṭūpanissayāni puññāni upacinanto Vessabhussa Bhagavato kāle tassārāmikassa putto hutvā nibbatto viññutam patvā saddho pasanno vihāresu ārāmikakammaṃ karonto sakkaccaṃ saṅgham upaṭṭhāsi. So teneva kusalakammena devamanussesu saṃsaranto ubhayasampattiyo anubhavitvā imasmim Buddhuppāde Sāvattiyam gahapatikule nibbatto vuddhippatto vibhavasampanno sukhappatto pākaṭo Satthu dhammadesanam sutvā sāsane pasanno pabbajitvā vattasampanno sāsanaṃ sobhayamāno vipassanaṃ vaḍḍhento na cirasseva saha paṭisambhidāhi arahattam patto chaḷabhiñño pubbe katakusalakammavasena **Saṅghupaṭṭhākattheroti** pākaṭo ahosi.

45. So ekadivasam “pubbe mayā kim nāma kammaṃ katvā ayam lokuttarasampatti laddhā”ti attano pubbakammaṃ saritvā paccakkhato jānitvā somanassajāto pubbacaritāpadānam pākaṭam karonto **Vessabhumhi Bhagavatī**-ādimāha. Tattha **ahosā’rāmiko ahanti**

aham Vessabhussa Bhagavato sāsane ārāmiko ahosinti attho. Sesam heṭṭhā vuttanayattā uttānatthattā ca suviññeyyamevāti.

Samghupaṭṭhakatthera-apadānavañṇanā samattā.

Aṭṭhārasamavaggavañṇanā samattā.

19. Kuṭajapupphiyavaggavañṇanā

Ito parampi ekūnavīsativavagge āgatānam imesam Kuṭajapupphiyattherādīnam dasannam therānam apubbam natthi. Tesam hi therānam purimabuddhānam santike katapuññasambhārānam vasena pākaṭanāmāni ceva nivāsanagarādīni ca heṭṭhā vuttanayeneva veditabbānīti tam sabbam apadānam suviññeyyamevāti.

Ekūnavīsativavaggavañṇanā samattā.

20. Tamālapupphiyavaggavañṇanā

Viśatime vagge paṭhamattherāpadānam uttānameva.

6. Dutiyattherāpadāne **yam dāyavāsiko isīti** isipabbajjam pabbajitvā vane vasanabhāvena **dāyavāsiko isīti** saṅkham gato, attano anukampāya tam vanam upagatassa Siddhatthassa Satthuno vasanaṃṇapacchādanatthāya yam tiṇam, tam **lāyati** chindatīti attho. Dabbachadanam katvā anekehi khuddakadaṇḍakehi maṇḍapam katvā tam tiṇena chādetvā **Siddhatthassa** Bhagavato aham **adāsīm** pūjesinti attho.

8. **Sattāham dhārayum tathāti** tam maṇḍapam tattha ṭhitā devamanussā sattāham nirodhasamāpattim samāpajjitvā nisinnassa **Satthuno dhārayum** dhāresunti attho. Sesam uttānatthamevāti.

Tiṇasantharadāyakatthera-apadānavañṇanā samattā.

Tatīyattherassa apadāne **Khaṇḍaphulliyattheroti** ettha **khaṇḍanti** kaṭṭhānaṃ jīṇṇatṭhā chinnabhinnatṭhānaṃ, **phullanti** kaṭṭhānaṃ jīṇṇatṭhāne kaṇṇakitamahicchattakādīpupphanāṃ, khaṇḍaṇca phullaṇca khaṇḍaphullāni, khaṇḍaphullānaṃ paṭisaṅkharānaṃ¹ punappunaṃ thirakaraṇanti khaṇḍaphullapaṭisaṅkharānaṃ. Imassa pana therassa sambhārapūraṇakāle Phussassa Bhagavato cetīye chinnabhinnatṭhāne sudhāpiṇḍaṃ makkhetvā thirakaraṇaṃ khaṇḍaphullapaṭisaṅkharānaṃ nāma. Tasmā so Khaṇḍaphullīyo theroti pākaṭo ahoṣi. . Tatīyaṃ.

17. Catutthattherassapadāne **rañño baddhacaro ahanti** rañño paricārako kammakārako ahoṣinti attho.

19. **Jalajuttamanāminoti** jale udake jātaṃ jalajaṃ, kiṃ taṃ padumaṃ, padumena samānaṇamattā Padumuttarassa Bhagavatoti attho. Uttamapadumanāmassa Bhagavatoti vā attho. . Catutthaṃ.

Pañcamaṃ uttānatthameva.

28. Chaṭṭhe **nagare Dvāravatīyāti** mahādāvāravātapānakavāṭaphalakāhi vatīpākāraṭṭālagopurakaddamodakaparikhāhi² ca sampannaṃ nagaranti Dvāravatīnagaraṃ, dvāraṃ vatīṇca padhānaṃ katvā nagarassa upalakkhitattā “Dvāravatī nagaraṇ”ti voharantīti **nagare Dvāravatīyāti** vuttaṃ. Mālāvachcho pupphārāmo mama ahoṣīti attho.

31. **Te kisalayāti** te asokapallavā. . Chaṭṭhaṃ.

Sattamaṭṭhamanavamāni uttānatthāneva. Dasamepi apubbaṃ natthīti.

Vīsativaggavaṇṇanā samattā.

21-23. Kaṇikārapupphiyavaggādivaṇṇanā

Ito paraṃ sabbattha anuttānapadavaṇṇanaṃ karissāma. Ekavīsatime bāvīsatime tevīsatime ca vagge sabbesaṃ therānaṃ sayamkatena puññaena laddhanāmāni, katapuññaṇaṇca nānattaṃ tesam byākaraṇadāyakaṇaṃ Buddhānaṃ

1. Paṭisaṅkharānaṃ nāma (sabbattha)

2. Pākāraggala... (Sī)

nāmāni vasitanagarāni ca heṭṭhā vuttanayattā sabbānipi uttānāneva.
Apadānagāthānamattho ca nayānuyogena suviññeyyoyevāti.

24. Udakāsanavaggavaṇṇanā

Catuvīsatime vagge paṭhamadutiyāpadānāni uttānāneva.

9. Tatiyāpadāne **Aruṇavatiyā nagareti** ā samantato ālokaṃ karonto uṇati uggacchatīti aruṇo, so tasmim̐ vijjatīti Aruṇavatī, tasmim̐ nagare ālokaṃ karonto sūriyo uggacchatīti attho. Sesanagaresupī sūriyuggamane vijjamānepi visesavacanaṃ sabbacatuppadānaṃ mahiyaṃ sayanepi sati mahiyaṃ sayatīti mahimsoti vacanaṃ viya rūḷhivasena vuttanti veditabbaṃ. Atha vā pākārapāsādahammiyādīsu suvaṇṇarajatamaṇimuttādīsattaratanapabhāhi aruṇuggamanaṃ viya pabhāvatī Aruṇavatī nāma, tasmim̐ Aruṇavatiyā nagare, **pūpiko** pūpavikkayena jīvikaṃ kappento ahosinti attho.

14. Catutthāpadāne **tivarāyaṃ pure rammeti** tihi pākārehi parivāritā parikkhattāti tivarā, khajjabhojjādi-upabhogavatthābharaṇādīnaccagītādīhi ramaṇīyanti rammaṃ, tasmim̐ tivarāyaṃ pure nagare **ramme** naḷakāro ahaṃ ahosinti sambandho.

Pañcamāpadānaṃ uttānatthameva.

23. Chaṭṭhāpadāne **vaṇṇakāro ahaṃ tadāti** nilapītarattādivaṇṇavasena vatthāni karoti rañjetīti vaṇṇakāro. Vattha¹rajako hutvā cetiye vatthehi acchādanasamaye nānāvaṇṇehi dussāni rañjesinti attho.

27. Sattamāpadāne **piyālaṃ pupphitaṃ disvāti** supupphitaṃ piyālarukkhaṃ disvā. **Gatamagge khipim̐ ahanti** ahaṃ **migaluddo** nesādo hutvā piyālapupphaṃ ocinitvā Buddhassa gatamagge khipim̐ pūjesinti attho.

1. Tattha (Sī)

30. Aṭṭhamāpadāne **sake sippe apatthaddhoti** attano takka-byākaraṇādisippasmim̐ apatthaddho patiṭṭhito cheko ahaṃ kānanam̐ **agamam̐** gato **Sambuddham̐ yantaṃ disvānāti** vanantare gacchantam̐ Vipassim̐ Sambuddham̐ passitvā. **Ambayāgam̐ adāsahanti** aham̐ ambadānam̐ adāsinti attho.

33. Navamāpadāne **jagati kārītā mayhanti** Atthadassissa Bhagavato sarīradhātunidhāpitacetiye jagati chinnabhinna-ālindapupphādhānasaṅkhātā jagati mayā kārītā kārāpitāti attho.

Dasamāpadānam̐ uttānatthamevāti.

Catuvīsatimavaggavaṇṇanā samattā.

25. Tugaradāyakavaggavaṇṇanā

1. Pañcavīsatime vagge paṭhamāpadāne **bharitvā tuvaramādāyāti** tuvara-aṭṭhim̐ muggakalayasadisam̐ tuvaraṭṭhim̐ bhajjitvā pupphetvā bhājanena ādāya **samghassa** vanamajjhogāhakassa **adadim̐** adāsinti attho.

4-5. Dutiyāpadāne **dhanum̐ advejjham̐ katvānāti** migādīnam̐ mārāṇatthāya dhanum̐ sannayhitvā caramāno **kesaram̐ ogatam̐ disvāti** supupphitam̐ khuddakasaram̐ disvā **Buddhassa abhiropesinti** aham̐ cittam̐ pasādetvā vanam̐ sampattassa Tissassa Bhagavato abhiropayim̐ pūjesinti attho.

9-10. Tatiyāpadāne **jalakukkuṭoti** jātassare caramānakukkuṭo. **Tuṇḍena kesarim̐ gayhāti** padumapuppham̐ mukhatuṇḍena ḍamsitvā ākāsenā gacchantassa Tissassa Bhagavato **abhiropesim̐** pūjesinti attho.

14. Catutthāpadāne **viravapupphamādāyāti** vividham̐ ravati saddam̐ karotīti viravam̐, saddakaraṇavelāyam̐ vikasanato “viravan”ti laddhanāmam̐ pupphasamūham̐ ādāya gahetvā Siddhatthassa **Buddhassa abhiropayim̐** pūjesinti attho.

17. Pañcamāpadāne **kuṭigopakoti** senāsanapālako. **Kālena kālam̐ dhūpesinti** sampattasampattakālānukāle dhūpesim̐, dhūpena sugandham̐

akāsinti attho. Siddhatthassa Bhagavato Gandhakuṭikālānusārīdhūpena dhūpesim vāsesinti attho.

Chaṭṭhasattamāpadānāni uttānatthāneva.

27. Aṭṭhamāpadāne **satta sattalipupphānī**¹ sattalisaṅkhātāni², satta pupphāni sisenādāya Vessabhussa Bhagavato **abhiropesim** pūjesinti attho.

31. Navamāpadāne **bimbijālakapupphānī**ti rattaṅkuravakapupphāni Siddhatthassa Bhagavato pūjesinti attho.

35. Dasamāpadāne **uddālakam gahetvānā**ti jātassare vihaṅgasobbhe jātam uddālakapuppham ocinitvā Kakusandhassa Bhagavato³ pūjesinti attho. Sesam suviññeyyamevāti.

Pañcavīsativavaggavaṇṇanā samattā.

26. Thomakavaggavaṇṇanā

Chabbīsati me vagge paṭhamāpadānam uttānameva.

5-6. Dutiyāpadāne **vijahitvā devavaṇṇanti** devatā sarīram vijahitvā chaḍḍetvā, manussasarīram nimminivāti attho. **Adhikāram kattukāmoti** adhikakiriyaṃ puññasambhāram kattukāmo Devaro nāma aham devarājā bhariyāya saha Buddhaseṭṭhassa sāsane sādaratāya **idha** imasmim manussaloke **āgamim** āgatoti attho. **Tassa bhikkhā mayā dinnāti** Padumuttarassa Bhagavato yo nāmena **Devalo** nāma sāvako ahosi, tassa sāvakassa mayā vippasannena cetasā **bhikkhā dinnā** piṇḍapāto dinnoti attho.

9-10. Tatiyāpadāne **Ānando nāma Sambuddhoti** Ānandaṃ tuṭṭhim jananato Ānando nāma Paccekabuddhoti attho. **Amanussamhi kānāneti** amanussapariggahe kānane mahā-araññe **parinibbāyi** anu

1. Sattapattalipupphānī (I, Ka)

2. Pattalisaṅkhātāni (I, Ka)

3. Kakudhassa Bhagavato (?)

pādisesanibbānadhātuyā antaradhāyi, adassanaṃ agamāsīti attho. **Sarīraṃ tattha jhāpesinti** ahaṃ devalokā idhāgantvā tassa Bhagavato sarīraṃ tattha araṇṇe jhāpesiṃ dahanāṃ akāsinti attho.

Catutthapañcamāpadānāni uttānāneva.

20. Chaṭṭhāpadāne **ahosiṃ Candano nāmāti** nāmena paṇṇattivasena candano nāma. **Sambuddhassa'trajoti** paccekasambuddhabhūtato pubbe tassa atrajo putto ahaṃ. **Ekopāhano mayā dinnoti** ekaṃ upāhanayugaṃ mayā dinnāṃ. **Bodhiṃ sampajja me tuvanti** tena upāhanayugena me mayhaṃ sāvakaḥ bodhiṃ tuvaṃ sampajja nipphādehīti attho.

23-24. Sattamāpadāne **mañjarikaṃ karitvānāti** mañjeṭṭhipupphaṃ haritacaṅkoṭakaṃ gahetvā **rathiyāṃ** vīthiyā paṭipajjīṃ ahaṃ tathā paṭipannova **bhikkhusaṃghapurakkhataṃ** bhikkhusaṃghena parivutaṃ **samaṇānaggaṃ** samaṇānaṃ bhikkhūnaṃ aggaṃ seṭṭhaṃ Sammāsambuddhaṃ addasanti sambandho. **Buddhassa abhiropayinti** disvā ca pana taṃ pupphaṃ ubhohi hatthehi **paggayha** ukkhipitvā Buddhassa Phussassa Bhagavato abhiropayīṃ pūjesinti attho.

28-29. Aṭṭhamāpadāne **aloṇapaṇṇabhakkhomhīti** khīrapaṇṇādīni uñchācariyāya āharitvā loṇavirahitāni paṇṇāni pacitvā bhakkhāmi, aloṇapaṇṇabhakkho amhi bhavāmīti attho. **Niyamesu ca saṃvutoti** niyamasaññitesu pāṇātipātāveramaṇi-ādīsu nīcappañcasīlesu saṃvuto pihitoti attho. **Pātarāse anuppatteti** purebhattakāle anuppatte. **Siddhattho upagacchi manti** mama samīpaṃ Siddhattho Bhagavā upagañchi sampāpuṇi. **Tāhaṃ Buddhassa pādāsinti** ahaṃ taṃ aloṇapaṇṇaṃ tassa Buddhassa adāsinti attho.

Navamāpadānaṃ uttānameva.

37-38. Dasamāpadāne **sikhinaṃ sikhinaṃ yathāti** sarīrato nikkhantachabbaṇṇaraṃsīhi **obhāsayaṃtaṃ** jalantaṃ sikhīnaṃ Sikhībhagavantaṃ sikhīnaṃ yathā jalamāna-aggikkhandhaṃ viya. **Aggajam pupphamādāyāti** aggajanāmakāṃ pupphaṃ gahetvā **Buddhassa** Sikhissa Bhagavato **abhiropayim** pūjesinti attho.

Chabbīsativavaggavaṇṇanā samattā.

27. Padumukkipavaggavaṇṇanā

1-2. Sattavīsatime vagge paṭhamāpadāne **jalajagge duve gayhāti** jale udake jāte agge uppalādayo dve pupphe gahetvā Buddhassa samīpaṃ gantvā ekaṃ pupphaṃ pādesu **nikkhipiṃ** pūjesiṃ, ekaṃ pupphaṃ ākāse khipinti attho.

Dutiyāpadānaṃ pākaṭameva.

10. Tatiyāpadāne **bodhiyā pādaputtameti** uttame bodhipādape. **Aḍḍhacandaṃ mayā dinnanti** tasmīṃ bodhimūle aḍḍhacandākārena mayā anekapupphāni pūjitānīti attho. **Dharaṇīruhapādapeti** rukkhapabbataranādayo dhāretīti dharaṇī, pathavī, dharaṇiyā ruhati patiṭṭhahatīti dharaṇīruho, pādasankhātena mūlena udakaṃ pivati khandhaviṭapādīsū patthariyatīti pādapo, dharaṇīruho ca so pādapo ceti dharaṇīruhapādapo, tasmīṃ dharaṇīruhapādape pupphaṃ mayā pūjitanti attho.

Catutthāpadānaṃ uttānatthameva.

18-19. Pañcamāpadāne **Himavantassāvidūreti** Himavantassa āsanne. **Romaso nāma pabbatoti** rukkhalatāgumbābhāvā kevalaṃ dabbatiṇādisaṅchannattā Romaso nāma pabbato ahosi. **Tamhi pabbatapādamaḥīti** tasmīṃ pabbatapariyante. **Samaṇo bhāvitindriyoti** samitapāpo vūpasantakilesa samaṇo vaḍḍhita-indriyo, rakkhitacakkhundriyādi-indriyoti attho. Atha vā vaḍḍhita-indriyo vaḍḍhitasaddhindriyādi-indriyoti attho. Tassa samaṇassa ahaṃ biḷāli-āluve gahetvā adāsinti attho.

Chaṭṭhasattamaṭṭhamanavamadasamāpadānāni uttānatthānevāti.

Sattavīsatimavaggavaṇṇanā samattā.

28. Suvaṇṇabibbohanavaggavaṇṇanā

Aṭṭhavīsatime vagge paṭhamāpadānaṃ uttānameva.

5. Dutiyāpadāne **manomayena kāyenāti** yathā cittavasena pavattakāyenāti attho.

10. Tatiyāpadāne **mahāsamuddarū** **nissāyā**ti mahāsāgarāsanne ʃhitassa pabbatassa antare pabbataṇeti attho. Siddhattho Bhagavā vivekakāmatāya **vasati** paṭivasatīti attho. **Paccuggantvāna** **'kāsa**hanti ahaṃ tassa Bhagavato paṭi-uggantvā samīpaṃ gantvā vandanādipuññaṃ akāsinti attho. **Caṅkoṭakamadāsa**hanti Siddhatthassa Bhagavato ahaṃ pupphabharitam caṅkoṭakaṃ kadambaṃ adāsīṃ pūjesinti attho.

14. Catutthāpadāne **akakkasacittassā**thāti aphaṛusacittassa, **atha**-saddo padapūraṇe.

19. Pañcamāpadāne **udumbare** **vasantassā**ti udumbararukkhamūle rukkhaḥchāyāya vasantassa Tissassa Bhagavato. **Niyate paṇṇasanthare**ti niyāmite paṭibaddhe paṇṇasanthare sākhābhaṅgāsane nisinnassa. **Vutthokāso mayā dinnoti** vivittokāse maṇḍapadvārādīhi pihitokāso mayā dinno sampāditoti attho.

24. Chaṭṭhāpadāne **potthadānaṃ mayā dinnanti** potthavaṭṭim potthachallim¹ tāletvā kataṃ sāṭakaṃ visamaṃ gophāsukena ghaṃsitvā nimmitaṃ suttaṃ gahetvā kantitvā tena suttena nisīdanatthāya vā bhūmattharaṇatthāya vā sāṭakaṃ vāyāpetvā taṃ sāṭakaṃ mayā ratanattayassa dinnanti attho.

27. Sattamāpadāne **Candabhāgānadī**reti Candabhāgāya nāma nadiyā tīrato, nissakke bhummavacanaṃ. **Anusotanti** sotassa anu heṭṭhāgaṅgaṃ **vajāmi** gacchāmi ahanti attho. **Satta māluvapupphāni, cita**'māropayim **ahanti** ahaṃ māluvapupphāni satta pattāni gahetvā citake vālukarāsīmhi vālukāhi thūpaṃ katvā pūjesinti attho.

31-32. Aṭṭhamāpadāne **Mahāsindhu sudassanā**ti sundaradassana-sundarodakadhavalapulinopasobhitatā suṭṭhu manoharā Mahāsindhu nāma vārinadī ahoṣi. **Tattha** tissaṃ Sindhuvārinadiyaṃ **sappabhāsaṃ** pabhāya sahitaṃ **sudassanaṃ** sundararūpaṃ **paramopasame yuttaṃ** uttame upasame yuttaṃ samaṅgibhūtaṃ vītarāgaṃ ahaṃ addasanti attho. **Disvāhaṃ**

1. Potthapaṭṭapotthajalī (Sī), potthavaṭṭim potthajallim (I)

vimhitāsayoti “evarūpaṃ bhayānakaṃ Himavantam katham sampatto”ti vimhita-ajjhāsayo acchariyabbhutacittoti attho. **Āluvaṃ tassa pādāsinti** tassa arahato ahaṃ pasannamānaso āluvakandaṃ pādāsim ādarena adāsinti attho.

Navamadasamāpadānāni uttānānevāti.

Atṭhavīsativavaggavaṇṇanā samattā.

29. Paṇṇadāyakaavaggavaṇṇanā

1-2. Ekūnatimsatime vagge paṭhamāpadāne **paṇṇabhojanabhojanoti** khīrapaṇṇādibhojanassa bhuñjanatthāya paṇṇasālāya nisinno **amhi** bhavāmīti attho. **Upaviṭṭhañca maṃ santanti** paṇṇasālāyaṃ upaviṭṭham santam vijjamānaṃ maṃ. **Upāgacchi mahā-isi**ti mahante sīlādikhandhe esanato mahā-isi. **Lokapajjoto** lokapadīpo **Siddhattho** Bhagavā upagacchi, mama samīpaṃ agamāsīti attho. **Nisinnassa paṇṇasanthareti** upagantvā paṇṇasanthare nisinnassa khādanatthāya seditaṃ **paṇṇam** mayā dinnanti sambandho.

5-7. Dutiyāpadāne Sinerusamasantoso dharaṇīsamāsādiso Siddhattho Bhagavāti sambandho. **Vuṭṭhahitvā samādhimhāti** nirodhasamāpattito vuṭṭhahitvā visum hutvāti attho. **Bhikkhāya mamupaṭṭhitoti** bhikkhācāravelāya “ajja mama yo koci kiñci dānaṃ dadāti, tassa mahapphalan”ti cintetvā nisinnassa mama santikaṃ samīpaṃ upaṭṭhito samīpamāgatoti attho. **Harītakam -pa- phārusakaphalāni cāti** evaṃ sabbam taṃ phalaṃ sabbalokānukampino tassa **Siddhatthassa Mahesissa** mayā vipprasanna cetasā dinnanti attho.

11-12. Tatiyāpadāne **sīham yathā vanacaranti** vane caramānaṃ sīharājaṃ iva caramānaṃ Siddhattham Bhagavantanti sambandho. **Nisabhājāniyam yathāti** vasabho, nisabho, visabho, āsabhoti cattāro gavajeṭṭhakā. Tesu gavasatassa jeṭṭhako vasabho, gavasahassassa jeṭṭhako nisabho, gavasatasahassassa jeṭṭhako visabho,

gavakoṭisatasahassassa jeṭṭhako āsabho. Idha pana āsabho “nisabho”ti vutto, ājānīyaṃ abhītaṃ niccalaṃ usabharājaṃ ivāti attho. **Kakudharā** **vilasantaṃ**vāti pupphapallavehi sobhamānaṃ kakudharukkhaṃ iva Narāsabhaṃ narānaṃ āsabhaṃ uttamaṃ āgacchantaṃ Siddhatthaṃ Bhagavantaṃ disvā saddhāya sampayuttatā vippasanna cetasā paccuggamaṃ akāsinti attho.

Catutthāpadānādīni dasamāvasānāni suviññeyyānevāti.

Ekūnatimsatimavaggavaṇṇanā samattā.

30. Citakapūjakavaggavaṇṇanā

1-2. Timsatime vagge paṭhamāpadāne **āhutiṃ** **yiṭṭhukāmohanti** pūjāsakkāraṃ kāretukāmo ahaṃ. **Nānāpupphaṃ** **samānayinti** nānā anekavidhaṃ campakasalalādipupphaṃ saṃ suṭṭhu ānayaṃ, rāsīṃ akāsinti attho. **Sikhino lokabandhuno**ti sakalalokattayabandhussa nātakassa Sikhissa Bhagavato parinibbutassa citakaṃ ālāhanacitakaṃ dārurāsīṃ jalantaṃ ādittaṃ disvā taṅca mayā rāsīkataṃ pupphaṃ **okiriṃ** pūjesinti attho.

6-7. Dutiyāpadāne **ajinuttaravāsanoti** ajinamigacammaṃ uttarāsaṅgaṃ katvā nivāsino acchādanoti attho. **Abhiññā pañca nibbattā**ti iddhividhādayo pañca abhiññāyo pañca nāṇāni nibbattā uppādītā nipphādītā. **Candassa parimajjakoti** candamaṇḍalassa samantato majjako, phuṭṭho ahosinti attho. **Vipassīṃ lokapajjotanti** sakalalokattaye padīpasadisāṃ Vipassīṃ Bhagavantaṃ mama santikaṃ **abhigataṃ** visesena sampattaṃ āgataṃ. **Disvā pāricchattakapupphānī**ti devalokato pāricchattakapupphāni āharitvā Vipassissa Satthuno matthake chattākārena ahaṃ dhāresinti attho.

11-13. Tatiyāpadāne **putto mama pabbajitoti** mayhaṃ putto saddhāya pabbajito. **Kāsāyavasano tadāti** tasmīṃ pabbajitakāle kāsāyanivattho, na bāhirakapabbajjāya pabbajitoti attho.

So ca Buddhattaṃ sampattoti so mayhaṃ putto catūsu Buddhesu sāvakabuddhabhāvaṃ saṃ suṭṭhu patto, arahattaṃ pattoti attho. **Nibbuto lokapūjito** sakalalokehi katasakkāro khandhapariniḅbānena parinibbutoti attho. **Vicinanto sakamṃ puttanti** ahaṃ tassa gatadesaṃ pucchivā sakamṃ puttamṃ vicinanto pacchato agamaṃ, anugato asmīti attho. **Nibbutassa mahantassāti** mahantehi sīlakkhandhādīhi yuttattā mahantassa tassa mama puttassa arahato ādatanaṭṭhāne **citakamṃ** citakaṭṭhānamṃ ahaṃ agamaṃsinti attho. **Paggayha añjalimṃ tatthāti** tasmimṃ ādahaṇaṭṭhāne añjalimṃ dasaṅgulisamodhānamṃ paggaḥetvā sirasi katvā ahaṃ **citakamṃ** dahanadārurāsīm **vanditvā** paṇāmaṃ katvā **setacchattaṇca paggayhāti** na kevalameva vanditvā dhavalacchattamṃ ca paggayha ukkhipivā ahaṃ **āropesimṃ** patiṭṭhapesinti attho.

17-18. Catutthāpadāne **anuggatamhi ādicceti** sūriye anuggate anuṭṭhite paccūsakāleti attho. **Pasādo vipulo ahūti** rogaṇiṭṭassa mayhaṃ cittappasādo vipulo atireko Buddhānussaraṇena ahu ahoṣi. Mahesino **Buddhassetṭhassa** lokamhi **pātubhāvo** pākāṭabhāvo ahoṣīti sambandho. **Ghosa'massosahamṃ tatthāti** tasmimṃ pātubhāve sati “ahaṃ gilāno Buddho uppanno”ti ghoṣamṃ assosimṃ. **Na ca passāmi taṃ jinanti** taṃ jītaṇcaṃmāraṃ Sammāsambuddhamṃ na passāmi, bālḥagilānattā gantvā passitumṃ na sakkomīti attho. **Maraṇaṇca anuppattoti** maraṇāsannakālamṃ anuppatto, āsannamaraṇo hutvāti attho. **Buddhasaññamanussarinti** Buddhotināmaṃ anussarimṃ, buddhārammaṇamṃ manasi akāsinti attho.

21-23. Pañcamāpadāne **ārāmadvārā nikkhammāti** ārāmadvārato saṃghassa nikkhamanadvāramaggeti attho. **Gosīsamṃ santhataṃ mayāti** tasmimṃ nikkhamanadvāramagge “Bhagavato bhikkhusaṃghassa ca pādā mā kaddamaṃ akkamantū”ti akkamanatthāya¹ gosīsaṭṭhimṃ mayā santharitanti attho. **Anubhomī sakamṃ kamanti** attano gosīsa-attharaṇakammaṃ balena ājānīyā vātajavā sindhavā sīghavāhanādīni vipākaphalāni anubhomīti attho.

1. Atikkamanatthāya (Sī)

Aho kāraṃ paramakāraṃti sukhette saṃghe mayā suṭṭhu kataṃ kāraṃ appakampi kiccaṃ mahapphaladānato paramakāraṃ uttamakiccaṃ aho vimhayanti attho. Yathā tiṇadosādivirahitesu khettesu vappitaṃ sālibījaṃ mahapphalaṃ deti, evameva rāgadosādidosarahite parisuddhakāyavacīsamācāre saṃghakhette gosīsa-attharaṇakammaṃ mayā kataṃ, idaṃ mahapphalaṃ detīti vuttaṃ hoti. **Na aññaṃ kalamagghatī** aññaṃ bāhiraśāsane kataṃ kammaṃ saṃghe **katassa kārassa** pūjāsakkārassa kalaṃ soḷasiṃ kalaṃ koṭṭhāsaṃ na agghatīti sambandho.

Chaṭṭhasattamaṭṭhamanavamadasamāpadānāni uttānānevāti.

Timsatimavaggavaṇṇanā samattā.

31. Padumakesaravaggavaṇṇanā

1-2. Ekatimsatime vagge paṭhamāpadāne **isisaṃghe ahaṃ pubbeti** ahaṃ pubbe bodhisambhārapūraṇakāle isisaṃghe Paccekabuddha-isisamūhe tesam samīpe Himavantapabbate mātāṅgahatthikule vāraṇo caṇḍahatthī ahosinti sambandho. Manussādayo vāretīti **vāraṇo**, atha vā vācāya ravati koñcanādaṃ nadatīti **vāraṇo**. **Mahesīnaṃ pasādenāti** Paccekabuddhamahesīnaṃ pasādena. **Paccekajinasetṭhesu, dhutarāgesu tādīsūtī** lokadhammehi niccalesu Paccekabuddhesu **paddhakesaraṃ** padumareṇuṃ **okiriṃ** avasiñcinti sambandho.

Dutiyatatiyāpadānāni uttānāni.

13-16. Catutthāpadāne **Mahābodhimaho ahūti** Vipassissa Bhagavato catumaggañāṇadhārabhāvato “bodhī”ti laddhanāmassa rukkhasa pūjā ahoṣīti attho. **Rukkhatṭhasseva Sambuddhoti** assa bodhipūjāsamaye sannipatitassa mahājanassa Sambuddho Lokajetṭho Narāsabho rukkhatṭho iva rukkhe ṭhito viya paññāyatīti attho. **Bhagavā tamhi samayeti** tasmim bodhipūjākaraṇakāle Bhagavā **bhikkhusaṃghapurakkhato** bhikkhusaṃghena parivuto. **Vācāsabhimudīrayanti** mudusiliṭṭhamadhura-uttamaghosam udīrayam kathayanto nicchārento catusaccaṃ pakāsesi, desesīti attho.

Saṁkhittena ca desentoti veneyyapuggalajjhāsayānurūpena desento saṁkhittena ca vitthārena ca desayīti attho. **Vivaṭṭacchadoti** rāgo chadanam, doso chadanam, moho chadanam, sabbakilesā chadanā”ti evam vuttā chadanā vivaṭṭā ugghāṭitā viddhamṣitā anenāti vivaṭṭacchado, Sambuddho. Tam mahājanam desanāvasena **nibbāpesi** pariḷāham vūpasamesīti attho. **Tassāham dhammam sutvānāti** tassa Bhagavato desentassa dhammam sutvā.

20. Pañcamāpadāne **phalahattho apekkhavāti** Vipassim Bhagavantam disvā madhurāni phalāni gahetvā apekkhavā aturito saṅikam assamam gañchinti attho.

Chaṭṭhasattamāpadānāni uttānāneva.

40. Aṭṭhamāpadāne **niṭṭhite navakamme cāti** sīmāya navakamme niṭṭham gate sati. **Anulepamadāsahanti** anupacchā sudhālepaṁ adāsīm, sudhāya lepāpesinti attho.

Navamadasamāpadānāni uttānāniyevāti.

Ekatimsamavaggavaṇṇanā samattā.

32. Ārakkhadāyakavaggavaṇṇanā

Bātiṁsatimavagge paṭhamadutiyatatiyāpadānāni suviññeyyāneva.

16. Catutthāpadāne **jalajaggehi okirinti** jalajehi uttamehi uppalapadumādīhi pupphehi okirim pūjesinti attho.

Pañcamāpadānam uttānameva.

26-27. Chaṭṭhāpadāne **cetiyam uttaram nāma, Sikhino lokabandhunoti** sakalalokattayassa bandhuno nātakassa Sikhissa Bhagavato uttaram cetiyam. **Irīṇe** janasañcaravirahite **vane** manussānam kolāhalavirahite mahā-araññe ahoṣīti sambandho. **Andhā’hiṇḍāmaham tadāti** tasmim kāle vane maggamūḷabhāvena andho, na

cakkhunā andho, ahaṃ āhiṇḍāmi maggaṃ pariyesāmiṭi attho. **Pavanā nikkhamantenā**ti mahāvanato nikkhamantena mayā **sihāsanam** uttamāsanam, sīhassa vā Bhagavato āsanam diṭṭhanti attho. **Ekamsam añjalim katvā**ti ekamsam uttarāsaṅgam katvā sirasi añjalim ṭhapetvāti attho. **Santhavim Lokanāyakanti** sakalalokattayanayam tam nibbānam pāpentam thomitam thutim akāsinti attho.

34. Sattamāpadāne **sudassano mahāvīro**ti sundaradassano dvattiṃsamahāpurisalakkhaṇasampannasarīratā manoharadassano mahāvīriyo Siddhattho Bhagavāti sambandho. **Vasatigharamuttameti** uttame vihāre vasatīti attho.

Aṭṭhamanavamadasamāpadānāni uttānānevāti.

Bāttiṃsatimavaggavaṇṇanā samattā.

33. Umāpupphiyavaggavaṇṇanā

Tettiṃsatime vagge
paṭhamadutiyatatiyacatutthapañcamachaṭṭhāpadānāni uttānāniyeva.

55. Sattamāpadāne **samayaṃ agamāsahanti** samūham samāgamaṭṭhānam aham agamāsinti attho.

62. **Abbudanirabbudānī**ti “pakoṭisatasahassānam satam abbudam, abbudasatasahassānam satam nirabbudan”ti vuttattā āyunā abbudanirabbudāni gatamahā-āyuvantā **manujādhipā** cakkavattino khattiyā aṭṭha aṭṭha hutvā kappānam pañcavīsahasamhi **āsimsu** ahesunti attho. Aṭṭhamanavamadasamāpadānāni pākāṭānevāti.

Tettiṃsatimavaggavaṇṇanā samattā.

34. Gandhodakavaggādivaṇṇanā

Catutimsatimavaggapañcatimsatimavaggachattimsatimavaggasattatimsatimavagga-aṭṭhatimsatimavaggā uttānatthāyeva.

Ekūnacattālīsamavaggepi paṭhamāpadānādīni aṭṭhamāpadānantāni uttānānevāti.

9. Soṇakoṭivīsathera-apadānavāṇṇanā

Navamāpadāne pana Vipassino pāvacaneti-ādikaṃ āyasmato Soṇassa koṭivīsa¹ttherassa apadānaṃ. Ayampi thero purimabuddhesu katādhikāro tattha tattha bhave vivaṭṭūpanissayāni puññāni upacinanto Vipassissa Bhagavato kāle mahāvibhave seṭṭhikule nibbato vuddhippatto seṭṭhi hutvā upāsakehi saddhiṃ vihāraṃ gantvā Satthu dhammadesanaṃ sutvā pasannamānaso Bhagavato caṅkamaṇaṭṭhāne sudhāya parikammaṃ kāretvā ekañca leṇaṃ kāretvā nānāviraḡavatthehi leṇabhūmiyā santharivā upari vitānañca katvā cātuddisassa saṃghassa niyyādetvā sattāhaṃ mahādānaṃ datvā paṇidhānaṃ akāsi. Satthā anumodanaṃ akāsi. So tena kusalakamma devamanussesu saṃsaranto ubhayasampattiyo anubhavivā imasmim kappe parinibbute Kassapadasabale anuppanne amhākaṃ Bhagavati Bārāṇasiyaṃ kulagehe nibbattivā viññutaṃ patto Gaṅgātīre paṇṇasālaṃ karitvā² vasantaṃ ekaṃ Paccakabuddhaṃ temāsaṃ catūhi paccayehi sakkaccaṃ upaṭṭhahi. Paccakabuddhā vuṭṭhavasso paripuṇṇaparikkhāro Gandhamādanameva agamāsi. Sopi kulaputto yāvajīvaṃ tattha puññāni katvā tato cavitvā devamanussesu saṃsaranto amhākaṃ Bhagavato kāle Campānagare aggaṣeṭṭhissa³ gehe paṭisandhiṃ gaṇhi. Tassa paṭisandhiggahaṇakālato paṭṭhāya seṭṭhissa mahābhogakkhandho abhivaḡḡhi. Tassa mātukucchito nikkhamanadivase sakalanagare mahālābhasakkārasammāno ahoṣi, tassa pubbe Paccakabuddhassa sataṣaḡḡghanikarattakambalapariccāgena suvaṇṇavaṇṇo sukhumālataro ca attabhāvo ahoṣi, tenassa Soṇoti nāmaṃ akaṃsu.

1. Soṇakoṭivīsa... (Vi 3. 265; Aṃ 1. 24; Khu 2. 313 piṭṭhe.)

2. Kāretvā (Ka)

3. Upaseṭṭhissa (Aṃ-Ṭṭha 1. 183), usabhasēṭṭhissa (Thera-Ṭṭha 2. 228 piṭṭhe.)

So mahatā parivārena abhivaḍḍhi. Tassa hatthapādatalāni bandhujīvakapupphavaṇṇāni ahesuṃ, tesāṃ satavāraṃ vihatakappāsaṃ viya mudusamphasso ahoṣi. Pādatalesu maṇikuṇḍalāvaṭṭavaṇṇalomāni jāyimsu. Vayappattassa tassa tiṇṇaṃ utūnaṃ anucchavike tayo pāsāde kārāpetvā nāṭakitthiyo upaṭṭhāpesuṃ. So tattha mahatiṃ sampattiṃ anubhavanto devakumāro viya paṭivasati.

Atha amhākaṃ Bhagavati sabbaññutaṃ patvā pavattitavaradhammacakke Rājagahaṃ upanissāya viharante Bimbisāraraññā pakkosāpito tehi asītiyā gāmikasaḥassehi saddhiṃ Rājagahaṃ āgato Satthu santikaṃ gantvā dhammaṃ sutvā paṭiladdhasaddho mātāpitaro anujānāpetvā Bhagavato santike pabbajitvā laddhūpasampado Satthu santike kammaṭṭhānaṃ gahetvā janasaṃsaggapariharaṇatthaṃ Sītavane vihāsi. So tattha vasanto “mama sarīraṃ sukhumālaṃ, na ca sakkā sukheveva sukhaṃ adhigantuṃ, kāyaṃ kilamētvāpi samaṇadhammaṃ kātuṃ vaṭṭati”ti cintetvā ṭhānacaṅkamameva adhiṭṭhāya padhānamanuyuñjanto pādatalesu phoṭesu uṭṭhitesupi vedanaṃ ajjupekkhitvā daḷhaṃ vīriyaṃ karonto accāraddhavīriyatāya viṣesaṃ nibbattetuṃ asakkonto “evaṃ ahaṃ vāyamantopi maggaphalāni nibbattetuṃ na sakkomi, kiṃ me pabbajjāya, hīnāyāvattitvā bhoge ca bhuñjāmi, puññāni ca karissāmi”ti cintesi. Atha Satthā tassa cittācāraṃ ñatvā tattha gantvā viṇopamovādena¹ ovaditvā vīriyasamatāyojanavidhiṃ dassento kammaṭṭhānaṃ sodhetvā Gijjhakūṭaṃ gato. Soṇopi kho Satthu santikā ovādaṃ labhitvā vīriyasamataṃ yojetvā vipassanaṃ ussukkāpetvā arahatte patiṭṭhāsi.

49. So arahā hutvā attano pubbakammaṃ saritvā somanassajāto pubbacaritāpadānaṃ pakāsento **vipassino pāvācānēti**-ādimāha. Tattha **vipassīti** viṣesena, vividhaṃ vā passatīti vipassī. **Pāvācānēti** pakārena vuccatīti pāvācanaṃ, piṭakattayaṃ. Tassa vipassino tasmim pāvācānēti attho. **Leṇanti** linante niliyante etthāti leṇaṃ vihāraṃ. **Bandhumārājadhāniyāti** bandhanti kulaparamparāya vasena aññamaññaṃ sambajjhantīti bandhū, ñātakā. Te ettha paṭivasantīti bandhumā, bandhu assa

1. Vi 3. 269 piṭṭhe.

atthīti vā bandhumā. Rājūnaṃ vasaṇaṭṭhānanti rājadhānī, bandhumā ca sā rājadhānī ceti bandhumārājadhānī, tassā bandhumārājadhāniyā, leṇaṃ mayā katanti sambandho. Sesamettha uttānatthamevāti.

Soṇakoṭivīsatthera-apadānavañṇanā samattā.

10. Pubbakammapilotikabuddha-apadānavañṇanā

64. Dasamāpadāne **Anotattasarāsanneti** pabbatakūṭehi paṭicchannattā candimasūriyānaṃ santāpehi otattaṃ uṇhaṃ udakaṃ ettha natthīti anotatto. Saranti gacchanti pabhavanti sandanti etasmā mahānadiyoti saro. Sihamukhādīhi nikkhantā mahānadiyo tikkhattum tikkhattum padakkhiṇaṃ katvā nikkhantanikkhantadisābhāgena saranti gacchantīti attho. Anotatto ca so saro cāti Anotattasaro. Tassa āsannaṃ samīpaṭṭhānanti Anotattasarāsannaṃ, tasmim Anotattasarāsanne, samīpeti attho. **Ramaṇīyeti** devadānavagandhabbakinnaroragabuddhapaccekabuddhādīhi ramitabbaṃ allīyitabbanti ramaṇīyaṃ, tasmim ramaṇīye. **Silātaleti** ekagghanapabbatasilātaleti attho. **Nānāratanaṇṇajoteti** padumarāgaveḷuriyādinānā-anekehi ratanehi pajjote pakārena jotamāne. **Nānāgandhavanantareti** nānappakārehi candanāgarukappūratamālatilakāsokanāgapunnāgaketakādīhi anekehi sugandhapupphehi gahanībhūtavanantare silātaleti sambandho.

65. Guṇamahantatāya saṅkhyāmahantatāya ca **mahatā bhikkhusaṅghena, pareto** parivuto **Lokanāyako** lokattayasāmisammāsambuddho tattha silāsane nisinno attano pubbāni kammāni **byākari** visesena pākaṭamakāsīti attho. Sesamettha heṭṭhā Buddhāpadāne¹ vuttattā uttānatthattā ca suviññeyyameva. Buddhāpadāne antogadhampi idhāpadāne kusalākusalaṃ kammaśamsūcakattā vaggasaṅgahavasena dhammasaṅgāhakattherā saṅgāyimsūti.

Pubbakammapilotikabuddha-apadānavañṇanā samattā.

Ekūnacattālīsamavaggavañṇanā samattā.

1. Khu 3. 1 piṭṭhādīsu.

40. Pilindavacchavagga

1. Pilindavacchatthera-apadānavañṇanā

Cattālīsamavagge apadāne **nagare Haṃsavatīyāti**-ādikaṃ āyasmato Pilindavacchattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle Haṃsavatīnagare dovārikakule nibbato mahaddhano mahābhogo ahoṣi. So koṭṭisannicitadhanarāsiṃ oloketvā raho nisinno “imaṃ sabbadhanam mayā sammā gahetvā gantuṃ vaṭṭatī”ti cintetvā “Buddhappamukhassa bhikkhusaṃghassa sabbaparikkhārādānaṃ dātuṃ vaṭṭatī”ti sannitṭhānaṃ katvā chattasatasahassaṃ ādiṃ katvā sabbaparibhogaparikkhārānīpi satasahassavasena kāretvā Padumuttaraṃ Bhagavantaṃ nimantetvā Buddhappamukhassa bhikkhusaṃghassa mahādānaṃ adāsi. Evaṃ sattāhaṃ dānaṃ datvā pariyoṣānadivase nibbānādhigamaṃ patthetvā yāvajīvaṃ puññāni katvā jīvitapariyoṣāne devaloke nibbato chakāmāvacare dibbasampattiyo anubhavitvā manussesu ca cakkavatti-ādisampattiyo anubhavitvā imasmiṃ Buddhuppāde brāhmaṇakule nibbato sabbasippesu nipphattiṃ patto gottavasena **Pilindavaccho**ti pākaṭo ahoṣi.

1. So ekadivasaṃ Satthu santike dhammadesanaṃ sutvā paṭiladdhasaddho pabbajitvā na cirasseva arahā hutvā attano pubbakammaṃ saritvā somanassajāto udānavasena taṃ pakāseto **nagare Haṃsavatīyāti**-ādimāha. Tassattho heṭṭhā vuttova. **Āsiṃ dovāriko ahanti** ahaṃ Hasavatīnagare rañño gehadvāre dvārapālako āsiṃ ahoṣinti attho. **Akkhobhaṃ amitam bhoganti** rañño vallabhata aññehi khobhetuṃ cāletuṃ asakkuṇeyyaṃ amitam aparimāṇabhogaṃ dhanam mama ghare **sannicitam** rāsīkataṃ ahoṣīti attho.

3. **Bahū me’dhigatā bhogāti** anekā bhogā me mayā adhigatā pattā paṭiladdhāti attho. Satthavāsi-ādīnaṃ parikkhārānaṃ nāmāni nayānuyogena suviññeyyāni. Parikkhārādānānisamsāni ca suviññeyyānevāti.

Pilindavacchatthera-apadānavañṇanā samattā.

Dutiyatatiyacatutthapañcamāpadānāni uttānānevāti.

6. Bākulatthera-apadānavañṇanā

Chaṭṭhāpadāne **Himavantassāvidūreti**-ādikaṃ Bākulattherassa apadānaṃ. Ayaṃ kira thero aṭṭe ito kappasatasahassādhikassa asaṅkhyeyyassa matthake Anomadassissa Bhagavato uppattito puretameva brāhmaṇakule nibbattitvā vayappatto tayo vede uggaṇhitvā tattha sāraṃ apassanto “samparāyikatthaṃ gavesissāmi”ti isipabbajjaṃ pabbajitvā pabbatapāde viharanto pañcābhiññā-aṭṭhasamāpattīnaṃ lābhī hutvā viharanto Buddhuppādaṃ sutvā Satthu santikaṃ gantvā dhammaṃ sutvā saraṇesu paṭiṭṭhito Satthu vātābādhe uppanne araññato bhesajjāni ānetvā taṃ vūpasametvā taṃ puññaṃ ārogyatthāya pariṇāmetvā tato cuto brahmaloke nibbatto ekaṃ asaṅkhyeyyaṃ devamanussesu saṃsaranto Padumuttarabuddhakāle Haṃsavatīnagare ekasmiṃ kule nibbatto viññutaṃ patvā Satthu dhammadesanaṃ sutvā Satthāraṃ ekaṃ bhikkhuṃ appābādhanāṃ aggaṭṭhāne ṭhapentaṃ disvā sayāṃ taṃ ṭhānantaraṃ ākaṅkhanto paṇidhānaṃ katvā yāvajīvaṃ kusalakammaṃ upacinitvā sugatīsuyeva saṃsaranto Vipassissa Bhagavato uppattito puretameva Bandhumatīnagare brāhmaṇakule nibbatto sabbasippesu nipphattiṃ patto tattha sāraṃ apassanto isipabbajjaṃ pabbajitvā jhānābhiññālābhī hutvā pabbatapāde vasanto Puddhuppādaṃ sutvā Satthu santikaṃ gantvā saraṇesu paṭiṭṭhāya bhikkhūnaṃ tiṇapupphakaroge uppanne taṃ vūpasametvā tattha yāvātāyukaṃ ṭhatvā tato cuto brahmaloke nibbattitvā tato ekanavutikappe devamanussesu saṃsaranto Kassapassa Bhagavato kāle Bārāṇasiyaṃ kulagehe nibbattitvā gharāvāsaṃ vasanto ekaṃ jiṇṇaṃ vinassamānaṃ mahāvihāraṃ disvā tattha uposathāgārādikaṃ sabbaṃ āvasathaṃ kārapetvā tattha bhikkhusaṃghassa sabbaṃ bhesajjaṃ paṭiyādetvā yāvajīvaṃ kusalaṃ katvā ekaṃ Buddhantaraṃ devamanussesu saṃsaranto amhākaṃ Bhagavato uppattito puretameva Kosambiyaṃ seṭṭhikule nibbatti.

So mātukucchito nikkhamitvā dhātīhi arogabhāvāya yamunāyaṃ nhāpiyamāno tāsāṃ hatthato muccitvā macchena gilito ahoṣi. Kevaṭṭā taṃ macchaṃ jālāya gahetvā Bārāṇasiyaṃ seṭṭhibhāriyāya vikkiṇiṃsu. Sā taṃ gahetvā phālayamānā pubbe katapuññaphalena

arogaṃ dāraṃ disvā “putto me laddho”ti gahetvā posesi. So janakehi māṭāpitūhi taṃ pavattim sutvā āgantvā “ayaṃ amhākaṃ putto, detha no puttā”ti anuyoge kate raññā “ubhayesampi sādharmaṇo hotū”ti dvinnā kulānaṃ dāyādabhāvena vinicchayaṃ katvā ṭhapitattā **Bākuloti** laddhanāmo vayappatto mahāsampattim anubhavanto dvīsu seṭṭhikulesu ekekasmim chamāsaṃ chamāsaṃ vasati. Te attano vāre sampatte nāvāsaṅghātaṃ bandhitvā tatrūpari ratanamaṇḍapaṃ kāretvā pañcaṅgikatūriye nipphādetvā kumāraṃ tattha nisīdāpetvā ubhayanagaramajjhaṭṭhānaṃ gaṅgāya āgacchanti, aparaseṭṭhimanussāpi evameva sajjetvā taṃ ṭhānaṃ gantvā kumāraṃ tattha āropetvā gacchanti. So evaṃ vaḍḍhamāno āsītiko hutvā **Ubhayaseṭṭhiputtoti** pākaṭo. Satthu santikaṃ gantvā dhammaṃ sutvā paṭiladdhasaddho pabbajitvā sattāhaṃ vāyamanto aṭṭhame divase saha paṭisambhidāya arahattaṃ pāpuṇi.

386. So arahā hutvā attano pubbakammaṃ saritvā somanassajāto pubbacaritāpadānaṃ pakāsento **Himavantassāvidūreti**-ādimāha. Tassattho heṭṭhā vuttova. Apadānapāli-atthopi suviññeyyova. So arahattaṃ patvā vimuttisukhena viharanto saṭṭhivassasatāyuko hutvā parinibbāyīti.

Bākulatthera-apadānavañṇanā samattā.

7. Girimānandatthera-apadānavañṇanā

Sattamāpadāne **bharyā me kālaṅkatāti**-ādikaṃ āyasmato Girimānandattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Sumedhassa Bhagavato kāle kulagehe nibbatta vayappatto gharāvāsaṃ saṅṭhapetvā vasanto attano bhariyāya ca putte ca kālaṅkate sokasallasamappito araññaṃ pavisitvā pavattaphalabhojano rukkhamūle vihāsi. Tadā Sumedho Bhagavā tassānukampāya tattha gantvā dhammaṃ desevā sokasallaṃ abbūḷhesi. So dhammaṃ sutvā pasannamānaso sugandhapupphēhi Bhagavantaṃ pūjetvā pañcapaṭiṭṭhitena vanditvā sirasi añjaliṃ katvā abhitthavi.

So tena puññaena devamanussesu saṁsaranto ubhayattha sukhaṁ anubhavitvā imasmim Buddhuppāde Rājagahe Bimbisārarañño purohitassa putto hutvā nibbatti, **Girimānandotissa** nāmaṁ ahosi. So viññutam patvā Satthu rājagahāgamane Buddhānubhāvaṁ disvā paṭiladdhasaddho pabbajitvā samaṇadhammaṁ karonto katipayam divasaṁ gāmakāvāse vasitvā Satthāraṁ vanditum Rājagahaṁ agamāsi. Bimbisāramahārājā tassa āgamaṁ sutvā taṁ upasaṅkamitvā “idheva bhante vasatha, ahaṁ catūhi paccayehi upaṭṭhahāmī”ti sampavāretvā gatopi bahukiccattā taṁ na sari. “Thero abbhokāseyeva vasati”ti. Devatā therassa temanabhayena vassadhāraṁ vāresum. Rājā avassanakāraṇaṁ upadhāretvā ñatvā therassa kuṭikaṁ kārāpesi. Thero kuṭikāyaṁ vasanto senāsanasappāyalābhena cittasamādhānaṁ labhitvā vīriyasamataṁ yojetvā vipassanaṁ ussukkāpetvā arahattaṁ pāpuṇi.

419. So arahattaṁ patvā attano pubbakammaṁ saritvā sañjātasomanasso pubbacaritāpadānaṁ pakāsento **bhariyā me kālaṅkatāti-**ādimāha. Taṁ Bhagavato nivedanañca Bhagavatā katānusāsanañca maggaṁ phalādhigamāpadānañca pāṭhānusārena suviññeyyamevāti.

Girimānandatthera-apadānavañṇanā samattā.

Aṭṭhamanavamadasamāpadānāni uttānatthānevāti.

Cattālīsamavaggavañṇanā samattā.

41. Metteyyavagga

1. Tissametteyyatthera-apadānavañṇanā

1. Ekacattālīsime vagge paṭhamāpadāne **pabbhārakūṭam nissāyāti-**ādikam Tissametteyyattherassa apadānaṁ. Tattha tāpasapabbajam pabbajitvā Padumuttarassa Bhagavato ajinacammaṁ nisīdanatthāya dīnnameva nānaṁ. Sesam Apadānapāḷiyā suviññeyyamevāti.

2. Puṇṇakatthera-apadānavaṇṇanā

29. Dutiyāpadāne **pabbhārakūṭam nissāyāti**-ādikaṃ āyasmato Puṇṇakattherassa apadānaṃ. Tattha Himavante Yakkhasenāpati hutvā parinibbutassa Paccekabuddhassa āḷahanakaraṇameva nānattaṃ. Sesam̃ pāṭhānusārena suviññeyyameva.

45. Tatiyāpadāne **Himavantassāvidūreti**-ādikaṃ āyasmato Mettaguttherassa apadānaṃ. Tattha Himavantasamīpe Asokapabbate so tāpaso hutvā paṇṇasālāyaṃ vasanto Sumedhasambuddhaṃ disvā pattaṃ gaḥetvā sappipūraṇaṃ viseso. Sesam̃ puññaphalāni ca suviññeyyāneva. Apadānagāthānaṃ attho ca pākaṭṭoyeva.

72. Catutthāpadāne **Gaṅgā Bhāgīrathī nāmāti**-ādikaṃ āyasmato Dhotakattherassa apadānaṃ. Tatrāpi brāhmaṇo hutvā Bhāgīrathīgāṅgāya taramāne bhikkhū disvā pasannamānaso setum̃ kārāpetvā Buddhappamukhassa bhikkhusam̃ghassa niyyāditabhāvoyeva viseso. Puññaphalaparidīpanagāthānaṃ attho nayānusārena suviññeyyova.

100. Pañcamāpadāne **Himavantassāvidūreti**-ādikaṃ āyasmato Upasivattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puññāni upacinanto Padumuttarassa Bhagavato kāle kulagehe nibbatto viññutaṃ patto gharāvāsam̃ pahāya isipabbajjaṃ pabbajitvā Himavante Padumuttaraṃ Bhagavantaṃ disvā tiṇṣasantharaṃ santharivā tattha nisinnassa Bhagavato sālappupphapūjaṃ akāsīti ayam̃ viseso, sesamuttānameva.

161. Chaṭṭhāpadāne **migaluddo pure āsinti**-ādikaṃ āyasmato Nandakattherassa apadānaṃ. Ayam̃ kira Padumuttarassa Bhagavato kāle karavikasakuṇo hutvā madhurakūjitaṃ karonto Sathhāraṃ padakkhiṇaṃ akāsi. Aparabhāge mayūro hutvā aññatarassa Paccekabuddhassa vasanaguhādvāre pasannamānaso divasassa tikkhattum̃ madhurena vassitaṃ vassi. Evaṃ tattha tattha bhave puññāni katvā amhākaṃ Bhagavato kāle Sāvattthiyaṃ kulagehe nibbatto **Nandakoti** laddhanāmo Satthu santike

dhammaṃ sutvā pabbajitvā vipassanaṃ vadḍhetvā arahattaṃ pāpuṇi. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **migaluddo pure āsinti**-ādimāha. Tattha Paccekabuddhassa maṇḍapaṃ katvā padumapupphehi chadanaṃveva viseso.

183. Sattamāpadāne **pabbhārakūtaṃ nissāyāti**-ādikaṃ āyasmato Hemakattherassa apadānaṃ. Tatthāpi isipabbajjaṃ pabbajitvā Himavante vasanto Piyadassiṃ Bhagavantaṃ upagataṃ disvā ratanamayaṃ pīṭhaṃ attharivā aṭṭhāsi. Tattha nisinnassa kumbhamattaṃ jambuphalaṃ āharitvā adāsi. Bhagavā tassa cittappasādatthāya taṃ phalaṃ paribhuñji. Ettakameva viseso.

224. Aṭṭhamāpadāne **rājāsi Vijayo nāmāti**-ādikaṃ āyasmato Todeyyattherassa apadānaṃ. Tattha **rājāsi Vijayo nāmāti** daharakālato paṭṭhāya sabbasaṅgāmesu jinato, catūhi saṅgahavatthūhi janaṃ rañjanaṃ allīyanaṃ Vijayo nāma rājā ahosīti attho. **Ketumatīpuruttameti** ketu vuccanti dhajapaṭākā. Atha vā nagarasobhanatthāya nagaramajjhe ussāpitaratanatorañāni, te ketū niccaṃ ussāpitā sobhayamānā assā atthīti ketumatī. Pūreti dhanadhaññehi sabbajanānaṃ mananti puraṃ. Ketumatī ca sā puraṅca seṭṭhaṭṭhena uttamañceti ketumatīpuruttamaṃ, tasmīṃ ketumatīpuruttame. **Sūro vikkamasampannoti** abhīto vīriyasampanno Vijayo nāma rājā ajjhāvasīti sambandho. Itthaṃ bhūtaṃ puraṅca sabbavatthuvāhanaṅca chaḍḍetvā Himavantaṃ pavisitvā isipabbajjaṃ pabbajitvā vasanto Sumedhabhagavantaṃ disvā somanassaṃ uppādetvā candanena pūjākaraṇameva viseso.

276. Navamāpadāne **nagare Haṃsavatīyāti**-ādikaṃ āyasmato Jatukaṇṇittherassa apadānaṃ. Tattha seṭṭhiputto hutvā suvaṇṇapāsāde vasanabhāvo ca pañcahi kāmaguṇehi samaṅgī hutvā vasanabhāvo ca sabbadesavāsīnaṃ sabbasippaviññūnaṅca āgantvā sevanabhāvo ca viseso.

330. Dasamāpadāne **Himavantassāvidūreti**-ādikaṃ āyasmato Udenattherassa apadānaṃ. Tattha Himavantasamīpe Padumapabbataṃ nissāya

tāpasapabbajjāṃ pabbajitvā vasantena Padumuttarassa Bhagavato padumapupphaṃ gahetvā pūjita bhāvova viseso. Sesāṃ sabbattha uttānamevāti.

Ekacattālīsamavaggavaṇṇanā samattā.

42. Bhaddālivaggavaṇṇanā

Bācattālīsamavagge paṭhamāpadānaṅca dutiyāpadānaṅca tatiyāpadānaṅca nayānusārena suviññeyyameva.

106. Catutthāpadāne **nagare Bandhumatiyāti**-ādikaṃ āyasmato Madhumaṃsadāyakattherassa apadānaṃ. Tattha **sūkarikoti** sūkaramaṃsaṃ vikkiṇitvā jīvikāṃ kappento. **Ukkoṭakaṃ randhayitvāti** pihakapapphāsamaṃsaṃ pacitvā madhumaṃsamhi **okiriṃ** pakkhipiṃ. Tena maṃsena pattaṃ pūretvā bhikkhusaṅghassa datvā tena puññakammena imasmiṃ Buddhuppāde arahattaṃ pāpuṇinti attho.

Nāgapallavattherassa pañcamāpadānampi Ekadīpiyattherassa chaṭṭhāpadānampi Uccaṅgapupphiyattherassa sattamāpadānampi Yāgudāyakattherassa aṭṭhamāpadānampi Patthodanadāyakattherassa navamāpadānampi Mañcadāyakattherassa dasamāpadānampi sabbāṃ suviññeyyamevāti.

Bācattālīsamavaggavaṇṇanā samattā.

43. Sakimsammajjakavaggādivaṇṇanā

Tecattālīsamavagge sabbatherāpadānāni uttānāneva. Kevalaṃ therānaṃ nāmanānattaṃ puññānānattaṅca viseso.

Catucattālīsame vaggepi sabbāni apadānāni pākaṅaneva. Kevalaṃ puññānānattaṃ phalanānattaṅca viseso.

1. Pañcacattālīsamavagge paṭhamāpadāne **Kakusandho mahāvīroti**-ādikaṃ āyasmato Vibhīṭakamiñjiyattherassa apadānaṃ.

2. Tattha **bījamiñjamadāsahanti** vibhīṭakaphalāni phāletvā bījāni miñjāni gahetvā madhusakkarāhi yojetvā Kakusandhassa Bhagavato adāsinti attho. Dutiyāpadānādīni sabbāni suviññeyyāneva, therānaṃ nāmanānattādīnīpi pāṭhānusārena veditabbāni.

1. Chacattālīsame vagge paṭhamāpadāne **jagatiṃ kārayiṃ ahanti** uttamabodhirukkhaṃ samantato āḷindaṃ ahaṃ kārayinti attho. Sesāni dutiyāpadānādīni sabbānīpi uttānāneva.

Sattacattālīsame vagge paṭhamāpadānādīni Pāli-anusārena suviññeyyāneva.

Aṭṭhacattālīsame vagge paṭhamadutiyāpadānāni uttānāneva.

30. Tatiyāpadāne **Kosiyo nāma Bhagavāti** kosiyagotte jātattā Kosiyo nāma Paccekabuddhoti attho. **Cittakūṭeti** Cittakūṭakelāsakūṭasānukūṭādīsu Anotattadahaṃ paṭicchādetvā ṭhitapabbatakūṭesu nānāratana-osadhādīhi vicitte Cittakūṭapabbate so Paccekabuddho vasīti attho.

Catutthapañcamāpadānāni uttānāneva.

56. Chaṭṭhāpadāne **kusaṭṭhakamadāsahanti** pakkhikatatta-uposathikabhatta-dhurabhattasalākabhattādīsu kusapaṇṇavasena dātabbhaṃ aṭṭhasalākabhattaṃ ahaṃ adāsinti attho.

61. Sattamāpadāne **Sobhito nāma Sambuddhoti** ārohapariṇāhadvattiṃsamahāpurisalakkhaṇabyāmapabhādīhi sobhamānasarīrattā Sobhito nāma Sammāsambuddhoti attho.

66. Aṭṭhamāpadāne **takkarāyaṃ vasī tadāti** taṃ dasapuññakiriyavatthum karontā janā paṭivasanti etthāti takkarā, rājadhānī. Tissaṃ takkarāyaṃ, tadā vasīti attho.

72. Navamāpadāne **pānadhīm sukataṃ gayhāti** upāhanayugaṃ suṇḍarākāreṇa nipphāditaṃ gahetvāti attho. Dasamāpadānaṃ suviññeyyamevāti.

Atthacattālīsamavaggavaṇṇanā niṭṭhitā.

49. Paṃsukūlavaggavaṇṇanā

Ekūnapaññāsamavagge paṭhamāpadānaṃ suviññeyyameva.

14. Dutiyāpadāne **adhiccuppattikā Buddhāti** adhiccena akāraṇeṇa uppattikā sayambhūtā, aññehi devabrahmamārādīhi upadesadāyakehi rahitā sayambhūññāṇeṇa uppannā jātā pātubhūtāti attho.

16. **Odumbarikapupphaṃvāti** udumbararukkhe pupphaṃ dullabhaṃ dullabhuppattikaṃ iva. **Candamhi sasakaṃ yathāti** candamaṇḍale sasalekhāya rūpaṃ dullabhaṃ yathā. **Vāyasānaṃ yathā khīranti** kākānaṃ niccaṃ rattindivaṃ khuddāpīlitabhāveṇa khīraṃ dullabhaṃ yathā, evaṃ dullabhaṃ Lokanāyakaṃ caturāsāṅkhyeyaṃ vā atthāsāṅkhyeyaṃ vā soḷasāsāṅkhyeyaṃ vā kappasatasahassaṃ pāramiyo pūretvā Buddhabhāvato dullabho Lokanāyakoti attho.

30. Tatiyāpadāne **madhurṃ bhisehi savatīti** pokkharamadhupadumakesarehi savati paggharati. **Khīraṃ sappiṃ muḷālibhīti** khīraṇca sappirasaṇca padumamuḷālehi savati paggharati. Tasmā tadubhayaṃ mama santakaṃ Buddho paṭiggaṇhatūti attho.

Catutthapañcamachaṭṭhāpadānāni uttānāneva.

119. Sattamāpadāne **cattālīsadijāpi cāti** dvikkhattuṃ jātāti dijā. Kumāravaye uṭṭhitadantānaṃ patitattā puna uṭṭhitadantā dijā, te ca dantā. Byākaraṇaṇca heṭṭhā nidānakathāyaṃ vuttameva.

Atthamāpadānaṃ uttānamevāti.

171. Navamāpadāne **tadāhaṃ māṇavo āsinti** yadā Sumedhapaṇḍito Dīpaṅkarabhagavato santikā byākaraṇaṃ labhi, tadā ahaṃ Megho nāma

brāhmaṇamāṇavo hutvā Sumedhatāpasena saha isipabbajjam pabbajitvā sikkhāpadesu sikkhito kenaci pāpasahāyena saṃsaṭṭho saṃsaggadosena pāpavitakkādivasaṃ gato mātughātakammavasena narake aggijālādidukkhamanubhavitvā tato cuto samudde timiṅgalamahāmaccho hutvā nibbato, samuddamajjhe gacchantam mahānāvaṃ gilitukāmo gato. Disvā maṃ vāṇijā bhītā “aho Gotamo Bhagavā”ti saddamakāmsu. Atha mahāmaccho pubbavāsanāvasena Buddhagāravaṃ uppādetvā tato cuto Sāvatthiyaṃ vibhavasampanne brāhmaṇakule nibbato saddho pasanno Satthu dhammadesanaṃ sutvā pabbajitvā saha paṭisambhidāhi arahattam pāpuṇitvā divasassa tikkhattum upaṭṭhānam gantvā saramāno vandati. Tadā Bhagavā “ciraṃ dhammaruci”ti maṃ āha.

184. Atha so thero “suciraṃ satapuññalakkhaṇaṃ”ti-ādīhi gāthāhi thomesi. Bhante satapuññalakkhaṇadhara gotama. **Patipubbena visuddhapaccayanti** pubbe Dīpaṅkarapādamūle paripuṇṇapāramīpaccayasambhāro suṭṭhu ciraṃ kālaṃ mayā na diṭṭho asīti attho. **Ahamajjasupekkhananti** ajja imasmim divase ahaṃ supekkhanaṃ sundaradassanaṃ, sundaradiṭṭhaṃ vā **nirupamaṃ viggahaṃ** upamārahitasarīraṃ Gotamaṃ **vata** ekantena **passāmi** dakkhāmīti attho.

185-186. **Suciraṃ vihatatamo mayāti** visesena hatatamo viddhaṃsitamoho tvaṃ mayāpi suṭṭhu ciraṃ thomitoti attho. **Sucirakkhena nadī visositāti** esā taṇhānadī sundararakkhena gopanena visesena sositā, abhabbuppattikatā tayāti attho. **Suciraṃ amalaṃ visodhitanti** suṭṭhu ciraṃ dīghena addhunā amalaṃ nibbānaṃ visesena sodhitam, suṭṭhu kataṃ adhigataṃ tayāti attho. **Nayanaṃ ñāṇamayaṃ Mahāmune. Cirakālasamaṅgitoti** Mahāmune mahāsamaṇa ñāṇamayaṃ nayanam dibbacakkhum cirakālaṃ samadhigato sampatto tvanti attho. **Avinatṭho punarantaranti** ahaṃ puna antaraṃ antarābhava majjhe¹ parinaṭṭho parihīno ahosinti attho. **Punarajjasamāgato tayāti** ajja imasmim kāle tayā saddhim punapi samāgato ekībhūto saha vassāmīti attho. **Na hi nassanti katāni Gotamāti** Gotama Sabbaññubuddha tayā saddhim katāni

1. Ahaṃ puna antarā vemajjhe (Sī)

samāgamādīni na hi nassanti yāva khandhapariniḅbānā na vinā bhavissantīti
attho. Sesam uttānamevāti.

Dhammaruciyatthera-apadānavaṇṇanā samattā.

Dasamāpadānaṃ suviññeyyamevāti.

Ekūnapaññāsamavaggavaṇṇanā samattā.

50. Kiṅkaṇipupphavaggādivaṇṇanā

Paññāsamavagge ca ekapaññāsamavagge ca dvepaññāsamavagge ca
tepaññāsamavagge ca sabbāni apadānāni uttānānevāti.

54. Kaccāyanavagga

1. Mahākaccāyanatthera-apadānavaṇṇanā

Catupaññāsamavagge paṭhamāpadāne **Padumuttaro nāma Jinoti**-ādikaṃ
āyasmato Mahākaccāyanattherassa apadānaṃ. Ayampi purimabuddhesu
katādhikāro tattha tattha bhave vivaṭṭūpanissayāni puññāni upacinanto
Padumuttarassa Bhagavato kāle gahapatimahāsālakule nibbattitvā
vuddhippatto ekadivasam Satthu santike dhammaṃ suṇanto Satthārā
saṃkhittena bhāsitassa vitthārena atthaṃ vibhajantānaṃ aggaṭṭhāne
ṭhapiyamānaṃ ekaṃ bhikkhuṃ disvā sayampi taṃ ṭhānantaraṃ patthento
paṇidhānaṃ katvā dānādīni puññāni katvā devamanussesu saṃsaranto
Sumedhassa Bhagavato kāle vijjādharo hutvā ākāsenā gacchanto ekasmiṃ
vanasaṇḍe nisinnaṃ Bhagavantaṃ disvā pasannamānaso kaṇikārapupphehi
pūjaṃ akāsi.

So tena puññena aparāparaṃ sugatīsuyeva parivattento
Kassapadasabalassa kāle Bārāṇasiyaṃ kulagehe nibbattitvā parinibbute
Bhagavatī suvaṇṇacetiyakammaṭṭhāne satahassagghanikāya
suvaṇṇiṭṭhakāya pūjaṃ¹ katvā “imassa nissandena nibbattanibbattaṭṭhāne
sarīraṃ me suvaṇṇavaṇṇaṃ

hotū”ti patthanam akāsi. Tato yāvajīvam kusalakammaṃ katvā ekaṃ Buddhantaram devamanussesu saṃsaritvā imasmim Buddhuppāde Ujjeniyam rañño Caṇḍapajjotassa purohitagehe nibbatti, tassa nāmaggaḥaṇadivase mātā “mayham putto suvaṇṇavaṇṇo, attano nāmaṃ gahetvā āgato”ti **Kañcanamāṇavot**veva nāmaṃ akāsi. So vuddhimanvāya tayo vede uggaṇhitvā pitu accayena purohitaṭṭhānaṃ labhi. So gottavasena **Kaccāyanoti** paññāyittha. Atha rājā Caṇḍapajjoto Buddhuppādam sutvā “ācariya tumhe tattha gantvā Satthāraṃ idhānethā”ti pesesi. So atthaṭṭhamo Satthu santikaṃ upagato tassa Satthā dhammaṃ desesi, desanāpariyosāne sattahi janehi saddhim saha paṭisambhidāhi arahatte patiṭṭhāsi.

1. So evaṃ patta-arahattaphalo attano pubbakammaṃ saritvā somanassajāto pubbacaritāpadānaṃ pakāseto **Padumuttaro nāma Jinoti-**ādimāha. Tam heṭṭhā vuttatthameva. Atha Satthā “etha bhikkhavo”ti hattham pasāresi. Te tāvadeva dvaṅgulamattakesamassu-iddhimayapattacīvaradharā vassasaṭṭhikattherā viya ahesuṃ. Evaṃ thero sadattham nipphādetvā “bhante rājā Pajjoto tumhākaṃ pāde vandituṃ dhammañca sotuṃ icchatī”ti ārocesi. Satthā “tvaṃyeva Kaccāna tattha gaccha, tayi gate rājā pasīdissatī”ti āha. Thero Satthu āṇāya atthaṭṭhamo tattha gantvā rājānaṃ pasādetvā avantīsu sāsanaṃ patiṭṭhāpetvā puna Satthu santikameva āgato. Attano pubbapatthanāvasena kaccāyanappakaraṇaṃ mahāniruttippakaraṇaṃ nettippakaraṇanti pakaraṇattayaṃ saṃghamajjhe byākāsi. Atha santuṭṭhena Bhagavatā “etadaggaṃ bhikkhave mama sāvakānaṃ saṃkhittena bhāsitassa vitthārena atthaṃ vibhajantānaṃ yadidaṃ Mahākaccāno”ti¹ etadaggaṭṭhāne ṭhapito aggaphalasukhena vihāsīti.

Mahākaccāyanatthera-apadānavāṇṇanā samattā.

1. Am 1. 24 piṭṭhe.

2. Vakkalīthera-apadānavaṇṇanā

Dutiyāpadāne **ito sataśahassamhīti**-ādikaṃ āyasmato Vakkalītherassa apadānaṃ. Ayampi therō purimajinavaresu katādhikāro tattha tattha bhava vivatṭūpanissayāni puññāni upacinanto Padumuttarassa-a Bhagavato kāle Haṃsavatīnagare kulagehe nibbatto viññutaṃ patto Satthu santikaṃ gacchantehi upāsakehi saddhiṃ vihāraṃ gantvā parisapariyante ṭhito dhammaṃ suṇanto Satthārā ekaṃ bhikkhuṃ saddhādhimuttānaṃ agaṭṭhāne ṭhapitaṃ disvā sayampi taṃ ṭhānantaraṃ patthento sattāhaṃ Buddhappamukhassa bhikkhusaṃghassa mahādānaṃ datvā paṇidhānaṃ akāsi. Satthā tassa anantarāyaṃ disvā byākari.

So yāvajīvaṃ kusalaṃ katvā devamanussesu saṃsaranto amhākaṃ Bhagavato kāle Sāvattīyaṃ brāhmaṇakule nibbatti, tassa **Vakkalīti** nāmaṃ karimsu. Tattha **kalīti** aparādhatilakālakādidosassa adhivacanaṃ. Niddhantasuvaṇṇaṇiṇḍasadisatāya apagato byapagato kali doso assāti vakārāgamaṃ katvā Vakkalīti vuccati. So vuddhippatto tayo vede uggaṇhitvā brāhmaṇasippesu nipphattiṃ gato, Satthāraṃ disvā rūpakāyasampattidassanena atitto Satthārā saddhiṃyeva vicarati. “Agāramajjhe vasanto niccakālaṃ Satthu dassanaṃ na labhissāmi”ti Satthu santike pabbajitvā ṭhapetvā bhojanakālaṃ sarīrakiccakālaṃ sesakāle yattha ṭhiteṇa sakkā Dasabalaṃ passituṃ, tattha ṭhito aññaṃ kiccaṃ pahāya Bhagavantaṃ oloketoyeva viharati. Satthā tassa nāṇaparipākaṃ āgamento bahukālaṃ tasmīṃ rūpadassaneneva vicarante kiñci avatvā punekadivasam “kiṃ te Vakkali iminā pūtikāyena diṭṭhena, yo kho Vakkali dhammaṃ passati, so maṃ passati. Yo maṃ passati, so dhammaṃ passati. Dhammaṃ hi Vakkali passanto maṃ passatī”ti¹ āha. Satthari evaṃ vadantepi therō Satthu dassanaṃ pahāya aññattha gantuṃ na sakkoti. Tato Satthā “nāyaṃ bhikkhu saṃvegaṃ alabhitvā bujjhissatī”ti vassūpanāyikadivase “apehi Vakkalī”ti therāṃ paṇāmesi. So Satthārā paṇāmito Satthu sammukhe ṭhātum asakkonto “kiṃ mayhaṃ jīvitena, yohaṃ Satthāraṃ daṭṭhuṃ na labhāmi”ti Gijjhakūṭe pabbate

1. Saṃ 2. 98 piṭṭhe.

papātaṭṭhānaṃ abhiruhi. Satthā tassa taṃ pavattiṃ ñatvā “ayaṃ bhikkhu mama santikā assāsaṃ alabhanto maggaphalānaṃ upanissayaṃ nāseyyā”ti attānaṃ dassetvā obhāsaṃ vissajjento—

“Pāmojjabahulo bhikkhu, pasanno Buddhasāsane.

Adhigacche padaṃ santaṃ, saṅkhārūpasamaṃ sukhaṃ”ti¹—

gāthaṃ vatvā “ehi Vakkalī”ti² hatthaṃ pasāresi. Thero “Dasabalo me diṭṭho, ‘ehi’ti avhāyanampi laddhan”ti balavapītisomanassaṃ uppādetvā “kuto gacchāmi”ti attano gamanabhāvaṃ ajānitvāva Satthu sammukhe ākāse pakkhanditvā paṭhamena pādena pabbate ṭhitoyeva Satthārā vuttagāthāyo āvajjento ākāseyeva pītiṃ vikkhambhetvā saha paṭisambhidāhi arahattaṃ pāpuṇīti Aṅguttaraṭṭhakathāyaṃ³ Dhammapadavaṇṇanāyaṅca⁴ āgataṃ.

Idha pana evaṃ veditabbaṃ⁵—“kiṃ te Vakkalī”ti-ādinā Satthārā ovadito Gijjhakūṭe viharanto vipassanaṃ paṭṭhapesi, tassa saddhāya balavabhāvato eva vipassanā vīthiṃ na otarati. Bhagavā taṃ ñatvā kammaṭṭhānaṃ sodhetvā adāsi. So puna vipassanaṃ matthakaṃ pāpetuṃ nāsakkhiyeva. Athassa āhāravekallena vātābādho uppajji, taṃ vātābādheṇa pīḷiyamaṇaṃ ñatvā Bhagavā tattha gantvā pucchanto—

“Vātarogābhiniṭo tvaṃ, viharaṃ kānane vane.

Paviddhagocare lūkhe, kathaṃ bhikkhu karissasī”ti⁶—

āha. Taṃ sutvā thero—

“Pītisukhena vipulena, pharamāno samussayaṃ.

Lūkhampi abhisambhonto, viharissāmi kānane.

Bhāvento satipaṭṭhāne, indriyāni balāni ca.

Bojjhaṅgāni ca bhāvento, viharissāmi kānane.

Āraddhavīriye pahitatte, niccaṃ daḷhaparakkame.

Samagge sahite disvā, viharissāmi kānane.

1. Khu 1. 68 piṭṭhe Dhammapade.

3. Am-Ṭṭha 1. 196 piṭṭhe.

5. Vadanti (Thera-Ṭṭha 2. 59 piṭṭhe.)

2. Dhammapada-Ṭṭha 2. 381 piṭṭhe.

4. Dhammapada-Ṭṭha 2. 382 piṭṭhe.

6. Khu 2. 278 piṭṭhe.

Anussaranto Sambuddham, aggaṃ dantaṃ samāhitam.

Atandito rattindivam, viharissāmi kānane”ti¹—

catasso gāthāyo abhāsi. Tāsam attho Theragāthāvaṇṇanāyam² vuttoyeva.
Evaṃ thero vipassanaṃ ussukkāpetvā arahattaṃ pāpuṇi.

28. So arahattaṃ patvā attano pubbakammaṃ saritvā somanassajāto
pubbacaritāpadānaṃ pakosento **ito satasahassamhīti**-ādimāha. Tattha **itoti**
Kakusandhādīnaṃ uppannabhaddakappato heṭṭhā
kappasatasahassamatthaketi attho.

29. **Padumākāravadanoti** supupphitapadumasassirīkamukho.
Padumapatta’kkhoti setapadumapupphavaṇṇasadisa-akkhīti attho.

30. **Padumuttaragandhovāti** padumagandhamukhoti attho.

31. **Andhānaṃ nayanūpamoti** cakkhuvirahitānaṃ sattānaṃ
nayanasadiso, dhammadesanāya sabbasattānaṃ
paññācakkhādīcakkhudāyakoti attho. **Santavesoti** santasabhāvo santa-
iriyāpatho. **Giṇanidhīti** guṇānaṃ nidhi, sabbaguṇagaṇānaṃ
nidhānatṭhānabhūtoti attho. **Karuṇāmati-ākaroti** sādhuṇaṃ
cittakampanasaṅkhātāya karuṇāya ca ³atthānatthaminanaparicchinnamatiyā³
ca ākaro ādhārabhūto.

32. **Brāhmasurasuraccitoti** brahmehi ca asurehi ca devehi ca accito
pūjītoti attho.

33. **Madhurena rutena cāti** karavīkarutamadhurena saddena sakalaṃ
janaṃ rañjayantīti sambandho. **Santhavī sāvakaṃ sakanti** attano sāvakaṃ
madhuradhammadesanāya santhavī, thutiṃ akāsīti attho.

34. **Saddhādhimuttoti** saddahanasaddhāya sāsane adhimutto patiṭṭhitoti
attho. **Mama dassanalālasoti** mayhaṃ dassane byāvaṇo tapparo⁴.

1. Khu 2. 278 piṭṭhe.

3-3. Suparisuddhāya matiyā (Sī)

2. Thera-Ṭṭha 2. 57 piṭṭhādīsu.

4. Parāyaṇo (Sī)

35. **Taṃ ṭhānamabhirocayinti** taṃ saddhādhimuttaṭṭhānantaraṃ abhirocayim, icchim patthesinti attho.

40. **Pītamattṭhanivāsananti** siliṭṭhasuvaṇṇavaṇṇavatthe nivatthanti attho. **Hemayaññopacitaṅganti** suvaṇṇapāmaṅgalaggitagattanti attho.

47-48. **Nonītasukhumālaṃ manti** navanītamiva mudutaluṇahatthapādaṃ. **Jātapallavakomalanti** asokapallavapattakomalamiva mudukanti attho. **Pisācībhayatajjitāti** tadā evambhūtaṃ kumāraṃ maṃ aññā pisācī ekā rakkhasī bhayena tajjesi bhimsāpesīti attho. Tadā **Mahesissa** Sammāsambuddhassa pādamūle maṃ **sāyesuṃ** nipajjāpesuṃ. **Dīnamānasā** bhītacittā mama mātāpitaro **imaṃ** dāraṃ te dadāma, imassa **saraṇaṃ** patiṭṭhā hotu nātha nāyakāti sambandho.

49. **Tadā paṭiggahi so manti** so Bhagavā tadā tasmim mama mātuyā dinnakāle **jālinā** jālayuttena¹ saṅkhālakena² cakkalakkhaṇādīhi lakkhitena **mudukomalapāṇinā** mudukena visuddhena hatthatalena maṃ aggahesīti attho.

52. **Sabbapāramisambhūtanti** sabbehi dānapāramitādīhi sambhūtaṃ jātaṃ. **Nilakkhinayanaṃ varaṃ** puññasambhārajaṃ uttamaṇīla-akkhivantaṃ. **Sabbasubhākiṇṇaṃ** sabbena subhena vaṇṇena saṅṭhānena ākiṇṇaṃ gahanībhūtaṃ **rūpaṃ** Bhagavato hatthapādasīsādirūpaṃ disvāti attho, tittim apatto viharāmi ahanti sambandho.

61. **Tadā maṃ caraṇantago**ti tasmim mayhaṃ arahattaṃ pattakāle sīlādipannarasannaṃ caraṇadhamaṇaṃ antago, pariyoṣānappatto paripūrakārīti attho. “Maraṇantago”tipi pāṭho. Tassa maraṇassa antaṃ nibbānaṃ pattoti attho. Saddhādhimuttānaṃ aggaṃ paññāpesīti sambandho. Atha Satthā bhikkhusaṅghamajjhe nisinno “etadaggaṃ bhikkhave mama sāvakaṇaṃ saddhādhimuttānaṃ yadidaṃ Vakkalī”ti³ maṃ etadaggaṭṭhāne ṭhapesīti vuttaṃ hoti. Sesam suviññeyyamevāti.

Vakkalithera-apadānavāṇṇanā samattā.

1. Jālasuttana (Sī)

2. Saṅkhalāṅkena (Sī)

3. Am 1. 24 piṭṭhe.

3. Mahākappinātthera-apadānavañṇanā

Padumuttaro nāma Jinoti-ādikaṃ āyasmato Kappināttherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle Haṃsavatīnagare kulagehe nibbato viññutaṃ patvā Satthu santike dhammadesanaṃ suṇanto Satthārā ekaṃ bhikkhuṃ ovādakānaṃ aggaṭṭhāne ṭhapitaṃ disvā adhikārakammaṃ katvā taṃ ṭhānantaraṃ patthesi.

So tattha yāvajīvaṃ kusalaṃ katvā devamanussesu saṃsaranto Bārāṇasito avidūre ekasmiṃ Pesakāragāme jeṭṭhapesakāragehe nibbato tadā saḥassamattā Paccekabuddhā Himavante aṭṭha māse vasitvā vassike cattāro māse janapade vasanti. Te ekavāraṃ Bārāṇasiyā avidūre otarivā “senāsaṇaṃ karaṇatthāya hatthakammaṃ yācathā”ti rañño santikaṃ aṭṭha Paccekabuddhe paṇiṃsu. Tadā pana rañño vappamaṅgalaṃ ahoṣi. So “Paccekabuddhā kira āgatā”ti sutvā nikkhamitvā āgatakāraṇaṃ pucchitvā “ajja bhante okāso natthi sve amhākaṃ vappamaṅgalaṃ, tatiyadivase karissāmā”ti vatvā Paccekabuddhe animantetvāva pāvisi. Paccekabuddhā “aññaṃ gāmaṃ pavisissāmā”ti pakkamiṃsu.

Tasmiṃ samaye jeṭṭhapesakārassa bhariyā kenacideva karaṇīyena Bārāṇasiṃ gacchantī te Paccekabuddhe disvā vanditvā “kiṃ bhante avelāya ayyā āgatā”ti pucchi. Te ādito paṭṭhāya kathesuṃ. Taṃ sutvā saddhāsampannā buddhisampannā itthī “sve bhante amhākaṃ bhikkhaṃ gaṇhathā”ti nimantesi. Bahukā mayaṃ bhaginīti. Kittakā bhanteti. Saḥassamattā bhaginīti. “Bhante imasmiṃ no gāme saḥassamattā vasimhā, ekeko ekekassa bhikkhaṃ dassati, bhikkhaṃ adhivāsetha, ahameva vo vasanaṭṭhānaṃ kārāpessāmī”ti āha. Paccekabuddhā adhivāsesuṃ.

Sā gāmaṃ pavisitvā ugghosesi “ammatātā ahaṃ saḥassamatte Paccekabuddhe disvā nimantesiṃ, ayyānaṃ nisīdanaṭṭhānaṃ saṃvidahatha, yāgubhattādīni sampādeṭhā”ti gāmamajjhe maṇḍapaṃ kārāpetvā āsanāni paññāpetvā punadivase Paccekabuddhe nisīdāpetvā paṇītena khādanīyena bhojanīyena parivisitvā bhattakiccapariyosāne tasmiṃ gāme sabbā

itthiyo ādāya tāhi saddhiṃ Paccekabuddhe vanditvā temāsaṃ vasanatthāya paṭiññaṃ gaṇhitvā puna gāme ugghosesi “ammatā tā ekekakulato ekekapuriso vāsipharasu-ādīni gahetvā araṇṇaṃ pavisitvā dabbasambhāre āharitvā ayyānaṃ vasanaṭṭhānaṃ karotū”ti. Gāmaṃvāsino tassāyeva vacanaṃ sutvā ekeko ekekaṃ katvā saddhiṃ rattidivāṭṭhānehi paṇṇasālasahassaṃ niṭṭhāpetvā attano attano paṇṇasālāyaṃ upagataṃ Paccekabuddhaṃ “ahaṃ sakkaccaṃ upaṭṭhahissāmi, ahaṃ sakkaccaṃ upaṭṭhahissāmi”ti vatvā upaṭṭhahiṃsu. Sā vassaṃvuṭṭhakāle “attano attano paṇṇasālāya vassaṃvuṭṭhānaṃ Paccekabuddhānaṃ cīvarasāṭake sajjethā”ti samādapetvā ekekassa sahassa sahasamūlaṃ cīvaraṃ dāpesi. Paccekabuddhā vuṭṭhavassā anumodanaṃ katvā pakkamiṃsu. Gāmaṃvāsino pi idaṃ puññaṃ kammaṃ katvā tato cuto Tāvatisadevaloke nibbattitvā gaṇadevatā nāma ahesuṃ.

Te tatha dibbasampattiṃ anubhavitvā Kassapasammāsambuddhakāle kuṭumbikagehesu nibbattiṃsu. Pubbe jeṭṭhakapesakāro jeṭṭhakakuṭumbikassa putto ahoṣi. Bhariyāpissa ekassa jeṭṭhakakuṭumbikassa dhītā ahoṣi. Sesānaṃ bhariyāyo sesakuṭumbikānaṃ dhītaro ahesuṃ, tā sabbāpi vayappattā parakulaṃ gacchantiyo tesāṃ tesāmyeva gehāni agamaṃsu. Athekadivasāṃ vihāre dhammassavane saṃghuṭṭhe “Satthā dhammaṃ desessatī”ti sutvā te sabbepi kuṭumbikā “dhammaṃ sossāmā”ti bhariyāhi saddhiṃ vihāraṃ agamaṃsu. Tesāṃ vihāramajjhaṃ pavitṭhakkhaṇe vassaṃ vassi. Yesāṃ kulūpakā vā ñātisāmaṇerādayo vā atthi, te tesāṃ pariveṇāḍīni pavisiṃsu¹. Te pana tathārūpānaṃ natthitāya katthaci pavisitum avisahantā vihāramajjheyeva aṭṭhaṃsu. Atha ne jeṭṭhakakuṭumbiko āha “passatha bho amhākaṃ vippakāraṃ, kulaputtehi nāma ettakena lajjitum yuttan”ti. Ayya kiṃ karomāti. Mayaṃ vissāsikaṭṭhānassa abhāvena imaṃ vippakāraṃ pattā, sabbe dhanāṃ saṃharitvā pariveṇaṃ karissāmāti. “Sādhu ayyā”ti jeṭṭhako sahasaṃ adāsi. Sesā pañca pañca satāni. Itthiyo adḍhateyyāni adḍhateyyāni satāni. Te taṃ dhanāṃ āharitvā sahasakūṭāgārāparivāraṃ satthu vasanaṭṭhāya mahāpariveṇaṃ

1. Sesajānā kulūpagānaṃ ñātakānaṃ sāmaṇerāḍīnaṃ pariveṇāḍīni pavisiṃsu (Sī)

nāma kārāpesuṃ. Navakammassa mahantatāya dhane appahonte pubbe dinnadhanato puna upaḍḍhūpaḍḍhuṃ adaṃsu. Niṭṭhite pariveṇe vihāramahaṃ karontā Buddhappamukhassa bhikkhusaṃghassa sattāhaṃ mahādānaṃ datvā vīsatiyā bhikkhusahassānaṃ cīvarāni sajjayimsu.

Jeṭṭhakakuṭumbikassa pana bhariyā attano paññāya ṭhitā ahaṃ tehi samakaṃ akatvā atirekataraṃ katvā “Sattāhāraṃ pūjessāmi”ti anojaupphavaṇṇena sahassamūlena sāṭakena saddhiṃ anojaupphacaṅkoṭakaṃ gahetvā Sattāhāraṃ anojaupphhehi pūjetvā taṃ sāṭakaṃ Satthu pādāmūle ṭhapetvā “bhante nibbattanibbattaṭṭhāne anojaupphavaṇṇaṃyeva me sarīraṃ hotu, Anojātveva ca nāmaṃ hotū”ti patthanaṃ akāsi. Sattā “evaṃ hotū”ti anumodanaṃ akāsi. Te sabbepi yāvātāyukaṃ ṭhatvā tato cutā devaloke nibbattimsu. Te imasmim Buddhuppāde devalokā cavitvā jeṭṭhako Kukkuṭavatānagare rājakule nibbattitvā viññutaṃ patto Mahākappinarājā nāma ahosi. Sesā amaccakulesu nibbattimsu. Jeṭṭhakassa bhariyā Maddaraṭṭhe Sākalānagare rājakule nibbatti anojaupphavaṇṇamevassā sarīraṃ ahosi, tena **Anojāt**vevassā nāmaṃ akaṃsu, sā vayappattā Mahākappinarañño gehaṃ gantvā **Anojādevī**ti pākaṭā ahosi.

Sesitthiyopi amaccakulesu nibbattitvā vayappattā tesāṃyeva amaccaputtānaṃ gehāni agamaṃsu. Te sabbepi rañño sampattisadisāṃ sampattim anubhaviṃsu. Yadā hi rājā alaṅkārapaṭimaṇḍito hatthim abhiruhitvā gicarati, tadāpi te tatheva vicaranti. Tasmim assena vā rathena vā vicarante tepi tatheva vicaranti. Evaṃ te ekato hutvā katānaṃ puññānaṃ balena ekatova sampattim anubhaviṃsu. Rañño pana vālo, vālavāhano¹, puppho, pupphavāhano, supattoti pañceva assā honti. Tesu rājā supattaṃ assaṃ sayāṃ ārohati, itare cattāro asse assārohānaṃ sāsanāharaṇatthāya adāsi. Rājā te pātova bhojetvā “gacchatha bhāṇe dve vā tīṇi vā yojanāni āhiṇḍitvā Buddhassa vā dhammassa vā saṃghassa vā uppannabhāvaṃ sutvā mayhaṃ

1. Balo, balavāhano, (Dhammapada-Ṭṭha 1. 353 piṭṭhe.)

sukhasāsanam ārocethā”ti pesesi. Te catūhi dvārehi nikkhamitvā dve tīṇi yojanāni āhiṇḍitvā kiñci sāsanaṃ alabhitvāva paccāgamimsu.

Athekadivasam rājā supattam āruhitvā amaccasahassaparivuto uyyānam gacchanto kilantarūpe pañcasatamate vāṇijake nagaram pavisante disvā “ime addhānakilantā, addhā imesam santikā ekaṃ bhaddakaṃ sāsanaṃ sossāmī”ti te pakkosāpetvā “kuto āgatathā”ti pucchi. Atthi deva ito vīsatiyojanasatamatthake Sāvatti nāma nagaram, tato āgatamhāti. Atthi pana vo dese kiñci sāsanaṃ uppananti. Deva aññaṃ kiñci natthi, Sammāsambuddho uppanoti. Rājā tāvadeva balavapītiyā phuṭṭhasarīro kiñci sallakkhetum asakkonto muhuttam vītināmetvā puna “tātā kiṃ vadethā”ti pucchi. Buddho deva uppanoti. Rājā dutiyampi tatiyampi tatheva vītināmetvā catutthavāre “kiṃ vadetha tātā”ti pucchitvā “Buddho uppanno”ti vutte “tātā sukhasāsanavanāya satasahassam vo dammī”ti vatvā “aparampi kiñci sāsanaṃ atthi tātā”ti pucchi. Atthi deva dhammo uppanoti. Rājā tampi sutvā purimanayeneva tayo vāre vītināmetvā catutthavāre “dhammo uppanno”ti vutte “idhāpi vo satasahassam dammī”ti vatvā “aparampi kiñci sāsanaṃ atthi tātā”ti pucchi. Atthi deva saṅgho uppanoti. Rājā tampi sutvā tatheva tayo vāre vītināmetvā catutthavāre “saṅgho uppanno”ti vutte “idhāpi vo satasahassam dammī”ti vatvā amaccasahassam oloketvā “tātā kiṃ karissāmā”ti¹ pucchi. Deva tumhe kiṃ karissathāti. Aham tātā “Buddho uppanno dhammo uppanno saṅgho uppanno”ti sutvā na puna nivattissāmi, Bhagavantam uddhissa gantvā tassa santike pabbajissāmīti. Mayampi deva tumhehi saddhim pabbajissāmīti. Rājā suvaṇṇapaṭṭe akkharāni likhāpetvā vāṇijakānam datvā “imam Anojāya nāma deviyā detha sā tumhākaṃ tīṇi satasahassāni dassati, evaṅca pana nam vadeyyātha ‘rañña kira te issariyam vissaṭṭham, yathāsukham sampattim paribhuñjāhī’ti, sace pana ‘vo rājā kahan’ti pucchati, ‘Sattāraṃ uddissa pabbajissāmīti vatvā gato’ti² āroceyyāthā”ti āha. Amaccāpi attano attano bhariyānam

1. Karissathāti (Dhammapada-Ṭṭha 1. 354)

2. Gatāti (Sī)

tatheva sāsanaṃ paṇiṃsu. Rājā vāṇijake uyyojetvā assaṃ abhiruyha amaccasahassaparivuto taṃkhaṇaṇṇeva nikkhami.

Satthāpi taṃdivasaṃ paccūsakāle lokaṃ volokento Mahākappinarājānaṃ saparivāraṃ disvā “ayaṃ Mahākappino vāṇijakānaṃ santikā tiṇṇaṃ ratanānaṃ uppanabhāvaṃ sutvā tesaṃ vacanaṃ tīhi satahassehi pūjetvā rajjaṃ pahāya amaccasahassaparivuto maṃ uddissa pabbajitukāmo sve nikkhamissati, so saparivāro saha paṭisambhidāhi arahattaṃ pāpuṇissati, paccuggamaṇaṃ karissāmi”ti punadivase cakkavattī viya khuddakagāmaḥojakaṃ rājānaṃ paccuggacchanto sayameva pattacīvaramādāya vīsayojanasataṃ maggaṃ paccuggantvā Candabhāgāya nadiyā tīre Nigrodharukkhamūle chabbaṇṇabuddharasmiyo vissajjetvā nisīdi. Rājāpi āgacchanto ekaṃ nadiṃ patvā “kā nāmāyaṃ”ti pucchi. Aparacchā nāma¹ devāti. Kimassā parimāṇaṃ tātāti. Gambhīrato gāvutaṃ, puthulato dve gāvutāni devāti. Atthi panettha nāvā vā uḷumpo vāti. Natthi devāti. “Dāvādīni oloken² amhe jāti jaraṃ upaneti, jarā maraṇaṃ. Ahaṃ nibbematiko hutvā tīṇi ratanāni uddissa nikkhanto, tesaṃ me ānubhāvena idaṃ udakaṃ udakaṃ viya mā hotū”ti ratanattayassa guṇaṃ āvajjetvā “itipi so Bhagavā Arahaṃ Sammāsambuddho”ti Buddhaguṇaṃ anussaranto saparivāro assasahassena udakapitṭhe pakkhandi. Sindhavā piṭṭhipāsāṇe viya pakkhandiṃsu. Khurānaṃ aggaṭṭhāneva³ temiṃsu.

So taṃ uttaritvā purato gacchanto aparampi nadiṃ disvā “ayaṃ kā nāmā”ti pucchi. Nīlavāhā⁴ nāma devāti. Kimassā parimāṇanti, gambhīratopi puthulatopi aḍḍhayaḥjanaṃ devāti. Sesaṃ purimasadisameva. Taṃ pana nadiṃ disvā “Svākkhāto Bhagavato dhammo”ti dhammānussatiṃ anussaranto pakkhandi. Tampi atikkamitvā gacchanto aparampi nadiṃdisvā “ayaṃ kā nāmā”ti pucchi. Candabhāgā nāma devāti. Kimassā parimāṇanti. Gambhīratopi puthulatopi yojanaṃ devāti. Sesaṃ purimasadisameva. Taṃ pana nadiṃ disvā “Suppaṭipanno Bhagavato sāvakaṣaṃgho”ti saṃghānussatiṃ

1. Aravacchā (Sī)

2. Rājā nadiṃ olokeno (Sī)

3. Aggagāneva (Sī), Am-Ṭṭha 1. 248; Sam-Ṭṭha 2. 225 piṭṭhesupi passitabbaṃ.

4. Nīlavāhanā (Ka), nīlavāhinī (Am-Ṭṭha 1. 248; Sam-Ṭṭha 2. 225 piṭṭhe.)

anussaranto pakkhandi. Tampi nadim̄ atikkamitvā gacchanto Satthu sarīrato nikkhantā chabbaṇṇabuddharasmiyo Nigrodharukkhasa sākḥaviṭapapalāsāni obhāsayaṃānā disvā cintesi “ayam̄ obhāso neva candassa, na sūriyassa, na devamārabrāhmaṇasupaṇṇanāgānaṃ aññatarassa, addhā aham̄ Satthāraṃ uddissa āgacchanto Sammāsambuddhena diṭṭho bhavissāmī”ti. So tāvadeva assapiṭṭhito otarivā onatasarīro rasmiyānusārena Satthāraṃ upasaṅkamitvā manosilārase nimujjanto viya Buddharasmīnaṃ anto pāvīsi. So Satthāraṃ vanditvā ekamantaṃ nisīdi saddhim̄ amaccasahassena. Satthā tesam̄ anupubbim̄ katham̄ kathesi. Desanāpariyosāne saporivāro rājā sotāpattiphale patiṭṭhahi.

Atha sabbe uṭṭhahitvā pabbajjam̄ yācimsu. Satthā “āgamissati nu kho imesam̄ kulaputtānaṃ iddhimayapattacīvaran”ti upadhārento “ime kulaputtā Paccekabuddhasahassānaṃ cīvarasahassam̄ adamsu, Kassapabuddhakāle vīsatiyā bhikkhusahassānaṃ vīsaticīvarasahassānipi adamsu, anacchariyam̄ imesam̄ kulaputtānaṃ iddhimayapattacīvarāgamanan”ti ñatvā dakkhiṇahattham̄ pasāretvā “etha bhikkhavo, caratha brahmacariyam̄ sammā dukkhassa antakiriya”ti āha. Te tāvadeva aṭṭhaparikkhārādharaṃ vassasaṭṭhi¹kattherā viya hutvā vehāsam̄ abbhuggantvā paccorohitvā Satthāraṃ vanditvā ekamantaṃ nisīdim̄su.

Te pana vāṇijakā rājageham̄ gantvā deviyā raññā pahitasāsanam̄ ārocetvā deviyā “āgacchantū”ti vutte pavisitvā ekamantaṃ aṭṭham̄su. Atha ne devī pucchi “tātā kim̄kāraṇā āgatattā”ti. Mayam̄ raññā tumhākam̄ santikam̄ pesitā, tīṇi kira no satasahassāni dethāti. Bahum̄ bhaṇe bhaṇatha, kim̄ tumhehi rañño santike kataṃ, kismim̄ vo rājā pasanno ettakam̄ dhanam̄ dāpetīti. Devi na aññaṃ kiñci kataṃ, ekaṃ pana sāsanaṃ ārocayimhāti. Sakkā pana tātā mayhampi tam̄ ārocetunti. Sakkā devīti suvaṇṇabhiṅgārena mukham̄ vikkhāletvā devi Buddho loke uppannoti. Sāpi tam̄ sutvā pītiyā phuṭṭhasarīrā tikkhattum̄kiñci asallakketvā catutthavāre “Buddho uppanno”ti sutvā kim̄ tātā imasmim̄ pade raññā dinnanti. Satasahassam̄ devīti. Tātā ananucchavikam̄ raññā kataṃ evarūpaṃ

1. Vissasatika (Sī, I)

sāsanam sutvā tumhākam satasahassadamānena. Aham vo mama duggatapaṇṇākāre tīṇi satasahassāni dammi, aparam kiñci tumhehi ārocitanti. Te idañca idañcāti itarānipi dve sāsanāni ārocesum. Devī purimanayeneva tayo tayo vāre asallakkhetvā catutthacatutthavāre tīṇi tīṇi satasahassāni adāsi. Evaṃ te sabbāni dvādasasatasahassāni labhimsu.

Atha ne devī pucchi “rājā kham tātā”ti. Devī rājā “Satthāram uddissa pabbajissāmī”ti vatvā gatoti. Mayham tena kim sāsanam dinnanti. Sabbam kira issariyam tumhākam vissaṭṭham “tumhe kira yathāsukham sampattim anubhavathā”ti. Amaccā pana kuhiṃ tātāti. Tepi raññā saddhiṃ “pabbajissāmā”ti gatā devīti. Sā tesam bhariyāyo pakkosāpetvā “ammā tumhākam sāmikā raññā saddhiṃ ‘pabbajissāmā’ti gatā, tumhe kim karissathā”ti. Kim pana tehi amhākam sāsanam pahitam devīti. Tehi kira attano sampatti tumhākam vissaṭṭhā “tumhe kira sampattim yathāsukham paribhuñjathā”ti. Tumhe pana devī kim karissathāti. Amhākam¹ so tāva rājā magge ṭhito tīhi satasahassehi tīṇi ratanāni pūjetvā kheḷapiṇḍam viya sampattim pahāya “pabbajissāmī”ti nikkhanto, mayāpi tiṇṇam ratanānam sāsanam sutvā tāni navahi satasahassehi pūjitāni, na kho panesā sampatti nāma raññoyeva dukkhā, mayhampi dukkhā eva. Ko raññā chaḍḍhitakheḷapiṇḍam jaṇṇukehi bhūmiyam patiṭṭhahitvā mukhena gaṇhissati, na mayham sampattiyā attho, Satthāram uddissa pabbajissāmīti. Devī mayampi tumhehi saddhiṃ pabbajissāmāti. Sace sakkotha, sādhiṭi. Sakkoma devīti. Tena hi “ethā”ti rathasahassam yojāpetvā ratham āruya tāhi saddhiṃ nikkhamitvā antarāmagge paṭhamam nadim disvā yathā raññā paṭhamam pucchitā, tatheva pucchitvā sabbam pavattim sutvā “raññā gatamaggaṃ olokethā”ti vatvā “sindhavānam padavalañjam na passāmā”ti vutte rājā “tīṇi ratanāni uddissa nikkhantosmī”ti saccakiriyaṃ karitvā tiṇṇam ratanānam guṇe anussarivā gato bhavissati, ahampi tīṇi ratanāni uddissa nikkhantā, tesam me ānubhāvena idam udakam udakam viya mā hotūti tiṇṇam ratanānam guṇe anussarantī

1. Ammā (Sī, Ka)

rathasahassam pesesi, udakam piṭṭhipāsāṇasadisaṃ ahosi, cakkānaṃ aggaṭṭhāneva temimsu. Eteneva upāyena itarā dvepi nadiyo uttarimsu.

Satthā tāsāṃ āgatabhāvaṃ ñatvā yathā tā attano santike nisinne sāmike bhikkhū na passanti, tathā adhiṭṭhāsi. Devīpi āgacchantī Satthu sarīrato nikkhantā rasmiyo disvā tatheva cintetvā Satthāraṃ upasaṅkamtivā vanditvā ekamantaṃ ṭhitā pucchi “bhante Mahākappino rājā tumhe uddissa nikkhamitvā gato, kahaṃ nu kho so, amhākaṃ taṃ dassethā”ti. Nisīdatha tāva, idheva naṃ passissathāti. Tā sabbāpi haṭṭhatuṭṭhā “idheva kira nisinnā sāmike no passissāmā”ti nisīdimsu. Satthā anupubbim kathaṃ kathesi. Anojādevī desanāpariyosāne tāhi saddhim sotāpattiphalam pāpuṇi. Mahākappino thero tāsāṃ desiyamānaṃ dhammadesanaṃ sutvā saparivāro saha paṭisambhidāhi arahattaṃ pāpuṇi. Tasmim khaṇe Satthā tāsāṃ te bhikkhū dassesi. Tāsāṃ hi āgatakkhaṇeyeva attano sāmike kāsāvadhare muṇḍasīse disvā cittaṃ ekaggaṃ na bhavēyya, maggaphalam nibbattetum sakkā na bhavēyya. Tasmā acalasaddhāya paṭiṭṭhitakālate paṭṭhāya tāsāṃ te bhikkhū arahattappatte dassesi. Tāpi te disvā pañcapaṭiṭṭhitena vanditvā “bhante tumhākaṃ pabbajitakiccaṃ matthakappattan”ti vatvā Satthāraṃ vanditvā ekamantaṃ ṭhatvā pabbajjaṃ yācimsu.

Evam vutte Satthā Uppalavaṇṇāya theriyā āgamaṇaṃ cintesi. Sā Satthu cintitakkhaṇeyeva ākāsenāgantvā tā sabbā itthiyo gahetvā ākāsenā bhikkhunupassayaṃ netvā pabbājesi. Tā sabbā na cirasseva arahattaṃ pāpuṇimsu. Satthā bhikkhusahassam ādāya ākāsenā Jetavanaṃ agamāsi. Tatra sudaṃ āyasmā Mahākappino rattiṭṭhānādīsu “aho sukhaṃ, aho sukhan”ti udānaṃ udānento vicarati. Bhikkhū Bhagavato ārocesum “bhante Mahākappino ‘aho sukhaṃ, aho sukhan’ti udānaṃ udānento vicarati, attano rajjasukhaṃ ārabba udāneti maññe”ti. Satthā taṃ pakkosāpetvā “saccaṃ kira tvaṃ Kappina kāmasukhaṃ ārabba udānaṃ udānesī”ti. Bhagavā me bhante taṃ ārabba udānabhāvaṃ vā aññaṃ ārabba udānabhāvaṃ vā jānātīti. Atha Satthā “na bhikkhave mama putto kāmasukhaṃ rajjasukhaṃ ārabba udānaṃ udāneti,

puttassa pana me dhammaṃ carato dhammapīti nāma uppajjati, so amatamahānibbānaṃ ārabha evaṃ udānaṃ udānesī”ti anusandhiṃ ghaṭetvā dhammaṃ desento imaṃ gāthamāha—

“Dhammapīti sukhaṃ seti, vipasannena cetasā.

Ariyappavedite dhamme, sadā ramati paṇḍito”ti¹.

Athekadivasam Sathā bhikkhū āmantesi “kacci bhikkhave Kappino bhikkhūnaṃ dhammaṃ deseti”ti. Appossukko bhante diṭṭhadhammasukhavihāraṃ anuyutto viharati, ovādamattampi na detīti. Sathā theram pakkosāpetvā “saccam kira tvaṃ Kappina antevāsikānaṃ ovādamattampi na desi”ti. Saccam bhagavāti. Brāhmaṇa mā evaṃ akāsi, ajja paṭṭhāya upagatānaṃ bhikkhūnaṃ dhammaṃ deseḥīti. “Sādhu bhante”ti thero Bhagavato vacanaṃ sirasā sampaṭicchitvā ekovādeneva samaṇasahassaṃ arahatte paṭiṭṭhāpesi. Tena naṃ Sathā paṭipāṭiyā attano sāvake ṭhānantare ṭhapento “etadaggaṃ bhikkhave mama sāvakānaṃ bhikkhu-ovādakānaṃ yadidaṃ Mahākappino”ti² etadagge ṭhapesi.

66. Evaṃ thero patta-arahattaphalo attano pubbakammaṃ saritvā somanassajāto pubbacaritāpadānaṃ pakāsento **Padumuttaro nāma Jinoti-**ādimāha. **Udito ajaṭākāseti** sakalākāse udito utṭhito pākaṭabhūto. **Saradambare** saradakāle ākāse **ravīva** sūriyo ivāti attho.

70. **Akkhadasso tadā āsinti** tasmiṃ Padumuttarassa Bhagavato kāle Sāradasī Hitadasī ācariyo pākaṭo ahosinti attho.

71. **Sāvakassa katāvīnoti** tassa Bhagavato **me manam** mama cittaṃ, **tappayantassa** tosayantassa sāvakassa ovādakassa guṇaṃ pakāsayato aggaṭṭhāne ṭhapentassa katāvīno sātaccakiccayuttassa vacanaṃ sutvāti sambandho.

1. Khu 1. 24 piṭṭhe Dhammapade.

2. Am 1. 26 piṭṭhe.

73. **Haṁsasamabhāgoti** haṁsasadisagāmi. **Haṁsadundubhinissanoti** haṁsaravo dundubhibherisaddasadisavacano “etaṁ mahāmatṭaṁ passatha bhikkhavo”ti āhāti sambandho.

74. **Samuggatatanūruhanti** suṭṭhu uggatalomaṁ uddhaggalomaṁ, udagyamaṇaṁ vā. **Jīmūtavannaṇanti** muttaphalasaṁānavaṇṇaṁ sundarasarīrapabhanti attho. **Piṇaṁsanti** paripuṇṇaṁ aṁsaṁ. **Pasannanayanānananti** pasanna-akkipasannamukhanti attho.

75. **Katāvinoti** katādhikārassa etadagge ṭhitassa bhikkhuno ṭhānaṁ so eso muditāya pahaṭṭhacittatāya patthetīti sambandho.

81. **Sataso anusāsiyāti** dhammena samena vacanena kāraṇavasena anusāsivāti attho. **Bārāṇasiyamāsanneti** Bārāṇasiyā samīpe Pesakāragāme. **Jāto keniyajātiyanti** tantavāyajātiyā pesakārakule jātoti attho. Sesāṁ suviññeyyamevāti.

Mahākappinatthera-apadānavaṇṇanā samattā.

4. Dabbamallaputtatthera-apadānavaṇṇanā

Catutthāpadāne **Padumuttaro nāma Jinoti**-ādikaṁ āyasmato Dabbamallaputtattherassa apadānaṁ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle Haṁsavatīnagare seṭṭhiputto hutvā jāto vibhavasampanno ahoṣi, Satthari pasanno Satthu dhammadesanaṁ suṇanto Satthāraṁ ekaṁ bhikkhuṁ senāsanapaññāpakānaṁ aggaṭṭhāne ṭhapentaṁ disvā pasannamānaso Buddhappamukhaṁ bhikkhusaṁghaṁ nimantetvā sattāhaṁ mahādānaṁ datvā sattāhaccayena Bhagavato pādamūle nipatitvā taṁ ṭhānaṁ patthesi. Bhagavāpissa samijjhanabhāvaṁ ñatvā byākāsi. So yāvajīvaṁ kusalaṁ katvā tato cuto Tusitādīsu devesu dibbasampattiṁ anubhavitvā tato cuto Vipassissa Bhagavato kāle ekasmiṁ kule nibbatto asappurisasāmsaggena tassa sāvakaṁ bhikkhuṁ arahāti jānantopi abbhūtena abbhācikkhi. Tasseva sāvakānaṁ khīrasalākabhattaṁ adāsi. So

yavatāyukaṃ puññāni katvā devamanussesu saṃsaranto ubhayasampattiyo anubhavitvā Kassapadasabalassa kāle kulagehe nibbatto osānakāle sāsane pabbajito parinibbute Bhagavati sakalaloke kolāhale jāte satta bhikkhavo pabbajito paccantajanapade vanamajjhe ekaṃ pabbataṃ abhiruhitvā “jīvitāsā orohantu nirālayā nisīdantū”ti nisseṇim pātesuṃ. Tesāṃ ovādadāyako jeṭṭhakatthero sattāhabbhantare arahā ahoṣi. Tadanantaratthero anāgāmī, itare pañca parisuddhasilā tato cutā devaloke nibbatā. Tattha ekaṃ Buddhantaraṃ dibbasukhaṃ anubhavitvā imasmim Buddhuppāde Pukkusāti¹, Sabhiyo², Bāhiyo³, Kumārakassapo⁴ti ime cattāro tattha tattha nibbattimsu. Ayaṃ pana Mallaraṭṭhe Anupiyānagare⁵ nibbatti. Tasmim mātukucchito anikkhanteyeva mātā kālamakāsi, atheko tassā sarīraṃ jhāpanatthāya citakasmim āropetvā kumāraṃ dabbantare patitaṃ gahetvā jaggāpesi. Dabbe patitattā **Dabbo Mallaputtoti** pākaṭo ahoṣi. Aparabhāge pubbasambhāravasena pabbaji, so kammaṭṭhāna-manuyutto na cirasseva saha paṭisambhi dāhi arahattaṃ pāpuṇi.

Atha naṃ Sattā majjhatabhāvena ānubhāvasampannabhāvena ca bhikkhūnaṃ senāsanaṃ paññāpane bhattuddesane ca niyojesi. Sabbo ca bhikkhusaṃgho taṃ samannesi. Taṃ Vinayakhandhake⁶ āgatameva. Aparabhāge thero ekassa varasalākadāyakassa salākabhattaṃ Mettiyabhūmajānaṃ bhikkhūnaṃ uddisi. Te haṭṭhatuṭṭhā “sve mayhaṃ muggaghatamadhumissakabhattaṃ bhūñjissāmā”ti ussāhajātā ahesuṃ. So pana upāsako tesāṃ vārappatabhāvaṃ sutvā dāsim āṇāpesi “ye je bhikkhū sve idha āgamissanti, te kaṇājakena bilaṅgadutiyena parivisāhī”ti. Sāpi tattheva te bhikkhū āgate koṭṭhakapamukhe nisīdāpetvā bhojesi. Te bhikkhū anattamanā kopena taṭataṭāyantā there āghātaṃ bandhitvā “madhurabhattadāyakaṃ amhākaṃ amadhurabhattaṃ dāpetuṃ esova niyyojesi”ti dukkhī dummanā nisīdimsu. Atha te Mettiyā nāma bhikkhunī “kiṃ bhante dummanā”ti pucchi. Te “bhagini kiṃ amhe

1. Ma 3. 281 piṭṭhe. 2. Khu 1. 355 piṭṭhe Suttanipāte. 3. Khu 1. 84 piṭṭhe udāne.
4. Ma 1. 195 piṭṭhe. 5. Rājagehe (I, Ka) 6. Vi 4. 192 piṭṭhe.

Dabbena Mallaputtana viheṭṭhiyamāne ajjupekkhasi”ti āhaṃsu. Kim bhante mayā sakkā kātunti. Tassa dosam āropehīti. Sā tattha tattha therassa abhūtāropanam akāsi. Tam sutvā bhikkhū Bhagavato ārocesum. Atha Bhagavā Dabbanam Mallaputtam pakkosāpetvā “saccam kira tvam Dabba Mettiyāya bhikkhuniyā vippakāramakāsi”ti pucchi. Yathā mam bhante Bhagavā jānātīti. Na kho Dabba Dabbā evam nibbeṭṭhenti, kārakabhāvam vā akārabhāvam vā vadehīti. Akārako aham bhanteti. Bhagavā “Mettiyam bhikkhunim nāsetvā te bhikkhū anuyuñjathā”ti āha. Upālittherappamukhā bhikkhū tam bhikkhunim uppabbājetvā Mettiyabhūmajake bhikkhū anuyuñjitvā tehi “amhehi niyojitā sā bhikkhunī”ti vutte Bhagavato etamattham ārocesum. Bhagavā Mettiyabhūmajakānam bhikkhūnam amūlakasaṃghādisesam paññāpesi.

Tena ca samayena Dabbatthero bhikkhūnam senāsanam paññāpento Veḷuvanavihārassa sāmanta aṭṭhārasamahāvihāre sabhāge bhikkhū pesento rattibhāge andhakāre aṅgulyā padīpam jāletvā tenevālokena aniddhimante bhikkhū pesesi. Evam therassa senāsanapaññāpanabhattuddesanakicce pākāte jāte Satthā ariyagaṇamajjhe Dabbattheram ṭhānantare ṭhapento “etadaggaṃ bhikkhave mama sāvakaṇam bhikkhūnam senāsanapaññāpakānam yadidaṃ Dabbo Mallaputto”ti¹ etadagge ṭhāpesi.

108. Thero attano pubbakammaṃ saritvā somanassajāto pubbacaritāpadānam pakāsento **Padumuttaro nāma Jinoti**-ādimāha. Tam sabbam heṭṭhā vuttatthameva. Ito ekanavute kappe Vipassī nāma Nāyako loke uppajjīti sambandho.

125. **Duṭṭhacittoti** dūsitacitto asādhusaṅgamena apasannacittoti attho. **Upavadiṃ sāvakaṃ tassāti** tassa Bhagavato khīṇāsavaṃ sāvakaṃ upavadiṃ, upari abhūtam vacanam āropesiṃ, abbhakkhānam akāsinti attho.

1. Am 1. 25 piṭṭhe.

132. **Dundubhiyoti** dundum itī saddāyanato dundubhisāṅkhātā bheriyo. **Nādayimsūti** saddam karimsu. **Samantato asaniyoti** sabbadisābhāgato asane vināsane niyuttoti asaniyo, devadaṇḍā bhayāvahā phalimsūti sambandho.

133. **Ukkā patimsu nabhasāti** ākāsato aggikkhandhā ca patimsūti attho. **Dhūmaketu ca dissatīti** dhūmarājisahito aggikkhandho ca dissati paññāyatīti attho. Sesam suviññeyyamevāti.

Dabbamallaputtatthera-apadānavañṇanā samattā.

5. Kumārakassapatthera-apadānavañṇanā

Pañcamāpadāne **ito satahassamhīti**-ādikaṃ āyasmato Kumārakassapattherassa apadānam. Ayam kira Padumuttarassa Bhagavato kāle brāhmaṇakule nibbato viññutaṃ patvā ekadivasam Satthu santike dhammam suṇanto Satthāram ekaṃ bhikkhum cittakathikānam aggaṭṭhāne ṭhapentaṃ disvā sayampi taṃ ṭhānantaram patthento paṇidhānam katvā tadanurūpāni puññāni karonto yāvatāyukaṃ ṭhatvā tato cuto devamanussesu saṃsaranto ubhayasampattiyo anubhavitvā Kassapassa Bhagavato kāle kulagehe nibbato tassa Bhagavato sāsane pabbajitvā samaṇadhammam katvā sugatīsuyeva saṃsaranto dibbasukham mānusasukhañca anubhavitvā imasmim Buddhuppāde Rājagahe ekissā seṭṭhidhītāya kucchimhi nibbato. Sā kira kumārikākāleyeva pabbajitukāmā mātāpitaro yācitvā pabbajjam alabhamānā patikulaṃ gantvā gabbham gaṇhitvā taṃ ajānitvā “sāmikaṃ ārādhettvā pabbajjam anujānāpessāmī”ti cintesi. Sā sāmikaṃ ārādhentī ayyaputta—

“Sace imassa kāyassa, anto bāhirako siyā.

Daṇḍam nūna gahetvāna, kāke soṇe nivāraye”ti¹—

ādinā sarīrassa dosaṃ dassentī taṃ ārādhesi.

1. Visuddhi 1. 190 piṭṭhe.

Sā sāmikena anuññātā gabbhinibhāvaṃ ajānantī devadattapakkhiyāsu bhikkhunīsu pabbajī. Tassā gabbhinibhāvaṃ disvā bhikkhuniyo Devadattaṃ pucchimsu. So “assamaṇī”ti āha. Sā “nāhaṃ Devadattaṃ uddissa pabbajitā, Bhagavantaṃ uddissa pabbajitā”ti Bhagavato santikaṃ gantvā Dasabalaṃ pucchi. Satthā Upālittheraṃ paṭicchāpesi. Thero Sāvattinagaravāsīni kulāni Visākhañca upāsikaṃ pakkosāpetvā sarājikāya parisāya taṃ vinicchinto “pure laddho gabbho, arogā pabbajjā”ti āha. Taṃ sutvā Satthā “sādhu suvinicchitaṃ Upālinā adhikaraṇaṃ”ti therassa sādhuḅkārāṃ adāsi.

Sā bhikkhunī suvaṇṇabimbasisaṃ puttaṃ vijāyi. Taṃ rājā Pasenadi Kosalo “dāraḅapariharaṇaṃ bhikkhunīnaṃ palibodho”ti dhātīnaṃ dāpetvā posāpesi, **Kassapotissa** nāmaṃ karimsu. Aparabhāge alaṅkaritvā Satthu santikaṃ netvā pabbājesi. Kumārakāle pabbajitattā pana Bhagavatā “Kassapaṃ pakkosatha, idaṃ phalaṃ vā khādanīyaṃ vā Kassapassa dethā”ti vutte “Katarakassapassā”ti “Kumārakassapassā”ti evaṃ gahitaṅāmattā raññā posāvanīyaputtattā ca vuddhakālepi **Kumārakassapotveva** paññāyittha.

So pabbajitakālato paṭṭhāya vipassanāya kammaṃ karoti, Buddhavacanañca uggaṇhāti. Atha tena saddhiṃ pabbatamatthake samaṇadhammaṃ katvā anāgāmī hutvā Suddhāvāse nibbattamahābrahmā “vipassanāya mukhaṃ dassetvā maggaphaluppattiyā upāyaṃ karissāmī”ti pañcadasapañhe abhisāṅkharitvā Andhavane vasantassa therassa “ime pañhe Satthāraṃ puccheyyāsī”ti ācikkhi. Tato so te pañhe Bhagavantaṃ pucchi. Bhagavāpissa vissajjesi. Thero Bhagavato kathitaniyāmeneva te uggaṇhitvā vipassanaṃ gabbhaṃ gāhāpetvā arahattaṃ pāpuṇi.

150. So arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **ito satasahassamhīti**-ādimāha. Tattha yaṃ heṭṭhā vuttanayañca uttānatthañca, taṃ sabbam na vaṇṇayissāma. Anuttānapadameva vaṇṇayissāma.

169. **Āpannasattā me mātāti** mayhaṃ mātā garugabbhā gabbhinī pasutāsannagabbhāti attho.

173. **Vammikasadisam kāyanti** sarīram nāma vammikasadisam yathā vammiko ito cito ca chiddāvachiddo gharagoḷika-upacikādīnam āsayo, evameva ayam kāyo navachiddo dhuvassavoti **Buddhena** Bhagavatā **desitam** pakāsetam tam sutvā me cittam āsave aggahetvā asetvā kilesato vimucci, arahatte patiṭṭhāsīti attho. Aparabhāge tattha tattha bhikkhūnam vicittadhammakathikabhāvam sutvā Satthā “etadaggaṃ bhikkhave mama sāvakānam bhikkhūnam cittakathikānam yadidaṃ Kumārakassapo”¹ etadagge ṭhapesīti.

Kumārakassapatthera-apadānavañṇanā samattā.

6. Bāhiyatthera-apadānavañṇanā

Chaṭṭhāpadāne ito **satasahassamhīti**-ādikaṃ āyasmato Bāhiyassa Dārucīriyattherassa apadānam. Ayampi purimabuddhesu katādhikāro tattha tattha bhavē vivaṭṭūpanissayāni puñṇāni upacinanto Padumuttarassa Bhagavato kāle brāhmaṇakule nibbatto brāhmaṇasippesu nipphattiṃ gantvā vedaṅgesu anavayo ekadivasam Satthu santikaṃ gantvā dhammaṃ suṇanto pasannamānaso Satthāram ekaṃ bhikkhum khippābhiñṇānam aggaṭṭhāne ṭhapentam disvā tam ṭhānam pattukāmo sattāham Buddhappamukhassa bhikkhusamghassa mahādānam datvā sattāhassa accayena Bhagavato pādāmūle nipanno “Bhagavā bhante ito sattame divase yaṃ bhikkhum khippābhiñṇānam aggaṭṭhāne ṭhapesi, so viya ahampi anāgate ekassa Buddhassa sāsane khippābhiñṇānam aggo bhaveyyan”¹ti patthanam akāsi. Bhagavā anāgataṃsañāṇena oloketvā samijjhanabhāvam ñatvā “anāgate Gotamassa Bhagavato sāsane pabbajitvā khippābhiñṇānam aggo bhavissati”¹ti byākāsi. So yāvatāyukam puñṇāni katvā tato cuto devaloke nibbatto tattha cha kāmāvacarasampattiyo anubhavitvā puna manussesu cakkavatti-ādisampattiyo anekakappakoṭisatesu anubhavitvā Kassapassa Bhagavato kāle ekasmiṃ kule nibbatto, Bhagavati parinibbute pabbajito yadā sāsane osakkamāne satta bhikkhū catunnam parisānam

1. Am 1. 25 piṭṭhe.

ajjhācāraṃ disvā saṃvegappattā araṇṇaṃ pavisitvā “yāva sāsanaṃ antaradhānaṃ na hoti, tāva attano patiṭṭhaṃ karissāmā”ti suvaṇṇacetiyaṃ vanditvā tattha araṇṇe ekaṃ pabbataṃ disvā “jīvitasālayā nivattantu, nirālayā imaṃ pabbataṃ abhiruhantū”ti nisseṇiṃ bandhitvā sabbe taṃ pabbataṃ abhiruyha nisseṇiṃ pātetvā samaṇadhammaṃ kariṃsu. Tesu saṃghatthero ekarattātikkaṃ arahattaṃ pāpuṇi. So Anotattadahe nāgalatādantakaṭṭhaṃ khāditvā mukhaṃ dhovitvā uttarakuruto piṇḍapātaṃ āharitvā te bhikkhū āha “āvuso imaṃ piṇḍapātaṃ bhuñjathā”ti. Te āhaṃsu “kiṃ bhante amhehi evaṃ katikā katā ‘yo paṭhamaṃ arahattaṃ pāpuṇāti, tenābhataṃ piṇḍapātaṃ avasesā paribhuñjantū’ti”. No hetam āvusoti. “Tena hi sace mayampi tumhe viya visesaṃ nibbattessāma, sayam āharitvā bhuñjissāmā”ti na icchiṃsu.

Dutiyadivase dutiyatthero anāgāmī hutvā tatheva piṇḍapātaṃ āharitvā itare nimantesi. Te evamaṃsu “kiṃ panāvuso katikā katā, ‘mahātherena ābhataṃ piṇḍapātaṃ abhuñjitvā anūtherena ābhataṃ bhuñjissāmā’ti”. No hetam āvusoti. “Evaṃ sante tumhe viya mayampi visesaṃ nibbattetvā attano attano purisakārena bhuñjituṃ sakkontā bhuñjissāmā”ti na icchiṃsu. Tesu arahattappattatthero parinibbāyi, dutiyo anāgāmī brahmaloke nibbatti, itare pañca visesaṃ nibbattetuṃ asakkontā sussitvā sattame divase kālaṃ katvā devaloke nibbattiṃsu. Tattha dibbasukhaṃ anubhavitvā imasmiṃ Buddhuppāde tato cavitvā manussesu nibbattiṃsu. Tesu eko Pukkusāti rājā ahoṣi, eko Gandhāraṭṭhe Takkaṣilāyaṃ Kumārakassapo, eko Bāhiyo Dārucīriyo, eko Dabbo Mallaputto, eko Sabhiyo paribbājakoti. Tesu ayaṃ Bāhiyo Dārucīriyo supparakapaṭṭane vāṇijakule nibbatto vāṇijakamme nipphattiṃ gato mahaddhano mahābhogo, so suvaṇṇabhūmiṃ gacchantehi vāṇijehi saddhiṃ nāvamāruyha videsaṃ gacchanto katipāhaṃ gantvā bhinnāya nāvāya sesesu macchakacchapabhakkhesu jātesu ekoyeva avasiṭṭho ekaṃ phalakaṃ gahetvā vāyamanto sattame divase Supparakapaṭṭanatīraṃ okkami. Tassa nivāsanapārūpanaṃ natthi, so aññaṃ kiñci apassanto sukkhakaṭṭhadāṇḍake

vākehi paliveṭhetvā nivāsetvā pārupitvā ca devakulato kapālaṃ gaheṭvā Suppārakapaṭṭanaṃ agamāsi. Manussā taṃ disvā yāgubhattādīni datvā “ayaṃ eko arahā”ti sambhāvesuṃ. So vatthesu upanītesu “sacāhaṃ nivāsemi, pārupāmi vā, lābhasakkāro me parihāyissatī”ti tāni paṭikkhipitvā dārucīrāneva parihari.

Athassa “arahā, arahā”ti bahūhi sambhāviyamānassa evaṃ cetaso parivitakko udapādi “ye keci loke arahanto vā arahattamaggaṃ vā samāpannā, ahaṃ tesam aññataro”ti so tena niyāmena kuhanakammena jīvikam kappeti.

Kassapadasabalassa sāsane sattasu janesu pabbataṃ āruyha samaṇadhammaṃ karontesu eko anāgāmī hutvā Suddhāvāsabrahmaloke nibbattitvā attano brahmasampattiṃ olokeno āgataṭṭhānaṃ āvajjento pabbatamāruyha samaṇadhammaṃ karaṇaṭṭhānaṃ disvā sesānaṃ nibbattanaṭṭhānaṃ āvajjento ekassa parinibbutabhāvaṃ itaresaṅca pañcannaṃ kāmāvacaradevaloke nibbattabhāvaṃ ñatvā te kālānukālaṃ āvajjesi “imasmiṃ pana kāle kahaṃ nu kho te”ti āvajjento dārucīriyaṃ Suppārakapaṭṭanaṃ nissāya kuhanakammena jīvikam kappentaṃ disvā “naṭṭho vatāyaṃ bālo, pubbe samaṇadhammaṃ karonto ati-ukkaṭṭhabhāvena arahatāpi ābhataṃ piṇḍapātaṃ aparibhuñjitvā idāni udarahetu anārahāva samāno arahattaṃ paṭijānitvā lokaṃ vañcento vicarati, Dasabalassa uppanabhāvaṃ na jānāti, gacchāmi naṃ samvejetvā Buddhuppādaṃ jānāpessāmī”ti khaṇeneva brahmalokato otaritvā Suppārakapaṭṭane rattibhāgasamanantare dārucīriyassa sammukhe pāturahosi. So attano vasanaṭṭhāne obhāsaṃ disvā bahi nikkhamitvā mahābrahmānaṃ disvā añjaliṃ paggayha “ke tumhe”ti pucchi. “Ahaṃ tumhākaṃ porāṇakasahāyo anāgāmiphalaṃ patvā brahmaloke nibbatto, amhākaṃ sabbajeṭṭhako arahā hutvā parinibbuto, tumhe pana pañcajanā devaloke nibbattā. Svāhaṃ dāni taṃ imasmiṃ ṭhāne kuhanakammena jīvikam kappentaṃ disvā damituṃ āgato”ti vatvā idaṃ kāraṇaṃ āha “neva kho tvaṃ Bāhiya arahā nāpi arahattamaggaṃ vā samāpanno, sāpi te paṭipadā natthi, yāya tvaṃ arahā vā assa arahattamaggaṃ vā samāpanno”ti. Athassa Satthu uppanabhāvaṃ Sāvattiyam

vasanabhāvañca ācikkhitvā “Satthu santikaṃ gacchā”ti taṃ uyyojtvā brahmalokameva agamāsi.

Bāhiyo pana ākāse ṭhatvā kathentaṃ mahābrahmānaṃ oloketvā cintesi “aho bhāriyaṃ kammaṃ mayā kataṃ, anarahaṃ arahā ahanti cintesiṃ, ayañca maṃ ‘na tvaṃ arahā, nāpi arahattamaggaṃ vā samāpannāsī’ti vadati, atthi nu kho loke añño arahā”ti. Atha naṃ pucchi “atha ke carahi sadevake loke arahanto vā arahattamaggaṃ vā samāpannā”ti. Athassa devatā ācikkhi “atthi Bāhiya uttaresu janapadesu Sāvatti nāma nagaraṃ, tattha so Bhagavā etarahi viharati Arahaṃ Sammāsambuddho. So hi Bāhiya Bhagavā arahā ceva arahattāya ca dhammaṃ desesī”ti. Bāhiyo rattibhāge devatāya kathaṃ sutvā saṃviggamānaso taṃkhaṇaṃyeva suppārakā nikkhamitvā ekarattivāsena¹ Sāvattiṃ agamāsi, gacchanto ca pana devatānubhāvena Buddhānubhāvena ca vīsayojanasatikaṃ maggaṃ atikkamitvā Sāvattiṃ anuppatto, tasmīṃ khaṇe Satthā Sāvattiyaṃ piṇḍāya pavitṭho hoti. So Jetavanaṃ pavisitvā abbhokāse caṅkamante sambahule bhikkhū pucchi “kuhiṃ etarahi Satthā”ti. Bhikkhū “Sāvattiyaṃ piṇḍāya pavitṭho”ti vatvā “tvaṃ pana kuto āgatosī”ti pucchimsu. Suppārakā āgatomhīti. Kadā nikkhantosīti, hiyyo sāyanhasamaye nikkhantomhīti. “Dūratopi āgato, nisīda tāva pāde dhovivā telena makkhetvā thokaṃ vissamāhi, āgatakāle Satthāraṃ dakkhissatī”ti āhamsu. “Ahaṃ bhante Satthu vā attano vā jīvitantarāyaṃ na jānāmi, katthaci aṭṭhatvā anisīditvā ekaratteneva vīsayojanasatikaṃ maggaṃ āgato, Satthāraṃ passitvāva vissamissāmi”ti āha. So evaṃ vatvā taramānarūpo Sāvattiṃ pavisitvā Bhagavantaṃ anopamāya Buddhasiriyā carantaṃ disvā “cirassaṃ vata me Gotamo Sammāsambuddho diṭṭho”ti diṭṭhaṭṭhānato paṭṭhāya onatasarīro gantvā antaravīthiyaṃ pañcapatitṭhitena vanditvā gopphakesu daḷhaṃ gahetvā evamāha “desetu bhante Bhagavā dhammaṃ, desetu Sugato dhammaṃ, yaṃ mamassa dīgharattaṃ hitāya sukhāyā”ti. Atha naṃ Satthā “akālo kho tāva Bāhiya antaragharaṃ pavitṭhamhā piṇḍāyā”ti paṭikkhipi.

1. Nikkhamitvā sabbattha ekarattivāsena (Ka)

Taṃ sutvā Bāhiyo “bhante saṃsāre saṃsarantena kabaḷikārāhāro na aladdhapubbo, tumhākaṃ vā mayhaṃ vā jīvitantarāyaṃ na jānāmi, desetu me bhante Bhagavā dhammaṃ, desetu Sugato dhammaṃ”ti puna yāci. Satthā dutiyampi tatheva paṭikkhipi. Evaṃ kirassa ahosi “imassa diṭṭhakālato paṭṭhāya sakalasarīraṃ pītiyā niran taraṃ ajjhotthaṭaṃ hoti, balavapītivego dhammaṃ sutvāpi na sakkhissati paṭivijjhituṃ, majjhattupekkhāya tāva tiṭṭhatu, ekaratteneva vīsayojanasatikāṃ maggaṃ āgatassapi cassa daratho balavā sopi tāva paṭippassambhatū”ti. Tasmā dvikkhattuṃ paṭikkhipitvā tatiyaṃ yācito antaravīthiyaṃ ṭhitova “tasmātiha te Bāhiya evaṃ sikkhitabbaṃ, diṭṭhe diṭṭhamattaṃ bhavissatī”ti-ādinā¹ nayena anekapariyāyena dhammaṃ desesi. So Satthu dhammaṃ suṇantoyeva sabbāsava khepetvā saha paṭisambhidāhi arahattaṃ pāpuṇi.

178. So arahattaṃ pattakkhaṇeyeva pubbakammaṃ saritvā sañjātasomanasso pubbacaritāpadānaṃ pakāsentō **ito sataśahassamhīti-ādimāha**. Taṃ heṭṭhā vuttanayattā uttānatthameva. Anuttānapadavaṇṇanameva karissāma.

181. **Hasanaṃ**² **paccavekkhaṇanti** paripuṇṇasomanassajātaṃ paccavekkhaṇaṃ, komāraṇṇaṃ atikomālanti attho.

182. **Hemayaññopacitaṅganti** suvaṇṇasuttayaññopacitasutta-avayavaṃ sarīraṃ dehanti attho. **Palambabimbatamboṭṭhanti** olambitabimbaphalasadisaṃ rattavaṇṇaṃ oṭṭhadvayasamannāgatanti attho. **Setatiṇhasamaṃ dijanti** sunisitatikhiṇa-ayalohaghaṃsanena ghaṃsitvā samaṃ kataṃ viya samadantanti attho.

183. **Pītisamphullitānananti** pītiyā suṭṭhu phullitaṃ vikasitaṃ ānanaṃ mukhaṃ ādāsatalasadisamukhavantanti attho.

184. **Khippābhiññassa bhikkhunoti** khippaṃ desanāya samugghāṭitakkhaṇeyeva abhivisesena ñātum samatthassa bhikkhunoti attho.

186. **Saggaṃ agaṃ sabhavanaṃ yathāti** attano gehaṃ viya saggaṃ lokaṃ agamāsinti attho.

1. Khu 1. 85 piṭṭhe udāne.

2. Cariyam (Pāli)

196. **Na tvaṃ upāyamaggaññūti** tvaṃ
nibbānādhigamūpāyabhūtamaggaññū na ahoṣīti attho.

200. **Satthuno sadā Jinanti** sadā sabbakālaṃ jinaṃ jinanto parājitakopo
Satthuno Sammāsambuddhassa **vimalānanam** ādāsatalasadisamukhaṃ
passissāmi passitum nikkhamāmīti yojanā. **Dije apucchim kuhim**
lokanandanoti kuhim ṭhāne lokapasādakaro satthāti dije brāhmaṇe ahaṃ
bhikkhū apucchinti attho.

201. **Sasova khippaṃ Munidassanussukoti** Munidassane
Tathāgatadassane ussukko ussāhajāto saso iva khippaṃ pāpuṇāṭīti attho.

202. **Tuvaṇṇam gantvāti** sīghaṃ gantvā. **Piṇḍattham apihāgidhanti**
piṇḍapātaṃ paṭicca apihaṃ apagatapihaṃ agidhaṃ nittaṇhaṃ.

203. **Alolakkhanti** ito cito ca anolokayamānaṃ uttame Sāvattihinagare
piṇḍāya vicarantaṃ adakkhanti sambandho. **Sirīnilayasaṅkāsanti** siriya
lakkhaṇānubyañjanasobhāya nilayaṃ saṅkāsaṃ jalamānatoraṇasadisam.
Ravidittiharānananti vijjotamānasūriyamaṇḍalaṃ viya
vijjotamānamukhamaṇḍalaṃ.

204. **Kupathe vippanaṭṭhassāti** kucchitapathe sopaddavamagge mūḷhassa
micchāpaṭipannassa me **saraṇam hohi** paṭiṭṭhā hohi. **Gotamāti** Bhagavantaṃ
gottena ālapati.

218. **Na tattha sukkā jotantīti** sukkapabhāsampannā jotamāna-
osadhitārakādayo na jotanti nappabhāsanti. Sesam uttānatthameva. So evaṃ
pubbacaritāpadānaṃ pakāsetvā tāvadeva ca Bhagavantaṃ pabbajjaṃ yāci.
“Paripuṇṇam te pattacīvaran”ti ca puṭṭho “na paripuṇṇan”ti āha. Atha naṃ
Satthā “tena hi pattacīvaraṃ pariyesāhi”ti vatvā pakkāmi. So kira
vīsativassasahassāni samaṇadhammaṃ karonto “bhikkhunā nāma attanā
paccaye labhitvā aññaṃ anoloketvā sayameva paribhuñjitum vaṭṭatī”ti vatvā
ekabhikkhussāpi pattena vā cīvarena vā saṅghaṃ nākāsi, “na

tenassa iddhimayaṃ pattacīvaraṃ uppajjissatī”ti ñatvā Bhagavā ehibhikkhubhāvena pabbajjaṃ nādāsi. Tampi pattacīvaraṃ pariyesamānameva saṅkāraṭṭhānato coḷakkhaṇḍāni saṅkaḍḍhentaṃ pubbaveriko amanusso ekissā taruṇavacchāya gāviyā sarīre adhimuccitvā vāma-ūrumhi paharivā jīvitakkhayaṃ pāpesi. Satthā piṇḍāya caritvā katabhattakicco sambahulehi bhikkhūhi saddhiṃ nikkhamanto Bāhiyassa sarīraṃ saṅkāraṭṭhāne patitaṃ disvā “gaṇhatha bhikkhave etaṃ Bāhiyaṃ dārucīriyanti ekasmiṃ gehadvāre ṭhatvā mañcakaṃ āharāpetvā imaṃ sarīraṃ nagaradvārato nīharitvā jhāpetvā dhātuyo gahetvā thūpaṃ karoṭhā”ti bhikkhū āpāpesi.

Te bhikkhū dhātuṃ mahāpathe thūpaṃ kāretvā Satthāraṃ upasaṅkamitvā attano katakammaṃ ārocesuṃ. Tato saṅghamajjhe kathā udapādi “Tathāgato bhikkhusaṅghena sarīrajhāpanakiccaṃ kāresi, dhātuyo ca gāhāpetvā cetiyaṃ kārāpesi, kataramaggo nu kho tena samadhigato, sāmaṇero nu kho so, bhikkhu nu kho”ti. Satthā taṃ aṭṭhuppattim katvā “patiṭṭhito bhikkhave Bāhiyo dārucīriyo arahatto”ti upari dhammadesanaṃ vaḍḍhetti. Tassa parinibbutabhāvañca ācikkhitvā “etadaggaṃ bhikkhave mama sāvakaṇaṃ bhikkhūnaṃ khippābhiññānaṃ yadidaṃ Bāhiyo dārucīriyo”ti¹ etadagge ṭhapesi.

Atha naṃ bhikkhū pucchimsu “tumhe bhante ‘Bāhiyo dārucīriyo arahattaṃ patto’ti vadetha, kadā so arahattaṃ patto”ti. Mama dhammaṃ sutakāle bhikkhavesi. Kadā panassa bhante tumhehi dhammo kathitoti. Bhikkhāya carantena antaravīthiyaṃ ṭhitenāti. Appamattako bhante tumhehi antaravīthiyaṃ ṭhatvā kathitadhammo kathaṃ so tāvattakena visesaṃ nibbattesīti. Atha ne Satthā “bhikkhave mama dhammaṃ ‘appaṃ’ vā ‘bahuṃ vā’ti mā cintayittha. Anekānīpi hi anattapadasaṃhitāni gāthāsahassāni na seyyo, atthanissitaṃ pana ekampi gāthāpadaṃ seyyo”ti vatvā anusandhiṃ ghaṭetvā dhammaṃ desento imaṃ gāthamāha—

“Sahassamapi ce gāthā, anattapadasaṃhitā.

Ekam gāthāpadaṃ seyyo, yaṃ sutvā upasammatī”ti²—

1. Am 1. 25 piṭṭhe.

2. Khu 1. 28 piṭṭhe Dhammapade.

desanāpariyosāne caturāsītiyā pānasahassānaṃ dhammābhisamayo ahoṣīti.

Bāhiyatthera-apadānavañṇanā samattā.

7. Mahākoṭṭhikatthera-apadānavañṇanā

Sattamāpadāne **Padumuttaro nāma Jinoti**-ādikaṃ āyasmato Mahākoṭṭhikattherassa apadānaṃ. Kā uppatti? Ayampi purimabuddhesu katādhikāro tattha tattha bhve vivaṭṭūpanissayāni puññāni upacinanto Padumuttarassa Bhagavato kāle Haṃsavatīnagare mahābhogakule nibbattivā viññutaṃ patto mātāpitūnaṃ accayena kuṭumbaṃ saṅṭhapetvā gharāvāsaṃ vasanto ekadivasaṃ Padumuttarassa Bhagavato dhammadesanākāle Haṃsavatīnagaravāsino gandhamālādihatthe yena Buddho yena dhammo yena saṃgho, tanninne tappoṇe tappabbhāre gacchante disvā tehi saddhiṃ Bhagavantaṃ upasaṅkamtivā Satthāraṃ ekaṃ bhikkhuṃ paṭisambhidāppattānaṃ aggaṭṭhāne ṭhapentaṃ disvā “ayaṃ imasmiṃ sāsane paṭisambhidāppattānaṃ aggo, yannūnāhampi ekassa Buddhassa sāsane ayaṃ viya paṭisambhidāppattānaṃ aggo bhaveyyan”ti cintetvā Satthu desanāpariyosāne vuṭṭhitāya parisāya Bhagavantaṃ upasaṅkamtivā “bhante sve mayhaṃ gehe bhikkhaṃ gaṇḥathā”ti nimantesi. Satthā adhvāsesi. So Bhagavantaṃ abhivādetvā padakkhiṇaṃ katvā sakanivesanaṃ gantvā sabbarattīṃ Buddhassa ca bhikkhusaṃghassa ca nisajjaṭṭhānaṃ gandhamālādīhi alaṅkaritvā khādanīyabhojanīyaṃ paṭiyādāpetvā tassā rattiyā accayena sakanivesane bhikkhusatasahassaparivāraṃ Satthāraṃ vividhayāgukhajjakaparivāraṃ sasūpabyañjanaṃ gandhasālibhojanaṃ bhojāpetvā bhattakiccapariyosāne cintesi “mahantaṃ kho ahaṃ ṭhānantaraṃ patthemī, na pana yuttaṃ mayā ekadivasaṃ dānaṃ datvā taṃ ṭhānantaraṃ patthetum, anupaṭipāṭiyā sattāhaṃ dānaṃ datvā patthessāmī”ti. So teneva niyāmena sattāhaṃ mahādānaṃ datvā bhattakiccapariyosāne dussakoṭṭhāgāraṃ vivarāpetvā uttamaṃ ticīvarappahonakaṃ sukhumavatthaṃ Buddhassa pādamaṭṭe ṭhapevā bhikkhusatasahassassa ca ticīvaraṃ datvā Tathāgataṃ upasaṅkamtivā “bhante yo so bhikkhu tumhehi ito sattame

divasamatthake paṭisambhidāppattānaṃ aggaṭṭhāne ṭhapito, ahampi so bhikkhu viya anāgate uppajjanakassa Buddhassa sāsane pabbajitvā paṭisambhidāppattānaṃ aggo bhaveyyan”ti Satthu pādamūle nipajjitvā patthanam akāsi. Satthā tassa samijjhanabhāvaṃ ñatvā “anāgate ito kappasatasahassamatthake Gotamo nāma Buddho loke uppajjissati, tassa sāsane tava patthanā samijjhissatī”ti byākāsi. So tattha yāvatāyukaṃ puññāni katvā tato cuto devasampattiṃ anubhavitvā aparāparaṃ devamanussesu paribbhami.

Evam so devamanussesu saṃsaranto tattha tattha bhave puññañāṇasambhāre sambharanto imasmiṃ Buddhuppāde Sāvatthiyaṃ brāhmaṇamahāsālakule nibbatti, **Koṭṭhikotissa** nāmaṃ akāmsu. Kasmā mātuyā vā ayyakapayyakādīnaṃ vā nāmaṃ aggahetvā evaṃ nāmaṃ kariṃsūti ce? Attano paññavantatāya vedaṅgesu satakkaparatakkesu sanighaṇḍukeṭubhesu sākkharappabhedesu sakalabyākaraṇesu ca chekabhāvena ca diṭṭhaditṭhe jane mukhasattīhi koṭṭhento pakkotṭhento vitudanto vicaratīti anvatthanāmaṃ kariṃsūti veditabbaṃ. So vayappatto tayo vede uggahetvā brāhmaṇasippe nipphattiṃ patto ekadivasaṃ Satthu santikaṃ gantvā dhammaṃ sutvā paṭiladdhasaddho pabbajitvā upasampannakālate paṭṭhāya vipassanāya kammaṃ karonto saha paṭisambhidāhi arahattaṃ patvā paṭisambhidāsu ciṅṇavasī hutvā abhīto mahāthere upasaṅkamitvā pañhaṃ pucchantopi Dasabalaṃ upasaṅkamitvā paṭisambhidāsuyeva pañhaṃ pucchi. Evamayaṃ thero tattha katādhikāratāya tattha ciṅṇavasībhāvena ca paṭisambhidāppattānaṃ aggo jāto. Atha naṃ Satthā Mahāvedallasuttaṃ aṭṭhuppattiṃ katvā paṭisambhidāppattānaṃ aggaṭṭhāne ṭhapesi, “etadaggaṃ bhikkhave mama sāvakānaṃ bhikkhūnaṃ paṭisambhidāppattānaṃ yadidaṃ Mahākoṭṭhiko”ti¹.

221. So aparena samayena vimuttisukhaṃ paṭisaṃvedento somanassajāto attano pubbacaritāpadānaṃ pakāsentto **Padumuttaro nāma Jinoti**-ādimāha. Taṃ sabbaṃ heṭṭhā vuttanayattā uttānatthameva.

1. Am 1. 25 piṭṭhe.

Itthaṃ sudamāyasmā Mahākoṭṭhikoti ettha **sudanti** nidassane nipāto.
Āyasmāti gāravādhivacanāṃ, yathā taṃ āyasmā Mahāmoggallānoti.

Mahākoṭṭhikatthera-apadānavañṇanā samattā.

8. Uruvelakassapatthera-apadānavañṇanā

Aṭṭhamāpadāne **Padumuttaro nāma Jinoti**-ādikaṃ āyasmato Uruvelakassapattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle kulagehe nibbato vayappatto Satthu santike dhammaṃ sutvā Sathhāraṃ ekaṃ bhikkhuṃ mahāparivārānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento mahādānaṃ datvā paṇidhānaṃ akāsi. Bhagavā cassa anantarāyataṃ disvā “anāgate Gotamabuddhassa sāsane mahāparivārānaṃ aggo bhavissatī”ti byākāsi. So tattha yāvatāyukaṃ puññāni katvā tato cavitvā devamanussesu saṃsaranto ito dvenavutikappamatthake Phussassa Bhagavato vemātikakaniṭṭhabhātā hutvā nibbato, aññepissa dve kaniṭṭhabhātaro ahesuṃ. Te tayo Buddhappamukhabhikkhusaṃghaṃ nimantetvā paramāya pūjāya pūjetvā yāvajīvaṃ kusalaṃ katvā devamanussesu saṃsaranto amhākaṃ Bhagavato uppattito puretarameva Bārāṇasiyaṃ brāhmaṇakule tayo bhātaro hutvā nibbattā gottavasena tayopi **Kassapāti** evaṃ nāmakā ahesuṃ. Te tayo vayappattā tayo vede uggaṇhimsu. Tesāṃ jeṭṭhabhātikassa pañcamāṇavakasatāni parivārā, majjhimassa tīṇi, kaniṭṭhassa dve, te attano ganthesu sāraṃ oloketā diṭṭhadhammikameva atthaṃ disvā pabbajjaṃ rocesuṃ. Tesu jeṭṭhabhātā attano parivārena saddhiṃ Uruvelaṃ gantvā isipabbajjaṃ pabbajitvā **Uruvelakassapo** nāma jāto, majjhimo Gaṅgānadīvaṅke pabbajito **Nadīkassapo** nāma jāto, kaniṭṭho Gayāsīse pabbajito **Gayākassapo** nāma jāto. Evaṃ tesu isipabbajjaṃ pabbajitvā tattha tattha vasantesu bahūnaṃ divasānaṃ accayena amhākaṃ bodhisatto mahābhiniikkhamaṃ

nikkhamitvā paṭividdhasabbaññutaññāṇo anukkamena dhammacakkaṃ pavattetvā Pañcavaggiyatthere arahatte patiṭṭhāpetvā
 Yasakulaputtappamukhe pañcapanñāsajane sahāyake vinetvā saṭṭhi arahante
 “caratha bhikkhave cārikan”¹ti¹ vissajjetvā Timsabhaddavaggiye vinetvā
 Uruvelakassapassa vasanaṭṭhānaṃ gantvā vasanaṭṭhāya agyāgāraṃ pavisitvā
 tattha gatanāgadamanādihi adḍhuḍḍhasahashehi pāṭihāriyehi
 Uruvelakassapaṃ saparivāraṃ vinetvā pabbājesi. Tassa pabbajjāvidhānaṃca
 iddhipāṭihāriyakaraṇaṃca sabbaṃ Nadikassapassa Apadānaṭṭhakathāyaṃ āvi
 bhavissati. Tassa pabbajitabhāvaṃ sutvā itarepi dve bhātaro saporisā
 āgantvā Satthu santike pabbajimsu. Sabbeva te iddhimayapattacīvaradharā
 ehibhikkhukā ahesuṃ. Satthā taṃ samaṇasahassaṃ ādāya Gayāsisaṃ gantvā
 piṭṭhipāsāṇe nisinnā Adittapariyāyadesanāya² te sabbe arahatte patiṭṭhāpesi.

251. So evaṃ arahattaṃ patvā somanassajāto attano
 pubbacaritāpadānaṃ pakāsentā **Padumuttaro nāma Jinoti**-ādimāha.
 Anuttānapadameva vaṇṇayissāma.

268. **So ca sabbaṃ tamaṃ hantvā**ti so Phusso Bhagavā rāgadosa-
 mohādikilesandhakāraṃ viddhamsetvā. **Vijaṭetvā mahājaṭanti** taṇhāmānādihi
 diyaḍḍhasahashehi kilesagaṇehi mahābyākulaṃ jaṭaṃ **vijaṭetvā** padāletvā
 phāletvāti attho. **Sadevakam** devalokasahitaṃ sakalaṃ lokasannivāsaṃ
tappayanto santappayanto piṇento **amataṃ vuṭṭhiṃ**
 mahānibbānavuṭṭhidhāraṃ **vassate** paggharāpetīti yojanā.

269. **Tadā hi Bārāṇasiyanti** “bārāsa manussā”ti-ādīsu viya bārāsa
 dvādasarāsī hutvā purā, Himavantato isayo ca paccekamunisāṅkhātā isayo
 ca Gandhamādanato ākāsenāgantvā ettha gacchanti otaranti pavisantīti
 Bārāṇasī, atha vā Sammāsambuddhasāṅkhātānaṃ anekasatasahassānaṃ
 dhammacakkapavattanaṭṭhāya otaraṭṭhānaṃ nagaraṃ liṅgavipallāsaṃ katvā
 itthiliṅgavasena Bārāṇasīti vuccati, tissaṃ Bārāṇasiyaṃ.

1. Vi 3. 27 piṭṭhe.

2. Vi 3. 44 piṭṭhe.

273. **Nikkhittasattham paccantanti** chaḍḍitasattham pātita¹āvudham paccantajanapadam nibbisevanam **katvā punarupacca tanti** puna rāpi taṃ nagaram upecca upagamma sampattāti attho. Sesam suviññeyyamevāti.

Uruvelakassapatthera-apadānavañṇanā samattā.

9. Rādhatthera-apadānavañṇanā

296. Navamāpadāne **Padumuttaro nāma Jinoti**-ādikaṃ āyasmato Rādhattherassa apadānam. Taṃ sabbam pāṭhānusārena nayānucintanena viññūhi suviññeyyameva. Kevalam puññanānattamevāti.

Rādhatthera-apadānavañṇanā samattā.

Dasamam Mogharājatthera-apadānam suviññeyyamevāti.

Catupaññāsamavaggavañṇanā samattā.

55. Bhaddiyavagga

1. Lakunḍakabhaddiyatthera-apadānavañṇanā

Pañcapaññāsamavagge paṭhamāpadāne **Padumuttaro nāma Jinoti**-ādikaṃ āyasmato Lakunḍakabhaddiyattherassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle Haṃsavatīnagare mahābhogakule nibbattivā viññutam patto Satthu dhammam suṇanto nisinno Sattāram ekaṃ bhikkhum mañjussarānam aggaṭṭhāne ṭhapentam disvā sayampi taṃ ṭhānantaram patthento Buddhappamukhassa bhikkhusamghassa sappisakkharādimadhurarasasammissam mahādānam datvā “ahampi bhante anāgate ayam bhikkhu viya ekassa Buddhassa sāsane mañjussarānam aggo bhaveyyan”ti paṇidhānam akāsi. Bhagavā tassa anantarāyam disvā byākaritvā pakkāmi.

1. Bāhita (Sī)

So yāvātāyukam puññāni katvā devamanussesu saṁsaranto ubhayasampattiyo anubhavitvā Phussabhagavato kāle Citrakokilo¹ hutvā nibbato rājuyyānato madhuraṁ ambaphalaṁ tuṇḍenādāya gacchanto Sathhāraṁ disvā pasannamānaso “dassāmi Buddhassā”ti cittaṁ uppādesi. Sathhā tassa cittācāraṁ ñatvā pattam gahetvā nisīdi. Kokilo Dasabalassa patte ambapakkam ṭhapesi. Sathhā tassa somanassuppādanattham tassa passantasseva taṁ paribhuñji. Atha so Kokilo pasannamānaso teneva pītisukhena sattāham vītināmesi. Teneva puññakammena uppannuppannabhava mañjussaro ahosi. Kassapasammāsambuddhakāle vaḍḍhakikule nibbattetvā jeṭṭhakavaḍḍhakī hutvā pākaṭo ahosi. Parinibbute Bhagavati tassa sarīradhātuyo nidahitum sattayojanappamaṇe thūpe āraddhe so āha “yojanāvaṭṭam yojanubbedham karomā”ti. Te sabbe tassa vacane aṭṭhamsu. Iti appamāṇassa Buddhassa orappamāṇam cetiyam kāresi, tena kammena nibbattaṭṭhāne aññehi hīnappamāṇo² ahosi. So amhākam Bhagavato kāle kulagehe nibbattivā atirassatāya ca suvaṇṇapaṭimā viya sundarasarīratāya ca **Lakuṇḍakabhaddiyoti** paññāyittha. So aparabhāge Satthu dhammadesanam sutvā paṭiladdhasaddho pabbajitvā bahussuto dhammakathiko hutvā madhurena sarena paresam dhammam katesi.

Athekasmim ussavadvase ekena brāhmaṇena saddhim rathena gacchantī ekā gaṇikā theram disvā dantavidamsakam hasi. Thero tassā dantaṭṭhike nimittam gahetvā jhānam uppādetvā taṁ pādakam katvā vipassanam vaḍḍhetvā anāgāmī ahosi, so abhiṇham kāyagatāya satiyā viharanto ekadivasam āyasmatā Dhammasenāpatinā ovadiyamāno anusāsiyamāno arahatte patiṭṭhahi. Ekacce bhikkhū ca sāmaṇerā ca tassa arahattappattabhāvam ajānantā kaṇṇesu gahetvā kaḍḍhanti, sīse bāhāya hatthapādādīsu vā gahetvā cāletvā kilantā viheṭhesum. Atha Bhagavā sutvā “mā bhikkhave mama puttam viheṭhethā”ti āha. Tato paṭṭhāya taṁ “arahā”ti jānitvā na viheṭhesum.

1. Cittapattakokilo (Thera-Ṭṭha 2. 126 piṭṭhe)

2. Nīcatarappamāṇo (Thera-Ṭṭha 2. 126 piṭṭhe.)

12. So arahā hutvā sañjātasomanasso attano pubbacaritāpadānaṃ pakāseno **Padumuttaro nāma Jinoti-ādimāha. Mañjunābhinikūjahanti** madhurena pemaṇiyena sarena abhinikūjīm saddaṃ nicchāresīm ahanti attho. Sesamettha suviññeyyamevāti.

Lakuṇḍakabhaddiyatthera-apadānavaṇṇanā samattā.

2. Kaṅkhārevatatthera-apadānavaṇṇanā

34. Dutiyaṇpadāne **Padumuttaro nāma Jinoti-ādikaṃ āyasmato** Kaṅkhārevatattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle brāhmaṇakule nibbato, taṃ sabbaṃ pāṭhānusārena suviññeyyamevāti.

Kaṅkhārevatatthera-apadānavaṇṇanā samattā.

3. Sīvalitthera-apadānavaṇṇanā

Tatiyaṇpadāne **Padumuttaro nāma Jinoti-ādikaṃ āyasmato** Sīvalittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle kulagehe nibbato heṭṭhā vuttanayena vihāraṃ gantvā parisāya pariyante ṭhito dhammaṃ suṇanto Satthāraṃ ekaṃ bhikkhuṃ lābhīnaṃ aggaṭṭhāne ṭhapentaṃ disvā “mayāpi anāgate evarūpena bhavituṃ vaṭṭatī”ti Dasabalaṃ nimantetvā sattāhaṃ Buddhappamukhassa bhikkhusaṃghassa mahādānaṃ datvā “bhante iminā adhikārakamma na aññaṃ sampattiṃ patthemī, anāgate pana ekassa Buddhassa sāsane ahampi tumhehi so etadagge ṭhapitabhikkhu viya lābhīnaṃ aggo bhavēyyan”ti patthanāṃ akāsi. Satthā tassa anantarāyataṃ disvā “ayaṃ te patthanā anāgate Gotamassa Buddhassa santike samijjhissatī”ti byākaritvā pakkāmi. So kulaputto yāvajīvaṃ kusalaṃ katvā devamanussesu ubhayasampattiyo anubhavitvā Vipassissa

Bhagavato kāle Bandhumatīnagarato avidūre ekasmim gāmake nibbatti, tasmim samaye Bandhumatīnagaravāsino raññā saddhim sākacchitvā¹ Dasabalassa dānaṃ adamsu.

Ekadivasam sabbe ekato hutvā dānaṃ dentā “kiṃ nu kho amhākaṃ dānagge natthī”ti² oloketā madhuñca guḷadadhiñca nāddasamsu. Te “yato kutoci āharissāmā”ti janapadato nagarapavisanamaggesu purise ṭhapesuṃ. Tadā esa kulaputto attano gāmato guḷadadhivārakaṃ gahetvā “kiñciveva āharissāmī”ti nagaraṃ gacchanto “mukhaṃ dhovivā dhotahatthapādo pavissāmī”ti phāsukaṭṭhānaṃ oloketto naṅgalasīsappamaṇaṃ nimmakkhikadaṇḍakamadhuṃ disvā “puññaena me idaṃ uppannaṃ”ti gahetvā nagaraṃ pāvīsi. Nāgarehi ṭhapitapuriso taṃ disvā “mārisa kassa imaṃ harasī”ti pucchi. Na kassaci sāmi, vikkāyikaṃ me idanti. Tena hi imaṃ kahāpaṇaṃ gahetvā etaṃ madhuñca guḷadadhiñca dehīti.

So cintesi “idaṃ me na bahuṃ agghati, ayañca ekappahārenea bahuṃ deti, vīmaṃsissāmī”ti. Tato naṃ āha “nāhaṃ ekakahāpaṇena demī”ti. Yadi evaṃ dve gahāpaṇe gahetvā dehīti. Dvīhipi na demīti. Etenupāyena vadḍhetvā yāva sahasaṃ pāpuṇi, so cintesi “ati-añchitum na vaṭṭati, hotu tāva iminā kattabbakammaṃ pucchissāmī”ti. Atha naṃ āha “na idaṃ bahu-agghanakaṃ, tvaṃ pana bahuṃ desi, kena kammena idaṃ gaṇhasī”ti. Idha bho nagaravāsino raññā saddhim paṭivirujjhivā Vipassisammāsambuddhassa dānaṃ dentā idaṃ dvayaṃ dānagge apassantā maṃ pariyesāpentī. Sace idaṃ dvayaṃ na labhissanti, nāgarānaṃ parājayo bhavissati. Tasmā sahasaṃ datvā gaṇhāmīti. Kiṃ panetaṃ nāgarānaṃ eva vaṭṭati, udāhu aññesampi dātum vaṭṭatīti. Yassa kassaci dātum avāritametanti. Atthi pana koci nāgarānaṃ dāne ekadivasam sahasaṃ dātāti. Natthi sammāti. Imesaṃ me dvinnaṃ sahasagghanakabhāvaṃ jānāsīti. Āma jānāmīti. Tena hi gaccha, nāgarānaṃ ārocehi “eko puriso imāni dve mūlena na deti, tumhehi saddhim sahattheneva dātukāmo, tumhe imesaṃ dvinnaṃ kāraṇā nibbitakkā³ hothā”ti. “Tvaṃ imasmim dāne

1. Mantetvā (Sī)

2. Am-Ṭṭha 1. 191; Thera-Ṭṭha 1. 170 piṭṭhesu.

3. Nirussukkā (Sī)

jeṭṭhakabhāgassa¹ kāyasakkhī hohī”ti vatvā gato. So pana kulaputto gāmato paribbayatthaṃ gahitakahāpaṇena pañcakaṭukaṃ gahetvā cuṇṇaṃ katvā dadhito kañciyaṃ vāhetvā tattha madhupaḷalaṃ piḷetvā pañcakaṭukacuṇṇena yojetvā paduminipatte pakkhipitvā taṃ saṃvidahitvā ādāya Dasabalassa avidūre nisīdi. Mahājanehi āhariyamānassa sakkārassa antare attano pattavāraṃ olokeno okāsaṃ ñatvā Satthu santikaṃ gantvā “bhante ayaṃ me duggatasakkāro, imaṃ me anukampaṃ paṭicca paṭiggaṇhathā”ti. Satthā tassānukampaṃ paṭicca catumahārājehi dattiyena selamayapattena taṃ paṭiggahetvā yathā aṭṭhasaṭṭhiyā bhikkhusatasahassassa diyyamānaṃ na khīyati, evaṃ adhiṭṭhāsi.

So kulaputto niṭṭhitabhattakiccaṃ Bhagavantaṃ vanditvā ekamantaṃ nisinno āha “diṭṭho me bhante Bhagavā ajja Bandhumatīnagaravāsīhi tumhākaṃ sakkāro āhariyamāno, ahampi imassa nissandena nibbattanibbattabhava lābhaggayasaggappatto bhavyeyyaṃ”ti. Satthā “evaṃ hotu kulaputtā”ti vatvā tassa ca nagaravāsīnaṃca bhattānumodanaṃ katvā pakkāmi. So kulaputto yāvajīvaṃ kusalaṃ katvā devamanussesu saṃsaranto imasmiṃ Buddhuppāde Suppavāsāya rājadhītuyā kucchimhi paṭisandhiṃ gaṇhi. Tassa paṭisandhiggahaṇakālato paṭṭhāya sāyaṃ pātaṇca² pañcapanṇakārasatāni Suppavāsāya upanīyanti. Athassa sā puñṇavīmaṃsanatthaṃ³ hatthena bījapacchimaṃ phusāpentī aṭṭhāsi. Ekekabijato salākasataṃ salākasahassampi niggacchati, ekekakarīsakhettato paṇṇāsampi saṭṭhipi sakaṭapamaṇāni uppajjanti⁴. Koṭṭhapūraṇakālepissā koṭṭhadvāraṃ hatthena phusantiyā rājadhītāya puñṇena gaṇhantānaṃ gahitagahitaṃ puna pūراتi. Paripuṇṇabhattakumbhitopi “rājadhītāya puñṇaṃ”ti vatvā yassa kassaci dentā naṃ yāva na ukkaḍḍhanti⁵, na tāva bhattaṃ khīyati. Dārake kucchigateyeva satta vassāni atikkamimsu.

Gabbhe pana paripakke sattāhaṃ mahādukkhaṃ anubhosi. Sā sāmikaṃ āmantetvā “pure maraṇā jīvamānā dānaṃ dassāmi”ti Satthu

1. Jeṭṭhakabhāvassa (Sī)

2. Satataṃ (Sī, Ka)

3. Athassā taṃ puñṇavīmaṃsanatthaṃ (Sī)

4. Nippajjanti (Sī)

5. Dentānaṃ yāva na sakkonti (Sī), dentā yāva na uṭṭhahanti (Ka)

santikam pesesi “gaccha sāmi imam pavattim Satthu ārocetvā Satthāram nimantehi, yañca Satthā vadati, tam sādhu kam upalakkhetvā āgantvā mayham kathehi”ti. So gantvā tassā sāsanaṃ Satthu ārocesi “Satthu bhante koḷiyadhītā pāde vandati”ti. Satthā tassā anukampaṃ paṭicca “sukhinī hotu Suppavāsā koḷiyadhītā arogā, arogaṃ puttaṃ vijāyatū”ti āha. So tam sutvā Bhagavantaṃ vanditvā attano gāmābhimukho pāyāsi. Tassa pure āgamanāyeva Suppavāsāya kucchito dhammakaraṇato udakaṃ viya gabbho nikkhami, parivāretvā nisinnajano ¹assumukho roditum āraddho haṭṭhatuṭṭhova¹ tassā sāmikassa tuṭṭhisāsanaṃ ārocetum agamāsi. So tesam iṅgitaṃ disvā “Dasabalena kathitakathā nipphannā bhavissati maññe”ti cintesi. So āgantvā Satthu kathaṃ rājadhītāya kathesi. Rājadhītā tayā nimantitaṃ jīvabhata meva maṅgalabhataṃ bhavissati, gaccha sattāham Dasabalaṃ nimantehi. So tathā akāsi. Sattāham Buddhappamukhassa bhikkhusaṅghassa mahādānaṃ pavattayimsu. So dārako ñātīnaṃ santattacittaṃ nibbāpento sītalabhāvaṃ kurumāno jātoti **Sīvalit**veva nāmaṃ karimsu. So satta vassāni gabbhe vasitattā jātakā lato paṭṭhāya sabbakammakkhamo ahoṣi. Dhammasenāpati Sāriputtatthero sattame divase tena saddhiṃ kathāsallāpamakāsi. Satthāpi imam gātham abhāsi—

“Yo’maṃ palipathaṃ duggaṃ, saṃsāraṃ mohamaccagā.
Tiṇṇo pāraṅgato jhāyī, anejo akathaṃkathī.
Anupādāya nibbuto, tamahaṃ brūmi brāhmaṇaṃ”ti².

Atha naṃ thero evamāha “kiṃ pana tayā evarūpaṃ dukkhaṃ anubhavitvā pabbajitum na vaṭṭati”ti. Labhanto pabbājeyyaṃ bhanteti. Suppavāsā tam therena saddhiṃ kathentaṃ disvā “kiṃ nu kho me putto Dhammasenāpatinā katheti”ti theram upasaṅkamtivā pucchi “mayham putto tumhehi saddhiṃ kiṃ katheti bhante”ti. Attanā anubhuttagabbhavāsadukkhaṃ kathetvā “tumhehi anuññāto pabbajissāmi”ti vadatīti. Sādhu bhante pabbājetha nanti. Thero tam vihāraṃ netvā tacapañcakakammaṭṭhānaṃ datvā pabbājento

1-1. Assumukhova hasitum āraddho, haṭṭhatuṭṭho (Am-Ṭṭha 1. 193 piṭṭhe)

2. Khu 1. 72, 377 piṭṭhesu.

“Sīvali tuyhaṃ aññena ovādena kammaṃ natthi, tayā satta vassāni anubhuttadukkhameva paccavekkhāhī”ti. Bhante pabbajjāyeva tumhākaṃ bhāro, yaṃ pana mayā sakkā kātum, tamahaṃ jānissāmīti. So pana paṭhamakesavaṭṭiyā oropitakkhaṇeyeva sotāpattiṭṭhale patiṭṭhāsi, dutiyāya oropitakkhaṇe sakadāgāmiphale, tatiyāya anāgāmiphale patiṭṭhāsi. Sabbesaṃyeva kesānaṃ oropanañca arahattaphalāsacchikiriyā ca apure apacchā ahoṣi.

Atha bhikkhusaṃghe kathā udapādi “aho evaṃ puññavāpi thero sattamāsādhikāni satta saṃvaccharāni mātugabbhe vasitvā satta divasāni mūḷhagabbhe vasi”ti. Sathā āgantvā “kāya nuttha bhikkhave etarahi kathāya sannisinnā”ti pucchitvā “imāya nāmā”ti vutte “na bhikkhave iminā kulaputtana imāha jātiyā katakamman”ti vatvā atītaṃ āharitvā atīte bhikkhave Buddhuppādato puretameva esa kulaputto Bārāṇasiyaṃ rājakule nibbatto, pitu accayena rajje patiṭṭhāya vibhavasampanno pākaṭo ahoṣi. Tadā eko paccantarājā “rajjaṃ gaṇhissāmī”ti āgantvā nagaraṃ uparundhitvā khandhāvāraṃ kāretvā vihāsi. Atha rājā mātuyā saddhiṃ samānacchando hutvā sattāhaṃ khandhāvāranagare catūsu disāsu dvāraṃ pidhāpesi, nikkhamantānaṃ pavisantānañca dvāramūḷhaṃ ahoṣi. Atha migadāyavihāre Paccekabuddhā ugghosesuṃ. Rājā sutvā dvāraṃ vivarāpesīti. Paccantarājāpi palāyi. So tena kammavipākena narakādīsu dukkhamanubhavitvā imasmiṃ Buddhuppāde rājakule nibbattopi mātuyā saddhiṃ imaṃ evarūpaṃ dukkhamanubhavi. Tassa pana pabbajitakālato paṭṭhāya bhikkhusaṃghassa cattāro paccayā yadicchakaṃ uppajjanti. Evaṃ ettha vatthu samuṭṭhitaṃ.

Aparabhāge Satthā Sāvattiṃ agamāsi. Thero Bhagavantaṃ abhivādetvā “bhante mayhaṃ puññabalaṃ vīmaṃsissāmi, pañcabhikkhusatāni dethā”ti. Gaṇha Sīvalīti. So pañcasate bhikkhū gaṇetvā Himavantaḥbhikkuhaṃ gacchanto aṭavimaggāṃ gacchati. Tassa paṭhamāṃ diṭṭhanigrodhe adhivatthā devatā satta divasāni dānaṃ adāsi. Iti so—

Nigrodhaṃ paṭhamāṃ passi, dutiyaṃ Paṇḍavapabbataṃ.
Tatiyaṃ Aciravatiyaṃ, catutthaṃ Varasāgaraṃ.

Pañcamaṃ Himavantaṃ so, chaṭṭhaṃ Chaddantupāgami.
Sattamaṃ Gandhamādanaṃ, aṭṭhamaṃ atha Revatanti¹—

sabbaṭṭhānesu satta satta divasāneva dānaṃ adamsu. Gandhamādanapabbate pana Nāgadattadevarājā sattasu divasesu ekadivasam khīraṇḍapātāṃ adāsi, ekadivasam sappiṇḍapātāṃ adāsi. Atha naṃ bhikkhusaṅgho āha “āvuso imassa devaraṅṅo neva dhenuyo duyhamānā paññāyanti, na dadhinimmathanam, kuto te devarāja idam uppajjati”ti. “Bhante Kassapadasabalassa kāle khīrasalākabhaddadānassetam phalan”ti devarājā āha.

Aparabhāge Satthā Khadiravanियarevatattherassa paccuggamaṃ akāsi. Kathaṃ? Athāyasmā Sāriputto Satthāraṃ āha “bhante mayhaṃ kira kaniṭṭhabhātā Revato pabbajito, so abhirameyya vā na vā, gantvā naṃ passissāmī”ti. Bhagavā Revatassa āradhavi-passakabhāvaṃ ñatvā dve vāre paṭikkhipitvā tatiyavāre yācīto arahattappattabhāvaṃ ñatvā Sāriputta ahampi gamissāmi bhikkhūnaṃ ārocehīti. Thero bhikkhū sannipātāpetvā “āvuso Satthā cārikaṃ caritukāmo, gantukāmā āgacchantū”ti sabbesaṃyeva ārocesi. Dasabalassa cārikatthāya gamanakāle ohiyyamānakabhikkhū nāma appakā honti, “Satthu suvaṇṇavaṇṇam sarīraṃ passissāma, madhuradhammakathaṃ vā suṇissāmā”ti yebhuyyena gantukāmā bahutarāva honti. Iti Satthā mahābhikkhusaṅghaparivāro “Revataṃ passissāmā”ti nikkhanto.

Athekasmim padese Ānandatthero dvedhāpathaṃ patvā Bhagavantaṃ pucchi “bhante imasmim ṭhāne dvedhāpatho, kataramaggena bhikkhusaṅgho gacchatū”ti. Kataramaggo Ānanda ujukoti. Bhante ujumaggo tiṃsayojaniko amanussapatho. Parihāramaggo pana satṭhiyojaniko khemo subhikkhoti. Ānanda Sīvali amhehi saddhim āgatoti. Āma bhante āgatoti. Tena hi saṅgho ujumaggameva gacchatu, Sīvalissa puññaṃ vīmaṃsissāmāti. Satthā bhikkhu saṅghaparivāro Sīvalittherassa puññavīmaṃsanatthaṃ tiṃsayojanamaggaṃ² abhiruhi.

1. Am-Ṭṭha 1. 194; Thera-Ṭṭha 1. 173 piṭṭhesu.

2. Aṭṭvimaggaṃ, Am-Ṭṭha 1. 178 (I, Ka)

Maggaṃ abhiruhanaṭṭhānato paṭṭhāya devasaṃgho yojane yojane ṭhāne nagaraṃ māpetvā Buddhappamukhassa bhikkhusaṃghassa vasanaṭṭhāya vihāre paṭiyādesi. Devaputtā raññā pesitakammakārā viya hutvā yāgukhajjakādīni gahetvā “kahaṃ ayyo Sīvalī”ti pucchantā gacchanti. Thero sakkārasammānaṃ gāhāpetvā Satthu santikaṃ gacchati. Satthā bhikkhusaṃghena saddhiṃ paribhuñji. Imināva niyāmena satthā sakkāraṃ anubhavanto devasikaṃ yojanaparamaṃ gantvā timsayojanikaṃ kantāraṃ atikkamma Khadiravaniyarevatattherassa vasanaṭṭhānaṃ patto, thero Satthu āgamaṃ ṇatvā attano vasanaṭṭhāne Buddhappamukhassa bhikkhusaṃghassa pahonakavihāre Dasabalassa Gandhakuṭiṃ rattitṭhānadivāṭṭhānāni ca iddhiyā māpetvā Tathāgatassa paccuggamaṃ gato. Satthā alaṅkatapaṭiyattena maggena vihāraṃ pāvisi. Atha Tathāgate Gandhakuṭiṃ pavitṭhe bhikkhū vassaggena pattasenāsanāni pavisimsu. Devatā “akālo āhārassā”ti aṭṭhavidhaṃ pānakaṃ āharimsu. Satthā saṃghena saddhiṃ pānakaṃ pivi. Iminā niyāmeneva Tathāgatassa sakkārasammānaṃ anubhavantasseva addhamāso atikkanto.

Athekacce ukkaṅṭhitabhikkhū¹ ekasmiṃ ṭhāne nisīditvā kathaṃ uppādayimsu “Dasabalo ‘mayhaṃ aggasāvakaṃ kaniṭṭhabhātā’ti vatvā evarūpaṃ navakammikaṃ bhikkhuṃ passituṃ āgato, imassa vihārassa santike Jetavanavihāro vā Veḷuvanavihārādayo vā kiṃ karissanti. Ayampi bhikkhu evarūpassa navakammassa kārako, kiṃ nāma samaṇadhammaṃ karissatī”ti. Atha Satthā cintesi “mayi idha ciraṃ vasante idaṃ ṭhānaṃ ākiṇṇaṃ bhavissati, āraññakā nāma bhikkhū pavivekatthikā honti, Revatassa phāsuvihāro na bhavissatī”ti. Tato therassa divāṭṭhānaṃ gato. Theropi ekakova caṅkamanakoṭiyaṃ ālambanaphalakaṃ nissāya pāsāṇaphalake nisinnō Satthāraṃ dūrato va āgacchantāṃ disvā paccuggantvā vandi.

Atha naṃ Sathā pucchi “Revata idaṃ vālamigaṭṭhānaṃ, caṇḍānaṃ hatthi-assādīnaṃ saddaṃ sutvā kiṃ karosī”ti. Tesāṃ me bhante saddaṃ suṇato araṇṇapī² nāma uppānāti. Satthā imasmiṃ ṭhāne Revatattherassa pañcahi gāthāsatehi araṇṇānisamsāṃ nāma kathetvā punadivase avidūraṭṭhāne

1. Uddhatabhikkhū (Sī)

2. Araññarati (Ka)

piṇḍāya caritvā Revatattheraṃ āmantetvā¹ yehi bhikkhūhi therassa avaṇṇo kathito, tesam kattarayaṭṭhi-upāhanatelanālichattānaṃ pamussanabhāvamakāsi. Te attano parikkhāratthāya nivattā āgatamaggeneva gacchantāpi taṃ ṭhānaṃ sallakkhetuṃ na sakkonti. Paṭhamam hi te alaṅkatapaṭiyattena maggena gantvā, taṃdivasaṃ pana visamaggena gacchantā tasmim tasmimṭhāne ukkuṭikaṃ nisīdantā jaṇṇukehi gacchanti. Te gumbe ca gacche ca kaṇḍake ca maddantā attanā vasitasabhāgaṭṭhānaṃ gantvā tasmim tasmim khadirakhāṇuke laggitaṃ attano chattaṃ sañjānanti, upāhanaṃ kattarayaṭṭhiṃ telanāliṅca sañjānanti. Te tasmim samaye “iddhimā ayaṃ bhikkhū”ti ṇatvā attano parikkhāramādāya “Dasabalassa paṭiyattasakkāro nāma evarūpo hotī”ti vadantā agamaṃsu.

Purato āgate bhikkhū Visākhā upāsikā attano gehe nisinnakāle pucchi “manāpaṃ nu kho bhante Revatassa vasanaṭṭhānaṃ”ti. Manāpaṃ upāsike Nandavanacittalatāvanapaṭiḥbhāgaṃ taṃ senāsananti. Atha tesam pacchato āgate bhikkhū pucchi “manāpaṃ ayyā Revatassa vasanaṭṭhānaṃ”ti. Mā puccha upāsike, kathetuṃ ayuttaṭṭhānaṃ, etaṃ ujaṅgalasakkharapāsāṇavisamakhadiravanaṃ eva, tattha so bhikkhu vasatīti.

Visākhā purimānaṃ pacchimānaṅca bhikkhūnaṃ kathaṃ sutvā “kesaṃ nu kho kathā saccā”ti pacchābhattaṃ gandhamālaṃ ādāya Dasabalassa upaṭṭhānaṃ gantvā vanditvā ekamantaṃ nisinnā Sathhāraṃ pucchi “bhante Revatattherassa vasanaṭṭhānaṃ ekacce ayyā vaṇṇanti, ekacce nindanti, kimetaṃ bhante”ti. “Visākhe ramaṇiyaṃ vā hotu mā vā, yasmiṃ ṭhāne ariyānaṃ cittaṃ ramati, tadeva ṭhānaṃ ramaṇiyaṃ nāmā”ti vatvā imaṃ gāthamāha—

“Gāme vā yadi vāraṅṅhe, ninne vā yadi vā thale.

Yattha arahanto viharanti, taṃ bhūmirāmaṇeyyakan”ti².

Aparabhāge Bhagavā ariyagaṇamaṃjhe nisinna theram “etadaggaṃ bhikkhave mama sāvakaṇaṃ bhikkhūnaṃ lābhīnaṃ yadidaṃ Sīvalī”ti³ etadagge ṭhapesi.

54. Athāyasmā Sīvalitthero arahattaṃ patvā patta-etadaggaṭṭhāno attano pubbakammaṃ saritvā somanassajāto pubbacaritāpadānaṃ

1. Nivattetvā (Ka)

2. Khu 1. 27; Khu 2. 344; Saṃ 2. 234 piṭṭhesu.

3. Am 1. 24 piṭṭhe.

pakāseto **Padumuttaro nāma Jinoti-ādimāha**.
Anuttānatthapadavaṇṇanameva karissāma.

55. **Sīlam tassa asaṅkheyyanti** tassa Parumuttarassa Bhagavato sīlam asaṅkheyyam.

Nava koṭisahassāni, asītisatakoṭiyo.

Paññāsasatasahassāni, chattimsā ca punāpare.

Ete samvaravinayā, Sambuddhena pakāsītā.

Peyyālamukhena niddiṭṭhā, sikkhāvinayasamvareti¹—

evam vuttasikkhāpadāni bhikkhūnam sāvakapaññattivasena vuttāni. Bhagavato pana sīlam **asaṅkheyyameva** saṅkhātum gaṇetum asakkuṇeyyanti attho. **Samādhivajirūpamo** yathā vajiram indanīlamaṇiveḷuriyamaṇiphalikamasāragallādīni ratanāni vijjhati chiddāvachiddam karoti, evameva Padumuttarassa Bhagavato lokuttaramaggasamādhī paṭipakkhapaccanīkadhamme vijjhati bhindati samucchindatīti attho. **Asaṅkheyyam nāṇavaram** tassa Buddhassa cattāri saccāni sattatimsa bodhipakkhiyadhamme saṅkhatāsaṅkhatadhamme ca jānitum paṭivijjhitum samattham sayambhūñāṇasabbaññutaññāṇādīñāṇasamūham **asaṅkheyyam**, atītānāgata-paccuppannādibhedena saṅkhāviraḥanti attho. **Vimutti ca anopamā**ti saṅkīlesehi vimuttatā sotāpattiphalādīkā catasso vimuttiyo anupamā upamārahitā “imā viya bhūtā”ti upamatum na sakkāti attho. Sesam uttānatthamevāti.

Sīvalitthera-apadānavaṇṇanā samattā.

4. Vaṅṅisatthera-apadānavaṇṇanā

Catutthāpadāne **Padumuttaro nāma Jinoti-ādikaṃ** āyasmato Vaṅṅisattherassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle Haṃsavatīnagare mahābhogakule nibbato vuddhippatto dhammam

1. Visuddhi 1. 44; Paṭisam-Ṭṭha 1. 188 piṭṭhesu.

sotum gacchantehi nagaravāsīhi saddhim vihāram gantvā dhammam suṇanto Satthāram ekabhikkhum paṭibhānavantānam aggaṭṭhāne ṭhapentaṃ disvā Satthu adhikārakammaṃ katvā “ahampi anāgate paṭibhānavantānam aggo bhaveyyan”ti patthanaṃ katvā Satthārā byākato yāvajīvaṃ kusalaṃ katvā devamanussesu ubhayasampattiyo anubhavitvā imasmim Buddhuppāde Sāvattiyam brāhmaṇakule nibbattitvā mātu paribbājikābhāvena aparabhāge paribbājakoti pākaṭo **Vaṅgīsoti** ca laddhanāmo tayo vede uggaṇhitvā tato ācariyam ārādhetvā chavasīsajānanamantaṃ nāma sikkhitvā chavasīsam nakhena ākoṭetvā “ayam satto asukayoniyam nibbatto”ti jānāti.

Brāhmaṇā “ayam amhākaṃ jivikāya maggo”ti Vaṅgīsam gahetvā gāmanigamarājadhāniyo vicariṃsu. Vaṅgīso tivassamatthake matānampi sīsam āharāpetvā nakhena ākoṭetvā “ayam satto asukayoniyam nibbatto”ti vatvā mahājanassa kaṅkhācchedanattham te te jane āvāhetvā¹ attano attano gatim kathāpeti. Tena tasmim mahājano abhippasīdati. So tam nissāya mahājanassa hatthato satampi sahasampi labhati. Brāhmaṇā Vaṅgīsam ādāya yathāruci vicariṃsu. Vaṅgīso Satthu guṇe sutvā Satthāram upasaṅkamtukāmo ahoṣi. Brāhmaṇā “samaṇo Gotamo māyāya tam āvaṭṭessati”ti paṭikkhipiṃsu.

Vaṅgīso tesam vacanam anādiyitvā Satthu santikaṃ gantvā paṭisanthāram katvā ekamantaṃ nisīdi. Satthā tam pucchi “Vaṅgīsa kiñci sippam jānāti”ti. Āma bho Gotama chavasīsamantaṃ nāmekam jānāmi, tena tivassamatthake matānampi sīsam nakhena ākoṭetvā nibbattaṭṭhānam jānāmīti. Atha Satthā tassa ekam niraye nibbattassa sīsam, ekam manussesu, ekam devesu, ekam parinibbutassa sīsam ārarāpetvā dassesi. So paṭhamasīsam ākoṭetvā “bho Gotama ayam satto niraye nibbatto”ti āha. Sādhu Vaṅgīsa suṭṭhu tayā diṭṭham, “ayam satto kuhiṃ nibbatto”ti pucchi. Manussaloketi. Ayam kuhinti. Devaloketi. Tiṇṇannampi nibbattaṭṭhānam kathesi. Parinibbutassa pana sīsam nakhena ākoṭento

1. Āvisāpetvā (Sī)

neva antaṃ na koṭiṃ passi. Atha naṃ Satthā “na sakkosi Vaṅgīsā”ti pucchi. Passatha bho Gotama upaparikkhāmi tāvāti punappunaṃ parivattetvāpi bāhirakamantena khīṇāsavassa sīsaṃ jānituṃ na sakkoti. Athassa matthakato sedo mucci. So lajjitvā tuṇhī ahosi. Atha naṃ Satthā “kilamasi Vaṅgīsā”ti āha. Āma bho Gotama imassa nibbattaṭṭhānaṃ jānituṃ na sakkomi. Sace tumhe jānātha, kathethāti. “Vaṅgīsa ahaṃ etampi jānāmi, ito uttaripi jānāmi”ti vatvā—

“Cutim yo vedi sattānaṃ, upapattiṇca sabbaso.

Asattaṃ sugataṃ Buddhaṃ, tamahaṃ brūmi brāhmaṇaṃ.

Yassa gatiṃ na jānanti, devā gandhabbamānusa.

Khīṇāsavaṃ arahantaṃ, tamahaṃ brūmi brāhmaṇaṃ”ti¹—

imā dve gāthāyo abhāsi. So tena hi bho Gotama taṃ vijjaṃ me dethāti apacitiṃ dassetvā Satthu santike nisīdi. Satthā “amhehi samānalingassa demā”ti āha. Vaṅgīso “yaṃ kiñci katvā mayā imaṃ mantāṃ gahetuṃ vaṭṭati”ti brāhmaṇe upagantvā āha “tumhe mayi pabbajante mā cintayittha, ahaṃ mantāṃ uggaṇhitvā sakalajambudīpe jeṭṭhako bhavissāmi, tumhākampi tena bhaddameva bhavissati”ti so mantatthāya Satthu santikaṃ upasaṅkamitvā pabbajjaṃ yāci. Tadā ca thero Nigrodhakappo Bhagavato santike ṭhito hoti, taṃ Bhagavā āṇāpesi “Nigrodhakappa imaṃ pabbājehi”ti. Thero Satthu āṇāya taṃ pabbājetvā “mantaparivāraṃ tāva uggaṇhāhi”ti dvattiṃsākāra-kammaṭṭhānaṃ vipassanā-kammaṭṭhānaṃ ācikkhi. So dvattiṃsākāra-kammaṭṭhānaṃ sajjhāyantova vipassanāya kammaṭṭhānaṃ paṭṭhapesi. Brāhmaṇā taṃ upasaṅkamitvā “kiṃ bho Vaṅgīsa samaṇassa Gotamassa santike sippaṃ uggaḥitaṃ”ti pucchimsu, āma sikkhitaṃ, tena hi ehi gamissāmāti kiṃ sippasikkhanaena, gacchatha tumhe na mayhaṃ tumhehi kattabbakiccanti. Brāhmaṇā “tvampi dāni samaṇassa Gotamassa vasaṃ āpanno, māyāya āvaṭṭito, kiṃ mayaṃ tava santike karissāmā”ti āgatamaggeneva pakkamimsu. Vaṅgīso vipassanaṃ vaḍḍhetvā arahattaṃ sacchākāsi.

1. Khu 1. 73, 378 piṭṭhesu.

96. Evaṃ thero arahattaṃ patvā attano pubbakammaṃ saritvā somanassajāto pubbacaritāpadānaṃ pakāseto **Padumuttaro nāma Jinoti-**ādimāha. Anuttānatthameva vaṇṇayissāma.

99. **Pabhāhi anurañjantoti** so Padumuttaro Bhagavā nīlapītādichabbaṇṇapabhāhi raṃsīhi anurañjanto jalanto sobhayamāno vijjotamānoti attho. **Veneyyapadumānisoti** Padumuttarasūriyo attano vacanasāṅkhātena sūriyaraṃsiyā veneyyajanasāṅkhātapadumāni visesena bodhento pabodhento arahattamaggādhigamena phullitāni karotīti attho.

100. **Vesārajjehi sampannoti**—

“Antarāye ca niyyāne, Buddhatte āsavakkhaye.
Etesu catuṭṭhānesu, Buddho suṭṭhu visārado”ti—

evaṃ vuttacatuvesārajjañāṇehi sampanno samaṅgībhūto samannāgatoti attho.

105. **Vāgīso vādisūdanoti** vādīnaṃ paṇḍitajanānaṃ īso padhāno “vādīso”ti vattabbe dakārassa gākāraṃ katvā evaṃ vuttanti daṭṭhabbaṃ. Sakatthaparattavādaṃ sūdati paggharāpeti pākāṭaṃ karotīti vādisūdano.

110. **Māramasanāti** khandhamārādayo pañcamāre masati parāmasati viddhaṃsetīti māramasano. **Diṭṭhisūdanāti** vohāraparamatthasaṅkhātaṃ diṭṭhidassanaṃ sūdati paggharaṃ dīpetīti diṭṭhisūdano.

111. **Vissāmabhūmi santānanti** sakalasaṃsārasāgare santānaṃ kilamantānaṃ sotāpattimaggādi-adhigamāpanena vissāmabhūmi vissamaṭṭhānaṃ vūpasamaṭṭhānanti attho.

132. **Tatohaṃ vihatārambhoti** tato Paccekabuddhassa sarīradassanena ahaṃ vihatārambho vinaṭṭhasārambho, vinaṭṭhamāno nimmado hutvā pabbajjaṃ saṃ suṭṭhu yācīṃ saṃyācīṃ ārocesinti attho. Sesāṃ suviññeyyamevāti.

Vaṅgīsatthera-apadānavāṇṇanā samattā.

5. Nandakatthera-apadānavañṇanā

Pañcamāpadāne **Padumuttaro nāma Jinoti-ādikaṃ āyasmato** Nandakattherassa apadānaṃ. Ayampi purimabuddhesu katādhikāroti-ādi sabbaṃ pāṭhānusārena suviññeyyamevāti.

Nandakatthera-apadānavañṇanā samattā.

6. Kāḷudāyitthera-apadānavañṇanā

Chaṭṭhāpadāne **Padumuttaro nāma Jinoti-ādikaṃ āyasmato** Kāḷudāyittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle Haṃsavatīnagare kulagehe nibbato viññutaṃ patto Satthu dhammadesanaṃ suṇanto Satthāraṃ ekaṃ bhikkhuṃ kulappasādakānaṃ aggaṭṭhāne ṭhapentaṃ disvā tajjaṃ abhinīhārakammaṃ katvā taṃ ṭhānantaraṃ patthesi. Satthāpi byākāsi. So yāvajīvaṃ kusalaṃ katvā devamanussesu saṃsaranto amhākaṃ bodhisattassa mātukucchiyaṃ paṭisandhiggahaṇadivase devalokato cavitvā Kapilavatthusmiṃyeva amaccakule paṭisandhiṃ gaṇhi. Bodhisattena saha ekadivaseyeva jāto, taṃdivasaṃyeva naṃ dukūlacumbaṭakena nipajjāpetvā bodhisattassa upaṭṭhānaṃ nayimsu. Bodhisattena hi saddhiṃ Bodhirukkho, Rāhulamātā, cattāro nidhī, Ārohaniyahatthī, Kaṇḍako, Channo, Kāḷudāyīti ime satta ekadivase jātattā saha jātā nāma ahesuṃ. Athassa nāmaggaṇadivase sakalanagarassa udaggacittadivase jātattā **Udāyī**veva nāmaṃ karimsu. Thokaṃ kāḷadhātukattā pana Kāḷudāyīti paññāyittha. So bodhisattena saddhiṃ kumārakīḷaṃ kīlanto vuddhiṃ agamāsi.

Aparabhāge Lokanāthe mahābhinnikkhamaṇaṃ nikkhamitvā anukkamena sabbaññutaṃ patvā pavattitavaradhammacakke Rājagahaṃ upanissāya Veḷuvane viharante Suddhodanamahārājā taṃ pavattiṃ sutvā purisasahassaparivāraṃ ekaṃ amaccam “puttaṃ me idhānehi”ti pesesi. So Satthu dhammadesanāvelāyaṃ Satthu santikaṃ gantvā parisapariyante ṭhito dhammaṃ sutvā

saparivāro arahattaṃ pāpuṇi. Atha ne Satthā “etha bhikkhavo”ti hatthaṃ pasāresi. Sabbe taṃkhaṇaṃyeva iddhimayapattacīvaradharā vassasaṭṭhikattherā viya ahesuṃ. Arahattappattato paṭṭhāya ariyā nāma majjhattāva honti, tasmā rañṇā pesitasāsanam Dasabalassa nārocesi. Rājā neva gato āgacchati, na sāsanaṃ suyyatīti aparampi amaccam purisasahassaparivāraṃ pesesi. Tasmimpi tathā paṭipanne aparampīti etena nayena navapurisasahassaparivāre nava amacce pesesi. Sabbe gantvā arahattaṃ patvā tuṅhībhūtā ahesuṃ.

Atha rājā cintesi “ettakā janā mayi sinehābhāvena Dasabalassa idhāgamanatthāya na kiñci kathayimsu, ayaṃ kho pana Udāyī Dasabalena samavayo sahapamsukīliko, mayi ca sinehavā, imaṃ pesessāmi”ti. Atha taṃ pakkosāpetvā “tāta tvaṃ purisasahassaparivāro gantvā Dasabalaṃ idhānehi”ti vatvā pesesi. So pana gacchanto “sacāhaṃ deva pabbajitum labhissāmi, evāhaṃ Bhagavantaṃ idhānessāmi”ti vatvā rañṇā “pabbajitopi mama puttaṃ dassēhi”ti vutto Rājāgahaṃ gantvā Satthu dhammadesanāvelāya parisapariyante ṭhito dhammaṃ sutvā saparivāro arahattaṃ patvā ehibhikkhubhāve patiṭṭhāsi. So arahattaṃ patvā “na tāvāyaṃ Dasabalassa kulanagaraṃ gantum kālo, vassante pana upagate pabbatesu vanasaṇḍesu haritatiṇasañchannāya bhūmiyā gamanakālo bhavissati”ti gamanakālam āgamento vassante sampatte Satthu kulanagaraṃ gantum gamanavaṇṇaṃ saṃvaṇṇesi. Vuttañcetaṃ theragāthāya¹—

“Aṅgārino dāni dumā bhadante,
Phalesino chadanaṃ vipphābhāya.
Te accimantova pabhāsanti,
Samayo mahāvīra bhāgī rasānaṃ.

Dumāni phullāni manoramāni,
Samantato sabbadisā pavanti.
Pattaṃ pahāya phalamāsasānā,
Kālo ito pakkamanāya vīra.

1. Khu 2. 300 piṭṭhādīsu.

Nevā'tisītaṃ na panā'ti-uṇhaṃ,
 Sukhā utu addhaniyā bhadante.
 Passantu taṃ sākiyā koḷiyā ca,
 Pacchā mukhaṃ rohiniyaṃ tarantaṃ.

Āsāya kasate khettaṃ, bījaṃ āsāya vappati.
 Āsāya vāṇijā yanti, samuddaṃ dhanahāraḱā.
 Yāya āsāya tiṭṭhāmi, sā me āsā samijjhatu.

Nā'tisītaṃ nā'ti-uṇhaṃ, nā'tidubbhikkhachātakāṃ.
 Saddalā haritā bhūmi, esa kālo Mahāmunī.

Punappunaṃ ceva vapanti bījaṃ,
 Punappunaṃ vassati devarājā.
 Punappunaṃ khettaṃ kasanti kassakā,
 Punappunaṃ dhaññaṃ upeti raṭṭhaṃ.

Punappunaṃ yācanaḱā caranti,
 Punappunaṃ dānapatī dadanti.
 Punappunaṃ dānapatī daditvā,
 Punappunaṃ saggamupenti ṭhānaṃ.

Vīro¹ have sattayugaṃ puneti,
 Yasmim kule jāyati bhūripaṇṇo.
 Maññaṃ mahaṃ sakkati devadevo,
 Tayā hi jāto Muni saccaṇāmo.

Suddhodano nāma pitā Mahesino,
 Buddhassa mātā pana Māyaṇāmā.
 Yā bodhisattaṃ parihariya kucchinā,
 Kāyassa bhedaṃ tidivamhi modati.

Sā Gotamī kālakatā ito cutā,
 Dibbehi kāmehi samaṅgibhūtā.
 Sā modati kāmaguṇehi pañcahi,
 Parivāritā devagaṇehi tehi.

Buddhassa puttomhi asayhasāhino,
 Aṅgīrasassa'ppaṭimassa tādino.
 Pitupitā mayhaṃ tuvaṃ'si sakka,
 Dhammena me Gotama ayyakosī'ti.

“Ambā panasā kapiṭṭhā ca, pupphapallavalaṅkatā.
 Dhuvapphalāni savanti, khuddāmadhukakūpamā.
 Sevamāno ubho passe, gantukālo mahāyasa.

Jambū sumadhurā nīpā, madhugaṇḍidivapphalā.
 Tā ubhosu pajjotanti, gantukālo mahāyasa.

Tiṇḍukāni piyālāni, soṇṇavaṇṇā manoramā.
 Khuddakappaphalā niccam, gantukālo mahāyasa.

Kadalī pañcamocci ca, supakkaphalabhūsitā¹.
 Ubhoppassesu lambanti, gantukālo mahāyasa.

Madhupphaladharā niccam, morarukkhā manoramā.
 Khuddakappaphalā niccam, gantukālo mahāyasa.

Hintālatālapantī ca, rajatakkhandhova jotare.
 Supakka²phalasañchannā, khuddakappā madhussavā.
 Phalāni tāni khādante, gantukālo mahāyasa.

Udumbarā'ruṇāvaṇṇā, sadāsumadhurapphalā.
 Ubhoppassesu lambanti, gantukālo mahāsaya.

Itthambhūtā anekā te, nānāphaladharā dumā.
 Ubhoppassesu lambanti, gantukālo mahāyasa.

Campakā salaḷā nāgā, sugandhā māluteritā.
 Supupphitaggā jotanti, sugandhenābhipūjayum.
 Sādarā vinatāneva, gantukālo mahāyasa.

Punnāgā giripunnāgā, pupphitā dharaṇīruhā.
 Supupphitaggā jotanti, sugandhenābhipūjayum.
 Sādarā vinatuggaggā, gantukālo mahāyasa.

1. Supattaphalagopitā (I)

2. Supatta (Ka)

Asokā koviḷārā ca, somanassakarā varā.
Sugandhā kaṇṇikā bandhā¹, rattavaṇṇehi bhūsitā.
Sādarā vinatuggaggā, samayo te mahāyasa.

Kaṇṇikārā phullitā niccaṃ, sovaṇṇaramsijotakā.
Dibbagandhā pavāyanti, disā sabbāni sobhayaṃ.
Sādarā vinatāneva, samayo te mahāyasa.

Supattā gandhasampannā, ketakī dhanuketakī².
Sugandhā sampavāyanti, disā sabbābhigandhino.
Sādarā pūjayantāva, samayo te mahāyasa.

Mallikā jitisumanā, sugandhā khuddamallikā.
Disā sabbā pavāyanti, ubho magge pasobhayaṃ.
Sādarā te palambanti, samayo te mahāyasa.

Sindhuvārā sītagandhā, sugandhā māluteritā.
Disā sabbābhīpūjentā, ubho magge pasobhayaṃ.
Sādarā vinatuggaggā, samayo te mahāyasa.

Sīhā kesarasīhā ca, catuppadanisevitā.
Acchambhītā surāpāne, migarājā patāpino.

Sīhanādena pūjenti, sādarā te migābhībhū.
Maggamhi ubhato vūḷhā, samayo te mahāyasa.

Byagghā sindhavā nakulā, sādhurūpā bhayānakā.
Ākāse sampatantāva, nibbhītā yena kenaci.
Tehi te sādarā natā, samayo te mahāyasa.

Tidhā pabhinnā³ chaddantā, surūpā sussarā subhā.
Sattappatiṭṭhitaṅgā te, ubho maggesu kūjino.
Sādarā hāsamānāva, samayo te mahāyasa.

Migā varāhā pasadā, citrāsā'vayavā subhā.
Ārohapariṇāhena, surūpā aṅgasamūyutā.
Ubho magge gāyamānāva, samayo te mahāyasa.

1. Kaṇṇikā gandhā (Ka)

2. Manuketakī (Ka)

3. Tidhamabhinnā (I)

Gokaṇṇā sarabhā rurū, ārohapariṇāhino.

Surūpā aṅgasampannā, sevamānāva accharuṃ.

Sevamānā tehi tadā, samayo te mahāyasa.

Dīpī acchā taracchā ca, tudarā varuṇā sadā.

Te dāni sikkhitā sabbe, mettāya tava tādino.

Te paccasevakā addhā, samayo te mahāyasa.

Sasā siṅgālā nakulā, kalandakālakā bahū.

Kasturā sūrā gandhā te, kevalā gāyamānāva.

Samayo te mahāyasa.

Mayūrā nīlagīvā te, susikhā subhapakkhikā.

Supiṅchā te sunādā ca, veḷuriyamaṇisannibhā.

Nādaṃ karontā pūjenti, kālo te pitudassane.

Suvaṇṇacitrahaṃsā ca, javahaṃsā vihācarā.

Te sabbe āsayā chuddhā, Jinadassanabyāvaṭā.

Madhurassarena kūjanti, kālo te pitudassane.

Haṃsā koṅcā sunadā te, cakkavākā nadīcarā.

Bakā balākā rucirā, jalakākā sarakukkuṭā.

Sādarābhinādino ete, kālo te pitudassane.

Citrā surūpā sussarā, sālikā suvataṇḍikā.

Rukkhaggā sampatantā te, ubho maggesu kūjino.

Tesu tesu nikūjanti, kālo te pitudassane.

Kokilā sakalā citrā, sadā mañjussarā varā.

Vimhāpitā te janataṃ, saddhimittādike surā.

Sarehi pūjayantāva, kālo te pitudassane.

Bhīnkā kurarā sārā, pūritā kānane sadā¹.

Ninnādayantā pavanaṃ, aññamaññasamaṅgino.

Gāyamānā sareneva, kālo te pitudassane.

1. Pūritakānanāsadā (Ka)

Tittirā susarā sārā, susarā vanakukkuṭā.
 Mañjussarā rāmaṇeyyā, kālo te pitudassane.
 Setavālukasañchannā, supatitthā manoramā.
 Madhurodakasampuṇṇā, sarā jotanti te sadā.
 Tattha nhatvā pivitvā ca, samayo te ñātidassane.
 Kumbhīrāmakarākiṇṇā, valayā muñjarohitā.
 Macchakacchapabyāviddhā, sarā sītodakā¹ subhā.
 Tattha nhatvā pivitvā ca, samayo te ñātidassane.
 Nīluppalasamākiṇṇā, tathā rattuppalehi ca.
 Kumuduppalasaṁkiṇṇā, sarā sobhanti'nekadhā.
 Tattha sītalakā toyā, samayo te ñātidassane.
 Puṇḍarīkehi sañchannā, padumehi samohatā.
 Ubho maggesu sobhanti, pokkharañño tahiṁ tahiṁ.
 Tatthodakāni nhāyanti, samayo te ñātidassane.
 Setapulinasamkiṇṇā, supatitthā manoramā.
 Sītodakamahoghehi, sampuṇṇā tā nadī subhā.
 Ubho maggehi sandanti, samayo te ñātidassane.
 Maggassa ubhatopasse, gāmanigamasamākulā.
 Saddhā pasannā janatā, ratanattayamāmakā.
 Tesam sampuṇṇasaṅkappo, samayo te ñātidassane.
 Tesu tesu padesesu, devā mānussakā ubho.
 Gandhamālābhipūjenti, samayo te ñātidassane”ti.

Evam thero saṭṭhimattāhi gāthāhi Satthu gamanavaṇṇaṁ saṁvaṇṇesi.
 Atha kho Bhagavā “Kāḷudāyī mama gamanaṁ pattheti, pūressāmissa
 saṅkappan”ti tattha gamane bahūnaṁ visesādhigamaṁ disvā
 vīsatisahassakhīṇāsavaparivuto Rājagahato aturitacārikāvāsena
 vuttappakāraphalāphale² anubhavanto dvipadacatuppadādisamūhānaṁ
 sevanapūjāya pūjyamāno vuttappa-kārasugandhapupphagandhehi
 gandhiyamāno gāmanigamavāsīnaṁ saṅgahaṁ kurumāno

1. Setodakā (I)

2. Pītisukhaṁ (Sī)

Kapilavatthugāmimaggaṃ paṭipajji. Thero iddhiyā Kapilavatthum gantvā rañño purato ākāse ṭhito adiṭṭhapubbaṃ vesam̐ disvā raññā “kosi tvaṃ”ti pucchito “sace amaccaputtaṃ tayā Bhagavato santike pesitaṃ na jānāsi, evaṃ jānāhī”ti vadanto—

“Buddhassa puttomhi asayhasāhino,
 Aṅgīrasassa’ppaṭimassa tādino.
 Pitupitā mayhaṃ tuvaṃ’si sakka,
 Dhammena me Gotama ayyakosī”ti¹—

gāthamāha.

Tattha **Buddhassa puttomhī** Sabbaññubuddhassa ure vāyāmajanitāhi dhammadesanāhi jātatāya orasaputto amhi. **Asayhasāhinoti** abhisambodhito pubbe ṭhapetvā mahābodhisattaṃ aññehi sahitum̐ asakkuṇeyyattā asayhassa sakalabodhisambhārassa, mahākaruṇākaraṃ ca sahanato tato parampi aññehi sahitum̐ abhibhavitum̐ asakkuṇeyyattā asayhānaṃ pañcannaṃ mārānaṃ sahanato abhibhavanato āsayānusayacaritādhimutti-ādivibhāgāvabodhena² yathārahaṃ veneyyānaṃ diṭṭhadhammikasamparāyikaparamatthehi anusāsanīsāṅkhātassa aññehi asayhassa Buddhakiccassa sahanato tattha vā sādhu-kārībhāvato asayhasāhino. **Aṅgīrasassāti** aṅgīkatasīlādisampattikassa. “Aṅgamaṅgehi niccharaṇaka-obhāsassā”ti apare. Keci pana “Aṅgīraso Siddhatthoti imāni dve nāmāni pitarāyeva gahitāni”ti vadanti. **Appaṭimassāti** anupamassa iṭṭhādīsu tādīlakkaṇasampattiyā tādino. **Pitupitā mayhaṃ tuvaṃ’sīti** ariyajātivaseṇa mayhaṃ pitu Sammāsambuddhassa lokavohāravaseṇa tvaṃ pitā asi. **Sakkāti** vaṃseṇa³ rājānaṃ ālapati. **Dhammenāti** sabhāvena ariyajātilokiyajātīhi dvinnāṃ jātīnaṃ sabhāvasamodhānena. **Gotamāti** gottena rājānaṃ ālapati. **Ayyakosīti** pitāmaho aho. Ettha ca “Buddhassa puttomhī”ti-ādim̐ vadanto thero aññaṃ byākāsi.

1. Khu 2.301 piṭṭhe.

2. ...vabodhane (Sī)

3. Jātivaseṇa (Sī)

Evam pana attānaṃ jānāpetvā haṭṭhatuṭṭhena raññā mahārahe pallaṅke nisīdāpetvā attano paṭiyāditassa nānaggarasabhojanassa pattam pūretvā patte dinne gamanākāraṃ dassesi. “Kasmā gantukāmattha, bhuñjathā”ti vutte Satthu santikaṃ gantvā bhuñjissāmīti. Kahaṃ pana Satthāti. Vīsatisahassabhikkhuparivāro tumhākaṃ dassanattāya maggaṃ paṭipannoti. Tumhe imaṃ piṇḍapātaṃ bhuñjatha, aññaṃ Bhagavato haratha. Yāva ca mama putto imaṃ nagaraṃ pāpuṇāti, tāvassa itoyeva piṇḍapātaṃ harathāti. Thero bhattakiccaṃ katvā rañño ca parisāya ca dhammaṃ desetvā Satthu āgamanato puretameva rājanivesanaṃ ratanattayaguṇesu abhippasannaṃ karonto sabbesaṃ passantānaṃyeva Satthu āharitabbabhattapuṇṇaṃ pattam ākāse vissajjetvā sayampi vehāsaṃ abbhuggantvā piṇḍapātaṃ upanetvā Satthu hatthe ṭhapesi. Satthāpi taṃ piṇḍapātaṃ paribhuñji. Evam saṭṭhiyojanaṃ maggaṃ divase divase yojanaṃ gacchantassa Bhagavato rājagehato bhattaṃ āharitvā adāsi. Bhagavā kamena Kapilavatthunagaraṃ patvā punadivase rājavīthiyaṃ piṇḍāya carati. Taṃ sutvā Suddhodanamahārājā tattha gantvā “mā evaṃ kattabbaṃ maññi, nayidaṃ rājavaṃsappaveṇi”ti. “Ayaṃ tumhākaṃ mahārāja vaṃso, idiso amhākaṃ pana Buddhavaṃso”ti vatvā—

“Uttiṭṭhe nappamajjeyya, dhammaṃ sucaritaṃ care.

Dhammacārī sukhaṃ seti, asmiṃ loke paramhi ca.

Dhammaṃ care sucaritaṃ, na naṃ duccharitaṃ care.

Dhammacārī sukhaṃ seti, asmiṃ loke paramhi cā”ti¹—

dhammaṃ desesi. Rājā sotāpattiphale patiṭṭhahi. Tato rājā Buddhappamukhaṃ bhikkhusaṃghaṃ nimantetvā sakamandire bhojetvā sampavāretvā bhojanāvasāne **Dhammapāla**jātakam² sutvā saporiso anāgāmiṃphale patiṭṭhahi. Aparabhāge setacchattassa heṭṭhā nipannova arahattaṃ patvā parinibbāyi.

Tato Bhagavā Rāhulamātuyā bimbādeviyā pāsādaṃ gantvā tassā dhammaṃ desetvā sokaṃ vinodetvā **Candakinnarī**jātakadesanāya³ pasādaṃ janetvā Nigrodhārāmaṃ agamāsi. Atha bimbādevī puttaṃ Rāhulakumāraṃ āha “gaccha tava pitu santakaṃ dhanam yācāhi”ti. Kumāro

1. Khu 1. 38. 39 piṭṭhesu.

2. Khu 5. 214 piṭṭhādīsu.

3. Khu 5. 277 piṭṭhādīsu.

“dāyajjāṃ me samaṇe dehi”ti vatvā Bhagavantāṃ anubandhitvā “sukhā te samaṇa chāyā”ti vadanto gacchati. Tam Bhagavā Nigrodhārāmaṃ netvā “lokuttaradāyajjāṃ gaṇhāhi”ti vatvā pabbājesi. Atha Bhagavā ariyagaṇamajjhe nisinno “etadaggaṃ bhikkhave mama sāvakaṇaṃ bhikkhūnaṃ kulappasādakānaṃ yadidaṃ Kāḷudāyī”ti¹ therāṃ etadagge ṭhapesi.

165. Thero patta-etadaggaṭṭhāno attano pubbakammaṃ saritvā somanassajāto pubbacaritāpadānaṃ pakāseto **Padumuttaro nāma Jinoti-**ādigaṭṭhāyo abhāsi. Tattha anuttānapadameva vaṇṇayissāma.

166. **Guṇāguṇavidūti** guṇaṇca aguṇaṇca guṇāguṇaṃ, vaṇṇāvaṇṇaṃ, kusalākusalaṃ vā taṃ jānātīti guṇāguṇavidū. **Kataññūti** aññehi kataguṇaṃ jānātīti kataññū, ekadivasampi bhattadānādinā katūpakārassa rajjampi dātuṃ samatthattā kataññū. **Katavedīti** kataṃ vindati anubhavati sampaṭicchati katavedī. **Titthe yojeti pāṇineti** sabbasatte nibbānapavesanupāye kusalapathe magge dhammadesanāya yojeti sampayojeti patiṭṭhāpetīti attho. Sesāṃ uttānatthameva. Gamanavaṇṇanagāthānamattho theragāthāyaṃ vutttoyevāti.

Kāḷudāyitthera-apadānavaṇṇanā samattā.

7. Abhayatthera-apadānavaṇṇanā

Sattamāpadāne **Padumuttaro nāma Jinoti-**ādikaṃ āyasmato Abhayattherassa apadānaṃ. Ayampi purimajinavaresu katādhikāro tattha tattha bhava vivaṭṭupaniissayāni puññāni upacinanto Padumuttarassa Bhagavato kāle Haṃsavatīnagare brāhmaṇakule nibbatto. So vuddhimanvāya vedaṅgapārāgo sakaparāsamayakusalo ekadivasāṃ Sattu dhammadesanaṃ sutvā pasannaṃ mānaso Bhagavantāṃ gāthāhi thomesi. So tattha yāvatāyukaṃ ṭhatvā puññāni katvā tato cuto devaloke nibbatto aparāparaṃ

1. Am 1. 25 piṭṭhe.

sugatīsuyeva saṃsaranto imasmiṃ Buddhuppāde Rājagahe Bimbisārarañño putto hutvā nibbatti, **Abhayot**vevassa nāmaṃ karimsu. So vayappatto Nigaṇṭhehi saddhim viśāsiko hutvā caranto ekadivasam Nigaṇṭhena Nāṭaputtana Satthu vādāropanatthāya pesito nipuṇapañham pucchitvā nipuṇabyākaraṇam sutvā pasanno Satthu santike pabbajitvā kammaṭṭhānānurūpaṃ ñāṇam pesetvā na cirasseva arahattaṃ pāpuṇi.

195. So arahattaṃ patvā attano pubbakammaṃ saritvā somanassajāto pubbacaritāpadānam pakāsento **Padumuttaro nāma Jinoti**-ādimāha. Tam sabbaṃ suviññeyyamevāti.

Abhayatthera-apadānavañṇanā samattā.

8. Lomasakaṅgiyatthera-apadānavañṇanā

Aṭṭhamāpadāne **imamhi Bhaddake kappeti**-ādikam¹ āyasmato Lomasakaṅgiyattherassa apadānam. Ayampi purimabuddhesu katādhikāro tattha tattha bhava vivaṭṭupanissayāni puñṇāni upacinanto Kassapassa Bhagavato kāle brāhmaṇakule nibbatto saddho pasanno ahosi. Aparo Candano nāma tassa sahāyo cāsi. Te dvepi Satthu santike dhammaṃ sutvā pasannamānasā pabbajitvā yāvajīvam sīlam rakkhitvā suparisuddhasilā tato cutā devaloke nibbattitvā ekam Buddhantaram dibbasukham anubhaviṃsu. Tesu ayam imasmiṃ Buddhuppāde Sākiyakule nibbattitvā aparo Candano devaputto hutvā Tāvatiṃsabhavane nibbatti. Atha so Sakyakulappasādakena Kāḷudāyina ārādhitena Bhagavatā Sakyarājūnam mānamaddanāya kataṃ **Vessantaradhammadesanāyam**² pokkharavassa-iddhipāṭihāriyam disvā pasannamānaso pabbajitvā Majjhimanikāye vuttaṃ **Bhaddekarattasuttantadesanam**³ sutvā araññavāsam vasanto Bhaddekarattasuttantadesanānusāsanaṃ saritvā tadanusārena ñāṇam pesetvā kammaṭṭhānam manasi karitvā arahattaṃ pāpuṇi.

1. Imamhi bhaddakappamhi (I) 2. Khu 6. 312 piṭṭhādīsu. 3. Ma 3. 240 piṭṭhādīsu.

225. Arahattaṃ patvā attano pubbakammaṃ saritvā sañjātasomanasso pubbacaritāpadānaṃ pakāsentō **imamhi Bhaddake kappeti-ādimāha**. Tattha kappo tāva catubbidho—sārakappo varakappo maṇḍakappo bhaddakappoti. Tesu yasmim kappe eko Buddhō uppajjati, ayaṃ **sārakappo** nāma. Yasmim dve vā tayo vā Buddhā uppajjanti, ayaṃ **varakappo** nāma. Yasmim cattāro Buddhā uppajjanti, ayaṃ **maṇḍakappo** nāma. Yasmim pañca Buddhā uppajjanti, ayaṃ **bhaddakappo** nāma. Aññattha pana—

“Sārakappo maṇḍakappo, sāramaṇḍakappo tathā.
Varakappo bhaddakappo, kappā pañcavidhā siyūṃ.
Eko dve tayo cattāro, pañca Buddhā yathākkamaṃ.
Etesu pañcakappesu, uppajjanti vināyakā”ti—

evaṃ pañca kappā vuttā. Tesu ayaṃ kappo “Kakusandho Koṇāgamano Kassapo Gotamo Metteyyo”ti pañcabuddhapaṭimaṇḍitattā bhaddakappo nāma jāto.

Tasmā imasmim bhaddakappamhi Kassapo Nāyako uppajjīti sambandho. Sesam uttānatthamevāti.

Lomasakaṅgiyatthera-apadānavañṇanā samattā.

9. Vanavacchatthera-apadānavañṇanā

Navamāpadāne **imamhi Bhaddake kappeti-ādikaṃ āyasmato** Vanavacchattherassa apadānaṃ. Ayampi purimabuddhesu katādhikāro tattha tattha bhava vivaṭṭupanissayāni puñṇāni upacinanto Kassapassa Bhagavato kāle kulagehe nibbato viññutaṃ patvā Satthu dhammadesanaṃ sutvā saddhājāto pabbajitvā parisuddhaṃ brahmacariyaṃ caritvā tato cuto devaloke nibbato, tato cuto araññāyatane bhikkhūnaṃ samīpe kapotayoniyaṃ nibbato. Tesu mettacitto dhammaṃ sutvā tato cuto devamanussesu saṃsaranto imasmim Buddhuppāde Kapilavatthusmim brāhmaṇakule nibbatti. Tassa mātukucchigatakāleyeva mātu dohaḷo udapādi vane vasituṃ vane

viḷāyitum. Tato icchānurūpavasena vane vasantiyā gabbhavuṭṭhānaṃ ahoṣi. Gabbhato nikkhantañca naṃ kāsāvakaḥḍena paṭiggahasum. Tadā bodhisattassa uppanakālo, rājā taṃ kumāraṃ āharāpetvā saheva posesi. Atha bodhisatto mahābhinikkhamaṇaṃ nikkhamitvā pabbajitvā chabbassāni dukkarakārikaṃ katvā Buddhhe jāte so Mahākassapassa santikaṃ gantvā tassovāde pasanno tassa santikā Buddhuppādabhāvaṃ sutvā Satthu santikaṃ gantvā dhammaṃ sutvā pabbajitvā na cirasseva chaḷabhiñño arahā ahoṣi.

251. So arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **imamhi Bhaddake kappeti**-ādimāha. Tattha **brahmabandhu mahāyasoti** ettha brāhmaṇānaṃ bandhu nātakoti brāhmaṇabandhūti vattabbe gāthābandhasukhatthaṃ “Brahmabandhū”ti vuttanti veditabbaṃ. Lokattayabyāpakayasattā Mahāyaso¹. Sesam sabbam suviññeyyamevāti.

Vanavacchatthera-apadānavañṇanā samattā.

10. Cūlasugandhatthera-apadānavañṇanā

Dasamāpadāne **imamhi Bhaddake kappeti**-ādikaṃ āyasmato Sugandhattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Kassapasammāsambuddhakāle Bārāṇasiyaṃ vibhavasampanne kule nibbatto viññutaṃ patvā Satthu santike dhammaṃ sutvā sabbadā namassamāno mahādānaṃ dadamāno māsassa sattakkhattum Bhagavato Gandhakuṭiyā catujjātigandhena vilimpesi. “Mama nibbattanibbattaṭṭhāne sarīrato sugandhagandho nibbattatū”ti patthanaṃ akāsi. Bhagavā taṃ byākāsi. So yāvatāyukaṃ ṭhatvā puññāni karonto tato cuto devaloke nibbatto kāmāvacaralokaṃ sarīragandhena sugandhaṃ kurumāno **Sugandhadevaputtoti** pākaṭo ahoṣi. So devalokasampattiyo anubhavitvā tato cuto imasmim Buddhuppāde

1. Natthi (Sī)

mahābhogakule nibbatti, tassa mātukucchigatasseva mātuyā sarīragandhena sakalageham sakalanagarañca sugandhena ekagandham ahosi, jātakkaṇṇe sakalam Sāvattinagaram sugandhakarandaḍako viya ahosi, tenassa **Sugandhoti** nāmaṃ karimsu. So vuddhim agamāsi. Tadā Satthā Sāvattiyam patvā Jetavanamahāvihāram paṭiggahesi, tam disvā pasannamānaso Bhagavato santike pabbajitvā na cirasseva saha paṭisambhidāhi arahattam pāpuṇi. Tassa uppannavasato paṭṭhāya yāva parinibbānā etthantare nipannaṭṭhānādīsu sugandhameva vāyi. Devāpi dibbacuṇṇadibbagandhapupphāni okiranti.

272. Sopi thero arahattam patvā attano pubbakammaṃ saritvā somanassajāto pubbacaritāpadānam pakāsento **imamhi Bhaddake kappeti-** ādimāha. Tam sabbam heṭṭhā vuttanayattā uttānatthattā ca suviññeyyameva, kevalam puññanānattam nāmanānattañca viseso.

Cūlasugandhatthera-apadānavañṇanā samattā.

Pañcapaññāsamavaggavañṇanā samattā.

56. Yasavagga

1. Yasatthera-apadānavañṇanā

Chappaññāsame vagge paṭhamāpadāne **mahāsamuddam oggayhāti-** ādikam āyasmato Yasattherassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Sumedhassa Bhagavato kāle mahānubhāvo nāgarājā hutvā Buddhappamukham bhikkhusamgham attano bhavanam netvā mahādānam pavattesi, Bhagavantam mahagghena ticīvarena acchādesi, ekekañca bhikkhum mahaggheneva paccekadussayugena sabbena ca samaṇaparikkhārena. So tena puññakammena devamanussesu saṃsaranto Siddhatthassa Bhagavato kāle seṭṭhiputto hutvā Mahābodhimaṇḍalam sattahi ratanehi pūjesi. Kassapassa Bhagavato kāle sāsane pabbajitvā samaṇadhammam akāsi. Evaṃ so sugatīsuveva saṃsaranto amhākam Bhagavato kāle Bārāṇasiyam Mahāvibhavassa seṭṭhino

putto hutvā Sujātāya Bhagavato khīrapāyāsaṃ dinnāya seṭṭhidhītāya kucchimhi nibbatti, **Yaso** nāma nāmena paramasukhumālo. Tassa tayo pāsādā honti—eko hemantiko, eko gimhiko, eko vassikoti. So vassike pāsāde vassike cattāro māse nippurisehi tūriyehi paricārayamāno vasati, heṭṭhāpāsādaṃ na otarati. Hemantike pāsāde cattāro māse suphusitavātapaṇakavāṭe tattheva paṭivasati. Gimhike pāsāde bahukavāṭavātapaṇajālāhi sampanne tattheva vasati. Hatthapādānaṃ sukhumālatāya bhūmiyaṃ nisajjādikkamā natthi. Simbalitulādipuṇṇasabhāve¹ attharivā tattha upadhānāni kiccāni karoti. Evaṃ devaloke devakumāro viya pañcahi kāmagaṇehi samappitassa samaṅgībhūtassa paricārayamānassa paṭikacceva niddā okkami, pariyanassāpi niddā okkami, sabbarattiyo ca telapadīpo jhāyati. Atha kho Yaso kulaputto paṭikacceva pabujjhivā addasa sakaṃ pariyaṇaṃ supantaṃ aññissā kacche vīṇaṃ, aññissā kaṇṭhe mudingaṃ, aññissā kacche ālambaraṃ, aññaṃ vikesikaṃ, vikkheḷikaṃ, aññaṃ vippalapantiyo hatthapattaṃ susānaṃ maññe, disvānassa ādīnava pāturahosi, nibbidāya cittaṃ saṅghāsi. Atha kho Yaso kulaputto udānaṃ udānesi “upaddutaṃ vata bho, upassaṭṭhaṃ vata bho”ti.

Atha kho Yaso kulaputto suvaṇṇapādukāyo ārohitvā yena nivesanadvāraṃ tenupasaṅkamaṃ, amanussā dvāraṃ vivarimsu “mā Yasassa kulaputtassa koci antarāyamakāsi agārasmā anagāriyaṃ pabbajjāyā”ti. Atha kho Yaso kulaputto yena nagaradvāraṃ tenupasaṅkamaṃ, amanussā dvāraṃ vivarimsu “mā Yasassa kulaputtassa koci antarāyamakāsi agārasmā anagāriyaṃ pabbajjāyā”ti. Atha kho Yaso kulaputto yena Isipatanaṃ Migadāyo tenupasaṅkamaṃ.

Tena kho pana samayena Bhagavā rattiyā paccūsasamayaṃ paccuṭṭhāya ajjhokāse caṅkamaṃ, addasā kho Bhagavā Yasam kulaputtaṃ dūratova āgacchantaṃ, disvāna caṅkamā orohitvā paññatte āsane nisīdi. Atha kho Yaso kulaputto Bhagavato avidūre udānaṃ udānesi “upaddutaṃ vata bho, upassaṭṭhaṃ vata bho”ti. Atha kho Bhagavā Yasam

1. Pabhāve (Ka)

kulaputtam etadavoca “idam kho Yasa anupaddutam, idam anupassaṭṭham, ehi Yasa nisida, dhammam te desessami”ti. Atha kho Yaso kulaputto “idam kira anupaddutam, idam anupassaṭṭhan”ti haṭṭho udaggo suvaṇṇapādukāhi orohitvā yena Bhagavā tenupasaṅkami, upasaṅkamtivā Bhagavantam abhivādetvā ekamantam nisīdi, ekamantam nisinnassa kho Yasassa kulaputtassa Bhagavā anupubbim katham kathesi, seyyathidam, dānakatham sīlakatham saggakatham kāmānam ādīnavam okāram saṅkilesam nekkhamme ānisaṃsam pakāsesi. Yadā Bhagavā aññāsi Yasam kulaputtam kallacittam muducittam vinīvaraṇacittam udaggacittam pasannacittam, atha yā Buddhānam sāmukkaṃsikā dhammadesanā, tam pakāsesi dukkham samudayam nirodham maggam. Seyyathāpi nāma suddham vattham apagatakālakam sammadeva rajanam paṭiggaṇheyya, evameva Yasassa kulaputtassa tasmimyeva āsane virajam vītamalam dhammacakkhum udapādi “yam kiñci samudayadhammam, sabbam tam nirodhadhamman”ti.

Atha kho Yasassa kulaputtassa mātā pāsādam abhiruhitvā Yasam kulaputtam apassantī yena seṭṭhi gahapati tenupasaṅkami, upasaṅkamtivā seṭṭhim gahapatim etadavoca “putto te gahapati Yaso na dissati”ti. Atha kho seṭṭhi gahapati catuddisā assadūte uyyojtvā sāmāmyeva yena Isipatanam Migadāyo tenupasaṅkami. Addasā kho seṭṭhi gahapati suvaṇṇapādukānam nikkhepam, disvāna tamyeva anugamāsi. Addasā kho Bhagavā seṭṭhim gahapatim dūratova āgacchantam, disvāna Bhagavato etadahosi “yannūnāham tathārūpam iddhābhisaṅkhāram abhisaṅkhareyyam, yathā seṭṭhi gahapati idha nisinno idha nisinnam Yasam kulaputtam na passeyyā”ti. Atha kho Bhagavā tathārūpam iddhābhisaṅkhāram abhisaṅkharesi. Atha kho seṭṭhi gahapati yena Bhagavā tenupasaṅkami, upasaṅkamtivā Bhagavantam etadavoca “api bhante Bhagavā Yasam kulaputtam passeyyā”ti. Tena hi gahapati nisida, appeva nāma idha nisinno idha nisinnam Yasam kulaputtam passeyyāsīti. Atha kho seṭṭhi gahapati “idheva kirāham nisinno idha nisinnam Yasam kulaputtam passissami”ti haṭṭho udaggo Bhagavantam abhivādetvā ekamantam nisīdi, ekamantam nisinnassa kho seṭṭhissa gahapatissa Bhagavā anupubbim katham kathesi -pa-. Aparappaccayo Satthu sāsane Bhagavantam etadavoca “abhikkantam bhante, abhikkantam bhante,

seyyathāpi bhante nikkujjitaṃ vā ukkujjeyya, paṭicchannaṃ vā vivareyya mūlhasa vā maggaṃ ācikkheyya, andhakāre vā telapajjotaṃ dhāreyya ‘cakkhumanto rūpāni dakkhanti’ti, evamevaṃ Bhagavatā anekapariyāyena dhammo pakāsito. Esāhaṃ bhante Bhagavantaṃ saraṇaṃ gacchāmi dhammaṅca bhikkhusaṅghaṅca, upāsakaṃ maṃ Bhagavā dhāretu ajjatagge pāṇupetaṃ saraṇaṃ gatan’ti. Sova loke paṭhamaṃ upāsako ahosi tevāciko.

Atha kho Yasassa kulaputtassa pituno dhamme desiyamāne yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimucci. Atha kho Bhagavato etadahosi “Yasassa kho kulaputtassa pituno dhamme desiyamāne yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ, abhabbo kho Yaso kulaputto hīnāyāvattitvā kāme paribhuñjituṃ, seyyathāpi pubbe agārikabhūto, yannūnāhaṃ taṃ iddhābhisaṅkhāraṃ paṭippassambheyyan’ti. Atha kho Bhagavā taṃ iddhābhisaṅkhāraṃ paṭippassambhesi. Addasā kho seṭṭhi gahapati Yasam kulaputtaṃ nisinnaṃ, disvāna yasam kulaputtaṃ etadavoca “mātā te tāta Yasa paridevasokasamāpannā, dehi mātuyā jīvitan’ti. Atha kho Yaso kulaputto Bhagavantaṃ ullokesi. Atha kho Bhagavā seṭṭhiṃ gahapatiṃ etadavoca “taṃ kiṃ maññasi gahapati, Yassa sekkhena ñāṇena sekkhena dassanena dhammo diṭṭho vidito seyyathāpi tayā, tassa yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ, bhabbo nu kho so gahapati hīnāyāvattitvā kāme paribhuñjituṃ seyyathāpi pubbe agārikabhūto’ti. No hetam bhante. Yasassa kho gahapati kulaputtassa sekkhena ñāṇena sekkhena dassanena dhammo diṭṭho vidito seyyathāpi tayā, tassa yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ, abhabbo kho gahapati Yaso kulaputto hīnāyāvattitvā kāme paribhuñjituṃ seyyathāpi pubbe agārikabhūto’ti. Lābhā bhante Yasassa kulaputtassa, suladdhaṃ bhante Yasassa kulaputtassa, yathā Yasassa kulaputtassa anupādāya āsavehi cittaṃ vimuttaṃ, adhivāsetu me bhante Bhagavā ajjatanāya bhantaṃ Yasena kulaputtena pacchāsamaṇenāti. Adhivāsesi Bhagavā tuṅhībhāvena. Atha kho seṭṭhi

gahapati Bhagavato adhvāsanaṃ viditvā uṭṭhāyāsanaṃ Bhagavantaṃ abhivādetvā padakkhiṇaṃ katvā pakkāmi. Atha kho Yaso kulaputto acirapakkante seṭṭhimhi gahapatimhi Bhagavantaṃ etadavoca “labheyyāhaṃ bhante Bhagavato santike pabbajjaṃ, labheyyaṃ upasampadan”ti. “Ehi bhikkhū”ti Bhagavā avoca “Svākkhāto dhammo, cara brahmacariyaṃ sammā dukkhassa antakiriyaṃ”ti, sāva tassa āyasmato upasampadā ahoṣi.

1. Arahā pana hutvā somanassajāto attano pubbacaritāpadānaṃ pakāseto **mahāsamuddaṃ oggayhāti**-ādimāha. Tattha **samuddanti** aṅgulimuddāya saṃ suṭṭhu dassetabbato samuddo, atha vā saṃ suṭṭhu udiyati khobhiyati pasodhiyati ghosanaṃ karonto āluḷiyatīti samuddo, mahanto ca so samuddo cāti mahāsamuddo, taṃ mahāsamuddaṃ. **Oggayhāti** ajjhogāhetvā abhantaraṃ pavisitvā tassa mahāsamuddassa anto pavisitvā, sāmyatthe cetāṃ upayogavacananti daṭṭhabbaṃ. **Bhavanaṃ me sumāpitanti** ettha bhavanti nibbattanti nivasanti catūhi iriyāpathehi vāsaṃ kappenti etthāti bhavanaṃ, mayhaṃ taṃ bhavanaṃ taṃ vimānaṃ taṃ pāsādaṃ pañca-pākārakūṭāgārehi saṃ suṭṭhu māpitaṃ nagaraṃ, attano balena suṭṭhu nimmitanti attho. **Sunimmitā pokkharaṇīti** sumahantā hutvā bhūtā itā gatā pavattā khaṇitā katāti pokkharaṇī, macchakacchapapupphapulina-titthamadhurodakādīhi suṭṭhu nibbattā nimmitāti attho. **Cakkavākūpakūjitāti** cakkavākakukkuṭahaṃsādīhi kūjitā ghoṣitā nāditā sā pokkharaṇīti sambandho. Ito paraṃ nadīvanadvipadacatuppapadapādapapakkhīnaṃ vaṇṇaṅca Sumedhassa Bhagavato dassanaṅca nimantetvā Sumedhassa Bhagavato dānakkamaṅca suviññeyyameva.

Lokāhutipaṭiggahanti ettha loke āhuti lokāhuti, kāmarūpārūpasankhātassa lokassa āhutiṃ pūjāsakkāraṃ paṭiggaṇhātīti lokāhutipaṭiggahaṃ, Sumedhaṃ Bhagavantanti attho. Sesāṃ byākaraṇadānaṅca arahattappattaphalaṅca suviññeyyamevāti.

Yasatthera-apadānavāṇṇanā samattā.

2. Nadīkassapatthera-apadānavañṇanā

Dutiyāpadāne **Padumuttarassa Bhagavatoti-ādikaṃ āyasmato** Nadīkassapattherassa apadānaṃ. Ayampi purimabuddhesu katādhikāro tattha tattha bhave vivaṭṭupanissayāni puññāni upacinanto Padumuttarassa Bhagavato kāle kulagehe nibbattitvā viññutaṃ patto ekadivasaṃ Satthāraṃ piṇḍāya carantaṃ disvā pasannaṃ mānaso attanā ropitassa ambarukkassa paṭhamuppannaṃ manosilāvāṇṇaṃ ekaṃ ambaphalaṃ adāsi. So tena puññakamma devamanussesu saṃsaranto imasmiṃ Buddhuppāde Magadharaṭṭhe brāhmaṇakule Uruvelakassapassa bhātā hutvā nibbatto vayappatto nissaraṇajjhāsayaṭāya gharāvāsaṃ anicchanto tāpasapabbajjaṃ pabbajitvā tīhi tāpasasatehi saddhiṃ Nerañjarāya nadiyā tīre assamaṃ māpetvā viharati. Nadītīre vasanato Kassapagottattāya ca **Nadīkassapoti** samaññā ahoṣi. Tassa Bhagavā sapaṇṇassa ehibhikkhubhāvena upasampadaṃ adāsi. So Bhagavato Gayāsīse **Ādittapariyāya desanāya**¹ arahatte patiṭṭhāsi.

Tatrāyaṃ anupubbikathā—Satthā Yasam kulaputtaṃ pabbājetvā Uruvelāyaṃ tayo bhātikajaṭile dametuṃ yena Uruvelā tadavasari. Tena kho pana samayena Uruvelāyaṃ tayo jaṭilā paṭivasanti Uruvelakassapo Nadīkassapo Gayākassapoti, tesu Uruvelakassapo jaṭilo pañcannaṃ jaṭilasatānaṃ nāyako hoti vināyako aggo pamukho pāmokkho, Nadīkassapo jaṭilo tiṇṇaṃ jaṭilasatānaṃ nāyako hoti vināyako aggo pamukho pāmokkho, Gayākassapo jaṭilo dvinnaṃ jaṭilasatānaṃ nāyako hoti vināyako aggo pamukho pāmokkho. Atha kho Bhagavā yena Uruvelakassapassa jaṭilassa assamo tenupasaṅkamaṃ, upasaṅkamitvā Uruvelakassapaṃ jaṭilaṃ etadavoca “sace te Kassapa agaru, vaseyyāma ekarattaṃ agyāgāre”ti. Na kho me mahāsamaṇa garu, caṇḍettha nāgarājā iddhiṃ āsiviso ghoraviso, so taṃ mā viheṭṭhesīti. Dutiyampi kho Bhagavā Uruvelakassapaṃ jaṭilaṃ etadavoca -pa-. Tatiyampi -pa- so taṃ mā viheṭṭhesīti. Appeva maṃ na viheṭṭheyya, iṅgha tvaṃ Kassapa anujānāhi

1. Vi 3. 44; Saṃ 2. 251 piṭṭhādīsu.

agyāgāranti. Vihara mahāsamaṇa yathāsukhanti. Atha kho Bhagavā agyāgāraṃ pavisitvā tiṇasanthāraḥkaṃ paññapetvā nisīdi pallaṅkaṃ ābhujitvā ujum kāyaṃ paṇidhāya parimukhaṃ satim upaṭṭhapetvā.

Addasā kho so nāgo Bhagavantaṃ paviṭṭhaṃ, disvā dummano padhūpāyi. Atha kho Bhagavato etadahosi “yannūnāhaṃ imassa nāgassa anupahacca chaviṅca cammaṅca maṃsaṅca nhāruṅca aṭṭhiṅca aṭṭhimiṅjaṅca tejasā tejaṃ pariyādiyeyyan”ti. Atha kho Bhagavā tathārūpaṃ iddhābhisaṅkhāraṃ abhisaṅkharitvā padhūpāyi. Atha kho so nāgo makkhaṃ asahamāno pajjali. Bhagavāpi tejodhātum samāpajjitvā pajjali. Ubhinnaṃ sajotibhūtānaṃ agyāgāraṃ ādittaṃ viya hoti sampajjalitaṃ sajotibhūtaṃ. Atha kho te jaṭilā agyāgāraṃ parivāretvā evamāhaṃsu “abhirūpo vata bho mahāsamaṇo nāgena viheṭhiyati”ti. Atha kho Bhagavā tassā rattiya accayena assa nāgassa anupahacca chaviṅca cammaṅca maṃsaṅca nhāruṅca aṭṭhiṅca aṭṭhimiṅjaṅca tejasā tejaṃ pariyādiyitvā patte pakkhipitvā Uruvelakassapassa jaṭilassa dassesi “ayaṃ te Kassapa nāgo pariyādinno assa tejasā tejo”ti. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma caṇḍassa nāgarājassa iddhimato āsivisassa ghoravisassa tejasā tejaṃ pariyādiyissati, na tveva kho arahā yathā ahan”ti.

Nerañjarāyaṃ Bhagavā,
 Uruvelakassapaṃ jaṭilaṃ avoca.
 Sace te Kassapa agaru,
 Viharemu ajjaṇho aggisālamhīti.
 Na kho me mahāsamaṇa garu,
 Phāsukāmovā taṃ nivāremi.
 Caṇḍettha nāgarājā,
 Iddhimā āsiviso ghoraviso.
 So taṃ mā viheṭhesīti.

Appeva maṃ na viheṭṭheyya,
 Iṅgha tvaṃ Kassapa anujānāhi agyāgāranti.
 Dinnanti naṃ viditvā,
 Abhīto pāvisi bhayamatīto.

 Disvā isiṃ pavitṭham,
 Ahināgo dummano padhūpāyi.
 Sumanamanaso adhimano,
 Manussanāgopi tattha padhūpāyi.

 Makkhañca asahamāno,
 Ahināgo pāvakova pajjali.
 Tejodhātusukusalo,
 Manussanāgopi tattha pajjali.

 Ubhinnam saṅgahātānam,
 Agyāgāram ādittam hoti sampajjalitam saṅgahātam.
 Udicchare jaṭilā,
 Abhirūpo vata bho mahāsamaṇo.
 Nāgena viheṭṭhiyatīti bhaṇanti.

 Atha tassā rattiyā accayena,
 Hatā nāgassa acciyo honti.
 Iddhimato pana ṭhitā,
 Anekavaṇṇā acciyo honti.

 Nīlā atha lohitikā,
 Mañjiṭṭhā pītakā phalikavaṇṇāyo.
 Aṅgīrasassa kāye,
 Anekavaṇṇā acciyo honti.

 Pattamhi odahitvā,
 Ahināgam brāhmaṇassa dassesi.
 Ayam te Kassapa nāgo,
 Pariyādinno assa tejasā tejoti.

Atha kho Uruvelakassapo jaṭilo Bhagavato iminā iddhipāṭihāriyena abhippasanno Bhagavantam etadavoca “idheva mahāsamaṇa vihara, aham te dhuvabhattenā¹”ti.

Paṭhamam pāṭihāriyam.

Atha kho Bhagavā Uruvelakassapassa jaṭilassa assamassa avidūre aññatarasmim vanasaṇḍe vihāsi. Atha kho cattāro mahārājāno abhikkantāya rattiyā abhikkantavaṇṇā kevalakappaṃ vanasaṇḍam obhāsetvā yena Bhagavā tenupasaṅkamimsu, upasaṅkamitvā Bhagavantam abhivādetvā catuddisā aṭṭhamasu seyyathāpi mahantā aggikkhandhā. Atha kho Uruvelakassapo jaṭilo tassā rattiyā accayena yena Bhagavā tenupasaṅkami, upasaṅkamitvā Bhagavantam etadavoca “kālo mahāsamaṇa niṭṭhitam bhattam, ke nu kho te mahāsamaṇa abhikkantāya rattiyā abhikkantavaṇṇā kevalakappaṃ vanasaṇḍam obhāsetvā yena tvaṃ tenupasaṅkamimsu, upasaṅkamitvā tam abhivādetvā catuddisā aṭṭhamasu seyyathāpi mahantā aggikkhandhā”ti. Ete kho Kassapa cattāro mahārājāno yenāham tenupasaṅkamimsu dhammassavanāyāti. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma cattāropi mahārājāno upasaṅkamissanti dhammassavanāya, na tveva ca kho arahā yathā ahan”ti. Atha kho Bhagavā Uruvelakassapassa jaṭilassa bhattam bhuñjitvā tasmim yeva vanasaṇḍe vihāsi.

Dutiyam pāṭihāriyam.

Atha kho Sakko Devānamindo abhikkantāya rattiyā abhikkantavaṇṇo kevalakappaṃ vanasaṇḍam obhāsetvā yena Bhagavā tenupasaṅkami, upasaṅkamitvā Bhagavantam abhivādetvā ekamantam aṭṭhāsi seyyathāpi mahā-aggikkhandho purimāhi vaṇṇanibhāhi abhikkantataro ca paṇītataro ca. Atha kho Uruvelakassapo jaṭilo tassā rattiyā accayena yena Bhagavā tenupasaṅkami, upasaṅkamitvā Bhagavantam etadavoca “kālo mahāsamaṇa niṭṭhitam bhattam, ko nu kho so mahāsamaṇa

1. Upaṭṭhāmi dhuvabhattena (Sī)

abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena tvaṃ tenupasaṅkami, upasaṅkamitvā taṃ abhivādetvā ekamantaṃ aṭṭhāsi seyyathāpi mahā-aggikkhandho purimāhi vaṇṇanibhāhi abhikkantataro ca paṇītataro cā”ti. Eso kho Kassapa Sakko Devānamindo yenāhaṃ tenupasaṅkami dhammassavanāyāti. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma Sakkopi Devānamindo upasaṅkamissati dhammassavanāya, na tveva ca kho arahā yathā ahan”ti. Atha kho Bhagavā Uruvelakassapassa jaṭilassa bhattaṃ bhujjivā tasmimyeva vanasaṇḍe vihāsi.

Tatīyaṃ pāṭihāriyaṃ.

Atha kho brahmā Sahampati abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena Bhagavā tenupasaṅkami, upasaṅkamitvā Bhagavantaṃ abhivādetvā ekamantaṃ aṭṭhāsi seyyathāpi mahā-aggikkhandho purimāhi vaṇṇanibhāhi abhikkantataro ca paṇītataro ca. Atha kho Uruvelakassapo jaṭilo tassā rattiyā accayena yena Bhagavā tenupasaṅkami, upasaṅkamitvā Bhagavantaṃ etadavoca “kālo mahāsamaṇa niṭṭhitaṃ bhattaṃ, ko nu kho so mahāsamaṇa abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena tvaṃ tenupasaṅkami, upasaṅkamitvā taṃ abhivādetvā ekamantaṃ aṭṭhāsi seyyathāpi mahā-aggikkhandho purimāhi vaṇṇanibhāhi abhikkantataro ca paṇītataro cā”ti. Eso kho Kassapa brahmā Sahampati yenāhaṃ tenupasaṅkami dhammassavanāyāti. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma brahmāpi Sahampati upasaṅkamissati dhammassavanāya, na tveva ca kho arahā yathā ahan”ti. Atha kho Bhagavā Uruvelakassapassa jaṭilassa bhattaṃ bhujjivā tasmimyeva vanasaṇḍe vihāsi.

Catutthaṃ pāṭihāriyaṃ.

Tena kho pana samayena Uruvelakassapassa jaṭilassa mahāyaṇṇo paccupaṭṭhito hoti, kevalakappā ca Aṅgamagadhā pahūtaṃ khādanīyaṃ

bhojanīyaṃ ādāya abhikkamitukāmā honti. Atha kho Uruvelakassapassa jaṭilassa etadahosi “etarahi kho me mahāyañño paccupaṭṭhito, kevalakappā ca Aṅgamagadhā pahūtaṃ khādanīyaṃ bhojanīyaṃ ādāya abhikkamissanti, sace mahāsamaṇo mahājanakāye iddhipāṭihāriyaṃ karissati, mahāsamaṇassa lābhasakkāro abhivaḍḍhissati, mama lābhasakkāro parihāyissati, aho nūna mahāsamaṇo svātanāya nāgaccheyyā”ti. Atha kho Bhagavā Uruvelakassapassa jaṭilassa cetasā cetoparivitakkamaññāya Uttarakurum gantvā tato piṇḍapātaṃ āharitvā Anotattadahe paribhuñjitvā tattheva divāvihāraṃ akāsi. Atha kho Uruvelakassapo jaṭilo tassā rattiyā accayena yena Bhagavā tenupasaṅkami, upasaṅkamitvā Bhagavantaṃ etadavoca “kālo mahāsamaṇa niṭṭhitaṃ bhantaṃ, kiṃ nu kho mahāsamaṇa hiyyo nāgamāsi, apica mayā taṃ sarāma, ‘kiṃ nu kho mahāsamaṇo nāgacchatī’ti, khādanīyassa ca bhojanīyassa ca te paṭiviso ṭhapito”ti. Nanu te Kassapa etadahosi “etarahi kho me mahāyañño paccupaṭṭhito, kevalakappā ca Aṅgamagadhā pahūtaṃ khādanīyaṃ bhojanīyaṃ ādāya abhikkamissanti, sace mahāsamaṇo mahājanakāye iddhipāṭihāriyaṃ karissati, mahāsamaṇassa lābhasakkāro abhivaḍḍhissati, mama lābhasakkāro parihāyissati, aho nūna mahāsamaṇo svātanāya nāgaccheyyā”ti, so kho ahaṃ Kassapa tava cetasā cetoparivitakkamaññāya Uttarakurum gatvā tato piṇḍapātaṃ āharitvā Anotattadahe paribhuñjitvā tattheva divāvihāraṃ akāsinti. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma cetasāpi cittaṃ pajānissati, na tveva ca kho arahā yathā ahan”ti. Atha kho Bhagavā Uruvelakassapassa jaṭilassa bhantaṃ bhūñjitvā tasmīmyeva vanasaṇḍe vihāsi.

Pañcamaṃ pāṭihāriyaṃ.

Tena kho pana समयena Bhagavato paṃsukūlaṃ uppannaṃ hoti. Atha kho Bhagavato etadahosi “kattha nu kho ahaṃ paṃsukūlaṃ dhoveyyan”ti. Atha kho Sakko Devānamindo Bhagavato cetasā

cetoparivitakkamaññāya pāṇinā pokkharāṇim khaṇitvā Bhagavantam
 etadavoca “idha bhante Bhagavā paṃsukūlam dhovatū”ti. Atha kho
 Bhagavato etadahosi “kimhi nu kho aham paṃsukūlam parimaddeyyan”ti.
 Atha kho Sakko Devānamindo Bhagavato cetasā cetoparivitakkamaññāya
 mahatim silam upanikkhipi “idha bhante Bhagavā paṃsukūlam
 parimaddatū”ti. Atha kho Bhagavato etadahosi “kimhi nu kho aham
 ālambitvā uttareyyan”ti. Atha kho kakudhe adhivatthā devatā Bhagavato
 cetasā cetoparivitakkamaññāya sākham onāmesi “idha bhante Bhagavā
 ālambitvā uttaratū”ti. Atha kho Bhagavato etadahosi “kimhi nu kho aham
 paṃsukūlam vissajjeyyan”ti. Atha kho Sakko Devānamindo Bhagavato
 cetasā cetoparivitakkamaññāya mahatim silam upanikkhipi “idha bhante
 Bhagavā paṃsukūlam vissajjetū”ti. Atha kho Uruvelakassapo jaṭilo tassā
 rattiyā accayena yena Bhagavā tenupasaṅkami, upasaṅkamtivā Bhagavantam
 etadavoca “kālo mahāsamaṇa niṭṭhitam bhattam, kim nu kho mahāsamaṇa
 nāyam pubbe idha pokkharāṇi sā’yam idha pokkharāṇi, nayimā silā pubbe
 upanikkhittā, kenimā silā upanikkhittā, nayimassa kakudhassa pubbe sākha
 onatā, sā’yam sākha onatā”ti. Idha me Kassapa paṃsukūlam uppannam
 ahoṣi, tassa mayham onatā”ti. Idha me Kassapa paṃsukūlam uppannam
 ahoṣi, tassa mayham Kassapa etadahosi “kattha nu kho aham paṃsukūlam
 dhoveyyan”ti, atha kho Kassapa Sakko Devānamindo mama cetasā
 cetoparivitakkamaññāya pāṇinā pokkharāṇim khaṇitvā mam etadavoca
 “idha bhante Bhagavā paṃsukūlam dhovatū”ti. Sā’yam Kassapa amanussena
 pāṇinā khaṇitā pokkharāṇi. Tassa mayham Kassapa etadahosi “kimhi nu kho
 aham paṃsukūlam parimaddeyyan”ti, atha kho Kassapa Sakko
 Devānamindo mama cetasā cetoparivitakkamaññāya mahatim silam
 upanikkhipi “idha bhante Bhagavā paṃsukūlam parimaddatū”ti, sā’yam
 Kassapa amanussena upanikkhittā silā. Tassa mayham Kassapa etadahosi
 “kimhi nu kho aham ālambitvā uttareyyan”ti, atha kho Kassapa kakudhe
 adhivatthā devatā mama cetasā cetoparivitakkamaññāya sākham onāmesi
 “idha bhante Bhagavā ālambitvā uttaratū”ti, svāyam āharahattho kakudho.
 Tassa mayham Kassapa etadahosi “kimhi nu kho aham paṃsukūlam
 vissajjeyyan”ti, atha kho Kassapa Sakko Devānamindo mama cetasā

cetoparivitakkamaññāya mahatiṃ silaṃ upanikkhipi “idha bhante Bhagavā paṃsukūlaṃ vissajjetū”ti, sā’yaṃ Kassapa amanussena upanikkhittā silāti. Atha kho Uruvelakassapassa etadahosi “mahiddhiko mahāsamaṇo mahānubhāvo, yatra hi nāma Sakkopi Devānamindo veyyāvaccam karissati, na tveva ca kho arahā yathā ahan”ti. Atha kho Bhagavā Uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Atha kho Uruvelakassapo jaṭilo tassā rattiyā accayena yena Bhagavā tenupasaṅkami, upasaṅkamtivā Bhagavato kālaṃ ārocesi “kālo mahāsamaṇa niṭṭhitaṃ bhattan”ti. “Gaccha tvaṃ Kassapa āyāmahan”ti Uruvelakassapaṃ jaṭilaṃ uyyojetvā yāya jambuyā Jambudīpo paññāyati, tato phalaṃ gahetvā paṭhamataram āgantvā agyāgāre nisīdi. Addasā kho Uruvelakassapo jaṭilo Bhagavantam agyāvāre nisinnam, disvāna Bhagavantam etadavoca “katamena tvaṃ mahāsamaṇa maggena āgato, aham tayā paṭhamataram pakkanto, so tvaṃ paṭhamataram āgantvā agyāgāre nisinno”ti. Idhāham Kassapa taṃ uyyojetvā yāya jambuyā Jambudīpo paññāyati, tato phalaṃ gahetvā paṭhamataram āgantvā agyāgāre nisinno, idam kho Kassapa jambuphalaṃ vaṇṇasampannaṃ gandhasampannaṃ rasantampannaṃ, sace ākaṅkhasi paribhuñjāti. Alam mahāsamaṇa tvaṃyeva taṃ arahasi, tvaṃyeva taṃ paribhuñjāti. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma maṃ paṭhamataram uyyojetvā yāya jambuyā Jambudīpo paññāyati, tato phalaṃ gahetvā paṭhamataram āgantvā agyāgāre nisīdissati, na tveva ca kho arahā yathā ahan”ti. Atha kho Bhagavā Uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Atha kho Uruvelakassapo jaṭilo tassā rattiyā accayena yena Bhagavā tenupasaṅkami, upasaṅkamtivā Bhagavato kālaṃ ārocesi “kālo mahāsamaṇa niṭṭhitaṃ bhattan”ti. “Gaccha tvaṃ Kassapa āyāmahan”ti Uruvelakassapaṃ jaṭilaṃ uyyojetvā yāya jambuyā Jambudīpo paññāyati, tassā avidūre ambo -pa- tassā avidūre

āmalakī -pa- tassā avidūre harītakī -pa- tāvatimsam gantvā
 pārīcchattakapuppham gahetvā paṭhamataram āgantvā agyāgāre nisīdi.
 Addasā kho Uruvelakassapo jaṭilo Bhagavantam agyāgāre nisinnam, disvāna
 Bhagavantam etadavoca “katamena tvam mahāsamaṇa maggena āgato,
 aham tayā paṭhamataram pakkanto, so tvam paṭhamataram āgantvā agyāgāre
 nisinno”ti. Idhāham Kassapa tam uyyojtvā Tāvatiṃsam gantvā
 pārīcchattakapuppham gahetvā paṭhamataram āgantvā agyāgāre nisinno,
 idam kho Kassapa pārīcchattakapuppham vaṇṇasampannam
 gandhasampannam, (sace ākaṅkhasi gaṇhāti. Alam mahāsamaṇa tvamyeva
 tam arahasi, tvamyeva tam gaṇhāti.)¹ Atha kho Uruvelakassapassa jaṭilassa
 etadahosi “mahiddhiko kho mahāsamaṇo mahānubhāvo, yatra hi nāma maṃ
 paṭhamataram uyyojtvā Tāvatiṃsam gantvā pārīcchattakapuppham gahetvā
 paṭhamataram āgantvā agyāgāre nisīdissati, na tveva ca kho arahā yathā
 ahan”ti.

Tena kho pana samayena te jaṭilā aggim paricaritukāmā na sakkonti
 kaṭṭhāni phāletum. Atha kho tesam jaṭilānam etadahosi “nissamsayam kho
 mahāsamaṇassa iddhānubhāvo yathā mayam na sakkoma kaṭṭhāni
 phāletun”ti. Atha kho Bhagavā Uruvelakassapam jaṭilam etadavoca
 “phāliyantu Kassapa kaṭṭhāni”ti. Phāliyantu mahāsamaṇāti. Sakideva pañca
 kaṭṭhasatāni phāliyiṃsu. Atha kho Uruvelakassapassa jaṭilassa etadahosi
 “mahiddhiko kho mahāsamaṇo mahānubhāvo, yatra hi nāma kaṭṭhānipi
 phāliyissanti, na tveva ca kho arahā yathā ahan”ti.

Tena kho pana samayena te jaṭilā aggim paricaritukāmā na sakkonti
 aggim ujjāletum. Atha kho tesam jaṭilānam etadahosi “nissamsayam kho
 mahāsamaṇassa iddhānubhāvo yathā mayam na sakkoma aggim ujjāletun”ti.
 Atha kho Bhagavā Uruvelakassapam jaṭilam etadavoca “ujjaliyantu Kassapa
 aggī”ti. Ujjaliyantu mahāsamaṇāti. Sakideva pañca aggisatāni ujjaliyiṃsu.
 Atha kho Uruvelakassapassa jaṭilassa etadahosi “mahiddhiko kho
 mahāsamaṇo mahānubhāvo, yatra hi nāma aggīpi ujjaliyissanti, na tveva ca
 kho arahā yathā ahan”ti.

1. () Sī-Syā-potthakesu natthi.

Tena kho pana samayena te jaṭilā aggim̐ paricaritvā na sakkonti aggim̐ vijjhāpetum̐. Atha kho tesaṃ jaṭilānaṃ etadahosi “nissamsayaṃ kho mahāsamaṇassa iddhānubhāvo yathā mayaṃ na sakkoma aggim̐ vijjhāpetun”ti. Atha kho Bhagavā Uruvelakassapaṃ jaṭilaṃ etadavoca “vijjhāyantu Kassapa aggī”ti. Vijjhāyantu mahāsamaṇāti. Sakideva pañca aggisatāni vijjhāyimsu. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma aggīpi vijjhāyissanti, na tveva ca kho arahā yathā ahan”ti.

Tena kho pana samayena te jaṭilā sītāsu hemantikāsu rattīsu antaraṭṭhakāsu himapātasamaye najjā Nerañjarāya ummujjantipi nimujjantipi ummujjananimujjanampi karonti. Atha kho Bhagavā pañcamattāni mandāmukhisatāni abhinimmini yattha te jaṭilā uttaritvā visibbesum̐. Atha kho tesaṃ jaṭilānaṃ etadahosi “nissamsayaṃ kho mahāsamaṇassa iddhānubhāvo yathayimā mandāmukhiyo nimmitā”ti. Atha kho Uruvelakassapassa jaṭilassa etadahosi “mahiddhiko kho mahāsamaṇo mahānubhāvo, yatra hi nāma tāva bahū mandāmukhiyopi abhinimminissati, na tveva ca kho arahā yathā ahan”ti.

Tena kho pana samayena mahā akālamegho pāvassi, mahā udakavāhako sañjāyi, yasmim̐ padese Bhagavā viharati so padeso udakena na otthaṭo¹ hoti. Atha kho Bhagavato etadahosi “yannūnāhaṃ samantā udakaṃ ussāretvā majjhe reṇuhatāya bhūmiyā caṅkameyyan”ti. Atha kho Bhagavā samantā udakaṃ ussāretvā majjhe reṇuhatāya bhūmiyā caṅkami. Atha kho Uruvelakassapo jaṭilo “māheva kho mahāsamaṇo udakena vūlho ahoṣi”ti nāvāya sambahulehi jaṭilehi saddhim̐ yasmim̐ padese Bhagavā viharati, taṃ padesaṃ agamāsi. Addasā kho Uruvelakassapo jaṭilo Bhagavantam̐ samantā udakaṃ ussāretvā majjhe reṇuhatāya bhūmiyā caṅkamantaṃ, disvāna Bhagavantam̐ etadavoca “idaṃ nu tvaṃ mahāsamaṇā”ti. “Ayamahamasmi Kassapā”ti Bhagavā vehāsaṃ abhuggantvā nāvāya paccuṭṭhāsi. Atha kho Uruvelakassapassa jaṭilassa etadahosi “mahiddhiko kho mahāsamaṇo

1. Udakena otthaṭo (Ka)

mahānubhāvo, yatra hi nāma udakampi na pavāhissati, na tveva ca kho arahā yathā ahan”ti.

Atha kho Bhagavato etadahosi “cirampi kho imassa moghapurisassa evaṃ bhavissati ‘mahiddhiko kho mahāsamaṇo mahānubhāvo, na tveva ca kho arahā yathā ahan’ti, yannūnāhaṃ imaṃ jaṭilaṃ saṃvejeyyan”ti. Atha kho Bhagavā Uruvelakassapaṃ jaṭilaṃ etadavoca “neva ca kho tvaṃ Kassapa arahā, nāpi arahattamaggasamāpanno, sāpi te paṭipadā natthi, yāya tvaṃ arahā vā assassi arahattamaggaṃ vā samāpanno”ti. Atha kho Uruvelakassapo jaṭilo Bhagavato pādesu sirasā nipatitvā Bhagavantaṃ etadavoca “labheyyāhaṃ bhante Bhagavato santike pabbajjaṃ, labheyyaṃ upasampadan”ti. Tvaṃ khosi Kassapa pañcannaṃ jaṭilasatānaṃ nāyako vināyako aggopamukho pāmokkho, tepi tāva apalokehi, yathā te maññissanti, tathā te karissantīti. Atha kho Uruvelakassapo jaṭilo yena te jaṭilā tenupasaṅkami, upasaṅkamtivā te jaṭile etadavoca “icchāmahaṃ bho mahāsamaṇe brahmacariyaṃ caritūṃ, yathā bhavanto maññanti tathā karontū”ti. Cirapaṭikā mayaṃ bho mahāsamaṇe abhippasannā, sace bhavaṃ mahāsamaṇe brahmacariyaṃ carissati, sabbeva mayaṃ mahāsamaṇe brahmacariyaṃ carissāmāti. Atha kho te jaṭilā kesamissaṃ jaṭāmissaṃ khārikājamissaṃ aggihutamissaṃ udake pavāhetvā yena Bhagavā tenupasaṅkamimsu, upasaṅkamtivā Bhagavato pādesu sirasā nipatitvā Bhagavantaṃ etadavocūṃ “labheyyāma mayaṃ bhante Bhagavato santike pabbajjaṃ, labheyyāma upasampadan”ti. “Etha bhikkhavo”ti Bhagavā avoca “Svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesaṃ āyasmantānaṃ upasampadā ahoṣi.

Addasā kho Nadīkassapo jaṭilo kesamissaṃ jaṭāmissaṃ khārikājamissaṃ aggihutamissaṃ udake vuyhamāne, disvānassa etadahosi “māheva me bhātuno upasaggo ahoṣī”ti, jaṭile pāhesi “gacchatha me bhātaraṃ jānāthā”ti, sāmañca tīhi jaṭilasatehi saddhim yenaṃasmā Uruvelakassapo tenupasaṅkami, upasaṅkamtivā āyasmantaṃ Uruvelakassapaṃ etadavoca “idaṃ nu kho Kassapa seyyo”ti. Āmāvuso idaṃ seyyoti. Atha kho te jaṭilā kesamissaṃ jaṭāmissaṃ khārikājamissaṃ

aggihutamissaṃ uduke pavāhetvā yena Bhagavā tenupasaṅkamiṃsu,
 upasaṅkamitvā Bhagavato pādesu sirasā nipatitvā Bhagavantam etadavocum
 “labheyyāma mayaṃ bhante Bhagavato santike pabbajjam, labheyyāma
 upasampadan”ti. “Etha bhikkhavo”ti Bhagavā avoca “Svākkhāto dhammo,
 caratha brahmacariyaṃ sammā dukkhassa antakiriyaṃ”ti. Sāva tesam
 āyasmantānam upasampadā ahoṣi.

Addasā kho Gayākassapo jaṭilo kesamissaṃ jaṭamissaṃ
 khārikājamissaṃ aggihutamissaṃ uduke vuyhamāne, disvānassa etadahosi
 “māheva me bhātūnam upasaggo ahoṣi”ti, jaṭile pāhesi “gacchatha me
 bhātaro jānāthā”ti, sāmañca dvīhi jaṭilasatehi saddhim yenāyasmā
 Uruvelakassapo tenupasaṅkami, upasaṅkamitvā āyasmantaṃ
 Uruvelakassapaṃ etadavoca “idaṃ nu kho Kassapa seyyo”ti. Āmāvuso
 idaṃ seyyoti. Atha kho te jaṭilā kesamissaṃ jaṭamissaṃ khārikājamissaṃ
 aggihutamissaṃ uduke pavāhetvā yena Bhagavā tenupasaṅkamiṃsu,
 upasaṅkamitvā Bhagavato pādesu sirasā nipatitvā Bhagavantam etadavocum
 “labheyyāma mayaṃ bhante Bhagavato santike pabbajjam, labheyyāma
 upasampadan”ti. “Etha bhikkhavo”ti Bhagavā avoca “Svākkhāto dhammo,
 caratha brahmacariyaṃ sammā dukkhassa antakiriyaṃ”ti. Sāva tesam
 āyasmantānam upasampadā ahoṣi.

Bhagavato adhiṭṭhānena pañca kaṭṭhasatāni na phāliyaṃsu,
 phāliyaṃsu, aggī na ujjaliyaṃsu, ujjaliyaṃsu, na vijjhāyaṃsu,
 vijjhāyaṃsu, pañca mandāmukhisatāni abhinimmini, etena nayena
 aḍḍhuḍḍhapāṭihāriyasahassāni honti.

Atha kho Bhagavā Uruvelāyaṃ yathābhirantaṃ viharitvā yena
 Gayāsisaṃ tena cārikaṃ pakkāmi mahatā bhikkhusaṅghena saddhim
 sahassena sabbeheva purāṇajaṭilehi. Tatra sudaṃ Bhagavā Gayāyaṃ
 viharati Gayāsise saddhim bhikkhusahassena. Tatra kho Bhagavā
 bhikkhū āmantesi—¹ “sabbaṃ bhikkhave ādittaṃ, kiñca bhikkhave
 sabbaṃ ādittaṃ, cakkhu bhikkhave ādittaṃ, rūpā ādittā,

1. Sam 2. 251 piṭṭhādīsu.

cakkhuviññāṇaṃ ādittaṃ, cakkhusamphasso āditto, yamidaṃ cakkhusampassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ, rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi. Sotaṃ ādittaṃ, saddā ādittā -pa-. Ghānaṃ ādittaṃ, gandhā ādittā -pa-. Jivhā ādittā, rasā ādittā -pa-. Kāyo āditto, phoṭṭhabbā ādittā -pa-. Mano āditto, dhammā ādittā, manoviññāṇaṃ ādittaṃ, manosamphasso āditto, yamidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ, rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi.

Evam passam bhikkhave sutavā ariyasāvako cakkhusmimpi nibbindati, rūpesupi nibbindati, cakkhuviññāṇepi nibbindati, cakkhusamphassepi nibbindati, yamidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Sotasmimpi nibbindati, saddesupi nibbindati -pa-. Ghānasmimpi nibbindati, gandhesupi nibbindati -pa-. Jivhāyapi nibbindati, rasesupi nibbindati -pa-. Kāyasmimpi nibbindati, phoṭṭhabbesupi nibbindati -pa-. Manasmimpi nibbindati, dhammesupi nibbindati, manoviññāṇepi nibbindati, manosamphassepi nibbindati, yamidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindam virajjati, virāgā vimuccati, vimuttasmiṃ vimuttamiti ñāṇaṃ hoti, khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthatthāyāti pajānātīti.

Imasmiṃ ca pana veyyākaraṇasmiṃ bhaññamāne tassa bhikkhusahassassa anupādāya āsavehi cittāni vimuccimsu.

29. Evam Ādittapariyāyadesanaṃ sutvā saha paṭisambhidāhi arahattaṃ sampatto Nadīkassapo thero somanassajāto attano

pubbacaritāpadānaṃ pakāseno **Padumuttarassa Bhagavatoti-ādimāha**.
Tattha **aggaphalanti** uttamaphalaṃ, attanā ropita-ambarukkhassa ādimhi
gahitaphalaṃ vā. Sesam̐ suviññeyyamevāti.

Nadīkassapatthera-apadānavañṇanā samattā.

3. Gayākassapatthera-apadānavañṇanā

Tatīyāpadāne **ajīnacammavattohanti-ādikaṃ āyasmato**
Gayākassapattherassa apadānaṃ. Ayampi purimabuddhesu katādhikāro
tatha tatha bhava vivaṭṭūpanissayaṃ kusalaṃ upacinanto ito ekatimsakappe
Sikhissa Bhagavato kāle kulagehe nibbato viññutaṃ patto
nissaraṇajjhāsayatāya gharāvāsaṃ pahāya tāpasapabbajjaṃ pabbajitvā
araññāyatane assamaṃ māpetvā vanamūlaphalāhāro vasati. Tena ca
samayena Bhagavā eko adutiyo tassa assamasamīpenāgacchi, so
Bhagavantaṃ disvā pasannamānaso upasaṅkamitvā vanditvā ekamantaṃ
ṭhito velaṃ olokeno manoharāni kolaphalāni Satthu upanesi. So tena
puññakamma devamanussesu saṃsaranto imasmim Buddhuppāde
brāhmaṇakule nibbattitvā vayappatto nissaraṇajjhāsayatāya gharāvāsaṃ
pahāya tāpasapabbajjaṃ pabbajitvā dvīhi tāpasasatehi saddhim Gayāya
viharati. Gayāya vasanato hissa Kassapagottatāya ca **Gayākassapoti**
samaññā ahoṣi. So Bhagavatā saddhim parisāya ehibhikkhūpasampadaṃ
datvā Nadīkassapassa vuttanayena Ādittapariyāya desanāya ovadiyamāno
arahatte paṭiṭṭhāsi.

35. So arahattaṃ patvā somanassajāto attano pubbacaritāpadānaṃ
pakāseno **ajīnacammavattohanti-ādīmāha**. Tattha **ajīnacammavattoti**
tāpasapabbajitattā ajīnacammaṇivāsanapāvuraṇoti attho. **Khāribhāradharoti**
tāpasakāle tāpasaparikkhāraparipuñṇakājadharoti attho.
Khārikatāpasaparikkhāre pūretvā. **Kolaṃ ahāsi assamanti** kolaphalaṃ
assame pūretvā assame nisinnoti attho.

Agopayinti pāṭhe¹ kolaphalaṃ pariyesitvā assamaṃ gopesiṃ rakkhinti attho. Sesam̄ sabbaṃ uttānatthamevāti.

Gayākassapatthera-apadānavaṇṇanā samattā.

4. Kimilatthera-apadānavaṇṇanā

Catutthāpadāne **nibbute Kakusandhamhīti**-ādikaṃ āyasmato Kimilattherassa apadānaṃ. Ayampi purimabuddhesu katādhikāro tattha tattha bhava vivaṭṭupanissayāni puññāni upacinanto Kakusandhassa Bhagavato kāle kulagehe nibbattitvā viññutaṃ patto parinibbute Satthari tassa dhātuyo uddissa salalamālāhi maṇḍapaṃ kāretvā pūjaṃ akāsi. So tena puññakammena Tāvatiṃsesu uppajjitvā aparāparaṃ devamanussesu saṃsaranto imasmiṃ Buddhuppāde Kapilavatthunagare Sakyarājakule nibbattitvā **Kimiloti** tassa nāmaṃ akāsi. So vayappatto bhogasampattiyā pamatto viharati. Tassa ñāṇaparipākaṃ ñatvā saṃvegajananatthaṃ anupiyāyaṃ viharanto Satthā paṭhamayobbane ṭhitaṃ ramaṇīyaṃ itthirūpaṃ abhinimminivā purato dassetvā puna anukkamena yathā jarārogavipattīhi abhibhūtā dissati, tathā akāsi. Taṃ disvā Kimilakumāro ativiya saṃvegajāto attano saṃvegaṃ pakāsentto Bhagavato pākaṭaṃ katvā laddhānusāsano arahattaṃ pāpuṇi.

42. So arahattaṃ patvā somanassajāto attano pubbacaritāpadānaṃ pakāsentto **nibbute Kakusandhamhīti**-ādimāha. **Brāhmaṇaṃhi vusīmatīti** pañcahi vasitāhi vasippattamhi Bhagavati. Brāhmaṇassa sabbaguṇagaṇehi maṇḍitattā abhivūḷhitattā brāhmaṇaṃhi Kakusandhe Bhagavati parinibbuteti attho. Sesam̄ sabbaṃ uttānamevāti.

Kimilatthera-apadānavaṇṇanā samattā.

1. Agopayintipi pāṭho (I)

5. Vajjiputtatthera-apadānavañṇā

Sahassaramsī Bhagavāti-ādikaṃ āyasmato Vajjiputtattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayaṃ puññaṃ upacinanto ito catunavutikappe ekaṃ Paccekabuddhaṃ bhikkhāya gacchantaṃ disvā pasannamānaso kadaliphalāni adāsi. So tena puññakammena devamanussesu saṃsaranto imasmim Buddhuppāde Vesāliyaṃ Licchavirājakumāro hutvā nibbatti, Vajjirājaputtatā **Vajjiputtot**tevassa samañña. So daharo hutvā hatthisippādisikkhanakālepi hetusampannatāya nissaraṇajjhāsayaova hutvā vicaranto Satthu dhammadesanaṃ sutvā paṭiladdhasaddho Satthu santike pabbajitvā vipassanāya kammaṃ katvā na cirasseva chaḷabhiñño ahoṣi. Chaḷabhiñño pana hutvā aparabhāge aciraparinibbute Satthari dhammaṃ saṅgāyituṃ saṅketaṃ katvā mahātheresu tattha tattha viharantesu ekadivasaṃ āyasmantaṃ Ānandaṃ sekhamyeva samānaṃ mahatiyā parisāya parivutaṃ dhammaṃ desentaṃ disvā tassa uparimaggādhigamāya ussāhaṃ janento—

“Rukkhamūlagahanaṃ pasakkiya, nibbānaṃ hadayasmim opiya.

Jhāya Gotama mā ca pamādo, kim te biḷibiḷikā karissatī”¹—

gāthaṃ abhāsi.

Tattha **rukkhamūlagahana**nti rukkhamūlabhūtaṃ gahanaṃ, gahanañhi atthi, na rukkhamūlaṃ, rukkhamūlañca atthi, na gahanaṃ², tesu rukkhamūlaggahaṇena ṭhānassa chāyāya sampannatāya vātātapaparissāyābhāvaṃ dīpeti, gahanaggahaṇena nivātabhāvena vātaparissāyābhāvaṃ janasambādhabhāvañca dasseti, tadubhayena ca bhāvanāyogyataṃ. **Pasakkiyā**ti upagantvā. **Nibbānaṃ hadayasmim opiyā**ti “evaṃ mayā paṭipajjitvā nibbānaṃ adhigantabban”^{ti} nibbutim hadaye ṭhapetvā citte katvā. **Jhāyā**ti tilakkhaṇūpanijjhānena jhāya, vipassanābhāvanāsahitaṃ maggabhāvanaṃ bhāvehi. **Gotamā**ti Dhammabhaṇḍāgārikaṃ gottenālapati. **Mā ca pamādoti** adhikusalesu dhammesu mā pamādaṃ āpajji. Idāni

1. Khu 2. 245 piṭṭhe.

2. Gahanañhi atthi rukkhamūlaṃ na rukkhamūlañca atthi gahanaṃ (Ka)

yādiso therassa pamādo, taṃ paṭikkhepavasena dassento “**kiṃ te biḷibiḷikā karissatī**”ti āha. Tattha **biḷibiḷikā**ti biḷibiḷikiriyā, biḷibiḷitisaddapavatti yathā niratthakā, evaṃ biḷibiḷikāsadisā janapaññatti. **Kim te karissatī**ti kīdisam attham̐ tuyham̐ sādheṣṣati, tasmā janapaññattim̐ pahāya sadatthapasuto hohīti ovādam̐ adāsi.

Taṃ sutvā aññehi vuttana vissagandhavāyanavacanena saṃvegajāto bahudeva rattim̐ caṅkamena vītināmento vipassanam̐ usukkāpetvā senāsanam̐ pavisitvā mañcake nisinnamattova “kiñci sayāmi”ti sīsam̐ bimbohanamasampattam̐ pādam̐ bhūmito uggatam̐ sarīrassa ākāṣagatakkhaṇeyeva arahattam̐ pāpuṇi.

49. Vajjiputtatthero aparabhāge somanassajāto attano pubbacaritāpadānam̐ pakāsentō **sahassaramsī Bhagavā**ti-ādimāha. Tattha **sahassaramsī**ti ettha “anekasatasahassaramsī”ti vattabbe gāthābandhasukhattham̐ “sahassaramsī”ti vuttanti veditabbarim̐. Sesam̐ suviññeyyamevāti.

Vajjiputtatthera-apadānavañṇanā samattā.

6. Uttaratthera-apadānavañṇanā

Chaṭṭhāpadāne **Sumedho nāma Sambuddhoti**-ādikam̐ āyasmato Uttarasāmaṇerassa apadānam̐. Ayampi purimabuddhesu katādhikāro tattha tattha bhage vivaṭṭūpanissayāni puññāni upacinanto Sumedhassa Bhagavato kāle vījjādharo hutvā ākāṣena vicarati. Tena ca samayena Satthā tasseva anuggaṇhanattham̐ vanantare aññatarasmim̐ rukkhāmūle nisīdi chabbaṇṇabuddharamsiyo vissajjento. So antalikkhena gacchanto Bhagavantam̐ disvā pasannamānaso ākāṣato oruyha suvisuddhehi vipulehi kaṇikārapupphehi Bhagavantam̐ pūjesi, pupphāni Buddhānubhāvena Satthu upari chattākārena aṭṭham̐su, so tena bhīyoso mattāya pasannacitto hutvā aparabhāge kālam̐ katvā Tāvatiṃsesu nibbattitvā dibbasampattim̐ anubhavanto yāvatāyukam̐ tattha ṭhatvā tato cuto devamanussesu saṃsaranto imasmim̐ Buddhuppāde Rājagahe brāhmaṇamahāsālassa putto

hutvā nibbatti, **Uttarotissa** nāmaṃ ahosi. So viññutaṃ patto brāhmaṇavijjāsu nipphattiṃ gantvā jātiyā rūpena vijjāya vayena sīlacārena ca lokassa sambhāvanīyo jāto.

Tassa taṃ sampattiṃ disvā Vassakāro magadhamahāmatto attano dhītaraṃ dātukāmo hutvā attano adhippāyaṃ pavedesi. So nissaraṇajjhāsayatāya taṃ paṭikkhipitvā kālena kālaṃ Dhammasenāpatiṃ payirupāsanto tassa santike dhammaṃ sutvā paṭiladdhasaddho pabbajitvā vattasampanno hutvā therāṃ upaṭṭhahati.

Tena ca samayena therassa aññataro ābādho uppanno, tassa bhesajjathāya Uttaro sāmaṇero pātova pattacīvaramādāya vihārato nikkhanto antarāmagge taḷākassa samīpe ¹pattamṭhapetvā udakasamīpaṃ gantvā mukhaṃ dhovati. Atha aññataro umaṅacoro katakammo ārakkhapurisehi anubaddho aggamaggena²nagarato nikkhamitvā palāyanto attano gahitaṃ ratanabhaṇḍikaṃ sāmaṇerassa patte pakkhipitvā palāyi. Sāmaṇeropi pattasamīpaṃ upagato. Corāṃ anubandhantā rājapurisā sāmaṇerassa patte bhaṇḍikaṃ disvā “ayaṃ coro, iminā coriyaṃ katan”^{ti} sāmaṇeraṃ pacchābāhaṃ bandhitvā Vassakārassa brāhmaṇassa dassesuṃ. Vassakāro ca tadā rañño vinicchaye niyutto hutvā chejjabhejjaṃ anusāsati, so “pubbe mama vacanaṃ nādiyi, suddhapāsaṇḍiyesu pabbajī”^{ti}³ kammaṃ asodhetvā ghātukāmattāva jīvantameva taṃ sūle uttāsesi.

Athassa Bhagavā ñāṇaparipākaṃ oloketvā taṃ ṭhānaṃ gantvā vipphurantahatthanakhamañimayūkhasambhinnasitābhatāya paggharantajātihinḅulaka-suvaṇṇarasadhāraṃ viya jālāguṇṭhitamudatalunadīghaṅgulihatthaṃ Uttarassa sīse ṭhapetvā “Uttara idaṃ te purimakammaṃ phalaṃ uppannaṃ, tattha tayā paccavekkhaṇa-balena addivāsanā kātabbā”^{ti} vatvā ajjhāsayanurūpaṃ dhammaṃ desesi. Uttaro amatābhisekasadisena Satthu hatthasamphassena sañjāta-ppasādasomanassatāya ulārapītipāmojjaṃ paṭilabhitvā yathāparicitaṃ vipassanāmaggaṃ samārūḷho ñāṇassa paripākaṃ gatattā Satthu ca desanāvīlāsena tāvadeva maggapaṭipāṭiyā sabbe kilese khepetvā

1. Tīre (Ka)

2. Aggadvārena (Ka)

3. Thera-Ṭṭha 1. 305 piṭṭhe.

chaḷabhiñño ahoṣi. Chaḷabhiñño pana hutvā sūlato uṭṭhahitvā parānuddayāya ākāse ṭhatvā pāṭihāriyaṃ dassesi. Mahājano acchariyabbhutaṭṭajāto ahoṣi. Tāvadevassa vaṇo saṃrūḷhi, so bhikkhūhi “āvuso tādisadukkhaṃ anubhavanto kathaṃ tvaṃ vipassanaṃ anuyuñjituṃ asakkhī”ti puṭṭho “pageva me āvuso saṃsāre ādīnavo, saṅkhārānañca sabhāvo sudiṭṭho, evāhaṃ tādisaṃ dukkhaṃ anubhavantopi asakkhiṃ vipassanaṃ vaḍḍhetvā viṣesaṃ adhigantun”ti āha. “Pubbajātiyā daharakāle makkhikaṃ gahetvā nimbasūlakaṃ gahetvā sūlāropanakīḷaṃ paṭicca evaṃ anekajātisatesu sūlāropana-dukkhamaṇubhavitvā imāya pariyoṣānajātiyā evarūpaṃ dukkhamaṇubhūtan”ti āha.

55. Atha aparabhāge pubbakammaṃ saritvā somanassajāto pubbacaritāpadānaṃ pakāsento **Sumedho nāma Sambuddhoti**-ādimāha. Tattha anuttānapadavaṇṇanameva karissāma.

57. **Vijjādharo tadā āsinti** bāhirakamantādivijjāsiddhiyā ākāṣagāmisamattho hutvā caraṇavasena taṃ vijjaṃ rakkhitvā avināsetvā parihaṇavasena vijjādharaṇi āsiṃ ahoṣi attho. **Antalikkhacaro ahanti** antaṃ pariyoṣānaṃ koṭiṃ likhate saṃkarissatīti antalikkhaṃ. Atha vā antaṃ pariyoṣānaṃ likhyate olokiyate etenāti antalikkhaṃ, tasmim antalikkhe, ākāse caraṇasīlo ahanti attho. **Tisūlaṃ sukataṃ gayhāti** tikhiṇaṃ sūlaṃ, aggāṃ āvudhaṃ. Tisūlaṃ sundaraṃ kataṃ, koṭṭanaghaṃsanamaddanapahaṇavasena suṭṭhu kataṃ sūlāvudhaṃ gayha gahetvā ambarato gacchāmīti attho. Sesāṃ sabbaṃ heṭṭhā vuttanayattāva nayānuyogena suviññeyyamevāti.

Uttaratthera-apadānavāṇṇanā samattā.

7. Aparā-uttarātthera-apadānavaṇṇanā

Sattamāpadāne **nibbute Lokanāthamhīti**-ādikaṃ āyasmato aparassa Uttarāttherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto ito catunnavutikappe Siddhatthassa Bhagavato kāle kulagehe nibbattitvā vayappatto viññutaṃ patvā sāsane laddhappasādo hutvā upāsakattaṃ nivedesi. So Satthari parinibbute attano ñātake sannipātetvā bahupūjāsakkāraṃ saṃharitvā dhātupūjaṃ akāsi. So tena puññakammena devamanussesu saṃsaranto imasmiṃ Buddhuppāde Sākete brāhmaṇakule nibbattitvā **Uttaroti** laddhanāmo vayappatto kenacideva karaṇīyena Sāvattiṃ gato kaṇḍambamūle kataṃ yamakapāṭihāriyaṃ disvā pasīditvā puna kālakārāma¹ suddesanaṃ abhivaḍḍhamānasaddho pabbajitvā Satthārā saddhiṃ Rājagahaṃ gantvā upasampadaṃ labhitvā tatheva caranto vipassanaṃ paṭṭhapetvā na cirasseva chaḷabhiñño ahoṣi. Chaḷabhiñño pana hutvā Satthari Sāvattiyaṃ viharante Buddhupaṭṭhānattham Rājagahato Sāvattiṃ upagato bhikkhūhi “kiṃ āvuso pabbajjākkiccaṃ tayā matthakaṃ pāpitaṃ”ti puṭṭho aññaṃ byākāsi.

93. Arahattaṃ pana patvā somanassajāto attano pubbacaritāpadānaṃ pakāseto **nibbute Lokanāthamhīti**-ādimāha. Taṃ sabbaṃ heṭṭhā vuttanayattā uttānatthamevāti.

Aparā-uttarātthera-apadānavaṇṇanā samattā.

8. Bhaddajitthera-apadānavaṇṇanā

Aṭṭhamāpadāne **ogayhāhaṃ pokkharāṇinti**-ādikaṃ āyasmato Bhaddajittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto Padumuttarassa Bhagavato kāle brāhmaṇakule nibbattitvā viññutaṃ patto brāhmaṇānaṃ vijjāsippesu pāraṃ gantvā kāme pahāya tāpasapabbajjaṃ pabbajitvā araṇṇāyatane

1. Kālakārāma (I) (Am 1. 333 piṭṭhādīsu.)

assamaṃ kāretvā vasanto ekadivasaṃ Satthāraṃ ākāseṇa gacchantāṃ disvā pasannamānaso añjaliṃ paggayha aṭṭhāsi. Satthā tassa ajjhāsayaṃ disvā ākāsatō otari. Otiṇṇassa pana Bhagavato madhuñca bhisamuḷālañca sappikhīrañca upanāmesi, tassa taṃ Bhagavā anukampaṃ upādāya paṭiggahetvā anumodanaṃ katvā pakkāmi. So tena puññakammaṇa Tusitesu nibbato tattha yāvatāyukaṃ ṭhatvā tato cuto aparāparaṃ sugatīsuyeva saṃsaranto Vipassissa Bhagavato kāle mahaddhano seṭṭhi hutvā aṭṭhasaṭṭhibhikkhusatasahassaṃ bhojetvā ticīvarena acchādesi.

Evam bahuṃ kusalaṃ katvā devaloke nibbatti. Tattha yāvatāyukaṃ ṭhatvā tato cavitvā manussalokesu uppanno Buddhasuññe loka pañca Paccekabuddhasatāni catūhi paccayehi upaṭṭhahitvā tato cuto rājakule nibbattitvā rajjaṃ anusāsanto attano puttaṃ paccekabodhiṃ adhigantvā ṭhitaṃ upaṭṭhahitvā tassa parinibbutassa dhātuyo gahetvā cetiyaṃ katvā pūjesi. Evam tattha tattha tāni tāni puññāni katvā imasmiṃ Buddhuppāde Bhaddiyanagare asītikoṭivibhavassa Bhaddiyaseṭṭhissa ekaputtako hutvā nibbatti, **Bhaddajī**tissa nāmaṃ ahoṣi. Tassa kira issariyabhogaparivārasampatti carimabhava bodhisattassa viya ahoṣi.

Tadā Satthā Sāvattiyāṃ vasitvā Bhaddajikumāraṃ saṅgaṇhanatthāya mahatā bhikkhusaṅghena saddhiṃ Bhaddiyanagaraṃ gantvā jātiyāvane vasi tassa ñāṇaparipākaṃ āgamayamāno. Sopi uparipāsāde nisinno sihapañjaraṃ vivaritvā olokeno Bhagavato santike dhammaṃ sotuṃ gacchantāṃ mahājanaṃ disvā “katthāyaṃ mahājano gacchatī”ti vucchitvā taṃ kāraṇaṃ sutvā sayampi mahatā parivārena Satthu santikaṃ gantvā dhammaṃ suṇanto sabbābharaṇapaṭimaṇḍitova sabbakilese khepetvā arahattaṃ pāpuṇi. Arahatte pana tena adhigate Satthā Bhaddiyaseṭṭhiṃ āmantesi “tava putto alaṅkatapaṭiyatto dhammaṃ suṇanto arahatte patiṭṭhāsi, tenassa idāneva pabbajitūṃ yuttaṃ, no ce pabbajissati, parinibbāyissatī”ti. Seṭṭhi “na mayhaṃ puttassa daharasseva sato parinibbānena kiccaṃ atthi, pabbājetha nan”ti āha. Taṃ Satthā pabbājetvā upasampādetvā tattha sattāhaṃ vasitvā Koṭigāmaṃ pāpuṇi, so ca gāmo Gaṅgātīre

ahosi. Koṭigā mavāsino ca Buddhappamukhassa bhikkhusaṅghassa mahādānaṃ pavattesuṃ. Bhaddajitthero Satthārā anumodanāya āradhamattāya bahigāmaṃ gantvā “Gaṅgātīre maggasaṃīpe Satthu āgatakāle vuṭṭhahissāmī”ti kālaparicchedaṃ katvā aññatarasmim rukkhamūle samāpattiṃ samāpajjitvā nisīdi. Mahātheresu āgacchantesupi avuṭṭhahitvā Satthu āgatakāleyeva vuṭṭhāsi. Puthujjanā bhikkhū “ayaṃ adhunā pabbajito, mahātheresu āgacchantesu mānathaddho hutvā na vuṭṭhāsī”ti ujjhāyimsu.

Koṭigā mavāsino Satthu bhikkhusaṅghassa ca bahū nāvāsaṅghāṭe bandhimsu. Satthā “Bhaddajissānu bhāvaṃ pakāsemi”ti nāvāya ṭhatvā “kahaṃ Bhaddaji”ti pucchi. Bhaddajitthero “esāhaṃ bhante”ti Satthāraṃ upasaṅkamitvā añjaliṃ katvā aṭṭhāsi. Satthā “ehi Bhaddaji, amhehi saddhiṃ ekanāvaṃ abhiruhā”ti. So uppatitvā Satthu ṭhitanāvāyaṃ aṭṭhāsi. Satthā Gaṅgāya majjhe gatakāle “Bhaddaji tayā mahāpanādakāle ajjhāvuṭṭharatanapāsādo kahaṃ”ti āha. Imasmim ṭhāne nimuggo bhanteti. Tena hi Bhaddaji sabrahmacārīnaṃ kaṅkhaṃ chindāti. Tasmim khaṇe thero Satthāraṃ vanditvā iddhibalena gantvā pāsādathūpikaṃ pādaṅgulantarena sannirujjhivā¹ pañcavīsati-yojanaṃ pāsādaṃ gahetvā ākāse uppati, uppatanto ca paññāsayojanāni ukkhipi. Athassa purimabhava nātakā pāsādagatena lobhena macchakacchapamaṇḍukā hutvā nibbattā tasmim pāsāde uṭṭhahante parivattitvā patiṃsu. Satthā te sampatante disvā “nātakā te Bhaddaji kilamantī”ti āha. Thero Satthu vacanena pāsādaṃ vissajjesi. Pāsādo yathāṭhāneyeva patiṭṭhahi. Satthā pāraṅgato bhikkhūhi “kadā bhante Bhaddajittherena ayaṃ pāsādo ajjhāvuṭṭho”ti puṭṭho **Mahāpanādajātakam**² kathetvā bahujaṇaṃ dhammāmatam pāyesi.

98. Thero pana arahattaṃ patto pubbasambhāraṃ saritvā somanassajāto pubbacaritāpadānaṃ pakāsetuṃ **ogayhāhaṃ pokkharāṇinti**-ādimāha. Tattha **ogayhāhaṃ pokkharāṇinti** puthunānā-ane kamahoghehi khaṇitattā “pokkharāṇi”ti laddhanāmaṃ jalāsayaṃ ogayha ogahetvā pavisitvā ajjhogāhetvā ghāsahetukhādanatthāya tattha pokkharāṇiyam

1. Sannirumbhitvā (Ka)

2. Khu 5. 76 piṭṭhe.

pavisitvā **bhisam** padumapuṇḍarikamūlaṃ uddharāmīti attho. Sesam heṭṭhā vuttanayattā uttānapadatthattā ca nayānusārena suviññeyyamevāti.

Bhaddajitthera-apadānavañṇanā samattā.

9. Sivakatthera-apadānavañṇanā

Navamāpadāne **esanāya carantassāti**-ādikaṃ āyasmato Sivakattherassa apadānaṃ. Ayampi purimabuddhesu katādhikāro tattha tattha bhave vivaṭṭūpanissayāni puñṇāni upacinanto Vipassissa Bhagavato kāle kulagehe nibbattitvā viññutaṃ patto ekadivasaṃ Bhagavantaṃ piṇḍāya carantaṃ disvā pasannamānaso pattaṃ ādāya kummāsassa pūretvā adāsi. So tena puñṇakammaena devamanussesu saṃsaranto imasmiṃ Buddhuppāde Rājagahe brāhmaṇakulagehe nibbattitvā **Sivakotissa** nāmaṃ ahoṣi. So vayappatto vijjāsippesu nipphattiṃ gato nekkhammajjhāsayatāya kāme pahāya tāpasapabbajjaṃ pabbajitvā vicaranto Satthāraṃ upasaṅkamitvā dhammaṃ sutvā paṭiladdhasaddho pabbajitvā vipassanāya kammaṃ karonto na cirasseva arahattaṃ pāpuṇi.

117. Arahattaṃ patvā somanassajāto attano pubbacaritāpadānaṃ pakāseto **esanāya carantassāti**-ādimāha. Taṃ sabbaṃ suviññeyyamevāti.

Sivakatthera-apadānavañṇanā samattā.

10. Upavānatthera-apadānavañṇanā

Dasamāpadāne **Padumuttaro nāma Jinoti**-ādikaṃ āyasmato Upavānattherassa apadānaṃ. Ayaṃ kira purimabuddhesu katādhikāro tattha tattha bhave vivaṭṭūpanissayāni puñṇāni upacinanto kenaci kammacchiddena Padumuttarassa Bhagavato kāle daliddakule nibbattitvā viññutaṃ patto Bhagavati parinibbute tassa dhātuṃ gahetvā manussadevanāgagaruḷayakkhakumbhaṇḍagandhabbehi sattaratanamaye sattayojanike thūpe

kate tattha sudhotam attano uttarāsaṅgam veḷagge ābandhitvā dhajam katvā pūjam akāsi. Tam gahetvā Abhisammatako nāma yakkhasenāpati devehi cetiyapūjārakkhanattham ṭhapito adissamānakāyo ākāse dhārento cetiyam tikkhattum padakkhiṇam akāsi. Tam disvā bhiyyoso mattāya pasannamānaso ahosi. So tena puññakammena devamanussesu saṁsaranto imasmim Buddhuppāde Sāvattiyam brāhmaṇakule nibbattitvā **Upavānoti** laddhanāmo vayappatto Jetavanapaṭiggahaṇe Buddhānubhāvam disvā paṭiladdhasaddho pabbajitvā vipassanāya kammaṁ karonto chaḷabhiñño ahosi. Athāyasmā Upavāno Bhagavato upaṭṭhako ahosi. Tena ca samayena Bhagavato vātābādho uppajji. Therassa gihisahāyo Devahito¹ nāma brāhmaṇo Sāvattiyam paṭivasati. So theram catūhi paccayehi pavāresi. Athāyasmā Upavāno nivāsetvā pattacīvaram gahetvā tassa brāhmaṇassa nivesanam upagañchi. Brāhmaṇo “kenaci maññe² payojanena thero āgato bhavissati”ti ñatvā “vadeyyātha bhante kenattho”ti āha. Thero tassa brāhmaṇassa payojanam ācikkhanto—

“Araham Sugato loke, vātehā’bādhiko Muni.

Sace uṇhodakam atthi, Munino dehi brāhmaṇa.

Pūjito pūjaneyyānam, sakkareyyāna sakkato.

Apacito’paceyyānam, tassa icchāmi hātave”ti³—

gāthādvayam abhāsi.

Tassattho—yo imasmim loke pūjaneyyānam pūjetabbehi sakkādīhi devehi mahābrahmādīhi ca brahmehi pūjito, sakkareyyānam sakkotabbehi Bimbisāraṅkosalarājādīhi sakkato, apaceyyānam apacāyitabbehi mahesīhi khīṇāsavehi apacito, kilesehi ārakattādinā Araham, sobhanagamanādinā Sugato sabbaññū Muni mayham Satthā devadevo sakkānam atisakko brahmānam atibrahmā, so dāni vātehi vātahetu vātakkhobhanimittam ābādhiko jāto.

1. Devasito (I, Ka)

2. Aññena (Ka)

3. Khu 2. 256 piṭṭhe.

Sace brāhmaṇa uṇhodakaṃ atthi, tassa vātābādhavūpasamanattham taṃ hātave upanetuṃ icchāmīti.

Taṃ sutvā brāhmaṇo uṇhodakaṃ tadanurūpaṃ vātaharaṇca bhesajjam Bhagavato upanāmesi. Tena ca Satthu rogo vūpasami. Tassa Bhagavā anumodanaṃ akāsi.

122. Athāyasmā Upavāno aparabhāge attano pubbakammaṃ saritvā somanassajāto pubbacaritāpadānaṃ pakāsento **Padumuttaro nāma Jinoti-**ādīmāha. Tattha **Padumuttaroti-**ādīni pubbe vuttatthāneva.

123. **Mahājanā samāgammāti** sakalajambudīpavāsino rāsibhūtāti attho. **Citakaṃ katvāti** yojanubbedhaṃ candanarāsicitakaṃ katvā Bhagavato sarīraṃ tattha abhiropayimsūti sambandho.

124. **Sarīrakiccaṃ katvānāti** ādahanāti agginā dahanakiccaṃ katvāti attho.

127-28. **Jaṅghā maṇimayā āsīti** manussehi katathūpe jaṅghā pupphavāhattham caritaṭṭhānaṃ maṇimayā indanīlamaṇinā katāti attho. **Mayampīti** sabbe devā thūpaṃ karissāmāti attho.

129. **Dhātu āveṇikā natthīti** devamanussehi visuṃ visuṃ cetiyaṃ kātuṃ āveṇikā visuṃ dhātu natthi, taṃ dassento **sarīraṃ ekapiṇḍitanti** āha. Adhiṭṭhānabalena sakalasarīradhātu ekaghanasilāmayapaṭimā viya ekameva ahoṣīti attho. **Imamhi Buddhathūpamhīti** sakalajambudīpavāsīhi katamhi imamhi suvaṇṇathūpamhi mayaṃ sabbe samāgantvā kaṅcukathūpaṃ karissāmāti attho.

133. **Indanīlaṃ mahānīlanti** indīvarapupphavaṇṇābhaṃ maṇi indanīlamaṇi. Tato adhikavaṇṇatā mahāmaṇi indanīlamaṇayo ca mahānīlamaṇayo ca jotirasamaṇijātiraṅgamaṇayo ca **ekato sannipātetvā** rāsī katvā suvaṇṇathūpe kaṅcukathūpaṃ katvā achādayunti sambandho.

144. **Paccekaṃ Buddhaseṭṭhassāti** Buddhuttamassa pati ekaṃ visuṃ uparichadanena thūpaṃ akaṃsūti attho.

147. **Kumbhaṇḍā guyhakā tathāti** kumbhamattāni aṇḍāni yesaṃ devānaṃ te kumbhaṇḍā, paṭicchādetvā niguhitvā paṭicchādanato garuḷā guyhakā nāma jātā, te kumbhaṇḍā guyhakāpi thūpaṃ akaṃsūti attho.

151. **Atibhonti na tassābhāti** tassa cetiyassa pabhaṃ candasūriyatārakānaṃ pabhā na atibhonti, na ajjhottharantīti attho.

158. **Ahampi kāraṃ kassāmīti** tādino Lokanāthassa thūpasmiṃ ahampi kāraṃ puññakiriyaṃ kusalakammaṃ dhajapaṭākapaṭūjaṃ karissāmīti attho.

Upavānatthera-apadānavañṇanā samattā.

11. Raṭṭhapālatthera-apadānavañṇanā

Ekādasamāpadāne **Padumuttarassa Bhagavatoti**-ādikaṃ āyasmato Raṭṭhapālattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissāyāni puññāni upacinanto Padumuttarassa Bhagavato kāle tassa uppattito puretameva Haṃsavatīnagare gahapatimahāsālakule nibbattitvā vayappatto pitu accayena gharāvāse patiṭṭhito ratanakoṭṭhāgārakammikena dassitaṃ aparimāṇaṃ kulavaṃsānugataṃ dhanam disvā “imaṃ ettakaṃ dhanarāsiṃ mayhaṃ ayyakapayyakādayo attanā saddhiṃ gahetvā gantuṃ nāsakkhiṃsu, mayā pana gahetvā gantuṃ vaṭṭatī”ti cintetvā kapaṇaddhikādīnaṃ mahādānaṃ deti. So abhiññālābhim ekaṃ tāpasam upaṭṭhahanto tena devalokādhipacce uyyojito yāvajīvaṃ puññāni katvā tato cuto devo hutvā nibbatti. So tattha devaloke devarajjaṃ karonto yāvatāyukaṃ ṭhatvā tato cuto manussaloke bhinnaṃ raṭṭhaṃ sandhāretuṃ samatthassa kulassa ekaputto hutvā nibbatti. Tena ca samayena Padumuttaro nāma Bhagavā loke uppajjitvā pavattitavaradhammacakko veneyyasattaṃ nibbānamahānagarasaṅkhātakhemantabhūmim sampāpesi. Atha so kulaputto anukkamena viññutaṃ patto ekadivasam

upasakehi saddhim vihāraṃ gato Satthāraṃ dhammaṃ desentaṃ disvā pasannacitto parisapariyante nisīdi.

Tena ca samayena Satthā ekaṃ bhikkhuṃ saddhāpabbajitānaṃ aggaṭṭhāne ṭhapesi, taṃ disvā pasanamānaso tadatthāya cittaṃ ṭhāpetvā satahassabhikkhu-parivāraṃsa Bhagavato mahatā sakkārena sattāhaṃ mahādānaṃ pavattetvā paṇidhānaṃ akāsi. Satthā tassa anantarāyena ijghanabhāvaṃ disvā “anāgate Gotamassa nāma Sammāsambuddhassa sāsane saddhāpabbajitānaṃ aggo bhavissatī”ti byākāsi. So Satthāraṃ bhikkhusaṅghaṅca vanditvā uṭṭhāyāsanaṃ pakkāmi. So tattha yāvatāyukaṃ puññāni katvā tato cavitvā devamanussesu saṃsaranto ito dvānavutikappe Phussassa Bhagavato kāle Satthu vemātikabhātikesu tīsu rājaputtesu Satthāraṃ upaṭṭhahantesu tesāṃ puññakiriyāya sahāyakkiccaṃ akāsi. Evaṃ tattha tattha bhāve taṃ taṃ bahuṃ kusalaṃ upacinitvā sugatīsuyeva saṃsaranto imasmim Buddhuppāde Kururaṭṭhe Thullakoṭṭhikanigame Raṭṭhapālasaṭṭhigehe nibbatti, tassa bhinnāṃ raṭṭhaṃ sandhāretuṃ samatthe kule nibbattatā **Raṭṭhapāloti** vaṃsānugatameva nāmaṃ ahosi. So mahatā parivārena vaḍḍhanto anukkamena yobbanāṃ patto mātāpitūhi patirūpena dārena saṃyojtvā mahante ca yase patiṭṭhāpito dibbasampattisadisāṃ sampattim paccanubhoti. Atha Bhagavā Kururaṭṭhe janapadacārikaṃ caranto Thullakoṭṭhikaṃ¹ anupāpuṇi. Taṃ sutvā Rsaṭṭhapālo kulaputto Satthāraṃ upasaṅkamitvā Satthu santike dhammaṃ sutvā paṭiladdhasaddho sattavāre bhattacchede katvā kicchena kasirena mātāpitāro anujānāpetvā Satthāraṃ upasaṅkamitvā pabbajjāṃ yācitvā Satthu āṇattiyā aññatarassa therassa santike pabbajitvā yonisomanasikārena kammaṃ karonto vipassanaṃ vaḍḍhetvā arahattaṃ pāpuṇi.

179-180. Athāyasmā aparabhāge attano pubbakammaṃ saritvā somanassajāto pubbacaritāpadānaṃ pakāsentō **Padumuttarassa Bhagavatoti-**ādimāha. **Sunāgo so mayā dinnoti** tadā mahādhanaseṭṭhi hutvā sabbaṃ sāpateyyaṃ dānamukhe vissajjanasamaye sattappatiṭṭho sundaro

1. Thullakoṭṭhitaṃ (Sī, Ka)

nāgo hatthirājā mayā dinno ahosi. Tam dassento **īsādantoti**-ādimāha. Īsādanto ratha-īsappamāṇadanto, so mayā dinno hatthināgo. **Urūḥavāti** rājāvahanayoggasamattho, rājāraho vā. **Setacchattoti** alaṅkaratthāya upaṭṭhahanasetacchattasahitoti attho. **Pasobhitoti** ārohapariṇāhavā rūpasobhāhi sampannoti attho. **Sakappano sahatthipoti** hatthi-alaṅkārasahito hatthigopakasahitoti attho. Itthambhūto hatthināgo Padumuttarassa Bhagavato mayā dinnoti attho.

181. **Mayā bhattaṃ kāretvānāti** mayā kārapitavihāre vasantānaṃ koṭisaṅkhānaṃ bhikkhūnaṃ niccabhattaṃ paṭṭhapetvā Mahesino niyyādesinti sambandho.

183. **Jalajuttamanāmakoti** jalato jāto jalajo, kim tam? Padumaṃ, padumena samānanāmattā uttamattā ca Padumuttaro nāma Bhagavāti attho. Sesam sabbattha uttānatthamevāti.

Raṭṭhapālatthera-apadānavañṇanā samattā.

Chappaññāsamamahāvaggavañṇanā samattā.

Iti Visuddhajanavilāsiniyā Apadānaṭṭhakathāya

Ettāvatā Buddhapaccekabuddhasāvakattherāpadānaṭṭhakathā samattā.

Nigamanakathā

Sīhaḷadīpake appicchatādiguṇavantānaṃ theravaṃsappadīpānaṃ
 Ānandattherādīnaṃ sabbasattānaṃ taṇhāmānadiṭṭhādayo
 chedananiḡgahavivecanādyatthaṃ sattahi māsehi ativiya ārādhana
 laddhakosallena bodhisambhāraṃ gavesantena
 satidhitigativīriyaparakkamantena mahāsamantaguṇasobhanena
 tipīṭakadharena paṇḍitena ābhatāṃ imaṃ Apadānaṭṭhakathaṃ sabbo
 sadevaloko jānātūti.

Anena lobhādimalā pajānaṃ,
 Cakkhādirogā vividhā ca dukkhā.
 Kalahādibhayā dukkhitā jātā¹,
 Corādayonattakarā ca loke.

Nassantu me pañca verā ca pāpā,
 Nassantu gimhe yathā vuṭṭhivātā.
 Aṭṭhaṅgikamaggavarena patvā,
 Nibbānapuraṃ paṭipādayāmi.

Sabbadiṭṭhiṅca maddanto, rāgadosādipāpake.
 Saṃsāravatṭaṃ chinditvā, upemi saggamokkhake.
 Āṇākhettamhi sabbattha, Avīcimhi Bhavaggato.
 Sabbe dhammānuyāyantu, tayo lokā utupi cāti.

Apadānaṭṭhakathā samattā.

1. Kalahā vivādā ca dubbhikkhajātā (Si)

Apadānaṭṭhakathāya dutiyabhāge

Saṃvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akakkasacittassa	192	Ajaṭākāse	226
Akārayim	24	Ajinacammavattho	288
Akāsim	192	Ajinuttaravāsano	194
Akittayi	82	Ajinena	67
Akkantaṃ	99	Ajjeva	76
Akkhadasso	226	Ajjhagā	16
Akkhobhaṃ	202	Ajjhāpekkhimsu	170
Agam	236	Ajjhāyako	143
Agacchim	62	Añjalim	4, 29
Agamaṃ	188	Aññāya	27
Agamāsahaṃ	133	Aññe	77
Agārasmā	17	Aḍḍhakose	85
Agāre	16	Aḍḍhacandaṃ	191
Agopayim	289	Aṇḍaṃ	17
Aggajam	190	Atthadassissa	73
Aggapuggalaṃ	29	Atthu	30
Aggapuggalo	14	Atrajo	190
Aggasāvakaṃ	77	Adadim	188
Aggīhi	40	Adantadamaṇaṃ	46
Agghati	114, 196	Adāsim	60, 81
Aṅgārino	58	Adutiyo	36
Aṅgīrasassa	264	Addasaṃ	75
Aṅgīraso	68	Addhānaṃ	60
Acalaṃ	89	Advejjhaṃ	188
Acirāgataṃ	11	Adhi	84
Ajagaro	109	Adhikāraṃ	189

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Adhigatā	202	Antarāpaṇe	42, 71, 103
Adhicca	210	Antalikkhacaro	293
Anagāriyaṃ	107	Antosuddhaṃ	84
Aniccatam	27	Andhānaṃ	216
Aniccasaññaṃ	27	Andhāva	135
Aniccā	27	Andho	197
Anilañjase	90, 125	Apatthaddho	188
Anilāyane	139	Apihāgidham	237
Anuggatamhi	195	Apucchiṃ	74
Anuciṇṇaṃ	87	Apūjesiṃ	75
Anuttaro	29	Apekkhavā	197
Anupakhattamhi	183	Appaṭimassa	59, 264
Anupādāno	75	Appamāṇe	95
Anuppatto	195	Appameyyaṃ	42
Anubrūhanto	160	Appasaddaṃ	87
Anubhotvā	7, 28	Appossukkā	4
Anumodi	24	Aphari	95
Anumodittha	14	Abbudanirabbudāni	198
Anuyantā	65	Abbhutṭhāsi	88
Anurañjanto	256	Abbhutaṃ	86
Anulepaṃ	197	Abbhokāsamhi	181
Anuvattanti	14	Abbhokāse	12
Anusāsiya	227	Abhaddakaṃ	75
Anusuyyare	135	Abhāsatha	16, 25
Anusotaṃ	106, 192	Abhāsiṃ	75
Anesanaṃ	37	Abhi	88
Anelaḷakaṃ	61	Abhigataṃ	194
Anopamaṃ	42	Abhijātova	93
Anopamā	253	Abhiññā	194
		Abhinikūjiṃ	245

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Abhinikkhantaṁ	121	Asi	59
Abhinikkhamma	170	Assattho	106
Abhiraddho	131	Assamaṁ	288
Abhiropayaṁ	18, 90, 128	Assamo	36
Abhiropesiṁ	189	Assosi	195
Abhilepayiṁ	54	Ahuṁ	39
Abhisammataṁ	171	Ahu	4
Abhītarūpaṁ	97	Aho	196
Amataṁ	85	Ahosi	130
Amanussamhi	189	[Ā]	
Amalaṁ	211	Ā	67
Amitaṁ	202	Ākāsamhi	89
Ambayāgaṁ	188	Ākiriṁ	43
Ambare	27, 39	Āgacchatu	29
Ayyakosi	59, 264	Āgacchi	27
Araññe	4	Āgamim	189
Arahā	17	Ājānīyaṁ	81
Aruṇavatiyā	187	Ājīvaṁ	37
Alaṅkaritvā	18	Ādāya	159
Alatthaṁ	42	Ādāsaṁ	16
Aloṇapaṇṇabhakkho	190	Ādāsova	16
Alolakkhaṁ	237	Ādiccamiva	29
Avandiṁ	84	Ādicce	195
Avidūramhi	79	Ādittaṁva	125
Avidūre	36	Ānubhāvo	30
Asaṅkheyyaṁ	253	Āpannasattā	231
Asaniyo	230	Āpāṭaliṁ	98
Asanīpāto	104	Āmiṣaṁ	69
Asano	86	Āyasmā	241

Padānukkamo	Piṭṭhaṅko	Padānukkamo	Piṭṭhaṅko
[Ā]		[U]	
Āyāgaṃ	64	Ukkā	230
Āyāmena	2	Ukkoṭakaṃ	208
Āyusaṅkhāraṃ	134	Uggajjanaṃ	45
Ārādhemi	37	Uggatāpano	36
Ārāmadvārā	195	Ucciyaṃ	79
Āropayaṃ	72, 84	Ujjhitaṃ	98
Āropesiṃ	195	Uttamaṃ	63
Āveṇikā	299	Uttareyyapaṭaṃ	39
Āsanaṃ	69	Udapāno	180
Āsanne	227	Udāhari	27
Āsiṃ	104, 177	Udito	226
Āsiṃsu	198	Udīrayaṃ	196
Āsi	2	Udumbare	192
Āsīno	151	Udentāṃ	164
Āsuṃ	108	Uddālakaṃ	189
Āhariṃ	152	Uddhate	181
Āhiṇḍāmi	197	Upagacchiṃ	18
Āhutiṃ	29, 194	Upagacchi	190
Āhutiṇaṃ	88, 157	Upagataṃ	27
[I-Ī]		Upagamma	4, 74
Indanāmā	3	Upajīvāmi	62
Indanīlaṃ	299	Upaṭṭhahiṃ	77
Indriyesu	82	Upaṭṭhahitvā	77
Irīṇe	197	Upaṭṭhāko	14, 39
Isaṃghe	196	Upaṭṭhito	193
Isīnaṃ	87, 92	Upanāmesīṃ	77
Issaraṃ	114	Upapajjahaṃ	2
Issarā	7	Upapajjāmi	4
Īsādanto	24, 302	Upapajjiṃ	14, 135

Padānukkamo	Piṭṭhaṅko	Padānukkamo	Piṭṭhaṅko
[U]		[O]	
Upavadiṃ	229	Okkhittacakkhu	71
Upaviṭṭhaṃ	79, 193	Ogataṃ	188
Upāgacchi	193	Ogayha	296
Upāgamim	28	Ogāhitvā	173
Upāgami	30	Oggayha	92, 274
Upānaya	74	Otataṃ	134
Upāyamaggaññū	237	Opiya	290
Upecca	243	Obhāsayantaṃ	190
Upeti	69	Omattaṃ	157
Upemahaṃ	30	Oraso	74
Uppajjitvā	27	Orena	183
Uppādavayadhammino	27	Osadhi	118
Ubhayasetṭhiputto	204	Ossajji	134
Ubhayeneva	15	[Ka]	
Ubho	11	Kakudhaṃ	194
Umāpupphaṃ	157	Kañcanagghiyasaṃkāsaṃ	42
Urūlhavā	302	Kaṇikāraṃ	150
Usabhaṃ	91	Kaṇikārapupphaṃ	18
Uḷāratā	30	Katañjali	30
[E-O]		Kataññū	266
Ekaggaṃ	162	Katavedī	266
Ekaggo	37, 74	Katāvino	226, 227
Ekākiyo	36	Kato	180
Ekissā	114	Kattukāmo	189
Ekūnasatasahassaṃ	167	Katvāna	88
Eko	166	Kathayanto	74
Ekoṇḍaṃ	190	Kathāpetvā	63
Evam	106	Kapi	95
Okiriṃ	106, 197	Kappaṃ	167

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kappasahassāni	7	Kuṭīkaṃ	70
Kappe	3	Kuṭīkaṇṇo	67
Kammaṃ	195	Kuṭīgopako	188
Kammavipākena	75	Kudālapīṭakaṃ	159
Kammāro	116	Kupathe	237
Karuṇā	216	Kubbanti	4
Karena	92	Kumudaṃ	178
Kalaṃ	114, 196	Kusaṭṭhakaṃ	209
Kali	214	Kusalamūlena	7
Kassāma	176	Kusalamūlehi	7
Kānaṃ	87, 92	Kuhiṃ	237
Kānane	104, 189	Ketakiṃ	147
Kāmesu	7	Ketumatī	207
Kāyaṃ	232	Keniyajātiyaṃ	227
Kāyamhi	12	Kesaraṃ	188
Kāraṃ	196	Kesariṃ	188
Kārayiṃ	68	Kesarī	93
Kārayitvā	54	Kesavo	151
Kārassa	196	Kokanadaṃ	12
Kāritā	188	Koṭīkaṇṇo	67
Kāretvāna	302	Koṇḍañña	178
Kālaṃ kato	27	Kopemi	37
Kāsāyavasano	194	Kolaṃ	288
Kikīva	17	Kosiyo	209
Kittayi	77		
Kittayissāmi	11, 16	[Kha]	
Kittaye	41	Khajjakaṃ	171
Kisalaya	186	Khaṇḍaṃ	186
Kukkuṭo	165	Khāribhāradharo	288
Kukkuro	138		

Padānukkamo	Piṭṭhaṅko	Padānukkamo	Piṭṭhaṅko
[Kha]		[Gha - Ca]	
Khāriyo	62	Ghosaṁ	195
Khippābhiññassa	236	Cakkavākūpakūjitā	274
Khīṇāsavasahasseehi	16, 29	Cakkavāko	90
Khīṇāsavā	14, 30	Cakkavattirājāno	3
Khomaṁ	6	Caṅkamaṁ	139
[Ga]		Caṅkamaṁ	181
Gacchantāṁ	42	Caṅkame	88
Gaṇaṁ	4	Caṅkoṭakaṁ	192
Gaṇamhā	10	Caṅkoṭake	97
Gaṇhitvā	84	Catudīpamhi	7
Gatamagge	187	Catusaccaṁ	89
Gatā	4	Candanāṁ	160
Gatiṁ	27	Candano	190
Gato	12	Candabhāgānadītīre	44, 192
Gandhakuṭim	16	Candassa	194
Gayha	85	Caraṇantago	217
Garuḷadhīpo	94	Carato	60
Gahetvāna	11	Carimo	82
Giraṁ	89	Cāmarī	17
Giriduggadharo	93	Cārikaṁ	60
Guṇanidhi	216	Cāruvaṇṇova	65
Guṇāguṇavidū	266	Citaṁ	192
Gedhaṁ	7	Citakaṁ	195, 299
Gosīsaṁ	195	Cittaṁ	12
[Gha]		Cittappasādena	2, 14
Ghaṭaṁ	80	Cittena	84
Ghatāsanaṁva	124	Cintesahaṁ	106
Gharaṁ	198	Cetiyaṁ	54
		Codito	7, 28

Padānukkamo	Piṭṭhaṅko	Padānukkamo	Piṭṭhaṅko
[Cha]		[Ja - Jha - Ña]	
Chattamhi	18	Jutindharaṃ	42
Chattātiçhattaṃ	154	Jutimantaṃ	29
Chaḷabhiñṇā	14	Jotanti	237
[Ja]		Jotitā	16
Jagatiṃ	209	Jhāpesiṃ	190
Jagatī	188	Jhāya	290
Jaṅghā	38	Jhāyamānaṃ	162
Jaṭilo	36	Ñāṇavaraṃ	253
Janataṃ	162	Ñātibandhu	60
Janatā	69	[Tha - Da]	
Janayitvāna	132	Ṭhapitaṃ	64
Janā	3	Ṭhapesiṃ	66
Jane	24	Ṭhānaṃ	89
Jayaparājayamaṃ	89	Ḍayhare	40
Jalakukkuṭo	188	[Ta]	
Jalajagge	191	Taṃ	37
Jalajaggehi	197	Takkarāyaṃ	209
Jalajuttamanāmakko	6, 25	Tattha	7
Jalivā	38	Tatthajo	177
Jahitvāna	27	Tathāgataṃ	4
Jātipupphaṃ	123, 155	Tappayantassa	226
Jātiyā	86	Tappayanto	242
Jāto	227	Tamaṃ	242
Jālinā	217	Tamandhakārapihitā	40
Jinaṃ	75	Tā	14
Jino	166	Tādiṃ	46
Jīmūtavaṇṇaṃ	227	Tārayataṃ	30
Jīvāmi	37	Tārayantaṃ	162

Padānukkamo	Piṭṭhaṅko	Padānukkamo	Piṭṭhaṅko
[Ta]		[Da]	
Tiṭṭhare	181	Dije	237
Tiṇṇaṃ	162	Diṭṭhadhammasukhatthāya	181
Tiṇṇo	30	Diṭṭhim	27
Tiṇṇoghehi	76	Diṭṭhisūdanaṃ	256
Titthe	266	Dinnaṃ	6
Tidaṇḍaparidhāraḅho	67	Dinnā	102
Timirapupphaṃ	106	Divāvihārāya	173
Timbarūsakavaṇṇābho	37	Disvāna	4
Tivarāyaṃ	175	Dissati	230
Tisūlaṃ	293	Dīnamānasā	217
Tuṇḍena	90, 188	Dīparājā	166
Tuvaṭaṃ	237	Dīpānaṃ	114
Tuvaram	188	Dīpova	75
Tusitaṃ	2	Duṭṭhacitto	229
Telasankhayā	75	Dundubhiyo	230
[Tha]		Duppabhātaṃ	135
Thūpaṃ	63, 88	Dumā	58
Thūpapūjaṃ	14	Duruṭṭhitaṃ	136
Thūpaṃhi	154	Dulladdhaṃ	135
Thūpasetṭhassa	65	Dussanīye	37
[Da]		Dussase	37
Datvāna	121	Deyyadhammo	41
Dantaparivāro	30	Devadevaṃ	79
Dantaparivuto	105	Devadevo	16
Danto	30	Devaputto	164
Damemi	37	Devavaṇṇa	189
Dāyavāsiko	185	Desento	197
Dijaṃ	236	Desesi	25
		Dovāriko	202
		Dvāraṃ	30

Padānukkamo	Piṭṭhaṅko	Padānukkamo	Piṭṭhaṅko
[Da - Dha]		[Na]	
Dvāravatīyā	186	Narāsabham	11
Dvipadinda	89	Narāsabho	16
Dvipadindo	16	Naruttamaṃ	18
Dhajaṃ	75, 84	Naḷamālaṃ	125
Dhañṇavatiyā	142	Nāgarukkhehi	145
Dhammacakkaṃ	64	Nāgasamālo	98
Dhammajo	74	Nādayimsu	230
Dhammadassīnarāsabho	155	Nānāgandhavanantare	201
Dhammarājaṃ	74	Nānāsakuṇaṃ	102
Dhammasotaṃ	74	Nāmadheyyena	86
Dhammena	264	Nāḷikeramaṃ	171
Dharaṇīruhapādapaṃ	131	Nikkhamassu	37
Dharaṇīruhapādapo	86, 191	Nikkhamitvā	17
Dhārayissati	12	Nikkhamma	88
Dhārayuṃ	185	Nikkhittasatthaṃ	243
Dhutarāgesu	196	Nikkhipiṃ	191
Dhūpesiṃ	188	Niccaṃ	65
Dhūmaketu	230	Niṭṭhite	197
[Na]		Nipako	17
Nagare	142	Nibbattā	194
Nadikā	183	Nibbānaṃ	121
Nadiyā	90	Nibbāpayantaṃ	162
Nadītīre	147	Nibbāpesi	197
Nandijanano	60	Nibbāyi	75
Nandībhavaparikkhīṇaṃ	162	Nibbāyissasi	7
Nabhaṃ	27	Nibbuta	63, 72
Nabhasā	230	Nibbuto	106
Namassāmi	30	Nimantesiṃ	29
Naravaraṃ	46	Nimittaṃ	141
		Nimmitaṃ	88

Padānukkamo	Piṭṭhaṅko	Padānukkamo	Piṭṭhaṅko
	[Na]		[Pa]
Niyate	192	Pañcasūcī	102
Niyamesu	190	Pañhaṁ	74
Nirujjhanti	27	Paññāpetvā	27
Nirūpadhi	95	Paṭiggahaṁ	88
Nivattho	67	Paṭiggahesi	11
Nisabhājāniyaṁ	122	Paṭiggaho	174
Nisabho	36	Paṭipannassa	60
Nisinnaṁ	106	Paṭimemento	29
Nisinnassa	193	Paṭiyādetvāna	29
Nisīdantaṁ	18	Paṇṇaṅca	36
Nisīdi	30	Paṇṇabhojanabhojano	193
Nisīditvā	25	Paṇṇasanthare	192
Nissāya	192	Paṇṇasālā	36
Nisseṇiṁ	155	Patitapattāni	84
Nemittānaṁ	136	Padīpadānaṁ	83
	[Pa]	Padumaṁ	54, 85
Pakampittha	134	Padumuppalasaṅghanno	169
Pakāsite	12	Padumo	170
Pakāsentō	89	Padmakesaraṁ	196
Pakittento	87	Pabbajim	107
Pakkhijāto	94	Pabbajitvāna	7
Paggayha	11, 61	Pabbajjā	76
Paggahetvāna	4, 29	Pabbatapādamaṁhi	165
Paccantaṁ	243	Pabbatassa	79
Paccavekkhaṇaṁ	236	Pabbate	110
Paccuggantvāna	192	Pabbato	36
Paccupaṭṭhitaṁ	30	Pabbājesi	75
Paccekaḥinasetṭhesu	196	Pabbhāraṁ	27
Pacchime	28	Pabbhāraṁhi	18
		Pabhāhi	256

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pamādo	290	Pavisim	93
Payirūpāsataṃ	30	Pasakkiya	290
Parakammāyane	40	Pasannacitto	2, 30
Paramaṃ	42	Pasannanayanānanam	227
Paramakāraṃ	196	Pasanno	30
Paramakāruṇṇappatto	108	Pasādayim	29
Paramannaṃ	19, 60	Pasādo	195
Paramena	108	Pasobhito	302
Paramopasame	192	Passissāmi	237
Parāmaṭṭho	92	Pāṭali	118
Paricarim	86	Pāṇikammaṃ	158
Paricārim	153	Pāṇine	266
Pariṇṇāya	7	Pāṇibhi	30
Parinibbāyi	189	Pātarāse	190
Parinibbute	133	Pātimokkhasmim	82
Parinibbuto	38	Pātubhāvo	195
Paripūrayaṃ	41	Pādaputtame	43
Parimajjako	194	Pādāsīm	30, 83
Parivāretvā	156	Pānadhim	210
Pareto	201	Pāpesu	90
Parodhako	153	Pāmojjaṃ	132
Palambabimbatamboṭṭham	236	Pāragū	38
Pallaṅkaṃ	183	Pāramim	12
Pallaṅko	161	Pāricchattakapupphāni	194
Pavattaṃ	37	Pāvacane	2, 12
Pavanaṃ	87	Pāsādaṃ	30
Pavanā	170, 198	Pāsāde	16
Pavaraṃ	91, 97	Pāsādo	140
Pavarā	121	Piṇḍaṃ	158
Pavarāsane	30	Piṇḍattham	237

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa - Pha]	
Piṇḍapātāṃ	82	Pokkharāṇī	274
Piyālaṃ	187	Potthadānaṃ	192
Piṇaṃsaṃ	227	Phalaṃ	36
Pītaraṃsiṃ	164	Phalakaṃ	160
Pītisamphullitānaṃ	236	Phalahattho	197
Pīlesi	109	Phalitantare	115
Puṭakaṃ	61	Phalesino	58
Puṇḍarīkasamotthaṭṭo	169	Phullaṃ	186
Putto	264		
Pupphaṃ	152	[Ba]	
Pupphacchattaṃ	11	Baddhakaṅca	69
Pupphacchadanaṃ	154	Baddhacaro	186
Pupphate	178	Bandhujīvakapupphāni	162
Pupphahattham	123	Bandhumatīyā	47
Pupphāsaṃ	27	Bandhumārājadhāniyā	200
Pupphāsane	27	Bahisuddham	84
Pupphitaṃ	147, 166	Bahū	77
Purakkhataṃ	29	Bāttīmsavaralakkhaṇaṃ	42
Purakkhato	76	Bāhujaññaṃ	2
Purāṇapulinaṃ	43	Bimbijālakaupphāni	189
Purisājañña	30	Bilībilīkā	291
Purisuttama	30	Bījanīkā	78
Pure	104, 118	Bījasampadaṃ	47
Pulinaṃ	143	Bījasampadā	80
Pūjanāya	114	Buddham	4
Pūjayato	114	Buddhattaṃ	195
Pūrayitvāna	61	Buddhathūpamhi	299
Pettikaṃ	45	Buddhayuttakaṃ	69
Pesale	77	Buddhaseṭṭham	30
Pokkharāṇiṃ	296		

Padānukkamo	Piṭṭhaṅko	Padānukkamo	Piṭṭhaṅko
[Ba]		[Bha]	
Buddhassa	264	Bhikkhā	189
Buddhena	7	Bhikkhāya	193
Bodhiṃ	190	Bhikkhusamghapurakkha-	
Byākarim	141	taṃ	97, 190
Byākarī	201	Bhikkhusamghe	25
Byādhito	108	Bhisam	297
Brahāvane	4	Bhisamuḷālam	92
Brahmabandhu	269	Bhuñjam	30
Brāhmaṇamhi	289	Bhuñjāmi	36
Brāhmaṇe	29	Bhūtagaṇo	166
Brāhmaṇo	79	Bhūripaññaṃ	19
[Bha]		Bhogam	202
Bhagavati	133	Bhojanam	29
Bhagavato	4	[Ma]	
Bhagavā	174	Mam	109
Bhatako	40, 41	Maggam	107
Bhattam	302	Mañjarikam	190
Bhaddakam	75	Mañjunā	245
Bhaddakappo	268	Maṇim	183
Bhaddake	268	Maṇimayā	299
Bhadante	58	Maṇihi	156
Bhavanam	274	Maṇḍakappo	268
Bhavissati	60	Mati	216
Bhāṇumam	127	Matthake	106
Bhātaram	77	Manam	226
Bhāvayim	27	Manasā	75
Bhāvitindriyo	191	Manasāva	29
Bhāsato	11	Manujādhipā	198
		Manussattam	12

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Manomayena	191	Mahesiṁ	91
Mantadharo	143	Mahesino	6, 24, 61
Mantapāragū	79, 167	Mahesīnaṁ	196
Mantetvā	4	Maho	113
Maraṇaṁ	195	Mahoghadānaṁ	24
Mallikaṁ	60	Mātu	39
Mahantassa	195	Māpayitvāna	155
Mahandhakārapihitā	40	Māraṇānaggaṁ	97
Māhāisi	193	Māramasano	256
Mahājanaṁ	130	Māliko	122
Mahājanā	299	Māluvapupphāni	192
Mahājātassaro	101	Mālaṁ	4, 176
Mahānāgo	68	Migarājā	152
Mahānīlaṁ	299	Migaluddo	104, 118, 179
Mahāpūgagaṇo	4	Mitabhāṇī	71
Mahābodhi	113	Muttaṁ	84
Mahābodhimaho	80, 196	Mutto	106
Mahābhūtagaṇālayo	145	Muddhani	181
Mahāmatim	46	Muniṁ	162
Mahāmuni	29, 69	Muni	173
Mahāyasaṁ	29	Muyhase	37
Mahāyaso	269	Mūlaṁ	36, 63
Mahāvādiṁ	46	Mettacittaṁ	69
Mahāvīraṁ	11, 79	Mettāya	95
Mahāvīro	24, 75	Mogharājā	61
Mahāsamuddaṁ	192	Mohaṇīye	37
Mahāsikhā	108		
Mahāsindhu	192	[Ya]	
Mahiddhikā	14	Yaṁ yaṁ	12
		Yakkhayoni	135

Padānukkamo	Piṭṭhaṅko	Padānukkamo	Piṭṭhaṅko
[Ya]		[Ra]	
Yakkhānaṃ	170	Rukkhamūlagahaṇaṃ	290
Yantaṃ	188	Rocantaṃ	29
Yasaṃ	41	Ropemi	47
Yānakāro	160	Romaso	191
Yiṭṭhukāmo	29, 194	[La]	
Yuttaṃ	192	Lagetvā	66
Yutto	40	Labhāmi	40
Yojeti	266	Labhissati	12
Yoni	12	Lasuṇaṃ	62
[Ra]		Lepanaṃ	68
Rakkhaso	177	Lokajetṭhassa	27
Rakkheyyaṃ	41	Lokajetṭho	129
Rakkheyya	17	Lokanandano	237
Rajakena	39	Lokanāthamhi	63, 155
Rajjanīye	37	Lokanātho	14
Rajjase	37	Lokanāyakaṃ	11, 79
Ratanapajjote	201	Lokanāyako	67, 201
Ratanāmayāṃ	55	Lokapajjotaṃ	42, 194
Ratiṃ	16	Lokapajjoto	193
Rattikaṃ	179	Lokabandhuno	96, 147, 194
Rathiyāṃ	29, 190	Lokabandhussa	55
Randhayitvā	208	Lokamahite	157
Ramme	175, 187	Lokāhutipaṭiggahaṃ	274
Ravidittiharānaṃ	237	Loke	29
Ravīva	226	[Va]	
Rāgaratto	7	Vakkali	214
Rāgūpasamhitāṃ	37	Vaccho	13
Rājāyatane	133	Vajāmaṃ	106
Rukkhaṭṭhasseva	196		

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vajāmi	192	Vāgīso	256
Vaṇṭe	18	Vācaṃ	75
Vaṇṇakāro	187	Vācāsabhiṃ	196
Vaṇṇitaṃ	64	Vādisūdano	256
Vaḍḍhakīhi	63	Vānā	121
Vatthaṃ	6	Vāyasānaṃ	210
Vatthadānena	6	Vāraṇo	196
Vatvāna	27	Vāladhiṃ	17
Vadataṃ	63	Vikkamasampanno	207
Vanam	92	Vicittam	80
Vanacaram	193	Vicittadusse	65
Vanacārino	135	Vijaṭetvā	242
Vanasmiṃ	162	Vijahitvā	189
Vanā	37	Vijitāvinam	91
Vandim	88	Vijjādharo	293
Vanditvā	195	Vitthataṃ	134
Vammikasadisam	232	Vitthatāya	147
Varakappo	268	Vitthārite	2
Varadhammappavattako	85	Vitthārena	2
Varanāgo	24	Vidū	15, 151
Varāko	41	Vināyakam	46, 153
Varuṇanāmakā	3	Vinipātiko	167
Vare	63	Vinetāram	29
Varo	30	Vipine	100
Vasati	192	Vipulo	195
Vasate	166	Vippanaṭṭhassa	237
Vasantassa	192	Vippanaṭṭhā	135
Vasāmi	36	Vimalam	162
Vasi	11	Vimalānanaṃ	237
Vassate	242	Vimucci	12

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vimutti	253	Vedāna pāragū	143
Vimhitāsayo	193	Veneyyapadumāniso	256
Viyākamsu	4	Vemajjhamhi	145
Viyākāsi	25	Vesārajjehi	256
Virajaṃ	90	Veḷunā	88
Viravapupphaṃ	188	[Sa]	
Virocantaṃ	118	Samkhittena	197
Virocento	16	Samghabhattaṃ	14
Vilasantaṃ	194	Samghassa	176
Vivajjemi	37	Samghārāmaṃ	24, 62
Vivaṭṭacchado	197	Samvuto	82, 190
Vivane	118	Samvejesi	130
Vivarāyaṃ	187	Samsarati	12
Vivekaṃ	160	Sa-uttarasapacchado	161
Visattikaṃ	162	Sakaṃ	27
Visālamāḷe	151	Sakakammā	131
Visāle	29	Sakappano	24, 302
Visodhitaṃ	211	Sake	30, 188
Vissāmabhūmi	256	Sakosaṃ	152
Vihatatamo	211	Sakka	264
Vihatārambho	256	Sakkā	59
Vihārā	88	Sakyānaṃ	60
Vīraṃ	91	Saggaṃ	236
Vuṭṭhahitvā	193	Sanḅkappamaññāya	29
Vuṭṭhiṃ	85, 242	Sanḅkhadhamako	120
Vutthokāso	192	Sanḅkhārā	27
Vusīmati	289	Sanḅgamma	4
Vūpakaṭṭho	11	Sanḅgāmo	130
Vūpasamo	27	Saccam	85
Vedajāto	30		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sañchanno	101, 145	Sabbalokagganāyakaṁ	69
Satapattachattam	11	Sabbāsava	7
Satapattehi	101	Sabhavanaṁ	236
Sataraṁsim	127, 164	Sabhojanapasuto	45
Sataso	227	Samaṁ	92
Sattabhūmimhi	16	Samaṇaṁ	106
Sattayojanikaṁ	75	Samaṇānaggaṁ	190
Sattalipupphāni	189	Samāṇe	19
Sattukañca	69	Samaṇo	191
Satthavāhaggaṁ	45	Samantato	230
Satthuno	237	Samayo	170
Sadevakaṁ	242	Samāgama	299
Saddahanti	4	Samādhim	11
Sadhajaṁ	85	Samādhimhā	193
Santaṁ	193	Samādhivajirūpamo	253
Santaveso	216	Samānayaṁ	194
Santānaṁ	256	Samānetvā	14
Santo	164	Samāpajjantaṁ	11
Santhataṁ	195	Samuggatatanūruhaṁ	227
Santharaṁ	27	Samuddaṁ	274
Santhariṁ	16	Samupaṭṭhito	130
Santhaviṁ	79, 198	Samupabyūḷho	130
Sannicitāṁ	202	Samokiriṁ	88, 97, 166
Sannipātetvā	299	Sampajja	190
Sapattabhāro	81	Sampattiṁ	7
Sapākayoniṁ	28	Sampattī	28
Sappabhāsaṁ	192	Sampatte	28
Sabbakāmehi	14	Sampanno	15, 256
Sabbaññū	27	Sampavattatha	183
Sabbadhammāna pāragū	105		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sambuddhaṃ	103	Sihāsanam	198
Sambuddho	38	Sihāsanassa	64
Sammukhā	64, 88	Sihāsane	30
Sayambhum	29	Sukataṃ	293
Sayambhussa	6	Sukato	36
Sayambhū	45	Sukkamūlena	28
Sayoggabalavāhano	65	Sukkā	237
Saraṇam	4, 30	Sukhasīlo	7
Saradambare	226	Sukhette	80, 196
Sariṃ	12	Sugatānugataṃ	107
Sarīrakiccaṃ	299	Suci	134
Sasakaṃ	210	Suṇitvāna	136
Sahatthipo	302	Sudaṃ	241
Sahassaramsī	291	Sudassanam	192
Sādhu	183	Sudassanā	192
Sāyesum	217	Suddham	162
Sālam	90	Suddhasevālabhakkho	90
Sāvakaṃ	229	Sudhāya	68, 158
Sāvakā	135	Sudhotam	39
Sāsane	2	Sunāgo	301
Sikhim	97	Sunimmitā	274
Sikhinaṃ	190	Sunimmito	74
Sikhino	147	Supaṇṇo	94
Sindhuyā	90	Supātam	37
Sippe	188	Suphullaṃ	60
Sirīnilayasankāsam	237	Subbato	17
Silātale	201	Subhojanam	19
Silāsanam	54	Sumano	2
Silasampanno	17	Sumahāpathe	98
Siham	97	Sumāpitaṃ	274

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sumāpitā	36	Sobhanaṃ	143
Suvaccho	167	Sobhāmi	65
Suvaṇṇavaṇṇaṃ	42, 91	[Ha]	
Suvaṇṇena	54	Haṃsadundubhinissano	227
Susaññato	90	Haṃsasamabhāgo	227
Susamārūḷho	139	Haṭṭhamānaso	107
Susamāhitaṃ	162	Haṭṭhena	62, 84
Susamāhito	74	Haṭṭho	62, 84
Susumāro	45	Hatthehi	11, 77
Sūkariko	208	Hantvā	242
Sūro	207	Haritaṃ	118
Setacchattaṃ	195	Hasanaṃ	236
Setacchatto	302	Hitvā	89
Setacchattopasobhito	24	Himavantassa	36
Setatiṇhasamaṃ	236	Himavante	11
Seyyā	16	Hīnena	75
Sereyyakaṃ	137	Hutāsaṇaṃ	125
Schi	30	Hetū	40
So	11	Hemayaññopacitaṅgaṃ	236
Sobhaṃ	181	Hemavaṇṇo	6

Apadānaṭṭhakathāya dutiyabhāge

Lakkhitabbapadānam anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akkhobha	202	Abhinīhārakamma	
Aggajapupphapūjāya phalaṃ	190	ānisaṃsā	257
Aggihuta	283-6	Abhibhū	109
Aggī tayo	40-1	Ambadānassa ānisaṃsā	188
Ajinacammadānassa ānisaṃsā	205	Ambadāyakkamma	94
Ajjhāyaka	143	Ambapakkaphaladānassa	
Añjalikamma ānisaṃsā	45,	ānisaṃsā	95, 244, 275
	103, 110, 167, 204	Ambara	139
Atthadassī	129	Arañña	104
Adhopupphiyattherassa		Araññānisaṃsa	251
pubbakamma	109	Arahaddhanti cintetvā	
Anagāriya	107	vandanapūjanādikamma	
Anila	139	phalaṃ	99
Anilāñjasa	172	Arahā na tveva kho yathā	
Anubhuttadukkhassa		ahaṃ	283-5
paccavekkhaṇaṃ	249	Ariyajāti	264
Anesana	37	Ariyā nāma majjhātāva	
Anojapupphapūjāya		arahattapattato paṭṭhāya	56,
phalaṃ	97, 220		258
Anojādevīpamukhānaṃ itthīnaṃ		Aruṇa	187
pabbajitakicassa matthaka-		Aruṇavatī	187
pattatā	225	Avopupphiyattherassa	
Anomadassī	158	pubbakamma	88
Antomaṇḍalam	60	Aloṇapaṇḍānassa	
Annapanādānassa ānisaṃsā	41	ānisaṃsā	190
Annasaṃsāvakkattherassa		Asanabodhiyattherassa	
pubbakamma	41	pubbakamma	85
Appabhakkhakantāra	46		
Abbuda	198		

Padānukkamo	Piṭṭhaṅko
[A - Ā]	
Asādhusaṅgamaṇa apasanna- citto	229
Assakaṇḍako	55
Assā pañca	220
Agāriya	107
Ājānīyasindhavadānassa ānisaṃsā	81
Ādittapariyāyadesanāya ānisaṃsā gayāsīse	242, 275
Ānando	55
Āpaṇaṃ	103
Āyāgadāyakattherassa pubbakammaṃ	63
Āyu	134
Āyusaṅkhāra	134
Ārohanahatthī	55
Ālambanaphalakadānassa ānisaṃsā	159
Āsanadānassa phalaṃ	69
Āsabho gavakoṭisata- sahassajetṭhako	91, 194
Āhāradānassa ānisaṃsā	120
Āhutino vuccanti pūjāsakkārā	157, 174
Āḷindadānassa ānisaṃsā	209
[U]	
Uṇhodakassa vātābādha- vūpasamatā	299

Padānukkamo	Piṭṭhaṅko
[U - E]	
Uttarassa pubbakammaṃ	292
Uttiyattherassa pubbakammaṃ	44
Udakapūjāya phalaṃ	124
Udapāna	180
Udapānadānassa ānisaṃsā	180
Udāyī	257
Udāyī sahapaṃsukīḷiko dasabalena	258
Uddālakapuppapūjāya phalaṃ	189
Upavānattherassa pubbakammaṃ	38
Upasenavaṅgantaputtattherassa pubbakammaṃ	17, 19
Upasenavaṅgantaputtatthero aggo samantapāsādikānaṃ	18
Upahāra karaṇassa ānisaṃsā	131
Upāhanadānassa ānisaṃsā	198
Umāpuppha	157
Umāpuppapūjāya phalaṃ	157
Ummujjananimujjanakammaṃ karonti jaṭilā	284
Ekañjalikattherassa pubbakammaṃ	45
Ekatthambhikattherassa pubbakammaṃ	3-4
Ekasaññakattherassa pubbakammaṃ	100
Ehibhikkhubhāvassa kāraṇaṃ	223
[O]	
Opavayhattherassa pubbakammaṃ	81
Orasaputta	264
Osadha	118

Padānukkamo	Piṭṭhaṅko
[Ka]	
Kaccāyanattherassa pakara- nāni tīṇi	213
Kaṭacchubhikkhā	121
Kaṇaverapupphapūjāya phalaṃ	170
Kaṇikāra	150
Kaṇikārapupphapūjāya phalaṃ	53, 212, 291
Kataññū	266
Katavedī	266
Kadambapupphapūjāya phalaṃ	165
Kadaliphalaḍānassa ānisaṃsā	47, 290
Kantārā bahuvīdhā	46
Kapparukkiyattherassa pubbakammaṃ	65
Kapparukkheṇa cetiyapūjāya ānisaṃsā	65
Kappo ca catubbidho pañcavidho	268
Kammaphalassa saddaḥanaṃ	139
Kammāra	116
Kalaṃ nāgghati soḷasiṃ	114
Kāligodhāputtabhaddiya- ttherassa pubbakammaṃ	68-9
Kāḷudāyittherassa pubbakammaṃ	55
Kāḷudāyī aggo kulappasā- dakānaṃ	55, 59, 266
Kukkura	138
Kuṇḍadhānattherassa pubbakammaṃ	47
Kuṇḍadhānatthero aggo paṭhamaṃ salākaṃ gaṇhantānaṃ	51
Kudāla	159

Padānukkamo	Piṭṭhaṅko
[Ka]	
Kumārakassapo citta- kathikānaṃ aggo	232
Kumuda	178
Kumudapupphapūjāya phalaṃ	168-9, 177, 179
Kumbhaṇḍā	300
Kummāsadaṇassa ānisaṃsā	297
Kulanagarassa gamanaṃ	293
Ketaṃ	147
Ketakīpuppha	147
Ketakīpupphapūjāya phalaṃ	146
Ketumatī	207
Ketu vuccanti dhajapaṭākā	207
Koṇḍa	178
Koṇḍañña	178
Kolaphalaḍānassa ānisaṃsā	288
[Kha - Ga]	
Khaṇḍaphullapaṭisaṅkharāṇa	186
Khīrapāyāsadaṇassa āni- saṃsā	139
Khomadāyakattherassa pubba- kammaṃ	46-7
Khomadussapūjāya ānisaṃsā	46
Gatapaccāgatavattaṃ aparipūretvā mahāsāvabhāvamaṃ pāpuṇantā nāma natthi	34

Padānukkamo	Piṭṭhaṅko
[Ga - Gha]	
Gatapaccāgatavattapūraṇassa ānisaṃsā	34
Gatasaññakattherassa pubbakammaṃ	107
Gandhathūpapūjāya phalaṃ	117
Gandhamālādipūjāya phalaṃ	171
Gandhāravijjā (Mahā, Cūḷa)	13
Gandhodakiyattherassa pubbakammaṃ	80
Gavajeṭṭhakā cattāro	193
Goṣisa-attharaṇakamassa ānisaṃsā	195
Ghataṃ vuccati sappi	124
[Ca]	
Caṅkama	139
Caṅkamadānassa phalaṃ	67-8, 73
Caṅkamanadāyakattherassa pubbakammaṃ	73
Cattāro nidhī	55
Canda	148
Candana	160
Candabhāgānādī	148
Candassa upakkilesā	162
Campakapupphapūjāya phalaṃ	150
Citaka	133
Cīvaradānassa ānisaṃsā	223
Cundattherassa pubbakammaṃ	76
Cūḷapanthakattherassa pubbakammaṃ	8-12
Cūḷapanthakatthero aggo abhi- nimminantānaṃ cetovivatta- kusalānañca	10
Cetiyaḅharapūjāya phalaṃ	156

Padānukkamo	Piṭṭhaṅko
[Ca]	
Cetiyaḅpūjāya ānisaṃsā	12, 14
Cetiye jīvamānakabuddhassa viya pūjā	1
Cetiye dhajapūjāya phalaṃ	75
Coḷakantāra	46
[Cha]	
Chatta	154
Chattavimānapūjāya phalaṃ	172
Chattātichatta	154
Channo	55
Chabbaṇṇabuddharasmi	222
Chavasīsajānanamanta	254
[Ja]	
Jaṅghā	38
Jambuphaladānassa ānisaṃsā	207
Jarākantāra	46
Jalaja	186, 302
Jātikantāra	46
Jāti duvidhā	264
Jātisumanapuppha	155
Jātisumanapupphapūjāya phalaṃ	123-4, 154
Jeṭṭhapuṅgavā cattāro	91
[Ña - Ṭha]	
Ñāṇapūjāya phalaṃ	146
Ṭhitañjaliyattherassa pubbakammaṃ	104

Padānukkamo	Piṭṭhaṅko
[Ta - Tha]	
Takkarā	209
Tikicchanaṣṣa ānisaṃsā	184
Tiṇasaṅṭharadānaṣṣa phalaṃ	70, 101
Tiṇasaṅṭharadāyakaṭṭheraṣṣa pubbakammaṃ	101
Tiṇasūlapupphapūjāya phalaṃ	166
Tipadumiyatṭheraṣṣa pubbakammaṃ	105
Timirapuppha	106
Timirapupphapūjāya phalaṃ	105
Timirapupphiyatṭheraṣṣa pubbakammaṃ	106
Tivarā	187
Tisaraṇagamaniyatṭheraṣṣa pubbakammaṃ	39
Tissa	171
Tūriyagaṅḍhadīpādīpūjāya phalaṃ	133
Tevāciko upāsako paṭṭhamaṃ loke	273
Thutivacanaṇivedakassa phalaṃ	140
Thūpa	154
Thūpapūjāya phalaṃ	12-4, 135
Thūpo sattayojaniko	244, 297
Thomaṇāya phalaṃ	52, 129
[Da]	
Dabba	228
Dabbo Mallaputto senāsana- paññāpakānaṃ aggo	229
Dānaṣṣa ānisaṃsā kaṇaṇaddhikādīnaṃ	300

Padānukkamo	Piṭṭhaṅko
[Da]	
Dāyajjaṃ me samaṇa dehi	266
Dijā cattālīsa	210
Dibbakakkārupupphapūjāya phalaṃ	164
Dibbamandāravapupphapūjāya phalaṃ	165
Dibbatṭhapūjāya phalaṃ	94, 128
Divā	173
Divāvihāra	173
Dīghāyukabuddhānaṃ uposathakālo	48
Dīpadhūpapupphagaṅḍhapūjāya phalaṃ	1
Dīpā cattāro	7, 114, 166
Duggatasakkāra	247
Dubbhikkhakantāra	46
Dussadānaṣṣa ānisaṃsā	115
Deyyadhamma	41
Devā	164
Desanākāle vikkhittacittassa ādīnavā	33
Desanā nānāyā	197
Dohaḷa	268
Dvāravatīnagara	186
[Dha]	
Dhajaḍāyakaṭṭheraṣṣa pubbakammaṃ	84
Dhajapūjāya phalaṃ	38, 163
Dhaññaṇavatī	141-2
Dhammaṃ desetha upagatānaṃ	226
Dhammaṃ passanto maṃ passatī	214
Dhammacakkadānaṣṣa phalaṃ	64
Dhammacakkikaṭṭheraṣṣa pubbakammaṃ	64

Padānukkamo	Piṭṭhaṅko
[Dha]	
Dhammathomanāya phalaṃ	146
Dhammadassī	155
Dhammasavanassa ānisaṃsā	151
Dhammesu cittapasādanassa ānisaṃsā	112
Dharaṇī	131
Dharaṇīruhapādapa	191
Dhātupūjāya phalaṃ	294-5
Dhuvabhattena te ahaṃ	278
Dhūpadāyakkattherassa pubbakammaṃ	42
Dhūpapūjāya ānisaṃsā	42
[Na]	
Nagara	142
Nadī	147
Nandattherassa pubbakammaṃ	5-7
Nandatthero aggo indriyesu guttadvārānaṃ	6
Nandatthero kacchapo Atthadassibuddhakāle	5
Namakkārānaṃ aṅgāni pañca aṭṭha	117, 121
Namassanassa ānisaṃsā	169
Narakādīdukkhānaṃ anubhavanakāraṇāni	249
Naḷa	125
Nāgapupphakesarapūjāya phalaṃ	127
Nāgapupphapūjāya phalaṃ	167
Nāgarājānaṃ dānāni	270
Nāgasamālattherassa pubbakammaṃ	97

Padānukkamo	Piṭṭhaṅko
[Na]	
Nānāpupphapūjāya phalaṃ	88
Nārada	151
Niccasilāni pañca	190
Nipannañjalikattherassa pubbakammaṃ	108
Nipannañjalikammaṃ ānisaṃsā	107
Nipannaṭṭhānādīsu sugandha- meva vāyi parinibbānā	270
Nibbāna	121
Nirabbuda	198
Nirudakakantāra	46
Nisabhājāniya	122
Nisabho gavasahassa- jeṭṭhako	91, 193
Nisseṇi	155
Nisseṇidānassa ānisaṃsā	178
Nihitadhātugabbhapūjāya phalaṃ	153
Nepakkaṃ vuccati paññā	17
Nemitta	136
[Pa]	
Paccāgamaniyattherassa pubbakammaṃ	89
Paccuggamanassa ānisaṃsā	194
Pacchimabhavika	26
Pañca-uppalahatthapūjāya phalaṃ	71
Pañcadīpakattherassa pubbakammaṃ	83
Pañcasīlasamādāniyattherassa pubbakammaṃ	40
Pañcasīlassa ānisaṃsā	40
Pañcahatthiyattherassa pubbakammaṃ	71

Padānukkamo	Piṭṭhaṅko
[Pa]	
Paṇḍarapulinadānassa	
ānisaṃsā	176
Paṇṇasantharadānassa	
ānisaṃsā	119
Patthanāya ānisaṃsā tasmim	
tasmim aggaṭṭhāne	213, 217, 226, 229, 232, 238, 240, 252
Padacetiye vandanapūjāya	
ānisaṃsā	98
Padasaññakattherassa	
pubbakammaṃ	98
Padīpapūjāya phalaṃ	182
Padumaṃ nāma cetiyaṃ	54
Paduma	170
Padumacchadanīyattherassa	
pubbakammaṃ	71-2
Padumattherassa	
pubbakammaṃ	84
Padumapupphapūjāya phalaṃ	105, 113, 145
Padumaphaladānassa ānisaṃsā	142
Pabbata	110, 145, 165
Parappasādakattherassa	
pubbakammaṃ	90
Parinibbutabuddhacitakaṃ	
padumapupphapūjāya	
ānisaṃsā	71
Parodhaka	153
Pallaṅka	161
Pallaṅkapūjāya phalaṃ	161
Pavara	121
Pāṭali	118
Pāṭalipupphapūjāya phalaṃ	103

Padānukkamo	Piṭṭhaṅko
[Pa]	
Pāṭalipupphiyattherassa	
pubbakammaṃ	102-3
Pāṭihāriyāni pañca	278, 280
Pādapa	131
Pānīyadānassa ānisaṃsā	180
Pāragū	143
Pāricchattakapuppha	194
Pāvacaṇa	200
Pāsāda	16, 140
Pāsādā tayo	271
hemantiko	271
gimhiko	271
vassiko	271
Piṭaka	159
Piṭṭhipāsāṇassa pamāṇaṃ	
gayāsīse	242
Piṇḍapātadānassa phalaṃ	82, 100
Piyadassī	156
Piyālapupphapūjāya phalaṃ	187
Piyālaphaladānassa	
ānisaṃsā	153
Pilindavacchattherassa	
pubbakammaṃ	12, 202
Pilindavacchatthero aggo	
devatānaṃ piyamaṇāpānaṃ	13
Piṭhadānassa ānisaṃsā	115
Puññakiriyāya sahāyakkiccam	301
Puññakkhette vuttadānassa	
phalaṃ	80
Punnāgapupphapūjāya phalaṃ	168
Puppha	123

Padānukkamo	Piṭṭhaṅko
[Pa]	
Pupphacaṅkoṭiyattherassa	
pubbakammaṃ	96
Pupphacchattadānassa ānisaṃsā	11
Pupphapūjāya phalaṃ	107, 108, 112, 117, 148, 181, 191
Pupphasantharaṇapūjāya bhojana- dānassa ānisaṃsā	141
Pupphāsanam tigāvutaṃ	
aggasāvakaṇaṃ	32
aḍḍhayojanādibhedam	
Bhikkhūnam	33
usabhamattam	
saṃghanavakassa	33
yojanappamaṇam Buddhānam	32
Pubbavāsana	138
Purāṇapulinam vālukam	
chaḍḍetvā suddham pulinam	
ākiri	43
Pulina	143-4
Pulinacetiye	
vanapupphapūjāya ānisaṃsā	87
Pulinapūjakattherassa	
pubbakammaṃ	43
Pulinapūjāya ānisaṃsā	43
Pūjārahā puggalā	114
Pūvakhajjakādidānassa	
ānisaṃsā	171
Pokkharāṇī	296
Pokkharavana	113
Pokkharā	113

Padānukkamo	Piṭṭhaṅko
[Pha]	
Phaladāyakattherassa	
pubbakammaṃ	111
Phalāphaladānassa	
ānisaṃsā	70, 111
Phussa	174
[Ba]	
Bandhujīvakapuppha	162
Bandhujīvakapupphapūjāya	
phalaṃ	162
Bandhumā	200-1
Bandhū	176, 200
Bahimaṇḍalam	60
Bākulattherassa	
pubbakammaṃ	204
Bārāṇasiyā byuppatti	242
Bāhiyo dārucīriyo	
khippābhiññānam aggo	238
Bimbijālakapupphapūjāya	
phalaṃ	189
Biḷali-āluvadānassa	
ānisaṃsā	191-3
Biḷalidānassa ānisaṃsā	127
Bījanidānassa ānisaṃsā	77, 125
Bījanī	126
Bījamiñjadānassa ānisaṃsā	209
Buddhathomanāya phalaṃ	78, 91, 143, 150
Buddhapūjāya phalaṃ	136, 138
Buddha,rājavarasānam	
paveṇī	265
Buddhasaññakattherassa	
pubbakammaṃ	99
Buddhārammaṇapītiyā	
phalaṃ	149, 153
Buddhena saha nava bhikkhū	19
Bodhi	113, 196

Padānukkamo	Piṭṭhaṅko
[Ba]	
Bodhipūjāya phalaṃ	80, 83, 86, 158, 163
Bodhisattena sahaḷāṭṭā satta	55, 257
Byādhikantāra	46
Brahmabandhu	269
[Bha]	
Bhagavato vasaṇaṭṭhānaṃ cetiyaṇṭi vuccati	54
Bhagavato sarīrapūjāya phalaṃ	299
Bhagavā viharati yasmiṃ,so udakena anottaḷaḷo	284
Bhaddakappo	268
Bhavana	274
Bhāḡineyyupālittherassa pubbakammaṃ	66
Bhāḡineyyupālitthero vinaye tikhiṇapaṇṇānaṃ aggo	66-7
Bhāṇuma	128
Bhikkhā	121
Bhikkhādānaṃ āṇisaṃsā	189
Bhisāluvādānaṃ phalaṃ	100
Bhisāluvādāyakaṭṭherassa pubbakammaṃ	100
Bhūtā	145
Bhūmaṭṭhadevatā	133
Bhesajjādānaṃ āṇisaṃsā	203
Bhojanasāladānaṃ phalaṃ	63-4

Padānukkamo	Piṭṭhaṅko
[Ma]	
Maggāṃ samaṃ karaṇassa āṇisaṃsā	159
Maggācikkhaṇassa āṇisaṃsā	134
Majjhemaṇḍalaṃ	60
Maṇcādidānaṃ phalaṃ	72, 79
Maṇjetṭhipuppapūjāya phalaṃ	190
Maṇi	156, 183
Maṇipallaṅkapūjāya phalaṃ	183
Maṇḍakappo	268
Maṇḍapadānaṃ āṇisaṃsā	185
Maṇḍalāṇi tīṇi	60
Madhudānaṃ āṇisaṃsā	60-1, 118
Madhu, bhisamuḷāla, sappi, khiṇādānaṃ āṇisaṃsā	295
Madhurassara	120
Mantadhara	143
Mantaparivāra	255
Mantapāragū	167
Maraṇakantāra	46
Mahāisi	193
Mahākaccāṇaṭṭherassa pubbakammaṃ	53
Mahākaccāṇo atthaṃ vibhajaṇṭānaṃ aggo	213
Mahākaccāyaṇaṭṭherassa pakaraṇāṇi tīṇi	213
Mahākappinaṭṭherāṇaṃ arahattaṭṭatā	225
Mahākappino bhikkhu- ovādakāṇaṃ aggo	226

Padānukkamo	Piṭṭhaṅko
[Ma]	
Mahākoṭṭhiko	
paṭisambhidāppattānaṃ aggo	240
Mahā, cūḷagandhāravijjāya	
ānubhāvo	13
Mahāpajāpatigotamiyā	
sotāpatti phalapattatā	5
Mahābodhi	113
Mahābhūtagaṇālaya	145
Mahāvihārā aṭṭhārasa	229
Mahesi	6
Mātughātakammaṣṣa ādīnavā	211
Mālākāra	122
Mālāgandhavilepanapūjāya	
phalaṃ	176, 180
Māluvapupphapūjāya phalaṃ	192
Māḷa	176
Miga	104, 118, 152
Migaludda	179
Mettānisamsā ekādasa	26
Mettibhedakammaṣṣa	
ādīnavā	48
Mogharājattherassa	
pubbakammaṃ	60
Mogharājatthero aggo	
lūkhacīvaradharānaṃ	60
[Ya]	
Yakkha	135
Yakkhakantāra	46
Yāna	160
Yūthikāpupphapūjāya phalaṃ	174
Yoni	135

Padānukkamo	Piṭṭhaṅko
[Ra]	
Raṃsisaññakattherassa	
pubbakammaṃ	110-1
Raṭṭhapālattherassa	
pubbakammaṃ	19
Raṭṭhapālatthero aggo	
saddhāpabbajitānaṃ	20
Raṭṭhapālatthero	
kapaṇaddhikādīnaṃ	
mahādānaṃ adāsi	19
Raṭṭhapālatthero saṃghārāmaṃ	
adāsi	24
Raṭṭhapālatthero	
sabbaparikkhārasahitaṃ	
mahoghadānaṃ adāsi	24
Ratanattayaguṇānaṃ	
ānisamsā	222-3
Ratanattayassa sāsanaṃ	221
Ratti, divānaṃ pupphāni	179
Rattupalakalāpapūjāya	
phalaṃ	122
Ramaṇīya	201
Ramaṇiyatṭhāna	252
Rājadhānī	201
Rājā	207
Rājāyatana	133
Rāhula	15
Rāhulamātā	55
Rāhulattherassa pubbakammaṃ	15
Rāhulatthero aggo	
sikkhākāmānaṃ	16
Rāhulatthero ādāsaṃ adāsi	16
Rukkha	108, 145

Padānukkamo	Piṭṭhaṅko
[Ra - La]	
Rukkhadevatā	132
Lakuṇḍakabhaddiyassa hīnappamaṇatā	244
Lasuṇadānassa ānisaṃsā	62-3
Lasuṇadāyakattherassa pubbakammaṃ	62
Lājāpañcamapupphapūjāya phalaṃ	144
Leṇa	200
Loka	129
Lokajettha	129
Lokabandhu	160
Lokamahita	157
Lokāhuti	274
Lokiyajāti	264
Lokuttaradāyajja	266
Lobhassa ādīnavā	296
[Va]	
Vakkali	214
Vakkali saddhādhimuttānaṃ aggo	217
Vaṭaṃsakiyattherassa pubbakammaṃ	160
Vatthadānassa ānisaṃsā	6-7
Vatthadāyakattherassa pubbakammaṃ	94
Vatthadhajapūjāya ānisaṃsā	84
Vatthapūjāya phalaṃ	175
Vara	139, 140
Varakappo	268
Varamadhuramaṃsadānassa phalaṃ	93
Valayapūjāya phalaṃ	155

Padānukkamo	Piṭṭhaṅko
[Va]	
Vasabho gavasatajetthako	91, 193
Vāgīso	256
Vātābādha	298
Vātābādha-uppajjanassa kāraṇaṃ	215
Vādāropana	267
Vāḷakantāra	46
Vijjāya ānubhāvo	293
Vitthatānadī	147
Vidhūpanadāyakattherassa pubbakammaṃ	77
Vimānapūjāya phalaṃ	158
Vivarapupphapūjāya phalaṃ	188
Vivana	118
Vivaṭṭacchada	197
Visabho gavasatasahassa- jetthako	91, 193
Visālamāḷa	151
Vihārā cattāro	166
Vihārānumodana	24
Vedā	143
Vesārajjañāṇāni cattāri	256
[Sa]	
Samvegajananassa ānisaṃsā	134
Samghupaṭṭhahanassa ānisaṃsā	184
Saṃsāarakantāra	46
Sakacintaniyattherassa pubbakammaṃ	87
Sakaṇṇikasālapupphapūjāya phalaṃ	152
Saka, parasamayakusala	141

Padānukkamo	Piṭṭhaṅko
[Sa]	
Saṅkappaṃ pūressāmiṣṣa	263
Saṅkha	120
Saṅkhasaddapūjāya phalaṃ	120
Saṅgahavatthūni cattāri	175
Saṅgāma	130
Sataraṃsi	127-8
Sataraṃsitttherassa	
pubbakammaṃ	78
Sattalipupphapūjāya phalaṃ	189
Sanniṭṭhāpakattherassa	
pubbakammaṃ	70
Saparivārāsanattherassa	
pubbakammaṃ	82
Sappiteladānassa ānisaṃsā	173
Samaṇa	106
Samudda	274
Sampattiyo dve	7
Sayanadāyakattherassa	
pubbakammaṃ	72, 79
Saraṇagamanassa ānisaṃsā	39,
	130
Sarīradhātu ekaghanasilāmaya-	
paṭimā viya ekameva	299
Salalamālāpūjāya phalaṃ	289
Salalapupphapūjāya phalaṃ	160
Sāgatatttherassa pubbakammaṃ	52
Sātakadānassa ānisaṃsā	192
Sādarākārā	11
Sāmukkaṃsikā	
dhammadesanā	272
Sārakappo	268
Sāramaṇḍakappo	268

Padānukkamo	Piṭṭhaṅko
[Sa]	
Sārīrikacetiye pāṭali-	
pupphapūjāya ānisaṃsā	98
Sālapupphapūjāya phalaṃ	89
Sāvaka	135
Sikkhāpadāni pañca	40
Sikhā vuccati cūḷā	108
Sineru aṭṭhasaṭṭhiyojana-	
satasahassubbedho	32
Sīvali	248
Sīvalitttherassa arahatta-	
phalapattatā	249
Sīvalitthero aggo lābhīnaṃ	252
Sihāsana	181
Sihāsanadānassa ānisaṃsā	
	126
Sihāsanadāyakattherassa	
pubbakammaṃ	1-3
Sugatānugatamagga	107
Sugandhacandanapūjāya	
phalaṃ	74, 147
Sugandhodakosiṅcanassa	
ānisaṃsā	140
Sucintitattherassa	
pubbakammaṃ	93
Sudassana	124
Suddhodanamahārājā	
sakadāgāmi phalaṃ pāpuṇi	5
Sotāpatti phalaṃ pāpuṇi	5
Sudhāpiṇḍadānassa cetiye	
ānisaṃsā	114
Subhaddattherassa	
pubbakammaṃ	73

Padānukkamo	Piṭṭhaṅko
[Sa]	
Subhūtitttherassa pubbakammaṃ	31
Subhūtittthero aggo araṇavihārīnaṃ dakkhiṇeyyānaṅca	35
Sumaṅgalattherassa pubbakammaṃ	28
Sumanattherassa pubbakammaṃ	96
Sumanapupphapūjāya phalaṃ	123
Suvaṇṇapupphapūjāya phalaṃ	132
Suvaṇṇiṭṭhakapūjāya ānisaṃsā	53-4
Susumārassa dānaṃ	44
Sūcidānassa ānisaṃsā	102, 116
Sūcidāyakattherassa pubbakammaṃ	102, 116

Padānukkamo	Piṭṭhaṅko
[Sa]	
Setacchatta	24
Sereyyapuppha	137
Sereyyapupphapūjāya phalaṃ	137
Soṇakoṭivīsatttherassa pubbakammaṃ	199
Soṇakoṭivīsatttherassa pubbakammaṃ	67
Sopākatthero adāsi pupphāsaṇaṃ	27
[Ha]	
Harītakaphārusakaphaladānānaṃ phalāni	193

Apadānaṭṭhakathāya dutiyabhāge

Nāmānaṃ anukkamaṇikā

Nāmānukkamo	Piṭṭhaṅko	Nāmānukkamo	Piṭṭhaṅko
[A]		[A - Ā]	
Aggaseṭṭhi	199	Avopupphiyatthera	88
Aṅga (raṭṭha)	279, 280	Asanabodhiyatthera	85-6
Aciravatī (nadī)	249	Asokatthera	184
Aḍḍhaceḷakatthera	115	Ānanda (thera)	51-2, 250, 290, 303
Atichattiyatthera	153	Ānanda (Paccekabuddha)	189
Atthadassī (Buddha)	5, 60, 171	Āyāgadāyakatthera	63
Atthasandassakatthera	150	Āsanupaṭṭhāhakatthera	126
Adhimuttatthera	61	Āḷavaka (yakkha)	130
Adhopupphiyatthera	108-9	[I - U]	
Anāthapiṇḍika	34-5	Inda (cakkavattirājā)	3
Anupiya	289	Ugga (nagara)	51
Anupiyānagara	228	Ucchaṅgapupphiyatthera	208
Anulepadāyakatthera	158	Ujjenī (raṭṭha)	54, 213
Anojādevī	220-1, 225	Uttama (cetiya)	197
Anotattadaha	101, 201, 209, 233, 280	Uttarakuru	7, 166, 233, 280
Anomadassī (Buddha)	40, 67, 158	Uttaramāṇava	292
Apara-uttaratthera	249	Uttarasāmaṇera	291-2
Aparagoyāna	7, 166	Uttiya	44
Abhaya (brāhmaṇa)	267	Uttiyatthera	44
Abhayatthera	266	Udakapūjakatthera	124
Abhibhū (thera)	108-9	Udapānadāyakatthera	179
Abhisammataka (yakkhasenāpati)	38, 298	Udāyi	55-6, 257
Ambadāyakatthera	94-5	Udenatthera	207
Aruṇavatī (nagara)	187	Upacēḷa (cakkavattirājā)	7

Nāmānukkamo	Piṭṭhaṅko
[U]	
Upavānatthera	38, 297-8-9
Upavānamāṇava	38, 298
Upasivatthera	206
Upasena	18
Upālithera	66, 229, 231
Uppalavaṇṇātherī	225
Uppalahatthakatthera	122
Umāpupphiyatthera	157
Uruvela	75, 241, 282-3
Uruvelakassapa (isi)	241-2
Uruvelakassapa (jaṭila)	276, 279, 280
Uruvelakassapatthera	241
[E - O]	
Ekañjalikatthera	45
Ekadīpiyatthera	182, 208
Ekapasādaniyatthera	151
Ekasaññakatthera	100
Ekāsaniyatthera	131
Opavayhatthera	81
[Ka]	
Kakusandha (Buddha)	289
Kakkārupupphapūjakatthera	164
Kaṅkhārevatatthera	245
Kaccānatthera	53
Kaccānamāṇava	54
Kaccāyanamāṇava	213
Kaṅcanamāṇava	54, 213

Nāmānukkamo	Piṭṭhaṅko
[Ka]	
Kaṇaverapupphiyatthera	170
Kaṇikārachattiyatthera	172
Kaṇḍaka (assa)	55, 257
Kadambapupphiyatthera	165
Kapilavatthu	5, 55-8, 66, 257, 264, 268, 289
Kapparukkhiyatthera	65
Kappinatthera	218
Kassapa (Buddha)	2, 34, 48, 53, 75, 199, 203, 267-8, ādipiṭṭhesu
Kāḷigodhā	68-9
Kāḷudāyitthera	55, 257
Kāḷudāyī (amacca)	257, 267
Kimilatthera	289
Kimilamāṇava	289
Kukuttha (pakkhī)	168
Kukkuṭa (pabbata)	165
Kukkuṭavatī (nagara)	220
Kuṭajapupphiyatthera	185
Kuṇḍadhānatthera	47, 50-1
Kumāarakassapa	228, 233
Kumāarakassapatthera	230-1
Kumudadāyakatthera	168
Kumudamāliyatthera	177
Kuru (raṭṭha)	20, 301
Kuvera (yakkha)	130
Kusumāsaniyatthera	141
Kelāsakūṭa	209
Koṭi (gāma)	295
Koṭṭhika	240

Nāmānukkamo Piṭṭhaṅko

[Ka - Kha]

Koṇḍañña (Buddha)	178
Korabya (rājā)	21-4
Kosambī	18, 203
Kosala (rājā)	28, 50, 231, 298
Kosiya (Paccekabuddha)	209
Koḷivisatthera	67
Khajjakadāyakatthera	170
Khaṇḍatthera	100-1
Khaṇḍaphulliyatthera	186
Khadiravanियarevatatthera	250-51
Kharaloma (yakkha)	130
Khoma (raṭṭha)	6
Khomadāyakatthera	46-7

[Ga]

Gaṅgā (nadī)	241, 295
Gaṇṭhipupphiyatthera	144
Gatasaññakatthera	106
Gandhamādana (pabbata)	199, 250
Gandhamāliyatthera	117
Gandhāra (raṭṭha)	233
Gandhodakiyatthera	80, 139
Gayā	288
Gayākassapa (isi)	241, 275, 288
Gayākassapatthera	288
Gayāsisa	242, 286
Gijjhakūṭa	200, 214-5
Girimānandatthera	204

Nāmānukkamo Piṭṭhaṅko

[Ga - Ca]

Girimānandamāṇava	205
Gotama (Buddha)	7, 13, 19, 20, 34-ādipiṭṭhesu
Gotamakacetiya	54
Caṅkamanadāyakatthera	73
Caṇḍapajjota (rājā)	54, 213
Candana (devaputta)	267
Candana (Paccekabuddha)	190
Candana (brāhmaṇa)	267
Candanapūjanakatthera	147
Candabhāgā (nadī)	44, 105, 147-8-ādipiṭṭhesu
Campakapupphiyatthera	149
Campā (nagara)	199
Citakapūjakatthera	132
Cittakūṭa	209
Cittalatāvana	252
Citra (kokila)	244
Cundatthera	76
Cundamāṇava	76
Cūḷapanthaka	8, 9, 10, 12
Cūḷapanthakatthera	8, 9
Ceḷa (cakkavattirājā)	7

[Cha - Ja]

Chaddantadaha	101
Channa (amacca)	55, 257
Jatukaṇṇitthera	207
Jambudīpa	7, 148, 166
Jātipūjakatthera	136

Nāmānukkamo	Piṭṭhaṅko
-------------	-----------

[Ja - Ña - Ṭha]

Jīvaka	8, 9, 10
Jetakumāra	35
Jetavana	38, 225
Ñāṇasaññikatthera	121, 143
Ṭhitañjaliyatthera	103

[Ta]

Takkara (nagara)	209
Takkasila	233
Tambapupphiyatthera	163
Tikicchakatthera	183
Tiṇasantharadāyakatthera	101
Tiṇasūlakatthera	166
Tipadumiyatthera	104
Tipupphiyatthera	117
Timiṅgala (maccha)	211
Timirapupphiyatthera	105
Tivara (nagara)	175
Tissa (Buddha)	85-6, 170-1
Tissametteyyatthera	205
Todeyyatthera	207

[Tha - Da]

Thambhāropakatthera	154
Thullakoṭṭhika (nigama)	20, 301
Dabbatthera	229
Dabbamallaputtatthera	227
Dabbamallaputtamāṇava	228, 233
Dīpaṅkara (Buddha)	210
Dutiyaramsisaññakatthera	110
Dussadāyakatthera	175

Nāmānukkamo	Piṭṭhaṅko
-------------	-----------

[Da - Dha]

Devadatta	231
Devara (devarājā)	189
Devala	189
Devahita (brāhmaṇa)	298
Desapūjakatthera	171
Dvāravatī (nagara)	186
Dhajādayakatthera	84
Dhaññavatī (nagara)	141-2
Dhammacakkikatthera	64
Dhammatā (nadī)	5
Dhānamāṇava	49
Dhūpadāyakatthera	42
Dhotakatthera	206

[Na]

Nandakatthera	206, 257
Nandakamāṇava	206
Nandakumāra	5
Nandatāpasa	31-2-3-4
Nandatthera	5-6
Nandamāṇava	31
Nandavana	252
Nadīkassapa (isi)	241-2, 275, 287
Nadīkassapatthera	275
Naḷamāliyatthera	125
Nāgadatta (devarājā)	250
Nāgapallavatthera	208
Nāgapupphiyatthera	168
Nāgasamālatthera	97

Nāmānukkamo	Piṭṭhaṅko
[Na - Pa]	
Nāgasamālamāṇava	98
Nāradatthera	151
Nālakagāma	18
Nipannañjalikatthera	107-8
Nisabhatthera	39, 40
Nisabha (pabbata)	36
Nisseṇidāyakatthera	178
Nerañjarā (nadī)	275
Paccāgamaniyatthera	89
Paccupaṭṭhānasaññakatthera	135
Pañcaṅguliyatthera	176
Pañcadīpakatthera	83
Pañcavaggiyatthera	242
Pañcahattiyatthera	71
Paṇḍava (pabbata)	249
Patthodanadāyakatthera	208
Padapūjakatthera	123
Padasaññakatthera	98-9
Padumacetiya	54
Padumacchadaniyatthera	71-2
Padumatthera	84-5
Padumapupphiyatthera	113
Padumapūjakatthera	144
Padumuttara (Buddha)	5, 6, 8, 10, 11, 12, 15, 16-ādipiṭṭhesu
Parappasādakatthera	90-1
Pallaṅkadāyakatthera	161
Pāṭalipupphiyatthera	102
Pāyasadāyakatthera	138
Piyadassī (Buddha)	28, 31, 163, 207

Nāmānukkamo	Piṭṭhaṅko
[Pa - Pha]	
Piyālaphaladāyakatthera	152
Pilindavacchatthera	12, 202
Pilindavacchamāṇava	13, 202
Pukkusāti (rājā)	228, 233
Puṇṇakatthera	206
Punnāgapupphiyatthera	168
Pupphacaṅkoṭiyatthera	96
Pupphacchadaniyatthera	148
Pupphathūpiyatthera	138
Pubbavideha	7-166
Pulinapūjakatthera	43
Phaladāyakatthera	111, 142, 159
Phussa (Buddha)	20, 110, 168, 173-4, 301-ādipiṭṭhesu
[Ba]	
Bandhujīvakatthera	161
Bandhumatīnagara	39, 175-6, 183, 203, 246
Bākulatthera	203
Bākulamāṇava	204
Bārāṇasī	199, 203, 242-9
Bāvāriya (brāhmaṇa)	61
Bāhiya	228
Bāhiyadārucīriya	232, 233, 238
Bimbisāra (rājā)	35, 200-5, 267, 298-ādipiṭṭhesu
Biḷalidāyakatthera	126
Buddhasaññakatthera	99, 133
Buddhupaṭṭhākatthera	120
Bodhisīcakatthera	112

Nāmānukkamo	Piṭṭhaṅko	Nāmānukkamo	Piṭṭhaṅko
[Bha]		[Ma]	
Bhaddajikumāra	295	Mahāparivāra-katthera	128
Bhaddajitthera	294, 296	Mahāmoggallāna-katthera	241
Bhaddiya (nagara)	295	Mahāvana	160
Bhaddiyatthera	68	Mahāsindhu (nadī)	192
Bhāgineyyupālī-katthera	66	Mahāsubhaddā	51
Bhikkhādāyaka-katthera	120	Mātaṅga (hatthī)	196
Bhisadāyaka-katthera	92	Migadāya (vihāra)	249
Bhisāluvadāyaka-katthera	100	Muṭṭhipupphiyatthera	123
Bhūtagaṇa (pabbata)	166	Megha (brāhmaṇamāṇava)	210
[Ma]		Metta-gutthera	206
Magadha (raṭṭha)	275, 279, 280, 292	Mettiya (bhikkhunī)	229
Maggadattika-katthera	181	Mettiyabhūma-jaka	228-9
Maggadāyaka-katthera	158	Metteyya (Buddha)	268
Maggasañña-katthera	134	Mogharāja (brāhmaṇa)	61
Mañcadāyaka-katthera	208	Mogharāja-katthera	60
Maṇipūjaka-katthera	182	[Ya]	
Madda (raṭṭha)	220	Yamunā	203
Madhupiṇḍika-katthera	118	Yasa (māṇava)	271-2-3
Madhumāmsadāyaka-katthera	208	Yasakulaputta	242
Madhurassaratthera	120	Yasatthera	270
Mandāravapupphapūjaka-katthera	165	Yasodharādevī	15
Malla (raṭṭha)	228	Yāgudāyaka-katthera	208
Mahākaccāna-katthera	54, 212	Yūthikāpupphiyatthera	174
Mahākappina-katthera	225	[Ra]	
Mahākappina (rājā)	220, 222-5	Raṁsisañña-katthera	109
Mahākassapa-katthera	269	Raṭṭhapāla-katthera	19, 300
Mahākoṭṭhika-katthera	239, 240-1	Raṭṭhapāla-māṇava	20, 301
Mahāpajāpatigotamī	5	Raṭṭhapāla-seṭṭhi	20
Mahāpanthaka-katthera	8	Rattipupphiyatthera	179

Nāmānukkamo	Piṭṭhaṅko
-------------	-----------

[Ra - La]

Rahosaññakatthera	149
Rājagaha	13, 34-5, 55, 200-5, 267, 291-ādipiṭṭhesu
Rādhatthera	243
Rāhula (kumāra)	15-6-7
Rāhulatthera	15
Rūpasārī (brāhmaṇī)	18, 76
Reṇupūjakatthera	127
Revatatthera	250, 1-2
Romasa (pabbata)	191
Lakuṇḍakabhaddiya	244
Lakuṇḍakabhaddiyatthera	243
Lasuṇadāyakatthera	62
Licchavirājakumāra	290
Lomasakaṅgiyatthera	267

[Va]

Vakkalitthera	214-5
Vakkalimāṇava	214
Vaṅḡisatthera	253-4-5
Vajjiputtatthera	290-1
Vajjirājaputta	290
Vaṭṭasakīyatthera	160
Vatthadāyakatthera	94
Vanavacchatthera	268
Varuṇa (cakkavattirājā)	3
Varuṇa (devarājā)	131
Vasabha (pabbata)	149
Vassakāra (amacca)	292
Vijaya (rājā)	207

Nāmānukkamo	Piṭṭhaṅko
-------------	-----------

[Va]

Vitthatā (nadī)	146-7
Vidhūpanadāyakatthera	77
Vipassī (Buddha)	39, 112, 128-ādi
Vibhītakamiñjiyatthera	208
Visākhā (upāsikā)	252
Vīthisammajjakatthera	163
Vedikārakatthera	155
Veyyāvaccakaratthera	119
Vesālī	40, 290
Vessabhū (Buddha)	149, 150, 173
Vessavaṇa (devarājā)	134
Veḷuvana	55, 229, 251

[Sa]

Samghupaṭṭhākatthera	184
Sakacintaniyatthera	87
Sakka (devarājā)	278-9, 280-1-ādipiṭṭhesu
Sataramsī (cakkavattirājā)	78
Sataramsittthera	78
Saddasaññakatthera	111
Sanniṭṭhāpakatthera	70
Saparivārāsanatthera	82
Saparivāriyatthera	156
Sappidāyakatthera	173
Sabhiya	228
Sabhiya (paribbājaka)	233
Samādapakatthera	175
Sammukhāthavikatthera	140
Sayanadāyakatthera	72-9

Nāmānukkamo	Piṭṭhaṅko
[Sa]	
Saraṇagamaniyatthera	130
Sahampati (brahmā)	279
Sākala (nagara)	220
Sāgatatthera	52-3, 135
Sānukūṭa	209
Sāradassī	226
Sāriputtatthera	76-7, 248, 250
Sālapupphadāyakatthera	152
Sāvatti	25-8, 34-5, 38-9, 100, 164, 248-ādipiṭṭhesu
Sikhī (Buddha)	88, 146-7, 288
Siddhattha (Buddha)	1, 3, 25, 27, 41, 65, 157, 270-ādi
Sindhu (nadī)	89, 90
Sivaka	297
Sivakatthera	297
Sīvalikumāra	248
Sīvalitthera	245, 250-2
Sīhaḷadīpa	303
Sīhāsanadāyakatthera	180
Sugandhatthera	269
Sugandhadevaputta	269
Sugandhamāṇava	270
Sucintitatthera	93, 115
Suciloma (yakkha)	130
Sujātā (setṭhidhītā)	271
Sudassana (mālākāra)	124
Sudassanatthera	146
Suddhodanamahārājā	5, 15, 17, 55, 257-ādipiṭṭhesu

Nāmānukkamo	Piṭṭhaṅko
[Sa]	
Sudhāpiṇḍiyatthera	114
Sunanda (brāhmaṇa)	148
Supācariyatthera	169
Suppavāsā	247-8
Suppāarakapaṭṭana	233-4
Subhaddatthera	73
Subhūti	34
Subhūtittthera	31
Sumaṅgalatthera	28, 129
Sumaṅgalamāṇava	28
Sumana (cakkavattirājā)	3
Sumana (mālākāra)	96
Sumanatthera	95
Sumanasetṭhi	34
Sumedha (tāpasa)	211
Sumedha (paṇḍita)	210
Sumedha (upaṭṭhākasāvaka)	14
Sumedha (Buddha)	12, 14, 53, 71, 160, 270, 291-ādipiṭṭhesu
Suvaccha (Brāhmaṇa)	167
Suvaṇṇapupphiyatthera	132
Suvaṇṇabhūmi	233
Sūcidāyakatthera	102, 116
Senāsanadāyakatthera	119
Sereyyakatthera	137
Selabrāhmaṇa	90
Soṇakoṭivīsattthera	199
Soṇakoṭivīsattthera	67

Nāmānukkamo	Piṭṭhaṅko	Nāmānukkamo	Piṭṭhaṅko
[Sa]		[Ha]	
Soṇamāṇava	199	Haṃsavatī (nagara)	5, 12-7, 202, 243-ādipiṭṭhesu
Sopākatthera	25	Hitadassī	226
Sopākamaṇava	26	Himavanta	11, 31-6, 62, 70, 138, 142-3-ādipiṭṭhesu
Sobhita (Buddha)	209	Hemakatthera	207
Sobhita (brāhmaṇa)	52, 53		
Sobhitatthera	146		

Apadānaṭṭhakathāya dutiyabhāge

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kaṃ = Kambojapotthakaṃ, I = Inḡalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho.

Nānāpāṭhā

Piṭṭhaṅkā

[A]

Akkamanatthāya = Atikkamanatthāya (Sī)	195
Agopayinti pāṭhe = Agopayintipi pāṭho (I)	289
Aggaṭṭhāneva = Aggaggāneva (Sī)	222
Aggamaggena = Aggadvārena (Ka)	292
Aggasetṭhissa = Upasetṭhissa (Am-Ṭṭha 1. 183), Usabhasetṭhissa (Thera-Ṭṭha 2. 228 piṭṭhe)	199
Aṅgato = Aṅgito (?)	68
Añjanīva navā = Añjanīvaṇṇavā	21
Atthānatthaminanaparicchinnamatiyā = Suparisuddhāya matiyā (Sī)	216
Athassa sā puñṇavīmaṃsanattham = Athassā taṃ puñṇavīmaṃsanattham (Sī)	247
Anugītiṃ = Anuthutiṃ (Ka)	21
Anupīyanagare = Rājagehe (I, Ka)	228
Anojapupphamocinitvā = Puppham okiritvā (Sī)	96
Antogataṃ = Antogadham (Ka)	26
Aparacchā nāma = Aravacchā (Sī)	222
Aparena = Āsanne (Sī)	130
Abbhutṭhāsi ca caṅkameti = Abbhutṭhāsim ca caṅkame (Sī), Abbhutṭhāhiya caṅkame (Pāḷi)	88
Amhākaṃ = Ammā (Sī, Ka)	224
Arañṇapīti = Arañṇarati (Ka)	251
Arañṇāvāse = Arañṇāvāsam (Sī)	112

Nānāpāṭhā

Piṭṭhāṅkā

[A]

Ariyagabbhaṃ = Ācariyagabbhaṃ (Sī)	18
Assumukho rodituṃ āraddho haṭṭhatuṭṭhova = Assumukhova hasituṃ āraddho, haṭṭhatuṭṭho (Am-Ṭṭha 1. 193 piṭṭhe)	248
Ahaṃ puna antaraṃ antarābhava majjhe = Ahaṃ puna antarā vemajjhe (Sī)	211

[Ā]

Āgacchantāmyeva naṃ = Āgacchantassevassa (Am-Ṭṭha 1. 204 piṭṭhe)	48
Āgāriyaṃ = Agāriyaṃ (Sī, Ka)	107
Āpāṭalim = Apāṭalim (Pāli)	97
Āmantetvā = Nivattetvā (Ka)	252
Ārādhetvā = Ārocetvā (I)	69
Āvāhetvā = Āvisāpetvā (Sī)	254
Āsayānusayacaritādhimutti-ādivibhāgāvabodhena = ...vabodhane (Sī)	264

[I]

Iddhiyā = Iddhimayaṃ (Ka)	9
Imamhi Bhaddake kappeti-ādikaṃ = Imamhi Bhaddakappamhi (I)	267

[U]

Ukkaṇṭhitabhikkhū = Uddhatabhikkhū (Sī)	251
Uṭṭhāsi = Uṭṭhāsim (Sī)	88
Uttiya = Uttariya (Sī)	44
Udakena na otthaṭo = Udakena otthaṭo (Ka)	284
Uppajjanti = Nippajjanti (Sī)	247
Uppannattā = Uppanno (Sī)	178
Ubhinnaṃ devarājūnanti ādimāha = Ubhinnaṃ devarājūnanti āha (?)	130

Nānāpāṭhā

Piṭṭhaṅkā

[E]

Ekantapasīdanavasena = Etampi siddhivasena (Sī)	
Ekappasiddhivasena (I)	91
Ekamantaṃ = Ekamante (Sī)	32
Ekasmiṃ = Aññatarasmiṃ (Sī)	113
Evamividhabhāvaṃ = Evaṃ visabhāgaṃ (Ka),	
Evam viraddhabhāvaṃ (Ka)	48

[Ka - Kha]

Kakusandhassa Bhagavato = Kakudhassa Bhagavato (?)	189
Kaṇṇikā bandhā = Kaṇṇikā gandhā (Ka)	261
Karitvā = Kāretvā (Ka)	199
Karissāmāti = Karissathāti (Dhammapada-Ṭṭha 1. 354 piṭṭhe)	221
Kalahādibhayā dukkhitā jātā = Kalahā vivādā ca dubbhikkhajātā (Sī)	303
Kāyaviññāṇa = Kāyaviññāṇena (Sī)	104
Kālaṃ natthitāya = Pūjetukāmatāya (?)	137
Kāḷakārāma = Kālakārāma (I)	294
Kusaladhamme = Kusalakamme (Sī)	92
Kharājīnacamma = Khurājīnacamma (Ka), Sakhurājīnacamma (?)	111
Khujjakāsita = Uddākāsita (Ka)	28

[Ga - Ca - Cha]

Gatoti = Gatāti (Sī)	221
Gahanañhi atthi, na rukkhamūlaṃ, rukkhamūlañca atthi, na gahanaṃ =	
Gahanañhi atthi rukkhamūlaṃ na rukkhamūlañca atthi gahanaṃ (Ka)	290
Gahanībhūtoti = Gahaṇabhūtoti (Sī)	102
Gumbasamīpato = Gumbassa bhāgato (Ka)	48
Caramānaṃ = Jotamānaṃ (Sī)	122
Cittajātā = Cittā (Sī)	105
Citrakokilo = Cittapattakokilo (Thera-Ṭṭha 2. 126 piṭṭhe)	244
Chādetvā = Sādhētva (Sī)	18

Nānāpāṭhā

Piṭṭhaṅkā

[Ja]

Jālapacchannā = Jālasañchannā (I)	15
Jālayuttana = Jālasuttana (Sī)	217
Jitasabbamāraṃ = Jitapañcamāraṃ (I)	75
Jeṭṭhakabhāgassa = Jeṭṭhakabhāvassa (Sī)	247
Jotamāne = Jotiyamāne (?)	84

[Ta]

Tajjaṃ = Tādisaṃ (Ka)	55
Tadā = Tato (Sī, I)	7
Tapparo = Parāyaṇo	216
Talena = Pāleti (Sī, Ka)	118
Timsayojanamaggam = Aṭavimaggam (I, Ka) Am-Ṭṭha 1. 178 piṭṭhe	250
Tidhā pabhinnā = Tidhamabhinnā (I)	261
Tusitabhavanamalaṃ kurumāno = Bhavanamaṅgalaṃ kurumāno (Ka)	113
Tena pīḷito = Rogapīḷito (I, Ka)	107

[Tha - Da]

Thullakoṭṭhikaṃ = Thullakoṭṭhitaṃ (Sī, Ka)	301
Daṇḍadīpikānikkhaṇṭavipphurantamiva = Daṇḍadīpikāhi karavippharantamiva (Sī)	110
Duggamoti = Durāruhoti (Sī)	93
Dentā naṃ yāva na ukkaḍḍhanti = Dentānaṃ yāva na sakkonti (Sī), Dentā yāva na uṭṭhahanti (Ka)	247
Devahito = Devasito (I, Ka)	298
Domanassaṃ = Saṃvegaṃ (Sī)	134

[Dha]

Dhanuketakī = Manuketakī (Ka)	261
Dhammatāya = Vinatāya (Thera-Ṭṭha 1. 351 piṭṭhe)	5
Dhuvabhattena = Upaṭṭhāmi dhuvabhattena (Sī)	278

Nānāpāṭhā

Piṭṭhaṅkā

[Na]

Nāvādīni olokente = Rājā nadim olokento (Sī)	222
Nikkhamitvā ekarattivāsena = Nikkhamitvā sabbattha ekarattivāsena (Ka)	235
Nibbitakkā = Nirussukkā (Sī)	246
Nirantaram = Cirataram (Ka)	180
Nīlavāhā = Nīlavāhanā (Ka) Nīlavāhinī (Am-Ṭṭha 1. 248; Saṁ-Ṭṭha 2. 225 piṭṭhe)	222

[Pa]

Pacchato pacchato = Pacchato pacchato gacchantī (Sī)	48
Paṭisaṅkharāṇam = Paṭisaṅkharāṇam nāma (sabbattha)	186
Paricari = Parihari (Sī)	87
Paripuṇṇasarado = Paripuṇṇasampado (Sī)	86
Parivāritam = Bhikkhusaṅghena parivāritam (?)	97
...parivutassa = ...parivārassa (I, Ka)	20
Pasavāhī'ti = Pabhavāhīti (I, Ka)	7
Pādudhāre pādudhāracāṅkamaṇaṭṭhāne = Pādudhāre ca caṅkamaṇaṭṭhāne (Sī)	181
Pānapanti = Pāsānapanti (I, Ka)	38
Pānīyatthikā = Pivanatthikā (Sī)	101
Pātita = Bāhita (Sī)	243
Pīlesi = Pīliyi (Sī)	109
Pupphānam avakiritattā = Pupphāni ākirim, tato (Sī)	88
Pūjam = Cayam (Ka)	212
Pūritā kānane sadā = Pūritakānanāsadā (Ka)	262
Potthavaṭṭim potthachallim = Potthapaṭṭapotthajalī (Sī) Potthavaṭṭim potthajallim (I)	192

[Ba]

Baddhaṅjalipuṭam = Baddhaṅgulipuṭam (Ka)	29
Balavasnehāya = Phalavisesāya (Sī)	162
Bījissati jinissati = Vījiti visesena jinoti (Sī)	126

Nānāpaṭhā

Piṭṭhaṅkā

[Ba]

Buddhañca aṭṭhaṅganamakkāraṃ akāsi = Buddhaṃ vanditvā patthanañcākāsi (Sī)	117
Byāmapabhāmaṇḍalehi = Sañcayehi (I)	125

[Bha]

Bharako = Saraṇo (I)	39
Bhāravaho = Sāravaho (I)	24
Bhindaṇabhayena = Chindaṇabhayena (Sī, Ka)	17

[Ma]

Makkhitoti = Pakkhitoti (Sī)	115
Maññe = Aññena (Ka)	298
Mayhaṃ na suṭṭhuṃ pabhātanti = Mayhaṃ atiduṭṭhu pabhātanti (Sī)	136
Mahatā = Mahā... (Sī, I)	11
Māti gaṇhāti = Māti bandhati (I, Ka)	176
Māraṇaṃ = Maraṇāya (Sī)	104
Māraṇānagganti = Samaṇanagganti (Pāli)	97
Mālādīpadumavatthā = Gandhā (I, Ka)	114
Migavadhāya = Migadāye (Sī, I)	179
Migājīnavanuyyāne = Migācīra... (Sī)	21
Muttadalaśadisaṃ = Muttajālaśadisaṃ (Sī) Muttatalaśadisaṃ (I)	73

[Ya - Ra - Va]

Yesāṃ kulūpakā vā ñāṭisāmaṇerādayo vā atthi, te tesāṃ pariveṇādīni pavisimsu = Sesajānā kulūpagānaṃ ñāṭakānaṃ sāmaṇerādīnaṃ pariveṇādīni pavisimsu (Sī)	219
Rajjase = Rañjasi (Sī)	37
Rājakumārakālaṃ = Kumārakāleyeva rājakumāraṃ (sabbattha)	136
Ruhati = Arati (?)	116
Vaṃsena = Jātivasena (Sī)	264
Vatipākāraṭṭālagopurakaddamodakaparikhāhi = Pākāraggala... (Sī)	186

Nānāpāṭhā

Piṭṭhāṅkā

[Va]

Vattha = Tattha (Sī)	187
Vara-annapānena = Madhura-annapānena (I)	41
Vallirukkha = Vasurukkha (Ka)	86
Vassasaṭṭhi = Vassasatika (Sī, I)	223
Vālo, vālavāhano = Balo, balavāhano (Dhammapada-Ṭṭha 1. 353 piṭṭhe)	220
Vibhavasampanne = Sampannena (Sī)	85
Vivane = Vipine (Pāli)	118
Visesaṃ paramatthaṃ = Visesato paramaṃ (Sī)	112
Vīro = Dhīro (Ka)	259
Vuttappakāraphalāphale = Pītisukhaṃ (Sī)	263
Veditabbaṃ = Vadanti (Thera-Ṭṭha 2. 59 piṭṭhe)	215

[Sa]

Samsāre pana = Samsaraṇena (Sī, I)	13
Sa-uttarasapacchadoti = Sa-uttarisapacchadoti (Sī)	161
Saṅkhālakena = Saṅkhalaṅkena (Sī)	217
Sacetanakiriyaṃ = Sacetanākāraṃ (I)	58
Sattalisaṅkhātāni = Pattalisaṅkhātāni (I, Ka)	189
Satta sattalipupphānīti = Satta pattalipupphānīti (I, Ka)	189
Satthuno = Satthari (Sī)	69
Sabbo janakāyo = Sabbe janakāyā (sabbattha)	69
Samaṅgiraṃ = Samaṃ (Sī)	104
Samīpe = Tīre (Ka)	292
Sambodhanatthāya = Sammodanatthāya (Sī)	131
Salalamahābodhimhi = Sālamahābodhimhi (Abhi-Ṭṭha 1. 65 piṭṭhe)	182
Saha kaṇṇikāhi = Sakāni (Sī)	168
Sākacchitvā = Mantetvā (Sī)	246
Sādaraṃ = Chādanaṃ (Ka)	11
Sāyaṃ pātaṅca = Satataṃ (Sī, Ka)	247

Nānāpāṭhā

Piṭṭhaṅkā

[Sa]

Sineho atthi = Sinehavā (Sī)	56
Simbasitulādipuṇṇasabhāve = ...pabhāve (Ka)	271
Sītodakā = Setodakā (I)	263
Suttalūkhaṃ = Vatthalūkhaṃ sibbanalūkhaṃ (Ka)	61
Supakka = Supatta (Ka)	260
Supakkaphalabhūsitā = Supattaphalagopitā (I)	260
Soṇassa koṭivīsa... = Soṇakoṭivīsa... (Vi 3. 265; Am 1. 24; Khu 2. 313 piṭṭhe)	199

[Ha]

Hasanaṃ = Cariyaṃ (Pāḷi)	236
Hīnappamāṇo = Nīcatarappamāṇo (Thera-Ṭṭha 2. 126 piṭṭhe)	244
Heṭṭhā viya = Heṭṭhāpi (I)	161

Apadānaṭṭhakathāya dutiyabhāge

Gāthāsūci

Paṭhamapādā	Piṭṭhāṅkā	Paṭhamapādā	Piṭṭhāṅkā
[A]		[U - E - O]	
Āṅgārino dāni dumā bhadante	56,	Upeti gabbhañca parañca lokam	23
	258	Ubhayeneva sampanno	15
Añjanīva navā cittā	21	Ubhinnaṃ sajotibhūtānaṃ	277
Aṭṭhāpadakatā kesā	21	Eko dve tayo	
Aḍḍhā daliddā ca phusanti		cattāro	268
phassaṃ	23	Etamādīnavamā ñatvā	24
Atha tassā rattiya		Ete samvaravinayā	253
accayena	277	Odahi migavo pāsāṃ	21
Anussaranto Sambuddham	216		
Anena lobhādimalā		[Ka - Ga]	
pajānaṃ	303	Kaṇṇikārā phullitā niccaṃ	261
Antarāye ca niyyāne	256	Kadalī pañcamocci ca	260
Appeva maṃ na viheṭṭheyya	277	Kandanti naṃ ñātī pakiriya	
Ambā panasā kapiṭṭhā ca	260	kese	22
Arahaṃ Sugato loke	298	Kāmandhā jālapacchannā	15
Alattakakatā pādā	21	Kāmā hi citrā madhurā	
Asokā koviḷārā ca	261	manoramā	23
		Kāme ādittato disvā	23
[Ā - I]		Kumbhīrā makarā kiṇṇā	263
Āṇākhettamhi sabbattha	303	Kokilā sakalā citrā	262
Āraddhavīriye pahitatte	215	Gāme vā yadi vāraññe	252
Āsāya kasate khettaṃ	57,	Gokaṇṇā sarabhā rurū	262
	259		
Itthabbhūtā anekā te	260	[Ca]	
		Campakā salaḷā nāgā	260
[U]		Citrā surūpā sussaṛā	262
Uttiṭṭhe nappamajjeyya	265	Cutiṃ yo vedi sattānaṃ	255
Udumbarā'ruṇā vaṇṇā	260		

Paṭhamapādā	Piṭṭhaṅkā
[Ca - Cha - Ja]	
Coro yathā sandhimukhe gahīto	23
Chinno pāso migavassa	21
Jambū sumadhurā nīpā	260
[Ta]	
Taṃ kāmaṃ ahamujjhivā	15
Tasmā hi paññāva dhanena seyyā	23
Tiṇḍukāni piyālāni	260
Tittirā susarā sārā	263
Tidhā pabhinnā chaddantā	261
Tesu tesu padesesu	263
[Da - Dha]	
Dāyādakā tassa dhanam haranti	22
Disvā isim paviṭṭham	277
Dīpī acchā taracchā ca	262
Dumapphalānīva patanti māṇavā	23
Dumāni phullāni manoramāni	56, 258
Doso rajo na ca pana reṇu vuccati	10
Dhammam care sucaritam	265
Dhammapīti sukham seti	226
[Na]	
Na kho me mahāsamaṇa garu	276
Na dīghamāyurim labhate dhanena	22
Nava koṭisahasāni	253
Nassantu me pañca verā ca pāpā	303

Paṭhamapādā	Piṭṭhaṅkā
[Na]	
Nā'tisītam nā'ti-uḥham	57, 259
Nigrodham paṭhamam passi	249
Nīluppalamakīṇṇā	263
Nīlā atha lohitikā	277
Nerañjarāyam Bhagavā	276
Nevā'tisītam na panā'ti-uḥham	57, 259
[Pa]	
Pañcamam himavantaṃ so	250
Pattamhi odahitvā	277
Padumam yathā kokanadam sugandham	8
Paricīṇṇo mayā satthā	24
Passa cittakataṃ bimbam	21
Passa cittakataṃ rūpam	21
Passāmi loka sadhane manusse	22
Pāmojjabahulo bhikkhu	215
Pītisukhena vipulena	215
Puṇḍarīkehi sañchannā	263
Punappunam ceva vapanti bījam	57, 259
Punappunam yācanakā caranti	57, 259
Punnāgā giripunnāgā	260
Pūjito pūjaneyyanam	298
[Ba]	
Buddhassa puttomhi asayha- sāhino	58, 260, 264
Buddhopi Buddhassa bhaṇeyya vaṇṇam	91
Byagghā sindhavā nakulā	261

Paṭhamapādā	Piṭṭhaṅkā	Paṭhamapādā	Piṭṭhaṅkā
[Bha - Ma]		[Sa]	
Bhāvento satipaṭṭhāne	215	Sace imassa kāyassa	230
Bhiṅkā kurarā sārā	262	Sace neresi attānaṃ	50
Makkhañca asahamāno	277	Saddhāyāhaṃ pabbajito	23
Maggassa ubhatopasse	263	Sabbadiṭṭhiṅca maddanto	303
Madhupphaladharā niccaṃ	260	Sasā siṅgālā nakulā	262
Mayūrā nīlagīvā te	262	Sahassamapi ce gāthā	238
Mallikā jātisumanā	261	Sā Gotamī kālakatā	
Māvoca pharusam kiñci	50	ito cutā	57, 259
Migā varāhā pasadā	261	Sārakappo Maṇḍakappo	268
Moho rajo na ca pana reṇu vuccati	10	Sindhuvārā sītagandhā	261
[Ya - Ra - Va]		Sihanādena pūjenti	261
Yañca me āsavā khīṇā	15	Sihā kesarasihā ca	261
Yassa gatimna jānanti	255	Suddhodano nāma pitā	
Yassa'tthāya pabbajito	24	Mahesino	57, 259
Yo'maṃ palipathaṃ duggaṃ	248	Supattā gandhasampannā	261
Rāgo rajo na ca pana reṇu vuccati	10	Suvaṇṇacitrahaṃsā ca	262
Rājā ca aññe ca bahū manussā	22	Setapulinasamkiṇṇā	263
Rājā pasayhappathaviṃ vijetvā	22	Setavālukasañchannā	263
Rukkhamūlagahanaṃ		So ḍayhati sūlehi tujja- māno	22
pasakkiya	290	[Ha]	
Vātarogābhiniṭo tvaṃ	215	Haṃsā koñcā sunadā te	262
Vīro have sattayugaṃ		Hintāla tālapantī ca	260
puneti	57, 259		